



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.


Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>















LES  
SÉRIES  
DE  
GVILLAVME BOVCHET

*Sieur de Brocourt,*

AVEC NOTICE ET INDEX

PAR

C. E. ROYBET

TOME SECOND



PARIS,  
ALPHONSE LEMERRE, ÉDITEUR,  
27-29, passage Choiseul, 27-29.


M. D. CCC, LXXIII.



STANFORD UNIVERSITY LIBRARIES









**LES SEREES**

**DE**

**GVILLAVME BOVCHET**

LYON

IMPRIMERIE ALF. LOUIS PERRIN & MARINET



LES  
SERIES  
DE  
GVILLAVME BOVCHET  
*Sieur de Brocourt,*  
AVEC NOTICE ET INDEX  
PAR  
C. E. ROYBET  
—  
TOME SECOND



PARIS,  
ALPHONSE LEMERRE, ÉDITEUR,  
27-29, passage Choiseul, 27-29.

M. D. CCC. LXXIII.

844.3

B75s

v. 2

20015



PREMIER LIVRE  
DES SEREES

de  
GVILLAVME BOVCHET,  
Sieur de Brocourt.



SIXIESME SEREE

*Du Poisson.*

**L**E iour deuant ceste Seree, qui estoit le leudi, on bailla le bouquet à vn des nostres pour le lendemain : qu'il refusa, toutesfois en riant : disant qu'il coustoit dauantage de bailler à souper à vn iour maigre, parce que le poisson est plus cher que la chair, & puis le beurre, qui valoit dix sols la liure, & aussi qu'on boit plus en mangeant du poisson que de la chair, encore que le poisson soit plus humide, & aussi qu'on ne trouuoit pas le poisson à point nommé, & qu'il ne rassasie pas tant que la chair, à ceste cause qu'on deuoit bien couvrir la table à iour de poisson. Parquoy il prioit la compagnie de le tenir pour excusé, s'ils n'estoient bien traictez. Vn des nostres alors

luy va dire, que pour s'oster de la peine de s'excuser, il ne falloit que bien apprestier à souper, & nous traicter bien.

La plus-part de ceux de nos Serees aimans mieux le poisson que la chair, s'y trouuerent tous : tant pource que c'estoit du poisson de la mer Oceane, qui est beaucoup meilleur, plus gras, plus grand, que celuy de la mer Mediterranee, comme en peuuent iuger ceux qui en ont mangé de ces deux mers, que aussi c'estoit en Septembre, & que depuis Septembre iusques en Mars la maree est la meilleure, & toutesfois, comme dit Bodin, le plus que nous en mangeons c'est en Mars & Aueil, quand elle est la pire : car en Mars le poisson commence à frayer, & perd son goust : parquoy ne se faut esmerueiller s'il fasche à plusieurs d'en manger en ce temps-là. D'entree de table quelqu'un se va esmerueiller comme vne contree de mer abonde en vne sorte de poisson, & l'autre n'en a point : vne espee de poisson n'allant point courir dedans la region assignee à vne autre, mais se contente de ses bornes & limites : toutesfois, disoit-il, il n'y a montaignes ne murailles, qui les separent, & n'y a point d'arpenteur de terre qui leur ait borné leurs limites. Puis on fit vne question, à sçauoir si le prouerbe commun estoit veritable, qui dit, Il n'est que ieune chair & vieil poisson : car estant le poisson ieune, & d'humeur & fuc trop fade, pour estre du tout semblable à son element aqueux, s'enuieillant, l'aquosité baueuse s'euaپore, & le bon fuc naist : & comme és bestes vieillissantes la chair s'endurcit, és poissons grossissans la substance s'affermit. Que si on le prend, comme ceux qui

font friands de chair le prennent, il n'y aura pas grande difficulté : mais le prenant sainement & au pied de la lettre, il y en eut vn de la Seree qui disoit que soit de chair ou de poisson, les ieunes animaux estoient tousiours les meilleurs à manger : car alors, adioustoit-il, la chaleur & l'humidité se trouuent en leur grand'bonté, qui manquent aux vieux animaux, qui à ceste cause sont secs, & sans suc, & ainsi fort durs, & sans goust. Et m'esbahis des Medecins, que le peuple a fuiuy, ou ils ont fuiuy le peuple, qui sont grand cas d'un chapon vieux, & pour les sains & pour les malades : combien qu'il soit dur sec, sans suc, & sans grande nourriture : n'ayans esgard à la commune voix, qui dit, leune chair & vieux poisson.

Vn autre luy repliqua, que tant la chair que le poisson est lors le meilleur, quand il n'est ne trop ieune ne trop vieux : sa raison estoit, que le ieune est trop humide, parce qu'il n'est gueres loing de sa natiuité & naissance : le vieux dur & sec, sans suc ne humidité, estant bien loing du commencement de sa generation. Et va puis apres bailler vne exposition à ce triual proverbe, Il n'est que vieux poisson : C'est, expliquoit-il, que le poisson soit grand & gros, & gras, estans les vieux communément plus gros, & grands, & plus gras que les ieunes. Et ainsi l'entendoit, disoit-il, celui qui au bas de la table prenoit vn petit poisson qu'on auoit seruy deuant luy, & le mettoit à son oreille, & quand ceux qui estoient au hault bout, & en la place des niais, luy demanderent pourquoi il faisoit cela, il respond, qu'il demandoit à ce petit poisson, si la riuere où il auoit esté prins estoit bien creüse & dangereuse, & que ce petit poisson luy

auoit dit qu'il le falloit pluſtoſt demander à ces bons & grands peres, qui eſtoient au plus hault de la table, le ſçachans mieux que luy. Pour corroborer ce qu'il auoit dit, que le gros & grand poiſſon eſtoit le meilleur, il va faire vn Axiome : Que lors que l'animant eſt venu à ſa iuſte croiſſance, c'eſt lors qu'il eſt en ſa fleur de bonté, & le meilleur : parce, diſoit-il, que de deux poiſſons de meſme grandeur, de meſme mer & riuere, prins & mangez en meſme temps, accouſtrez en meſme façon, il ſ'en trouuera vn bon, & l'autre mauuais : & c'eſt que l'vn eſt ieune & en ſa iuſte croiſſance, & l'autre eſt vieil.

Il y en eut vn autre qui ne ſ'accordoit pas à cela, que le poiſſon print ſa bonté pour eſtre ieune ou vieux, ou ſa iuſte croiſſance : mais faiſoit ceſte diſtinction. Si les poiſſons ſont mols & tendres, les vieux poiſſons ſont meilleurs que les ieunes : parce, diſoit-il, que quand le poiſſon eſt mol & ſans fermeté, cela prouient de l'humidité, qui n'eſt pas digeree au ieune poiſſon, comme elle eſt aux vieux : dont il aduient que les ieunes poiſſons engendrent plus de flegmes que les vieux. Mais ſi les poiſſons ſont durs & fermes, les ieunes ſont plus ſains & meilleurs, & de plus facile digeſtion : car la dureté reſiſte à la digeſtion, le vieil poiſſon ayant moins d'humidité que le ieune : le vieil poiſſon ſe cognoiſſant quand il a les eſcailles dures.

Il luy fut repliqué, que ce qu'il auoit dit pouuoit auoir lieu és poiſſons de diuerſes eſpeces, mais non pas au poiſſon de meſme eſpece, qui prend ſa bonté ſelon la riuere où il a eſté nourry & peſché, & non ſelon l'age

& grandeur. Et qu'il soit ainsi, acheua-il de dire, vous trouuerez en vne riuiera ou estang du poisson fort petit, qui fera meilleur que le gros & grand d'une autre riuiera, encores qu'ils soient de mesme genre : comme vne carpe de Clan fera meilleure qu'une de Vienne, si toutes fois ne sera pas si grosse & grande.

Vne Fesse-tondue va dire qu'il croioit que le poisson grand & gros, de quelque aage & riuiera soit-il, estoit tousiours meilleur que le petit & menu : mais qu'il soit aussi sain, i'en doute, à cause que la grosseur & grandeur du poisson, monstre vne grande humidité : qui fait que les Medecins baillent plustost à leurs malades des petits poissons que des gros. Et aussi qu'en matiere de poisson les femelles sont plus grosses & grandes que les masles, & les masles sont meilleurs que les femelles, excepté l'anguille, & en Latin le *Silurus*.

Or pour vous monstrier qu'on court plustost au gros & grand poisson, comme meilleur, plus vif, & de longue vie, escoutez comme vn mendiant d'une douzaine de carpes sceut bien choisir la plus grande & plus grosse, & la plus viue : car on dit que le plus vif poisson est le meilleur.

Voicy l'histoire au vray. Ce Frere apres auoir presché tout le iour en vne Parroisse, se retira pour coucher & souper en la maison d'un gentilhomme : lequel pour le bien festoyer luy dit qu'il allast luy-mesme au viuier & gardouer, & qu'il apportast la plus belle carpe. Il y fut, il en print deux, vne qu'il apporta pour le souper, & l'autre, qui estoit la plus grosse, & la plus grande, & la plus viue, fut pour luy : qu'il attacha à ses chausses, avec vne esguillette, au deffous de son habit.

Après le souper, le seigneur de la maison, sa femme, ses filles, ses Damoiselles se retirèrent vers le feu, & le Frere aussi, après auoir dict les graces. La carpe qu'il auoit dessous son habit, sentant la chaleur, se remuë, & sautille bien fort, tellement que par fois elle faisoit leuer son habit : il met la main dessus pour couvrir son larrecin : tant plus il la presse, tant plus elle fretille, faisant tousiours leuer sa robbe : si bien que les Damoiselles ne se pouuoient garder de rire, pensant que ce fust autre chose. Se regardans l'une l'autre, elles se mettent si fort à rire que le Seigneur de la maison voulut sçauoir de quoy elles rioient. Ces filles ne pouuoient honestement luy dire qui les incitoit à rire si fort.

Ce Frere pensant que ces Damoiselles seroient mal edifiees de ce que son habit se leuoit & baissoit, & qu'elles songeroient à l'infirmité de la chair, pour leur monstrier que ce n'estoit pas l'esguillon de la chair qui faisoit leuer sa robbe, leuant son grand habit leur va dire, Tenez, regardez, ce n'est pas ce que vous pensez, friandes : car vous estimez que ce soit de la chair, & c'est du poisson. Mais les filles ne virent ne chair ne poisson : car cuidans qu'il voulust monstrier ce qu'elles imaginoient faire sautiller son habit, & qui les faisoit rire, mirent la main au deuant de leur visage.

Le gentil-homme, & sa femme, qui ne sçauoient de quoy les Damoiselles rioient, & qui les auoit fait cacher, virent bien la carpe, & cogneurent bien que ce Frere n'auoit point foucy du lendemain : mais ils ne firent pas semblant d'auoir veu la carpe, & ne s'en firent que rire. Que si ce Frere eust tenu aussi bon que l'enfant Lacede-



monien, qui aima mieux estre rongé le ventre par vn Renard qu'il auoit defrobé, que se descourir, on n'eust rien sceu de son larrecin, ny pourquoy les Damoiselles rioient si fort : car elles qui pensoient plustost à la chair qu'au poisson, ne se fussent iamais auancees de dire qui les faisoit ainsi rire. Le conte acheué, il ne se trouua personne qui n'eust aussi grand'enuie de rire que les Damoiselles.

Les femmes qui estoient en ceste Seree, vont dire à nostre Fesse-tonduë, qu'il contreuenoit à l'ordonnance qu'on auoit faicte, qui estoit de ne sortir hors du propos commencé, & que parlant de la chair, ils sortoient hors du sujet de la Seree, qui estoit du poisson. Parquoy se remettans aux premieres erres, quelqu'un va demander, Qui fait qu'il y a du poisson qui n'est pas si tost fort de l'eau qu'il ne meure, ou bien tost apres, & cestuy sera bien achepté tout mort : & qu'il y en a d'autre qui vit long temps apres estre sorti de l'eau, & ne sera achepté s'il ne grouille ?

Les vns disoient que le poisson ne pouuoit gueres viure hors de l'eau, à cause qu'il est froid de nature, & sentant la chaleur de l'air, il est contraint de mourir. Les autres disoient qu'il ne mouroit point estant hors de l'eau, à raison de la chaleur, qui luy est contraire, estant froid de nature, mais pourautant qu'il n'est pas en son lieu naturel : tout ainsi que l'homme ne peut viure en l'eau, ouy bien en l'air.

Il y en auoit qui n'approuuoient pas vne de ces deux opinions, mais affermoient que les poissons ne pouuoient viure estans fortis de l'eau, dautant qu'ils n'ont

point de respiration, pour pouvoir humer l'air : tellement que ce que l'air est aux animaux terrestres, l'eau l'est aux poissons : & comme les animaux terrestres s'estouffent en l'eau, ainsi les aquatiques s'estouffent en l'air. Et combien qu'ils n'ayent point de poulmons, les ouïes, qu'ils remuent & eslargissent, & par lesquelles ils prennent & reiettent l'eau, leur seruent de poulmon pour la respiration. Toutesfois ils ne rendoient point la raison pourquoy vne sorte de poisson viuoit plus que l'autre, tous deux estans hors de l'eau : mesme que le haranc n'a pas si tost prins l'air, qu'il est mort. Et l'anguille peut demeurer viue huit iours sans eau, durant le vent d'Aquilon. Puis vn de la Seree nous conta auoir veu en Angleterre diuiser le ventre d'un brochet, en Latin *Lucius*, pour monstrier son lait, sans qu'il en mourust : car ayant esté recoufu & ietté en vn viuier, où il y auoit des tanches, il guerist.

Vn de nostre Seree, ne voulant laisser passer ce qu'on auoit dict du haranc, nous va asseurer qu'il auoit veu à Poitiers des harancs en vie, combien qu'il soit à plus de vingt lieuës de la mer. Son seruiteur qui auoit apporté sa torche, pensant bien luy aider, afferma qu'il auoit veu des harancs forets en vie, dicts par les Latins, *haleæ nocturni*. On se print si fort à rire qu'on oublia à dire pourquoy le haranc mouroit incontinent qu'il auoit prins l'air, aussi bien que le Dauphin, plustost que tout autre poisson. Et en lieu de cela, quelqu'un demanda pourquoy les harancs, plustost que tout autre poisson, venoient à grand'troupe depuis la mer Septentrionale iusques à la mer du Couchant, contre le naturel de

tout poisson, qui le plus souuent va contre l'eau & la maree, de peur que le vent & la maree ne redresse & face enleuer ses escailles.

Il fut respondu qu'il y auoit bien d'autre poisson que le haranc, qui à certain temps voyage & change de region. La raison estoit, à son aduis, pour iouir de la temperature de l'air couchant. Car ayant prins le poisson son aise en la mer du Septentrion tout l'esté, estant son eau plus douce que des autres mers, le poisson de la mer aimant les eaux douces, qui le fait souuent monter contre les riuieres, si tost que l'Hyuer reuient, il s'en retourne és lieux qui sont plus frappez du Soleil, plus chauds, & plus profonds, moins agitez des vents, fuyant les tempestes Septentrionales : car la mer Septentrionale estant fort platte, est plus subiecte aux grands vents, ayant le riuage bas, & peu de lieu où elle se puisse gayer & espandre, si bien que le vent mesle souuent le sable avec les flots : & voilà pourquoy le poisson voyage & change de region.

le me contente de ceste raison, va dire quelqu'un, moyennant qu'on me die pourquoy la mer Septentrionale a son eau plus douce que les autres mers. Il luy fut respondu, que c'estoit à cause que le Soleil estant moins ardent & brullant sur ceste mer, ne tiroit pas par ses rayons toute l'eau douce qui y est, comme il fait és autres mers.

Vn de la compagnie sans sortir hors du propos des harancs, en va faire vn plaissant conte, & commença ainfi, si j'ay bonne memoire : l'auois vn mien amy qui se tenoit près de la poissonnerie, & près d'un vendeur de poisson

salé. Ce poissonnier auoit fait grand' provision ce Carefme de harans blancs : & estans fort chers, les pauvres gens disoient qu'ils estoient empoisonnez, pleins de serpens, & de vers. Avec ce bruit, il arriua que ce mien amy, voisin du poissonnier auquel il vouloit mal, commanda, vn premier iour de Carefme, à sa chambriere, de mettre vn haranc sur le gril, pour son desjeuner, puis l'enuoya en la caue : laquelle estant de retour trouuant que le chat auoit mangé le haranc, de cholere, luy baille si doucement d'un baston sur la teste qu'elle tue ce chat. Son maistre oyant le bruit monte en la chambre, & sçachant pourquoy sa chambriere auoit tué son chat, il le prend, & le iettant par la fenestre au beau milieu de la poissonnerie, il va crier tout haut ; Ce chat est mort pour auoir mangé d'un haranc. Cela diuulgué par toute la poissonnerie, puis par toute la ville, personne ne vouloit achepter ne manger des harans : tout le peuple disant que c'estoit vn homme de bien qui l'auoit dit, & que s'il n'eust esté vray, qu'il ne l'eust pas dit. Le poissonnier sçachant cela, & que ses harans luy demeuroident sur les bras, met son voisin en iustice, disant qu'il luy vouloit mal, & qu'il auoit controuué ces paroles pour empescher la vente de ses harans. Il fut ordonné que celuy qui auoit semé ce bruit seroit ouy par sa bouche. Estant deuant le Iuge, il perseuere à ce qu'il auoit dict, que ce chat qu'il auoit ietté par la fenestre estoit mort pour auoir mangé vn haranc, & qu'il le prouuerait par sa chambriere, qui auoit tué le chat, pourautant qu'il auoit mangé vn haranc qu'elle auoit mis sur le gril, ce pendant qu'elle alloit querir du vin pour le desjeuner.

Le luge, & tous ceux du iugement, se prenans à rire mirent les parties hors de Cour & de procès, & sans despens.

De punir la chambriere, nous ne sommes pas Egyptiens, qui punissoient ceux qui tuoient les chats, & avec vn grand dueil les inhumoient, & ne tenons la superstition des Romains, qui ont fait cest honneur aux chats que de les mettre pour deuise aux enseignes des troupes d'Auguste. Tous ceux de la Seree de force de rire se refuseillerent les vns les autres, & mirent en dispute lequel poisson estoit le meilleur & plus sain, le poisson de mer ou celuy d'eau douce. Il fut arresté que le poisson de mer bailloit vn nourrissement qui n'auoit pas tant de superfluité que celuy d'eau douce : mais parce que le poisson de mer est plus ferme & dur que celuy d'eau douce, il se digeroit plus difficilement, combien qu'il soit de grande nourriture.

A ceste cause, disoient-ils, le poisson d'eau douce est meilleur pour les malades, qui digerent difficilement, à cause de leur estomach qui est debile, & le poisson de mer est meilleur aux sains, nourrissant dauantage. Que si au poisson d'eau douce y a quelque viscosité, frigidité, & humidité, qui nuirait aux malades, elle est corrigee par le sel qu'on y met en cuisant. Et si fut affirmé qu'il n'y auoit viande au monde qui plus humectast que le poisson frais, & qu'il n'y auoit aussi rien meilleur pour les choleres, estant le poisson froid & humide, & les choleres chauds & secs. Mais demanda quelqu'un, puis que tout poisson est froid & humide, qui fait qu'apres en auoir mangé, on est plus alteré que si on auoit mangé

de la chair, qui n'est pas si humide & froide, veu que la soif n'est qu'un appetit d'humeur & de froideur? Il luy fust respondu, que le poisson estant flegmatique, c'est à dire, froid & humide, se cuisoit & digeroit difficilement dans le ventricule : par ce demeurant long temps en l'estomach, il se pourrit par la chaleur estrange, qui est & domine en toute putrefaction, dont vient la soif qui est causee de ceste chaleur estrange. Il ne s'enfuit pas pour cela, va dire un friand de poisson, que si le poisson altere plus que la chair, il ne soit aussi bon, aussi sain, & aussi delicat, & friand que la chair : car s'il altere, ce n'est que par accident. Et parce que le poisson se corrompt aisement, dont vient l'alteration, il sera bon en mangeant du poisson de manger force pain, lors le poisson ne vous fera nul mal : mais que le poisson apres qu'il est cuit, & estant encores chaud, ne soit laissé en lieu humide : car il feroit fort dangereux, & feroit telle nuisance que font bien souuent les potirons, en Latin *fungi*. Et pour empescher que le poisson ne face mal, & aussi à fin qu'il soit meilleur, & plus sain, il le faut faire bouillir & accoustrer avec du vin, si nous croyons le proverbe qui dit, que le poisson depuis qu'il a perdu l'eau, ne la doit plus sentir : de là vient que la saulse d'Allemagne est meilleure, non seulement au goust, ains plus saine.

Les ancens, adioustoit-il, auoient le poisson en si grande recommandation, & le prenoient pour si bon augure, qu'il falloit que le nouveau marié, sortant premierement de la maison, qui estoit le septiesme iour, achetast du poisson, lequel estoit ietté par une de ses

parentes sur les pieds de la nouvelle mariee. Entre les Turcs le poisson est en telle estime, que les Mahometans leur jettent du pain en l'eau où ils sont, pour l'amour de Dieu.

Quel animal, va-il dire en continuant, est plus net & plus sain que le poisson, veu qu'on dit, il est sain comme le poisson en l'eau ? Et comme dit monsieur Bodin, il n'est point ladre, ainsi qu'est le pourceau & le lieure : teigneux, roigneux, & farcineux comme le mouton & la brebis, qui est tousiours morueuse & hydropique, plein d'apostumes comme le bœuf : il n'est point subiect au mal caduc, ainsi que sont les cailles & coqs d'Inde : aux inflammations, comme les poules & chappons : aux poulx, comme les pigeons. Et si on ne meurt point subitement, adiousta-il encores, pour auoir mangé du poisson, comme on fait pour auoir mangé de la chair : car si vous mangez de la chair d'une beste qui aura mangé d'une autre beste veneneuse, auant que le venin soit bien digéré, alteré & changé de sa nature par la chaleur, vous en mourrez : car on void souuent de la poulaille qui mange des serpens. Et ne suis pas de l'opinion de Mattheole, qui tient que les animaux veneneux mangés par autres bestes ne peuuent nuire. Il y a du poisson, va repliquer vn de la Seree, qui est bien plus dangereux que vous ne dites : car les Egyptiens, & S. Ambroise, qui suit saint Basile, maintiennent avec Nicandre, que les murenes sortans de la mer se mettent sur la terre, & lors frayent & s'accouplent avec les serpens. Celuy qui estimoit tant le poisson, respond qu'Andreas Physicien, avec Aristote, dit que ce n'est que mensonge de dire

que la murene s'accouple avec les serpents : mesmes il tient, contre Aristote, que les murenes ne se prennent point en terre : que si elles n'eussent esté bonnes, Cesar n'en eust pas tant donné au peuple Romain en vn sien triomphe : qui emprunta de C. Hircius six mille murenes, qu'il fit seruir à table en vn festin de son triomphe. Je ne croirai aussi iamais, disoit-il, que le lieure de mer mangé soit vn poison à l'homme : combien que Philostrate tienne que Domitian empoisonna l'Empereur Titus avec ceste viande, dont Neron s'aidoit à l'encontre d'aucuns. Que s'il y eust eu du poison veneneux, les anciens ne l'eussent pas tant estimé, & eu en si grande reuerence : car ils ont pensé toute chose maritime sacrée, & si faisoient conscience de pescher, & plusieurs poissons estoient nommez sacrez : comme nous trouuons en Martial,

*Portez l'acipenser aux tables palatines,  
Ornez de beaux presens les viandes diuines.*

Ce poisson acipenser, que les François appellent Esturgeon, & ceux de Bordeaux Creal, ne se seruoit iamais à la table des Romains sans vne grand'pompe, les ioüeurs d'instrumens allans deuant, & ceux qui le seruoient estans couronnez : comme ils auoient de coustume, en seruant à la table les choses rares, de faire marcher la lyre & violon deuant ceux qui les seruoient. On dit que ce poisson a les escailles tournees vers la teste, vnique en cela.

Diodore dit, adioustoit-il, qu'en Sicile il y a vne fontaine, qu'on nomme *Arethusa*, qui est pleine de poissons



si sacrez qu'on n'en oseroit manger : que si quelque estranger en mange, il s'en trouuera mal. Que si nous voulons adiouster foy à aucuns, qui disent que tant plus les animaux sont de longue vie, tant meilleurs & sains sont-ils à manger, le poisson emportera le prix : car on a trouué des poissons ayans vn collier au col, par lequel on cognoissoit qu'ils auoient vescu deux cents ans : la longue vie prouenant d'une bonne humidité, difficile à corrompre, avec vne chaleur parfaite : laquelle humidité ne peut estre consommée par la chaleur du Soleil : ce qui est cause que les animaux de mer sont plus grands, que ceux de la terre : la vertu du Soleil corrompant l'aliment des animaux qui vivent sur la terre, ce qu'il ne peut faire aux animaux cachez sous les eaux. Que le poisson soit de longue vie, adioustoit-il encores, Gesner escrit que l'an de salut 1497. fut prins vn brochet en vn estang près de Haylprun, cité Imperiale de Siene, lequel auoit vn anneau de cuiure attaché à ses brouches & oreilles, auquel estoit escrit en caracteres Grecs, Je suis le premier poisson qui fut mis en cest estang par les mains de Federic second Gouverneur du monde, le cinquiesme d'Octobre 1230. De forte qu'il apparoit, que ce brochet auoit vescu en cest estang 267. ans.

Il fut adiousté à tout cecy, pour prouuer la bonté du poisson, & sa delicatesse, que iamais les anciens n'ont fait leurs grands festins sans poisson, encores qu'ils l'acheptassent au prix de l'or, aussi bien qu'un mulet qui a esté acheté de nostre temps par vn Seigneur de France au poids de l'or : lequel disoit qu'il n'estoit saulce que de cherté, le coust luy donnant bon goust : car quand il

estoit près de la mer, il ne mangeoit point de poisson, & quand il en estoit esloigné, il en vouloit.

Nous trouuons aussi, adioustoit-il, que les poissons delicats, comme le Mulet, le Turbot, la Dorade, l'Esturgeon, la Murene, s'achetoient au prix d'argent pur & sec. Et qu'il y eust vn friand, qui ne merite pas d'estre nommé, qui paya deux cents escus d'un mulet de mer, ne pesant que deux liures, qui estoit l'acheter au poids de l'or.

Caton le Censeur aussi trouuoit cela si estrange, ce dit Plutarque, qu'il asseure qu'une ville ou vn pais ne scauroit gueres durer, où vn poisson est vendu plus cher qu'un bœuf. Et aussi que les Romains ont laissé par escrit qu'il y auoit plus de quatre cents sortes de poissons bons à manger, & qu'il n'y auoit pas quarante sortes de bestes terrestres, qui puissent seruir de nourriture. Qui est pour monstrier que Dieu n'eust pas créé tant de poisson, qui ne couste rien à nourrir, qui n'est iamais malade, qui est si net, s'il n'eust esté bon. Et le premier Empire qui nous est baillé, est sur les poissons, quand il est dit en Genese, que l'homme commande sur les poissons.

Encores qu'on die, replica quelqu'un, Il est sain comme le poisson en l'eau, si est-ce que j'ay veu respan dre sur l'eau des estangs & viuiers du persil, & qu'on disoit que cela resiouissoit & guerissoit les poissons malades. Et si Senèque dit qu'il y a dans des cauernes & fosses de la mer, des eaux cachees, qui viennent à desborder de là, avec grande quantité de poissons, qui sont mortels à ceux qui en mangent, parce qu'ils sont engressiez & nourris à l'ombre.

Dauantage Gefner dit qu'il s'est trouué vn poiffon ayant la figure si hideufe, qu'on le difoit estre vn diable de mer, avec cornes & oreilles. Il peut estre, luy fut-il respondu, qu'en la mer y ait quelques monstres, comme il en y a sur la terre. Galien aussi a escrit qu'il se trouue en la mer vn poiffon, qu'il nomme *Ouranoscope*, lequel regarde le Ciel, combien qu'il regarde plus l'eau que le Ciel : car il n'y a que l'homme qui ait la face esleuee au ciel, à ceste cause on dit que les Grecs l'ont nommé *anthropos*.

Le ne scay, va dire vn de la Seree, quel poiffon c'estoit que certains Charlatans monstroient à Paris l'an 1587. estant en vie, qu'ils nourrissoient dedans l'eau, & gaignoient leur vie le monstrans au peuple, le faifans tourner d'un costé sur l'autre, avec mugissement.

Celuy qui aimoit tant le poiffon, reprenant ses premiers arremens, va dire que les Grecs n'auoient pas moins estimé le poiffon que les Romains, & qu'ils l'auoient trouué aussi friand & delicieux : & le prouuoit de ce que les friands ont esté par eux appelez *Philopsoi*, & *Opfophagi*, ce dit l'Autheur du Dialogue du nouveau langage Italiannizé, n'ayans les Grecs entendu le mot *opson* de la chair, mais du poiffon, par excellence, comme tesmoignent Athenée & Plutarque.

Regardez, adioustoit-il, que faisoit Antagoras le Poëte, quand le Roy Antigonus le trouua en sa cuisine, & sa gentile responce. Vous fouuienne, comme dit Plutarque, que Demosthene reproche à Philocrate, qu'il acheptoit des putains & des poiffons : & ce que Ctesiphon dit à vn gourmand, qui crioit en plein Senat, qu'il creueroit

plutoſt : Garde toi bien, dit-il, mon amy, de le faire : car tu nous ferois manger icy aux poiſſons. Nous trouuons, diſoit-il, que la Royne des Syriens, nommee Gatſis, aima tant le poiſſon, qu'elle fit proclamer que nul n'eut à manger aucun poiſſon ſans elle.

Vne de nos femmes de la Seree lors va dire, le ne ſçay comme il y a des femmes qui aiment tant le poiſſon : car quant à moy i'aimerois mieux vne poignée de chair qu'un plein plat de poiſſon. Celuy qui parloit de la bonté du poiſſon, voyant que ceſte femme auoit rougy de ce qu'on s'eſtoit prins à rire, pourſuiuit en ceſte forte.

Les Romains auoient le poiſſon en ſi grandes delices, qu'en Eſté ils faiſoient ſouuent en leurs ſales baſſes couler de l'eau freſche & clere dans les canaux au deſſous d'eux, où il y auoit force poiſſon en vie, que les aſſiſtans choiſſoient & prenoient en la main pour le faire appreſter chacun à ſon gouſt : car le poiſſon a touſiours eu ce priuilege, comme il a encores, que les grands ſe meſſent de le ſçauoir appreſter : repetant ſouuent le prouerbe militaire, qui dit, Celuy n'eſtre ſoldat, qui ne ſçait appreſter ſon diſner : les grands ayans touſiours eſté ſi curieux du poiſſon, qu'on trouue qu'un Romain nommé Vedius Pollio, du temps d'Auguſte, fut ſi friand de poiſſon, qu'il le nourriſſoit dans ſes viuiers de la chair de ſes ſerfs, qu'il leur bailloit pour nourriture, apres les auoir tuez, à fin que ſes poiſſons nourris de chair humaine fuſſent plus delicats. Plutarque dit que Craſſus auoit vne lamproye, laquelle eſtoit ſi appriuoſee qu'elle luy obeïſſoit, dont luy auoit donné vn nom comme à vne

beste domestique, & l'appellant la faisoit venir vers luy : laquelle estant morte il pleura.

Les Romains gardoient ces lamproyes en leurs viuiers : parce qu'aucuns disent que la lamproye est poisson veneneux en la mer, mais qu'il est rendu bon, quand il est degorgé, & entré dans les grands fleuves. Mesmes qu'Antoine Loys Medecin dit que manger des lamproyes est fort bon, pour resister au venin de la peste, par vne vertu & propriété naturelle : & que le mâle des lamproyes est tout d'une couleur, & que la femelle est marquée, sans dire laquelle est la meilleure. Et à fin que ne trouuiez estrange la priuauté de la lamproye de Crassus, plusieurs auteurs ont escrit que les bestes aquatiques se pouuoient appriuoiser, entre lesquelles on nomme les anguilles, principalement celles qui se tiennent en la fontaine d'Arethuse : là où Athenée dit auoir veu des anguilles si priuees qu'elles prenoient du pain, du fromage frais, & de la tripaille des sacrifices, entre les mains de ceux qui les appelloient. En passant, il fut dict, que les anguilles mortes ne reuenoient iamais sur l'eau, comme les autres poissons.

C'est vn grand cas, va dire vn autre, de la diuersité des poissons : car nous trouuons que l'Empereur Vitellius se fit seruir pour vn souper de mille sortes de poissons. Ce qui donna occasion de dire, à quiconque ce fut, qu'une seule forest suffist pour repaistre plusieurs Elephans, qui sont grandes bestes, là où l'homme seul à grand'peine se contente-il de tout ce que la terre & la mer peuvent nourrir. Qui est pour monstrier que si le poisson n'eust esté delicieux, les grands seigneurs n'eussent esté

si curieux d'en couvrir leurs tables, pluſtoſt que d'autres viandes, & n'euffent pas tant deſpendu d'argent à conſtruire leurs viuiers, & à les achepter.

Nous trouuons que Caton, curateur de Lucullus, vendit vn grand prix les piſcines & viuiers de ſon mineur, pour l'acquitter. Et que l'Empereur Caracalle a tant chery le traité de poiſſons d'Oppion, que de luy donner de chaque vers autant de ducats. Et que les Romains ne faiſoient leurs plus friands banquets que de poiſſon : ce que teſmoigne l'Empereur Caligula, qui fit vn feſtin de poiſſon, qui dura fix mois : & pour le faire, on peſcha toute la mer Mediterranee : apres auoir prins tout le poiſſon qui eſtoit dans leurs viuiers & reſeruoirs ſi amples, qu'ils n'eſpargnoient rien à les conſtruire. Et ſi les Romains eſtoient ſi ſoucieux de poiſſon, qu'ils le domeſtiquoient & appruiſoient de telle forte qu'il venoit manger en leur main au bout de leurs viuiers, au ſon de leur ſifflet : quelquesfois leur attachans de petits affiquets, & lames d'or & d'argent, aux oreilles. Encôres aujour-d'huy tout le païs de Grece & de Turquie, eſt plus friand de poiſſon que de chair, la chair leur ayant toujours eſté inferieure au poiſſon. Si bien qu'encores aujour-d'huy les Religieux d'Egypte ſ'abſtiennent toute leur vie de manger du poiſſon, penſans ſe prier d'auffi grandes delices comme font nos Moines, qui ſ'abſtiennent de manger de la chair.

Les Romains, adiouſta-il, ont eu le poiſſon en telle eſtime, qu'on les a ſurnommez du nom de quelque poiſſon, qu'ils auoient prins en peſchant, ou qu'ils aimoient : comme fut *Sergius Orata*, & *Licinus Murena* :

aussi bien que s'ils eussent prins le nom d'un pais surmonté par eux. Paul loue trouue mauuais que le Pape Adrien preferoit le Merlus à tous delices & mangiers : ne regardant pas, dit-il, que c'estoit son goust, & son appetit, où il auoit esté nourry : & qu'il ne faut pas chauffer tous hommes à la mesure & forme de son pied.

Quelqu'un luy confeffa le poisson estre plus delicat & friand que la chair, mais non pas qu'il fust si sain : pource, disoit-il, que les Medecins le defendoient : principalement aux sieures, encores que le poisson soit froid & humide, à cause qu'il est de facile transmutation, & aussi subiecte à putrefaction, qui se fait par chaleur estrange : dont le poisson engendre la soif, combien qu'il soit froid & humide, qui esteint la soif.

Que si nous trouuons que les anciens l'ont permis aux malades : c'estoit qu'ils regardoient à leur coustume d'auoir le poisson en grand vſage. Il se trouua vn disciple de monsieur Syluius, qui nous va asseurer que son maistre se moquoit de ces Medecins à l'estuuee, ne sçachans qu'une leçon & routine de caballe, qui defendent indifferemment tout poisson : & disoit que son maistre defendoit seulement le poisson salé, la diuersité des mets de poisson, & la chair & le poisson ensemble : à cause de la diuersité de la concoction : &, comme dit Stuckius, c'est meller le ciel, la terre, & la mer, quand nous mettons en vn mesme lieu les oiseaux, les bestes & fruits, & les poissons, & qui sert de feu, qui est le quatriesme element, les vins forts, l'hypocras, & les espiceries. Parquoy les elemens ainsi mellez & confus, ne se faut esmerveiller s'ils engendrent diuerſes tempestes & maladies en nostre

corps. Et sur tous poissons nostre maistre estimoit ceux de roche, & ceux qui sont prins aux bords de la mer, estre de meilleure digestion que les autres : à cause qu'ils n'ont pas tant de viscosité que ceux qui sont en pleine mer, & aussi qu'ils sont plus friables.

A ce propos Plutarque dit, que Philoxenus disoit, qu'entre les poissons ceux qui estoient les moins poissons estoient les plus saoureux, comme entre les chairs celles qui estoient les moins chairs. Et pour nous montrer que le poisson estoit bien sain, il nous disoit qu'il n'y auoit point peuple qui velquit plus long temps, & sans medecine, ne maladie, que les Islandois, & Ichthyophages, combien qu'ils ne mangent que du poisson. Et que Zenon & Crantor, bons Medecins, renuoyoient au poisson ceux qui se sentoient mal disposez : Galien aussi disant en deux lieux, qu'il n'y a point meilleure nourriture que de poisson de roche.

Le croy, va dire vn Drolle, qu'il n'y a que les auaricieux qui trouuent le poisson mauuais, & de dangereuse nourriture, pour estre fort cher à ceux qui sont vn peu loing de la mer : car vous ne trouuerez iamais les gens chiches à la poissonnerie, mais ouy bien ceux qui se veulent bien traicter : lesquels ne se font que pourmener ordinairement en la poissonnerie, ayans l'oreille tousiours ouuerte à escouter le son de la cloche, quand on deliurera le poisson au marché. Et ceux-cy n'y enuoyent iamais leurs femmes, s'asseurans bien qu'à cause de la cherté elles diroient à leurs maris n'y auoir point de marea. Et non sans raison : car avec la cherté, le poisson couste encores beaucoup à l'accoustrer & fricasser,



comme nous trouuons d'un Laconien, qui ayant achepté du poisson, le bailla à habiller à un tauernier, qui luy demanda du fourmage, & de l'huile pour ce faire. Et lors le Laconien luy dit, Si i'eusse eu ce que tu me demandes, ie n'eusse pas achepté de poisson. La cherté du poisson est confirmee par Caton, qui disoit que l'on vendoit plus le poisson que nulle autre viande qui vint au marché : si bien que declamant contre la superfluité & les delices, disoit qu'un poisson se vendoit plus cher à Rome que non pas un bœuf. Il fut dit aussi que les anciens auoient en si grand honneur le poisson, qu'ils l'auoient transmis iusques au Ciel, & que les Syriens pour leur reuerence n'en mangeoient point : mais seulement faisoient mettre en leurs sepulchres autant de poissons qu'ils auoient tuez d'hommes en guerre : & si firent un Dieu, qui s'appelloit Dagon, parce que c'estoit une idole, qui estoit poisson depuis le nombril en bas, comme nous depeignons Mellusine.

Et à propos de la cherté du poisson, ie vous diray ce qui m'arriua. Il n'y a pas long temps, commença il à dire, que ie trouuay un mien voisin qui alloit à la poissonnerie, & i'en reuenois : il me demanda si i'auois achepté du poisson, ie luy dy que non, parce qu'il estoit trop cher, & qu'il m'eust fallu mettre beaucoup d'argent si i'eusse voulu que toute ma famille s'en fust sentie.

Il me reprocha que i'estois trop chiche, & apres il me dit, Veux-tu bien faire, puis que le poisson est si cher ? achepte-moy pour deux liards d'aulx seulement, ie t'asfeure que tu t'en sentiras plus, & tous ceux de ta maison, que pour un escu de poisson.

le cogneu bien lors qu'il se moquoit : mais escoutez comme il en fut puny. C'est qu'apres m'auoir conuié à dîner, il s'en alla sur les ponts, où l'on vend le poisson d'eau douce : le suiuant de loing, ie le trouue nud teste, & à genoux sur les ponts. le luy demande qu'il faisoit là, il me respond qu'il disoit graces, & qu'il auoit dîné. Puis me conta qu'ayant achepté vne carpe toute viue, & que voulant remettre le retour de son argent en sa bourse, il auoit mis sa carpe sur les accoudouers du pont, & qu'elle n'y auoit pas si tost esté, que faisant le fault de la carpe, elle n'eust faulté en la riuere. Ay-ie pas donc dîné? me demanda-il. Me prenant à rire, ie luy dy que i'auois achepté des aulx pour deux liards, comme il m'auoit conseillé, & que s'il vouloit venir dîner avec moy, il s'en sentiroit plus que s'il auoit mangé sa carpe qui luy coustoit trente sols.

Quelqu'un demanda pourquoy les Pythagoriens ne mangeoient point de poisson, puis qu'il est si bon, & si delicat. Ce n'est pas, respond vn autre, que le poisson soit mauuais, & qu'on l'estime tel : mais c'est à cause du silence qui leur estoit commun avec le poisson : ou bien les Pythagoriens ne mangeoient point de poisson, parce qu'il est si goulü & si affamé, qu'il se mange l'un l'autre, & que les grands mangent les petits, vn poisson estant le tombeau de son semblable : & pour ce vice-là, ie croy qu'ils s'en abstenoiënt, ne voulans seulement fuir ceste rapacité de s'entremanger l'un l'autre, mais euitans aussi de participer & communiquer en quelque sorte que ce soit aux animaux qui de leur naturel estoient tels.

le croy, va dire vn autre; que les Pythagoriens

n'vsoient point de poisson, à cause qu'il excite plus l'acte Venerien que la chair : dautant que la semence qui en prouient en est plus aiguë & piquante, dont elle sollicite plus la vertu expultrice : combien que le poisson n'engendre pas tant de semence que la chair, la chair nourrissant mieux, & la semence n'estant que superfluité de bonne nourriture. Et quelque bonté qu'aye le poisson, adiouta-il, si est-ce qu'entre toute autre viande, dont nous vsons, nous aimons mieux la chair, & nous profite plus : à cause, comme ie croy, que la chair fortifie plus, & remplit mieux nos corps : ou bien qu'elle approche plus de nostre substance. Et aussi que la continuation du poisson est plus fascheuse & ennuyeuse que celle de la chair. Si vous m'en demandez la raison, disoit-il, ie ne la sçay pas : non plus que ie ne sçay pas pourquoy les anciens vendoient le poisson *sonitu tintinnabuli*. Et que cela soit vray, nous trouuons qu'un Philosophe se plaignoit de ses disciples qui l'auoient laissé au milieu de sa leçon, pour aller acheter du poisson, fors d'un qui estoit demeuré tout seul, qu'il loua beaucoup, disant qu'il luy estoit plus agreable que tous les autres : mais il se trouua qu'il estoit sourd, & qu'il n'auoit point ouy le son de l'instrument auquel on vendoit le poisson, comme auoient fait ses compagnons, ce qui l'auoit retenu là.

Ie ne sçay, dit vn de la Seree, si autresfois en Poitou on n'a point vendu le poisson au son & cry du cornet, qui seruoit de tintinnabule dont vsoient les Grecs en la vente de leur poisson : car on dit en ce país que le poisson come, quand il est gasté, puant, & corrompu. Ceste

derniere question nous arresta tout court : & fut conclud que monsieur de l'Escale, qui estoit lors de par-deçà, en feroit consulté, comme celuy qui n'ignore rien.

A ce propos, va-il dire en continuant, ie ne sçay non plus, pourquoy le poisson de mer, estant hors de l'eau, est plustost corrompu & gâté que celuy d'eau douce, veu que l'eau dont est fort le poisson de mer est salee : qui ne se corrompt pas si tost que l'eau douce. Et si ne sçay aussi pourquoy les fleurs d'aubespın de leur senteur gâtent le poisson, principalement les maigres : les chasses mares de nostre pais de Poictou en amenant vendre leur poisson de mer, fuyans les hayes garnies d'aubespins.

Vn de la Serree qui se vouloit retirer, va dire qu'il s'en alloit en sa maison consulter ses liures, & que si on le vouloit attendre à retourner, il leur en rendroit si bonne raison qu'ils s'en contenteroient. Et quand & quand leur diroit pourquoy il faut plus saler le poisson de mer en le cuisant, que celuy d'eau douce : & aussi pourquoy le poisson salé, ou la chair salee, se deffalent mieux, & plustost, en l'eau de mer qu'en l'eau douce : & dauantage leur diroit pourquoy le poisson est beaucoup meilleur cuit en son eau, là où il a esté nourry & prins, qu'en vne autre : & pourquoy le poisson salé, ou la chair salee, deuiennent plus doux si on les laue avec de la faulmure, que si on les lauoit avec de l'eau douce.

Vne Fesse-tondue va dire alors, le poisson donc d'un lac, qui s'appelle *lacus Dumenfis* en Latin, deuroit estre bon : car nous trouuons dans Gaguin, que l'eau de ce lac par vne grande chaleur vint tellement à bouillir, que

le poisson tout cuit venoit au riuage, dont ceux du païs mangeoient, & sans l'accoustre autrement le trouuoient si bon qu'ils ne s'en pouuoient faouler : & c'estoit, à ce que vous dites, parce que ce poisson estoit cuit en l'eau où il auoit esté nourry.

Encores, repliqua quelqu'un, ceste chaleur fit plus de bien aux habitans de ce païs, que ne fit pas la froideur du temps de Phocas Empereur : car Blondus & Nicephore disent qu'en ce temps, le froid fut si grand, que la mer deuint toute gelee, & que par apres elle ietta le poisson tout mort. Puis en continuant, & se remettant encores sur les doutes, va demander pourquoy le poisson se corrompoit par la teste, & tous les autres animaux par le ventre.

Ne feroit-ce point, luy fut-il respondu, que le poisson ne digerant point ce qu'il mange d'autant qu'il n'a qu'un intestin, où ce qu'il prend passe, il rend ce qu'il mange tout crud, & auant qu'il soit alteré & corrompu ? Et par ce ne se gaste le poisson par le ventre, à cause que la nourriture qu'il prend n'y demeure gueres : & n'en estant pas beaucoup nourry, ne gardant qu'un peu ce qu'il mange, & le rendant crud, ne faut s'esmerveiller si le poisson aussi a tousiours vne auidité de manger : qui cause, comme il a esté dit, que les Pythagoriens n'en vouloient iamais manger, de peur de participer à leur rapacité : dont est venu le prouerbe François, Les gros mangent les petits. Avec ce que les grands poissons mangent les petits, il y a un païs où les poissons sont si gros & grands, qu'ils sont tout plein de maux, si nous croyons Paul Venitien, qui a escrit qu'au Royaume de

Var, en l'Indie maieure, y a plusieurs Magiciens & Sorciers, nommez *Abraiamins*, lesquels par leur art diabolique coniurent les poiffons, qui sont fort grands en leur pais, de peur qu'ils ne facent mal. Ces poiffons estans si grands que l'on en fait des armes offensives & defensives. Il me souvient auoir leu, que Bajazet Empereur des Turcs, ayant vescu miserable & prisonnier de Tembarlan vingt ans moins seize mois, renfermé en vne cage, se perça le gozier avec vn os de poisson, qu'vn esclau luy ietta par moquerie en sa cage, se desplaissant tant de sa honteuse calamité, qu'il ne demandoit qu'à se tuer.

Les Rhodiens, adioustoit-il, estans bien de contraire opinion à ces Philosophes, qui tenoient ceux qui ne mangeoient point de poisson, & aimoient mieux la chair, pour sauuages & goulus, ce dit *Ælian* : lesquels auoient le poisson en si grande recommandation, que le peuple aimoit ceux qui l'aimoient, & en mangeoient, & les estimoit liberaux, fobres, & humains.

Vn des nostres s'auança de dire qu'il n'auoit point aimé le poisson d'eau douce, depuis qu'il auoit veu vn pefcheur en la riuere de nostre Clan, qui auoit mis au fondement d'un cheual Reistre mort, vne poche, & que le pefcheur pressant le ventre de ce cheual auoit fait sortir autant de poiffons, comme il fortit de foldats du cheual de Troye.

Possible, va dire vn autre, que ces poiffons ne naissent point de la pourriture de la beste morte : mais s'estoient retirez là dedans, pour euitier que les autres poiffons ne les mangeassent : ne pouuans pas voler, comme font ceux de l'isle Occidentale : car i'ay leu,

adiousta-il, en leur hystoire, qu'il se trouue là vne sorte de poisson qui a des ailles, & qu'il fait à chascun vol cent & deux cents pas, n'estant iamais à repos : d'autant que les autres poissons de la mer le voulans manger, il pense se sauuer au vol, mais il trouue des oiseaux de mer & plongeurs, qui sont prests pour l'empoigner en volant, de sorte qu'il n'est affeuré ny en l'eau ny en l'air, viue image, disoit-il, de la vie des hommes.

Ils disent, adiousta-il, que ce poisson volant est presque de mesme forme que le haranc, avec petits barbillons sous la gorge, & les ailles comme vne chauuefouris, & presque aussi longues que tout le corps, & sauoureux pourtant à manger. Et pource qu'on n'en a point veu au delà le Tropique de Cancer, aucuns estiment que ce poisson aimant la chaleur, & se tenant sous la Zone brulante, n'outrepasse delà ny deçà le Pole.

Il se trouue bien, adiousta vn de la Seree, des poissons de pardeçà qui sortent de l'eau d'eux-mesmes : & font cela à mon aduis, quand ils sentent la pluye venir, se resiouissants de l'eau qui doit tomber, ou que le mouuement des vapeurs de l'eau qui montent en haut, les faschent dedans, qui est cause qu'ils sortent en l'air.

Quelqu'un prenant la parole, va dire qu'il ne laisseroit à manger de ce poisson, qui sort du ventre d'un cheual, non plus que du poisson qui est en la riuere de Smede, encore que l'eau en soit noire, ce dit Olaus, & que tout le poisson qui est dedans, soit aussi noir que les cassérons : car il ne laisse pour ceste couleur d'estre fort bon. Et ma raison, disoit-il, est que le poisson ne vient point de

pourriture & putrefaction, n'y ayant que deux especes de poissons : l'une qui engendre des œufs, & l'autre celle qui porte & engendre vn animal vivant, comme le chat & chien de mer, le dauphin, & le marfoüin, & generally tous ceux qui ont cartilages : desquels on escrit, que quand leurs petits, estans encores ieunes & foibles, sont espouventez de quelque chose en la mer, que leurs meres les reprennent & resserrent en leur ventre, pour les cacher : tout animal aquatique ne voyant rien quand il naist.

Et n'y a forte de poisson que ie ne mange, adioustail encores, hors vn poisson qui se prend en la mer Oceane enuiron le temps de Pasques, que l'on nomme Megre, qui est grand comme vn petit enfant : car en ayant mangé vne fois, tout le corps, les mains, le visage, me vinrent à peler, & ne fus iamais si estonné, disoit-il : car ie pensois bien cela estre venu de la chair plustost que du poisson.

C'estoit, luy fut-il respondu, pour auoir mangé du foye de la Megre, & non pas du reste : & dit-on que cela se fait quand ce poisson se prend estant en chaleur : car on mange bien d'aucunes Megres, que cela n'arriue point.

Quelqu'un de la Serée prenant la parole, nous va enseigner à cognoistre comme on pouuoit achepter de bon poisson, en disant : Si vous acheptez du poisson frais, s'il est mort, prenez celui qui sera tout de trauers & gauche : parce que le poisson qu'on tue, & qui meurt de force, en mourant se retire & demeure tout de biais, & non pas celui qui meurt de luy-mesme. Et aussi, enco-



res que le poisson soit salé, achetez pour le meilleur celuy qui fera le plus de trauers & gauche, estant signe qu'il a esté salé auant qu'estre gasté & corrompu. Que si voulez sçauoir si le poisson est frais, & qu'il n'est point gasté, faut le regarder aux oreilles, que s'il les a rouges & vermeilles, il n'y a pas long temps qu'il est mort, & n'est point vieil. Que si vous achetez du poisson salé, prenez celuy-là qui est le plus blanc : & soit le poisson frais ou salé, celuy-là est le meilleur qui est prins quand le Soleil est au signe de Piscés, & aussi que la pesche de tous poissons est la meilleure en ce signe, qu'elle n'est tout le reste de l'an. Et si adioustoit ce que dit Plutarque, qu'au voyage que fit Alexandre és Indes, il trouua vn país où les hommes ne viuient que de brebis, qu'ils nourrissoient de poisson de mer, & que iamais on ne mangea de meilleure chair. Aussi nous trouuons par escrit que les loups aiment fort le poisson : que si les pescheurs le long des palus Meotides ne leur laissent de bonne foy vne part esgale de leur prinse, ils vont incontinent deschirer leurs rets.

La fin de la Seree fut la fin de nostre sçauoir : car l'un d'icelle commençant à parler des poissons armez de coquilles, & soustenant l'opinion de Bernard Pallissi, dit que les coquilles qu'on trouue de pierre bien loing de la mer, sont venuës des riuieres, & depuis se sont petrifiées : & que les tais & coquilles qu'on trouue en des pierrieres peuuent auoir esté engendrees sur le lieu mesme, pendant que les rochers n'estoient que de l'eau & de la vase, lesquels depuis ont esté petrifiez avec lesdits poissons. Que s'il se trouue, disoit-il, des coquilles

mesmes dans les pierrieres, & de toute espee de poisson portant coquilles, c'est qu'il y auoit en ces pierrieres quelque receptacle d'eau, auquel estoit vn nombre de poissons armez de coquilles, engendrez là par la chaleur, & depuis petrifiez & congelez.

Je croirois plustost, repliqua quelqu'un, que ces coquilles ont esté iettees en la terre, apres auoir mangé le poisson, & estans en terre par leur vertu salitiue ont peu faire attraction d'un sel generatif, qui estant ioinct avec celui de la coquille en quelque lieu aqueux ou humide, l'affinité desdites matieres estans ioinctes à ce corps mixte, ont endurcy & petrifié la masse principale. Que s'il se trouue de ces coquilles de poisson petrifiees és montagnes, aussi bien qu'és vallees, ce n'est pas à dire, selon Pallissi, qu'elles y soient du temps du deluge, comme tient Cardan : car és Ardennes tu trouueras de ces coquilles petrifiees iusques dans le beau milieu de ces rochers, encores qu'ils soient continus & bien ioinctes : & ne scauroit-on penser par quelle porte entra la mer en ces roches.

Il faut donc dire, va dire vn autre, selon Pallissi, qu'au parauant que cesdites coquilles fussent petrifiees, les poissons qui les ont formees estoient vians dedans l'eau, qui reposoit dans les receptacles desdites montagnes, & que depuis l'eau & les poissons se sont petrifiez en vn mesme temps par la vertu de l'eau congelatiue, qui a penetré tout au trauers des coquilles en les changeant de nature en autre, sans oster rien de leur forme : ces formes ne se pouuans faire, sans estre formees par choses animees. Que si vous trouuez, adioustoit-il, bien

loing de la mer des coquilles de poiffons, semblables à celles de la mer Oceane, qui n'ont point encores esté petrifiées, ains font encores telles comme elles estoient quand le poiffon estoit dedans : cela doit faire à croire qu'il y a autresfois eu des eaux en ce lieu-là, qui produisoient les poiffons qui ont formé lesdictes coquilles : mesmes qu'il se trouue des poiffons aussi bien petrifiez que la coquille.

Ceux de la Seree trouuerent ce propos si nouueau, qu'il fallut venir à ce qu'en dit Pline, qui escrit de ces coquilles petrifiées, que c'est Nature qui semble se iouer : mais vn de la Seree, approuuant l'opinion de Pallissi, se ioué aussi de ce que Pline en dit. Et pour prouuer que la mer en beaucoup d'endroits s'est reculée de la terre, & qu'elle a laissé là les coquilles, il le prouua de ce qu'à Puzoles, dicté autresfois *Puteoli*, il y a quelques années que la mer se retira de la terre d'environ vne lieue & demie : du haure d'Ambrace de mille pas, & d'Athènes de cinq mille, aussi bien que d'Ephese, & d'aupres de Troye.

Pindare tient, adioustoit-il, que Rhodes apparut par le retirement de la mer. Quant est de la region d'Ammon, où estoit le magnifique temple de Iupiter, Strabon apres Eratosthene en fait mention, disant que tout le long de trois mille stades on veoid vne infinité d'escailles, esparfes par cy par là.

Croirez-vous bien, adiusta quelqu'un, que si on trouue vn Dauphin prins aux rets, où il mange les poiffons prins, qu'on ne luy fait nul mal, & que seulement on le fesse & chastie comme on feroit de petits enfans?

à cause que les Dauphins aiment les hommes, & les sauuent estans iettez en l'eau. On dit aussi que le veau marin aime les hommes, mesmes qu'estant mort, & porté sur foy, sa peau s'eleue si la mer se trouble, & se rabaisse quand la mer est calme, & qu'à ceste raison les mariniers s'en habillent.

L'adiousteray encores que l'Escare ayant aualé l'hameçon du pefcheur, ses compagnons s'affemblent en foule autour de luy, & rongent la ligne : que si d'auanture il y en a vn qui ait donné dedans la nasse, les autres luy baillent la queue par dehors, & luy la ferrent tant qu'il peut, & à belles dents, ils le tirent ainsi au dehors.

Croiriez-vous bien, demanda quelqu'un, que le poisson meurt du son de l'artillerie, & que le son des harquebuzes de ceux qui tirent au gibbier fait mourir le poisson ? Parquoi ceux qui ont des estangs & riuieres, doivent bien empescher ces gibboyeurs. L'ay veu, adioustoit-il, qu'en nostre pais de Poictou on amenoit force Saumons, & y estoit aussi commun que l'Aloze : mais depuis que les galeres furent à Nantes, le son de l'artillerie les a faicts mourir, ou pour le moins si bien estrangez, que nous auons esté plus de dix ans sans en auoir, ou pour le moins si peu que rien.

Chacun se retiroit, n'eust esté quelqu'un qui nous affeura auoir ouy dire à plusieurs, qui auoient voyagé aux Indes Occidentales, qu'il se trouue là vn poisson, appelé Chasseur, avec lequel on pefche, & qu'on s'aide en ce pais-là de ce poisson à en prendre d'autres, comme pardeçà on se sert de quelques oiseaux à en prendre

d'autres. On tient, ce disoit-il, ce poisson appriuoisé en quelque vase plein d'eau, comme nous tenons les Esparuiers sur le poing. Et depuis qu'il est priué, on luy attache vne corde fort longue au chaignon du col, & deuant que les pescheurs le mettent dans la mer, ils luy font feste, luy disant qu'il ne prenne pas des petits poissons : ce fait, ils le lâchent avec la corde, iusques à ce qu'ils sentent la prinse : car il s'en va au ventre de quelque poisson des plus grands, & s'y attachant, il demeure prins, en sorte que les pescheurs sentans cela, tirent ce poisson à eux, qui iamais ne laisse sa prinse.

Quand celuy qui faisoit ce conte, s'aperceut qu'on en rioit, il nous va dire, Vous croirez mieux possible Rondelet, qui escrit y auoir vn grand poisson de mer, qu'il nomme Manat, ressemblant à vn bœuf, qui a le dos plat, & le cuir fort dur, & pese tant que deux bœufs sont bien empeschez de le trainer. Il dit qu'on l'appriuoise comme on feroit vn chien, mais il se souuiet bien des torts qu'on luy fait. Pierre Martyr Milanois dit bien d'auantage : car il escrit que ce poisson Manat se peut appriuoiser, & qu'il a veu vn Cacique, ou Seigneur Indien, qui en auoit vn qui donnoit plus de paſſetemps qu'un Singe, & si portoit par fois sur son dos dix Indiens, les passant d'un riuage à l'autre. Et d'autant, dit-il, qu'il vit en terre, ayant quatre pieds, comme la Loutre, par fois il lutte avec les Indiens, & prend à manger de leurs mains.

Le reste de la Seree se rioit de ce poisson, quand celuy qui l'auoit conté leur va dire, Vous croirez facilement mon conte, si vous croyez ce que dit Plin du

poisson Anthias, que nous appellons Barbier de Mer, vn desquels le pefcheur remarque, fçachant bien que c'est le capitaine & conducteur des autres : & ce poisson cognoiffant le pefcheur prend à manger de fa main, & en recompense ne fault tous les iours ce capitaine de luy amener vn efcadron de Barbiers, qu'il prend avec vn peu d'amorce : mais fur tout ce pefcheur fe donne bien garde de prendre ce conducteur & moyennneur de fa pefche, attendu que c'est luy qui amene les autres à la boucherie.

Et dit-on, ce dit Pline, qu'un pefcheur qui vouloit mal à fon compaignon de pefcheur, pour luy nuire, remarqua le maiftre Barbier de fon armee, & de faict, le luy print, pour luy deffaire fon armee : & que l'autre pefcheur recognoiffant à la poiffonnerie fon capitaine Barbier, fit conuenir celuy qui l'auoit prins : lequel par arrest fut condamné à dix liures enuers partie.

Le vous feray vn conte, commença à dire vne Fefsetonduë, auffi ioyeux & gaillard qu'il est veritable. C'est qu'un pefcheur des Sables d'Olonne en pefchant print vn iour vn fort beau Cancre, poisson bon à manger. Or eftant de retour, & preffé d'aller fouper avec vn sien voifin, met fon Cancre dans le premier pot qu'il trouua, qui eftoit le pot à piffer de luy & de fa femme, puis s'en va. Eftant tard, la femme de ce pefcheur fe voulant coucher, prend fon pot. accouftumé pour piffer. Elle n'eut pas acheué de piffer, que ce Cancre, sentant la chaleur de l'vrine, voulant fortir du pot, l'empoigne à fon ie ne fçay comment a nom. Ceste pauvre femme bien eftonnée, ne fçachant que c'estoit, crie tant qu'elle

peut. Les voisins y accourent, elle ne leur peut dire qui luy caufoit son mal, & auffi qu'elle auoit honte de montrer le lieu où elle sentoit son grand mal. Parquoy ils vont querir son mary, lequel estant venu, & sçachant que c'estoit, & recognoissant le pot où il auoit mis son poisson, fait fortir tout le monde, & ferme la porte, puis tasche à faire lascher prinse à ce poisson. Et pour ce faire s'approche de ce Cancre, & souffle là à sa force : car il sçauoit ce que Pline ne sceut iamais, que ceste sorte d'animal ne desmord iamais & ne laisse prinse, sinon qu'à force de souffler. Or il aduint qu'en soufflant, ce Cancre, qui a plusieurs pieds & ferres, luy accroche la bouche : tellement que le mary & la femme sont tous deux prins. Le mary qui ne pouuoit plus souffler, va dire à sa femme que si elle ne souffloit du derriere, que ceste beste ne les laisseroit iamais. Ceste femme fait son deuoir de souffler, & fait iouer le petard de telle sorte que ce Cancre laisse sa prinse, & sans cela, & qu'on ne fust allé de force, il eust emporté les pieces.

Ce qui sembla si estrange à ceux de la Seree, qu'ils l'estimerent estre vn songe. Et cela les ayant fait souuenir du dormir, s'y en allerent : car comme l'exercice est bon auant le repas, il est bon apres le souper de se mettre à dormir : le dormir aidant, selon l'autorité des Medecins, à la digestion & concoction des viandes, le ventricule estant rendu plus chaud par le sommeil : & c'est pour cela que les anciens apres le souper auoient de coustume *facere libamina* au Dieu Somnus & à Mercure : & que Homere descriuant le banquet des Dieux, adioust qu'ils se retirerent, & s'en allerent dormir, comme

nous fîmes tous. Et auffi que plusieurs difent que quand on fe va coucher bien faoul, & incontinent apres le repas, qu'on ne refue point toute la nuit.







## SEPTIESME SEREE.

### *Des Chiens.*

EN l'annee mil cinq cents soixante & dix-huit, il fut vn grand bruit, en ce pais de Poictou, des chiens, des loups, & autres animaux enragez : si bien que plusieurs laissoient d'aller à leurs affaires, pour le bruit, qui estoit toutesfois plus grand que l'effect. Voilà qui fut cause que durant le souper, & apres, on ne parla gueres d'autre chose, que de la rage, & des chiens, qui entre tous animaux y font les plus subiects. Et aussi que j'auois vn Espagneul qui durant le souper ne voulut boire ne manger, & craignois fort qu'il ne fust enragé : car outre cela, il bauoit, & au lieu de boire, il gratoit des pieds en l'eau.

Quelqu'un me dit qu'il n'estoit point enragé, & que c'estoient des cordonniers qui s'esbatent à bailler à manger aux chiens de leur poix meslee avec de la gresse, qui leur paue si bien le palais & le gosier, qu'ils ne peuuent les desprendre & separer. Je ne sçay si cela estoit vray ou non, tant y a qu'il en guerit : dont ie fus bien ioyeux, estant mon chien beau & bon, & encores meilleur la nuit que le iour, car la nuit il ne despendoit rien. Et combien qu'aucuns se moquans de ceste

Seree diront que c'est vne belle Seree de chien, si ne laisseray-ie à vous conter ce qui fut dict des chiens, & de leur rage.

Aucuns dirent que la rage des chiens frequente denonçoit la peste, parce qu'ils deuient enragez ou par l'air, ou par les eaux, l'un ou l'autre estant corrompu. Les autres trouuoient estrange ce qu'Aristote a escrit, qu'entre tous les animaux il n'y auoit que l'homme seul, qui mordu d'un chien enragé, ou d'une autre beste qui le soit, n'enrage point, & n'en meurt point aussi : veu que par experience on sçait que l'homme mordu d'une beste enragee, enrage, & si en meurt.

Combien qu'il fut repliqué defendant Aristote, que ce qui arriue à l'homme par la morsure d'une beste enragee, n'estoit pas rage, mais vne manie : & alleguant Festus disoient que la rage proprement est la maladie des chiens : & qu'il falloit bien dire que du temps d'Aristote ce mal n'auoit point encores apprehendé les hommes : mais que depuis on s'estoit apperceu qu'ils en estoient atteints aussi bien que les autres animaux : comme nous trouuons que deuant Pompee on n'auoit à Rome iamais ouy parler de ladrerie : & auant que les Espagnols fissent le voyage des terres neufues, les Indiens n'auoient cognoissance aucune des escrouelles, ne de la rage qu'ils y porterent, avec les chiens qu'ils y menerent : & en recompense prindrent la verole, qu'ils apporterent par deçà. Ou bien ce disoient aucuns, si la rage estoit vne maladie du temps d'Aristote entre les hommes, comme elle est maintenant, elle n'auoit point esté cogneüe pour estre rage.

Adioustant qu'encores aujourd'huy les effects de la rage sont si incertains, que Galien dit qu'ayant vn homme esté mordu d'un chien enragé, qu'on ne peut enrager si huit mois sont passez, & pour le plus vn an, combien qu'Auicenne soustienne qu'on peut enrager iusques à la douzième. Puis on demanda s'il estoit vray que les chiens de la première ventree ne valussent rien, & s'ils sont plus subiects à la rage que les autres, d'autant qu'on iette la première portee : mais parce qu'on n'en bailla point de raison que la coustume, il n'en fut dit autre chose. Mais fut mis en dispute pourquoy les chiens estoient plus subiects à la rage que les autres animaux. Et il fut respondu, que c'estoit à cause que les chiens estoient fort chauds & secs de nature, qui les fait abonder en cholere : & à cause de ceste cholere, ils ont les sens & l'ouïe fort aiguë, dont vient que si vn chien iappe, les autres l'entendent de bien loing, & en font autant : estans donc chauds & secs, ne faut s'esmerveiller s'ils ont beaucoup d'humeurs melancholiques bruslez, principalement durant les grandes chaleurs des iours Caniculaires, & es grandes geles, la chaleur du chien s'augmentant par les subites mutations.

Car l'Automne brusle les humeurs, qui estoient rendues chaudes & augmentees par l'air de l'Esté, penetrant iusques au dedans, qui cause vne fiebre ardente & phrenesie dans le corps du chien, que nous nommons rage. Et l'Hyuer les humeurs se bruslent par l'abondance de la chaleur du dedans : laquelle y estant repoussée à la raison de l'air froid, s'augmente & s'allume, & avec soy fait allumer les humeurs pourries, lesquelles lors

font plus dangereuses, d'autant que ne pouvant s'évaporer par les pores, & pertuis du cuir, qui font tous fermes par le froid, elles demeurent au dedans, & font les mêmes accidens que la chaleur de l'Esté.

Et combien qu'aucuns voulurent dire que la rage se faisoit en Hyuer par la vertu de la froidure, qui gele le sang, cela pourtant fut reprouvé, parce que le froid engourdirait plutôt les esprits, que d'esmouvoir une telle fureur : & qu'aussi le sang ne se gele point tant que l'animal est en vie, encores que le sang puisse pourrir à cause qu'il n'est point esuenté, le froid reserrant les pores & conduits.

Quelques-uns pourtant doubtoient si les chiens estoient si chauds & si secs qu'on disoit, veu que quand on demande la raison pourquoy les chiens ne voyent que douze iours apres qu'ils font nez, & que celui qui void le dernier est le meilleur, on dit que leur trop grande humidité en est cause : ce que demonstre bien leur nez qu'ils ont toujours froid : car d'où viendrait cette froidure sinon d'humidité ?

Vn de la Serée reprenant le propos qu'on auoit dit, que le chien qui voyoit le dernier estoit le meilleur, va dire que les chasseurs asseurent, que pour choisir d'un nombre de petits chiens le meilleur, il ne falloit que mettre la mere au propre de le choisir elle même : comme si on les emporte hors de leur gîte, le premier qu'elle y rapportera, sera toujours le meilleur : ou bien si on fait semblant d'entourner de feu leur gîte de toutes parts, celui des petits au secours duquel elle courra premièrement, sera le meilleur. S'il est vray, demanda

vn de la Seree, que si vous ostez aux petits chiens vn petit nerf qu'ils ont sur la langue, qui ressemble à vn petit ver, qu'ils n'enragent iamais.

Laissant ce doute, on demanda s'il estoit vray que l'escume d'un chien enragé, sans morsure ne piqueure, peut faire enrager : d'autant que le venin est si contagieux & malin, qu'on dit que les verges d'un cornouiller, & l'herbe *sanguinaria*, qu'on appelle à Paris de saint Innocent, vulgairement la renoüe, eschauffees en la main, reuoquent la rage à ceux qui ont esté autresfois mordus par des chiens enragez, qui autrement estoient deliurez du peril.

Il fut dit qu'on trouuoit escrit que la salive d'un chien enragé versée sur la main de Socraté, luy fit oublier toute sa sagesse, le rendant insensé : & que l'escume seule d'un chien enragé, & sans blessure, pouuoit faire enrager, touchant seulement à la peau : pourautant que ceste baue, retenant la nature des parties dont elle procede, porte ce venin tellement subtil, que facilement il passe par les pertuis du cuir, & estant attiré dans les arteres, par le continuel mouuement d'icelles, il est conduit à la fin au demeurant du corps. Cela s'entendant, si la baue faisoit long sejour sur la peau : car si elle est essuyee, & le lieu promptement laué d'eau salee, ou d'vrine, la baue ne feroit nulle nuisance. Or le venin estant entré, ou par la subtilité de ceste escume, ou par la playe faicte par vne morsure, ou piqueure d'une beste enragee, gaigne peu à peu, sans s'arrester aux parties où il passe, tellement qu'on est bien quarante iours, deux mois, vn an, sans rien y appercevoir : la rage estant

vne espece de melancholie operant tardement, qui se peut cacher long temps. Car selon la disposition de l'air, la vehemence du venin, le lieu de la morsure, la force de ceux qui sont mordus, selon l'habitude, & que les humeurs sont preparez à estre pourris, les accidens apparoissent pluſtot ou plus tard. Et lors que ce venin aura apprehendé l'animal, il entre en fureur quand il fuit l'humidité, & les choses resplendiſſantes, à cause de l'horreur qu'il a de soy-mesme, ayant vne grande soif sans vouloir boire, son corps ayant prins vne affection contraire à la naturelle, dont il aduient qu'il ne desire les choses qui naturellement appaisent la soif.

Or pource qu'ils ont l'eau en grande horreur, disoient-ils, encores qu'ils soient bien alterez, ceste maladie s'appelle *Hydrophouie*, c'est à dire, crainte d'eau, & ceux qui sont tombez en *Hydrophouie*, iamais ne guerissent : & est plus cruelle en vne beste sauuage, laquelle de soy-mesme est seche, la rage estant vne putrefaction seche.

La meilleure raison, dont il me souuienne, qui fut donnée de ce que ceux qui sont enragez craignent tant les eaux, estans si alterez, c'est qu'à cause de la continue imagination qu'ils ont du chien qui les a mordus, il leur est aduis que l'eau soit toute pleine de chiens : car en leur esprit animal, qui est instrument de la vertu imaginative, la figure du chien y est imprimée & parce ils iappent comme vn chien : & à cause de ceste vehemente imagination, qui est en l'esprit naturel & humiditez du corps, en leur vrine se representent semblances de chiens, la vertu naturelle obeissant à la vertu animale imaginative, imprimant ces figures és humiditez, & en

l'vrine, tant l'imagination a de force & de puissance sur les humeurs du corps. On s'esbahissoit comme les chiens sur tous les autres animaux estoient les plus subiects à ce venin, veu que leur langue tire tout le venin & la viscosité d'une playe, & que sa teste a des futures (contre l'opinion d'Aristote) par lesquelles ces vapeurs cholériques peuuent s'évaporer.

Quelqu'un demanda s'il y auoit des remedes escripts contre la rage, puis qu'elle est si commune? Il fut respondu que Serapion & Galien auoient laissé par leurs receptes, que la rage suruenue par la morsure d'un chien enragé se guerit, si celui qui en a esté mordu boit du sang d'un chien, la rage facilement apprehendant ce sang canin, & se conuertissant en luy, & cependant laissant le sang de l'homme en paix : & ce à cause de l'affinité qui est entre le sang du chien & la rage.

Comme aussi on tient que le poil du mesme chien, qui vous aura mordu, mis en cendre, & beu avec du vin, peut guerir un enragé, & empêcher qu'il n'enrage : ce venin prins le dernier, combattant & chassant le premier. Il se lit en Plin qu'une vieille fut aduertie en songe de la propriété de l'herbe *Cynorrhodon*, ou Esglantine, qui est une espece de rose sauvage, & qu'elle en guerist son fils, qui auoit esté mordu d'un chien enragé.

Les autres tiennent que la rage est guerie si on fait des pilules du crane d'un homme pendu.

Les autres asseuroient que l'eau de la mer guerissoit les enrages, si on les iette dedans : & de fait, on les mene maintenant à la mer, comme le plus asseuré remede, & les guerit par une vertu salitiue, comme fait

loient dire vn homme estre splenetique, le signifioient par le chien : ceste maladie estant si contagieuse en vn chien, que si aucun le veut guerir de la rage, ou qu'il en face ouuerture estant mort, il fera en danger des prendre le mal, ou d'estre splenetique, par l'exhalation. Mesmes, on dit, que si vous marchez sur l'vrine d'un chien enragé, & que vous ayez vn vicere, cela vous nuira beaucoup : & encores qu'il ne soit enragé, l'vrine du chien est si dangereuse, que si vostre vrine, en pissant où il a pissé, se melle avec la sienne, vous ne ferez apte à la generation.

Il fut bien dit dauantage, car quelqu'un assura que si vn homme a esté mordu d'un chien, ne fut-il point enragé, que cest homme par vne contagion nuira aux œufs que la poule couëra, fera auorter les oüailles, & s'il suruiuent à vn accouchement, causera l'auortement de la femme, & augmentera les playes à vn viceré par sa presence.

Vn de nostre Seree se faschant d'oüir parler d'une maladie si estrange, & à craindre, & apres auoir ouy conter que Balde Iurifconsulte en estoit mort, va dire que pour resiouir la compagnie, qui estoit toute troublee d'oüir parler de si estrange maladie, il vouloit faire vn petit conte d'un grand Seigneur, & de ses chiens.

Le Seigneur à qui estoient ces chiens, commença-il à conter, auoit en son chasteau vne chappelle, en laquelle son chapelain, qui luy seruoit aussi de veneur, disoit ordinairement la Messe. Ce prestre estant vn iour en la chappelle, en attendant son maistre, se va reuestir, prest à dire la Messe,



Le Seigneur arriué, commanda à son prestre de commencer la Messe. Le prestre voyant qu'il n'y auoit point de feu, pria son maistre d'aller querir du feu pour allumer vn cierge, parce qu'il estoit reuestu : ce que son maistre refusa, disant, le ne vous feruiray pas, puis que ie vous paye. Dont le chapelain fut contrainct, tout chappé qu'il estoit, d'aller querir du feu en la cuisine. Les chiens le voyans ainsi accoustré, le mescongneurent, aussi bien que les chiens d'Asteon, de telle sorte qu'ils mirent & sa chappe, qui estoit de veloux rouge, & son aube, & son omitton, en cent pieces, & le gouspillèrent de sorte, que ses habillemens mesmes estoient tous à lambeaux, & sans son tison de feu qu'il auoit prins pour allumer le cierge, ie croy qu'ils l'eussent mis en pieces. Estant sauué avec peine, il se renferme dans la chapelle, & reuenu à luy, & ayant prins haleine, il demande à monsieur s'il vouloit pas ouïr la Messe. Ce monsieur, le voyant ainsi haillonné, respond que non, & qu'il ne vouloit point du demeurant de chiens.

Le pauvre chapelain n'ayant pas grand' peine à se deuestir, se retire en sa chambre, où il fut plus de quinze iours sans se monstrier, tant pour le mal qu'il auoit, & de ses habillemens qui estoient tous deschirez, que pour la moquerie.

Si ce chapelain, va dire vn autre, eust esté bien aduisé, il se deuoit asseoir, voyant les chiens venir contre luy : car on tient qu'un chien ne mord iamais vn homme quand il est assis, & qu'il perd sa cruauté tant qu'on sera assis : & que la couleure aussi, qui craint l'homme nud, ne mordra iamais vn homme tant qu'il sera nud. Mais,

demanda quelqu'un, ne fçauroit-on auoir recours contre le maistre d'un chien qui a accoustumé de mordre? Parce qu'ayant vn procès contre vn de mes voisins pour cela, le Iuge condamna seulement le chien, huit iours au pain & à l'eau.

Et conseillerois, adiouta-il, à ceux qui craignent les chiens, & aux pauvres, & à ceux qui sont mal vestus : car les chiens sont mauuais principalement à ceux-là, de porter avec eux vn siege pour se seoir, si d'aventure ils rencontroient de mauuais chiens qui les voulussent mordre.

Et moy, repliqua vne Fesse-tondue, ie leur persuade-rois plustost de porter de l'eau, pour la ietter sur les chiens, s'ils vouloient mordre, comme on fait pour les despartir : car l'eau estant froide, elle amortist la chaleur, & fede la cholere.

Vn Drolle prenant la parole, va dire qu'il le croyoit bien, pourueu que l'eau fust chaude : & que quand on leur en auroit ietté sur eux, qu'ils feroient bien enrager s'ils auoient enuie de mordre. Et pource qu'il n'en voudroit pas ietter que sur les enrager, & qu'il en vient de grandes querelles (car quand on veut mal à vn chien, on dit qu'il est enragé) il prioit la compagnie de luy dire comment il pourroit cognoistre si vn chien est enragé. Si vous voulez cognoistre, luy fut respondu, si le chien qui vous a mordu est enragé, baillez-luy vous mesme du pain, que s'il le prend, & qu'il le mange, affeurez-vous qu'il n'est aucunement enragé.

Quoy, va-il repliquer, que ie donnasse du pain à vn chien qui m'auroit mordu? Le meriterois que tous les

chiens du pais me vinssent mordre. Bien, luy fut-il respondu, si ne voulez essayer cestuy-là, il y a assez d'autres moyens pour recognoistre le chien enragé : comme s'il n'abbaye point, & qu'il soit muet, & s'il tremble quand il void de l'eau, s'il ne boit ny ne mange, s'il ne cognoist point son maistre, combien qu'il l'aime tant que pour l'auoir perdu, & esgaré, il peut de fâcherie enrager, à cause que courant çà & là, il laisse le manger & le boire, dequoy s'enfuit ebullition de son sang, qui se tourne puis apres en melancholie.

Si la playe, adioust-il, qu'aura fait vn chien est frottee de pain, & vn autre chien n'en veulle manger, le chien qui a mordu est enragé : aussi bien comme quand vne poulle meurt dans vingt-quatre heures apres auoir mangé le pain qui aura touché à la blessure, ce que Paré nie toutesfois : l'ayant souuent expérimenté.

Mais pourquoy, demanda quelqu'un, est-ce que les iours ardens sont les plus dangereux, & que communément les chiens enragent, quand la Canicule, ou petit Chien se leue ? C'est, va dire quelqu'un, qu'environ le seziesme de Iuillet, la Canicule se leue, & durant son cours, qui est de six sepmaines, qu'on appelle les iours Caniculaires, la chaleur se renforce : cela se faisant à cause que plusieurs estoilles chaudes se leuent lors avec le Soleil, & augmentent la chaleur d'iceluy : car toutes les estoilles sous le signe du Lion sont chaudes & martiales, comme est ce signe. A ceste cause il est fort bon, pour peur de la rage des chiens, les faire souuent baigner durant la Canicule, & leur bailler, tant que regnera la Canicule, parmy leur viande de la fiente de poulaille :

qui est souveraine pour les empêcher d'enrager. Que si on s'apperçoit qu'un chien soit enragé, il faut incontamment luy faire avaler du jus de bettes avec moëlle de suzeau, ou luy imprimer au front une marque de fer de cheual. Ne faut donc s'esmerveiller si la chaleur augmentee brulle la cholere du chien, en laquelle humeur il abonde. Et croi, adioustoit-il, que ces iours-là, auquel temps les chiens enragent plus souvent qu'en autre saison, pour cela ont esté appelez Caniculaires. Les Alle-mans craignans tant ceste rage, qu'en certain pais d'Allemagne, durant ces iours Caniculaires, ils font affommer par l'executeur de haulte-iustice, tous les chiens vagabonds, & qui ne donnent à cognoistre par certaine marque qu'ils portent au col, qu'ils ont maistre.

Mais, adiusta-il, il ne s'enfuit pas qu'encores qu'un homme soit mordu d'un chien enragé, que pourtant il enrage necessairement : car tous animaux mordus de bestes enragees n'enragent pas, seulement ceux qui sont disposez à recevoir ce venin : comme nous voyons que tous ne prennent pas la peste.

Après il fut dict que pour euter la rage, il estoit bon d'estuuer la plaie avec du vin-aigre, & du nitre, puis faire un cataplasme de noix, d'oignons, de miel, & de sel, cuits ensemble, & petris avec farine de froment : ayant auparavant dilaté la playe, scarifié la peau, & appliqué ventouses, sans saigner & ouvrir la veine, en luy faisant prendre du theriaque & mitridat.

Quelqu'autre prenant la parole va dire qu'il y avoit à une lieuë de Poitiers, près de Croutelles, une famille, qui par grace speciale, de pere en fils, guerissoit la mor-

sure des chiens enragez, non seulement es hommes, mais aussi à tous animaux, & aussi empeschoit le venin de la morsure des serpens.

Ne feroient point ces gens-là, repliqua quelqu'un, de la compagnie de ceux qu'on appelle Sauueurs? Ce qui est aisé à sçauoir, car on dit que ces gens-là ont la rouë de sainte Catherine au palais de la bouche : & possible, adiousta-il, que c'est la raison pourquoy ce village, où demeure ceste famille, s'appelle le Palais, pour auoir ceste rouë au palais. Mais pour vous en dire la verité, ceux de ce village font gens de bien, & Dieu peut auoir desparty ses graces à ceux-cy, qui sauuent & remedient à vn si grand mal que celui de la rage, & aux morsures des serpens. Et si me souuient, que ces guerisseurs demandoient à ceux qui auoient esté mordus de chiens ou de serpens, s'ils auoient tué le chien ou le serpent, & qu'ils gueriroient plustost, s'ils ne les auoient point tuez.

Il y auoit en ceste Serée vn petit bonhomme qui va confirmer tout ce qu'on auoit dié de ceste famille qui demeure au Palais, & qu'il auoit esté en ce village, & auoit parlé à vne bonne femme, qui estoit de la lignee & famille de ces medecins de rage, & sauueurs, pour luy demander moyen de pouoir guerir & pouruoir à de pauures filles ses voisines : ceste bonne femme luy demande, si ces filles estoient enragees, le bonhomme lui respond que non : mais qu'elles estoient sur le point d'enrager. Ceste bonne femme, voyant qu'il vouloit rire, luy dit, qu'il ne les sçauoit guerir, & qu'on ne luy sçauoit apprendre à guerir ces pauures filles, parce qu'il estoit trop vieil.

Ils vouloient rire, quand quelqu'un va dire qu'Albert le Grand escrit auoir veu vn homme, qui ayant esté mordu d'un chien enragé à vn bras, que sept ans apres la cicatrice se vint si bien à enfler, qu'il mourut delà à deux iours.

Il y a bien dauantage, adiouta-il, c'est que si vn chien vous mord, encores qu'il ne soit point enragé, & que puis apres il vienne à enrager, vous ferez en danger de l'estre, encores que la playe de la morsure soit guerie, & consolidee, & qu'il y ait long temps qu'il vous ait mordu. Parquoy feroit bon, disoit-il, en temps dangereux, & és iours Caniculaires, de faire tuer le chien, ou autre beste, qui vous auroit mordu, de peur qu'elle enrage, & vous aussi, combien qu'il en puisse arriuer de grandes querelles, car qui m'aime, il aime mon chien.

Aussi, adiouta quelqu'un, il est bien à aimer, ne laissant iamais son maistre, tant pauvre soit-il, pour en fuiure vn plus riche : faisant tousiours la sentinelle pour son maistre, quelque mal que son maistre luy face : à ceste cause Platon compare le bon foldat au chien, pource qu'il faut & à l'un & à l'autre vser de grande fidelité & diligence.

Il n'est pas iusques à Codrus, le plus pauvre du monde, qui n'eust vn chien, qui s'appelloit Chiron, qui ne lascia iamais son maistre, tant le chien est fidele. Quelqu'un va repliquer ainsi : Si dit-on que les chiens qui sont en vn camp avec leurs maistres, les laissent, & se retirent en l'armee qu'ils pensent & presagient deuoir emporter la victoire, & qu'ils suiuent ceux qui doiuent estre maistres. A ce propos, adiouta-il, ie m'en vais vous reciter

les propres mots de Froissard qu'il escrit d'un chien qui presagea, laissant son maître, celui qui devoit estre Roy.

Le Roy Richard, dit Froissard, auoit un Leurier, lequel on nommoit Math, tres-beau Leurier outre mesure : & ne vouloit ce chien cognoistre nul homme, fors le Roy. Et quand le Roy vouloit cheuaucher, celui qui le gardoit le laissoit aller, & ce Leurier venoit tantost vers le Roy le festoyer, & luy mettoit incontinent qu'il estoit eschappé les deux pieds sur les espaules. Et adonc aduint que le Roy & le Comte d'Erby parlans ensemble en la place de la court du chasteau : & estans leurs cheuaux tous sellez, ce leurier nommé Math, qui estoit coustumier de faire au Roy ce que dict est, laissa le Roy, & s'en vint au Comte d'Erby, & luy fit toutes telles contenance que parauant il auoit accoustumé faire au Roy, & luy assit les deux pieds sur le col, & le commença grandement à cherir.

Le Comte d'Erby, qui point ne cognoissoit ce leurier, demanda au Roy, Et que veut ce leurier faire? Cousin, dit le Roy, ce vous est vne grande signifiante, & à moy petite. Comment, dit le Comte, l'entendez vous? le l'enten, dit le Roy : c'est que le leurier vous festoye & recueult aujourd'huy comme Roy d'Angleterre, que vous ferez, & i'en feray depose, & le leurier en a cognoissance naturelle. Si le tenez lez vous : car il vous fuira, & m'eslongnera. Le Comte d'Erby entendit bien ceste parole, & fit chere au leurier, lequel onc puis ne voulut fuire Richard de Bourdeaux, mais suiuit le Comte d'Erby, Duc de Lancastre.

Et si les Grecs & les Latins ont eu les chiens en si grande

recommandation, que de coustume ancienne ils entroient aux assemblees publiques, & aux conuocations du peuple avec les Heroës. Les Lares des anciens, c'est à dire Dieux domestiques, estoient vestus de la peau des chiens : parce qu'ils gardent les maisons, & veillent la nuit pour la defense de ceux qu'ils ont entrepris garder, comme les chiens. Si est-ce, repliqua vn autre, que si nous suivons le liure des Spectres, & que les Lares soient Demons, nous dirons avec Plutarque, que les Lares estoient vestus de peaux de chien : pourautant que tout ainsi que le chien a bon sentiment, aussi les Lares odorent de loing les pechez & meschancetez des personnes, à fin de les punir & chastier aigrement. Ciceron appelle les chiens gardes fideles par dessus tous autres animaux. Les femmes accouchees, qui se veulent faire tarir, font bien cest honneur aux petits chiens de se faire tetter à eux. Cyrus de Perse fut nourry par vne chienne. Les Egyptiens pour le hieroglyphique d'un noble courage, qui recherche plus volontiers l'honneur que le profit, ont mis le pourtrait d'un chien, qui se tient coy aupres d'un lieure mort. Les Baëriens & Caspiens les ont tant honorez, qu'ils ont voulu que les chiens leur seruissent de sepulchres, nourrissant leurs sepulchres, & appelloient tels chiens, sepulchraux : plusieurs de nos anciens faisoient enterrer leurs chiens avec eux en mesme sepulchre, tant ils les aimoient, pour le moins on le void es vieux sepulchres : au contraire de ceux de l'isle de Corse, qui mangent & se nourrissent de chiens : aussi sont-ils iraconds, hardis, cruels, agiles & prompts, si nous croyons Cardan : qui dit cela apres Strabo & Pline, lesquels asseurent que les Ethio-



piens vsoient entre autres viandes de la teste des chiens. Hercule auoit vn chien qui le suiuit d'ordinaire, qui fut cause de l'inuention du pourpre : aussi bien que la vigne, qui fut trouuee, ce dit Atheneus, près la montagne d'Ethna, par vn chien, lequel se pourmenant par là, arracha vn rameau de terre, & replanté, firent plusieurs reiettons, que le fils de Deucalion nomma *Oenus*, du nom du chien qui auoit arraché le rameau : & à ce qu'on m'a dit les anciens Grecs appelloient les vignes *Oeneas*. Quelqu'un en doutant va demander s'il estoit vray que les petits chiens tenus sur les membres gouteux appaisent le tourment, & par quelle raison. Il fut respondu que cela se faisoit par vne douce & chaude exhalation, refuseillant la chaleur naturelle de l'homme languissante : ou bien attirant à eux l'humeur qui cause les douleurs : ou bien les dissipant par vne vertu digestive & consumative : tellement que quand on les en tire, ces pauvres petits chiens ne se peuvent aider de leurs membres. Les chiens aussi guerissent les playes & vlcères en les lechant : & ce à cause de la deterfion & mondification de la playe : la langue du chien estant deterfiue, à raison du sel dont elle est abreuee : la langue nettoyant l'ulcere, & le sel y adherant, detergeant l'ordure qui est dessus, la salive estant dictée *salē, sal autem detergit*. De ce que dessus on peut rendre raison, de ce que la salive de l'homme, principalement à ieun, fait mourir le Scorpion, la Tarentule, & autres tels animaux veneneux : & se trouuent certains hommes, qu'aucuns appellent *Marses & Pselles*, qui font profession de sucquer les venins. Il fut adiousté qu'une grand' Dame,

comme il est escrit en Lucian, aime tant sa chienne Myrrhene, pour luy seruir de quelque detersion, qu'elle pria vn Philosophe de la mettre avec luy en sa coche, pour la traicter & gouverner, estant prochaine à auoir des petits.

Nostre Fesse-tondue va repliquer qu'il sçauoit bien pourquoy le chien suit tousiours son maistre. Et quand on luy eust demandé, pourquoy ? Il va respondre, le chien suit son maistre, pource que le maistre va deuant. Aussi l'obeissance du seruiteur au maistre, est representee par vn chien, destournant la teste, selon les lettres sacrees des Egyptiens. Puis se met à faire vn conte qu'il commença ainsi. Je fus n'a pas long temps assailly du chien de mon voisin, d'aventure i'auois vne pertuisanne, dont ie me defends contre ce chien seulement de la hante : mais ie ne sceu si bien faire, qu'il ne me baillast vne dentade, & que les dents ne me fissent grand mal. Lors ie ne me pus tenir de tourner la poincte & le tranchant de ma pertuisanne contre le chien, si bien que ie le blessay. Le maistre du chien me va dire, qu'il me deuoit suffire de frapper son chien du manche & derriere de la pertuisanne. Je luy responds, Il ne me deuoit donc mordre aussi que de la queue.

Quelqu'un prenant la parole va dire, qu'à cause des querelles qui viennent des grands chiens qui mordent, & qu'on se fait bien mordre à son chien, qu'il aimeroit mieux auoir de ces petits chiens de l'isle *Melita*, que nous appellons *Malte* : car ces petits chiens ne mordent point, & s'ils mordent, ils ne font nul mal, dont il n'en arriue pas tant de querelles que des grands : & si

les petits se vendent mieux que les grands, ce qui trompa le Limoufin. Que si on veut empescher, disoit-il, que des chiens deuiennent grands, il faut tout incontinent qu'ils font nez qu'on les lie estroitement de bandes & linges, ou bien les mettre en vn petit vaisseau, où ils soient bien ferrez : car ainsi renfermez, ils ne croissent point, par faulte d'exercice : croissans plus icy qu'en l'isle de Malte, & avec cela ne les faut gueres nourrir, si vous voulez qu'ils demeurent petits. L'ai veu, fut-il repliqué, autant de querelles pour les petits chiens que pour les grands, pource qu'on les defrobe plus aisément, & ne retournent point à leurs premiers maistres comme font les grands. Toutesfois i'ay vn mien voisin qui sçait si bien traicter les chiens qu'il defrobe, que iamais ne retournent à leurs premiers maistres, de quelque ordre puissent-ils estre encores qu'on leur ait baillé à manger des grenouilles cuites, ou du sel broyé, ou du pain long temps tenu sous les aisselles : car on dit que cela sert à vous faire fuiure de vos chiens. Je voulus sçauoir, disoit-il, de quelle recepte il vloit, non pas pour soustraire les chiens des autres, mais pour me garder de luy, & d'autres, qui font mestier de les defrober, sans que les chiens facent conte de reuenir où ils ont esté esleuez & nourris petits. On m'asseura que quand il pouuoit empoigner quelque beau chien, il le renfermoit en vne chambre, & le faisoit iufner tant qu'il pouuoit porter la faim : le visitant tous les iours, luy bailloit vn peu à manger à chasque fois : tellement que le chien recognoissant le bien qu'il receuoit de cestuy-cy, qui luy bailloit tous les iours à manger en sa grand' faim, l'aimoit à iamais, iusques à ne le

plus laiffer, & à oublier fon premier maiftre : car le chien n'oublie iamais le bien qu'on luy a fait : parquoy il fignifie hieroglyphiquement celui qui n'oublie iamais le bien fait qu'il a receu : & auffi reprefente la memoire, dont nous trouuons que Socraté, in *Phædro*, iure par le chien, apres qu'il penfe auoir bien appris l'oraifon de Lyfias. Et vrayement, va dire quelqu'un, le Magiftrat deuoit auoir efgard à ceux qui font ainfi endurer la faim aux chiens, pour les retenir, fans auoir la peine de les effeuer : car fi nous voulons croire à ce que dit Eufebe, les chiens peuuent enrager par la faim, & à faulte de boire : & à fin que le croyez, il efcrit que fous l'empire de Maximinus<sup>fy</sup> eut fi grande famine, qu'on fut contrainct de tuer tous les chiens, de peur que par la faim ils ne vinffent à enrager, puis apres à mordre, & à manger les hommes. l'ay veu, adioufta-il, vn gentil-homme Limoufin, qui fut contrainct, à caufe d'une grande cherté de bleds, de laiffer fes chiens : mais tant s'en faut qu'il les vouluft faire tuer, qu'en pleurant & regardant fes chiens, il leur bailla congé, en leur difant, Mes amis, il n'y a fi bonne compagnie qui ne fe defparte : on ne peut pas tousiours demeurer enfemble. Celuy qui auoit conté comment fon voifin gaignoit ainfi les chiens, va dire que depuis qu'il euft fceu cela, ne voulut iamais hanter avec ce voifin : tant pource qu'il faifoit tort à beaucoup de perfonnes, que pour la cruauté qu'il exerçoit enuers les chiens, fi fideles gardiens & compagnons des hommes. Et tant s'en faut, difoit-il, que ie vouluiffe faire comme mon voifin, que ie me repens de vous l'auoir dict, de peur que quelqu'un s'en ferue, l'ayant appris de moy.

Mais ie m'affeure, adioust-il, que tous ceux qui sont icy ne sont pas plus cruels que les Turcs, qui sont si eslongnez de faire eudurer les chiens, qu'encores qu'ils ne soient pas à eux, ils leur donnent du pain pour l'honneur de Dieu, & des Trespassez : comme aussi ils acheptent des oiseaux, qui sont prisonniers en cage, leur baillans liberté, par la mesme raison qu'ils donnent du pain aux chiens.

L'ay leu aussi qu'un Duc de Silesie dota vn certain lieu pour nourrir les chiens qui n'auoient point de maistre, & à qui leurs maistres auoient donné congé, ou qui les auoient perdus. Que si i'en estois creu, ceux qui sont ainsi ieufner les chiens, seroient punis, ou bannis, comme fut celuy qui creuoit les yeux aux corneilles, ne pouuant rien esperer de bon de telles gens. Et vous assure, disoit-il en continuant, que i'ay vn parent qui ne se feindroit point de tuer ceux qui commettroient telles cruautés enuers ses chiens : car il les aime tant, qu'il n'en a pas vn, voire le plus chetif, qui n'ait vn collier, que les Latins appellent *Millus*, tout garny de clous & pointes aiguës : qui sert tant à se defendre des autres chiens, qu'à les offenser : ce qui a meü la maison de Petillan à prendre ce *Millus* pour le corps de leur deuise, avec ce mot, qui lui sert d'ame, *Sauciat & defendit*. Ce mien cousin, adioust-il encores, aime tant les chiens, que si ses voisins ont des chiens qui ayent les oreilles vicerees de mousches, il les frotera avec amandes ameres broyees : & si fera mourir leurs puces, frottant les chiens avec eau de mer, ou de saulmure avec eau, ou de vieille lie d'huile d'oliues. On ne luy

sçauroit faire à croire, que Cerbere, dit Medusean, Triple-chef, Portier d'Enfer, soit vn chien : & que cela est faux, de dire que c'est vn chien qui produit l'aconit de sa baue : & qu'on le donne au Dieu de l'Enfer, quelque chose qu'en dient les statues des Dieux. Et dit aussi qu'Acteon ne fut point deuoré par ses chiens, & que ce ne sont que fictions poétiques : encore qu'aucuns aient voulu dire que les chiens d'Acteon estans enragez, & ne recognoissans leur maistre, l'ont pu manger, il disoit cela estre faux : pource que les chiens, encores qu'ils soient enragez, ne font nul mal à leur maistre, ny à ceux de la maison. Et ne pouuoit croire aussi ce que dit Suidas, que Heraclitus Ephesien ait esté deuoré par ses chiens, qui pensoient, le trouuans en vn fumier, que ce fust vne beste sauuage : là où il s'estoit mis au Soleil, estant oingt de fient de bœuf, ou de son suif, pour se guerir d'hydropisie. Et que les Latins faisoient fort mal d'offrir vn chien à leurs Dieux, & appelloient la feste *Catulatio*, auant que tondre les oûailles, veu que les chiens les gardent des loups. Et qu'Alcibiadés ne fit guerres sagement de couper la queue à vn beau chien qui luy coustoit sept cents escus : à fin, disoit-il, que les Atheniens comptans cela de moy, ne s'amusent point à me rechercher curieusement plus auant.

Puis nous va dire que ce cousin gardoit comme l'or l'histoire d'un chien qui fut si fidele à son maistre, apres sa mort, que toutes les fois qu'il trouuoit celuy qui l'auoit assassiné & occis de guet à pent, il l'affailloit, & se ruoit sur luy : si bien que par ceste coniecture, & que le chien alloit souuent où auoit esté enterré son maistre,

qu'on trouua là, il fut conuaincu d'homicide : comme il se trouue escrit & pourtraict en vne sale de Montargis. Tout cela est aisé à croire, luy fut-il accordé, à ceux qui ont leu que le chien du Roy Lyfimachus, aussi bien que celui de Pyrrhus, se ietterent dans le feu, où les corps de leurs maistres furent brullez. Je ne vous diray point, adiousta-il, pbur estre assez commun, comme ce mesme Pyrrhus trouua vn homme mort, ayant son chien aupres de lui, qui n'auoit mangé il y auoit trois iours. Le Roy Pyrrhus faisant enterrer cest homme, retint le chien pour luy, qui puis apres recogneut ceux qui auoient tué son maistre, le chien se iettant sur eux, en vne reueüe que fit ce Roy : tellement qu'estans prins ils confesserent le meurtre, & furent punis. Le sacrilege n'en eut pas meilleur marché, lequel fut fuiuy par vn chien, qui gardoit le temple, si de prés toute vne nuit, que le larron avec des pierres ne le pouuoit esloigner de luy : & s'il demouroit en vn lieu, aussi le chien, & si ne iappoit qu'à ce sacrilege, sans vouloir manger. Le larron estant prins, ce chien garde-temple commença à se resioür, & à manger, & ne iappa plus.

A ceste cause il fut ordonné que ce chien, qui auoit nom Caparus (il meritoit bien d'auoir vn nom) feroit nourry du public, & que les prestres auroient soucy de luy. Cedrenus raconte, adiousta-il encores, qu'un hostellier trouua vn passant mort, qu'on auoit vollé & tué, ayant son chien aupres de luy qui le gardoit. Cest hoste meu de pitié fit enterrer ce mort, le chien le gratifiant se donne à luy, & le suit, demeurant avec luy en l'hostellerie. Il arriue qu'un iour le meurtrier de son maistre

arriue là dedans pour loger, ce chien luy faulte au visage, ayant accoustumé de faire bonne chere aux autres hostes. Cela donna si grande presomption à l'hoste, qui auoit fait enterrer le maistre au chien, que ce brigand estant prins fut conuaincu d'auoir fait le meurtre, & condamné d'estre roué. Celius aussi escrit, continuoit-il à dire, qu'un Nicias chassant avec ses chiens, pourfuyuoit vne beste de si grande ardeur, qu'il tomba en la fournaise d'un charbonnier, & là se brula : combien que ses chiens, estans tous autour de luy, le prenans par ses habillemens, le voulussent sauuer. Xantippus recompensant la fidelité de son chien, qui l'auoit suivy d'Athenes nageant iusques à Salamine, luy fait eriger là un sepulchre, qu'on appella *Cynotaphium*. Alexandre le grand, ce dit Theopompus, ayant perdu sa chienne Perthas, fit bastir vne ville qu'il nomma de son nom.

L'Empereur Adrian aima tant les Chiens, & la chasse, qu'il fit dresser un somptueux sepulchre à un de ses chiens qu'il aimoit fort : combien que le Concile tenu de son temps, ne laissa à defendre la chasse au Clergé. Les Egyptiens ont erigé aux chiens des monumens, & magnifiques sepulchres, & les ont tenus en telle estime & reuerence (comme ont escrit ceux qui ont interpreté leurs lettres Hieroglyphiques) que par l'effigie du chien ils entendoient l'interprete des choses diuines, leurs prophetes, qui deuoient crier apres les vices, comme le chien iappe & est mauuais aux estrangers, & doux aux domestiques. Pour ceste raison, on mettoit le chien gardien des temples, & des simulachres des Dieux, qu'il semble auoir en admiration, les regardant bien souuent.



Que si les Lacédemoniens ont chassé les chiens de leurs temples, ce n'est pas qu'ils les eussent en haine, ou pource que publiquement ils s'accostent des chiennes, car les autres bestes en font bien autant : mais c'estoit que ceux qui pouoient toucher le prestre de Iupiter, estoient en franchise, & le chien eust empesché d'en approcher.

Les Ptamphaoniens, peuple d'Afrique, n'auoient pas seulement en reuerence l'effigie du chien, mais en choissoient vn viuant pour leur Roy : le mouuement & inclination duquel ils obseruoient, & entendoient, par vn sacré augure, ce qui leur estoit befoing de faire, où ils deuoient demeurer, & en quel lieu ils se deuoient transporter. Et si ce chien leur seruoit d'Astrologue : car quand le ventre du chien murmure fort & fait grand bruit, cela denote la pluye : à cause que l'air humide rend leurs boyaux pleins de vents & vapeurs : de mesmes le chien signifie la pluye, s'il grate en la terre faisant des fosses : ce qu'il fait pour eschauffer ses pieds, qui sont rendus froids par l'air humide. On pensoit estre fort de l'amour & fidelité des chiens enuers leurs maistres, quand quelqu'un de la Seree commença à parler des trois pucelles violees, & iettees en vn puits, qui y furent trouuees de leur pere, par le cry du chien, qui alloit & venoit du puits au pere, & du pere au puits. Et du chien d'un Poëte, qui se laissa mourir de fâcherie de la mort de son maistre. Hircanus le chien du Roy Lyfimachus, son maistre mort, demeura obstiné sus son lië, sans vouloir boire ne manger : & le iour qu'on en brusta le corps, il print sa course, & se ietta dans le feu,

où il fut brulé. Et puis nous dit, que si nous voulons croire à Elianus, la fidelité des chiens ne s'estend pas seulement à leurs maistres, mais ont soucy de ce qui leur appartient : quand il dit qu'un marchand allant à ses affaires, & sortant du chemin, oublia sa bourse, que le chien garda iusques au retour de la foire, où son maistre n'auoit rien fait par faute d'argent : ayant le chien tant enduré de faim, qu'il mourut tantost apres : le maistre estant plus fâché de son chien, que ioyeux de son argent retrouvé. Puis nous va conter deux histoires des chiens, vne ancienne & l'autre moderne.

Nous trouuons, commença-il encores à dire, que du temps que Appius Iunius & Publius Silo estoient Consuls à Rome, vn cheualier fut condamné à mort, qui auoit vn chien qui l'accompagna prifonnier, & quand il le vid mort, & qu'on le tiroit de la prifon, c'estoit pitié de veoir ce chien, & de l'ouyr encores plus. Et comme on iettoit à ce pauvre chien à manger, il prenoit la viande, & la portoit à la bouche de son maistre. Et quand le corps, fuiuant la sentence, fut ietté dans le Tybre, le chien se mit à nager, & soustint le corps de son maistre dessus son dos, tant qu'il l'attira au bord de la riuere. Ce conte attrista si bien aucuns, qu'on le pria de ne dire point la moderne histoire : mais la plus-part l'en sollicitèrent, si bien qu'il ne laissa à reciter, que Dom Aloufe, Comte de Beneuent, auoit vn chien, qui s'appelloit Melchorique (indigne de mourir sans nom, & digne d'en auoir encores vn plus long) qui l'aimoit tant, que quand ce chien vid son maistre mort, il ne voulut iamais manger, & demeura ainsi trois iours, iusques à tant que

quelqu'un estant en la maison, contrefaisant le Comte en la parole, & le semblant de visage, & de toutes choses, se desguisa avec les habits du defunct, & entra en la chambre où estoit le chien, l'appellant par son nom, & luy faisant feste, ny plus ny moins que le Comte auoit accoustumé de faire. Le chien de grand aise fit plusieurs faults, & mangea de ce qu'on luy bailla : mais depuis cognoissant qu'il auoit esté deceu, il retourna en sa premiere tristesse, & ne voulut plus manger, & mourut en peu de temps. Froissard aussi raconte qu'au camp du Duc de Bourbon, tenant le siege deuant la ville d'Afrique en Barbarie, il se trouua vn chien qui auoit suiuy les Geneuois, & toutesfois n'estoit aduoué : lequel fit infinis seruices au camp des Chrestiens : car toutes fois & quantes que les Sarrazins dresseient quelques embusches, & fortoient à quelque entreprinse, ce chien clapoit, iappoit, & menoit si grand bruit, qu'il refueilloit tout l'ost, les Chrestiens n'estans iamais surprins : & les Geneuois appelloient ce chien, le chien de nostre Dame.

Il y a des chiens, va dire vn autre, qui n'aiment & ne cognoissent que leurs maistres, sans se foucher de ceux de la maison, si vous voulez croire Plin, qui raconte que la femme de Nicomede, Roy de Bithynie, fut tuee du chien du Roy, folatrant avec son mary. Il y auoit des chiens, adioust-il, au mont d'Etna, qui est en Sicile, qui gardoient là vn temple, lesquels chiens applaudissoient les gens de bien, & ceux qui venoient là en bonne intention d'accomplir leurs vœux : que s'ils estoient vicieux & meschans, & sans deuotion, ils les mordoient : comme il y en auoit à Rome gardans le Capitole, qui

ne difoient mot à Scipion l'Afriquain. Cardan dit, ad-ioufta-il, qu'en Efcosse il y a des chiens qui cognoiffent les larrons, & les pourfuiuent : fi bien que ceux qui habitent entre les Efcossois & Anglois, n'oferoient fermer leurs portes à ces chiens, que s'ils les ferment, & qu'ils ne les veulent recevoir en leurs maifons, on les eftimera larrons. Diogene, acheua-il de dire, eftima tant les chiens, qu'il ne fe fâcha point d'estre appellé chien : & pource qu'il y a plusieurs fortes de chiens, quand on luy demandoit quel chien il estoit : Si i'ay faim, leur respondoit-il, ie fuis Melitee, car ie flatte : si ie fuis repeu, ie fuis Molosse, car ie mords. Franciscus Dandalus estant créé Duc de Venise ne trouua point mauuais qu'on le nommast chien. Et qui luy fit donner ce nom, c'est que luy estant ambassadeur des Venitiens, & ne pouuant faire la paix avec le Pape Clement, pource que les Venitiens auoient receu les Ferrarois en leur protection, durant le foupper du Pape, ce Venitien se mit à quatre pieds fous la table comme vn chien, ayant vne chaine au col. Dequoy estonné le Pape, il le receut en grace, & pardonna aux Venitiens. Le chien estant remply de si grande fidelité, que d'ancienneté il a esté tousiours receu à la table de son maistre : mesme nous trouuons, selon Plutarque, que les Rois de Perse auoient accoustumé de leur table de bailler à foupper à leurs chiens. Sur la fin on se mit à parler de la generosité, noblesse, & hardiesse des chiens.

Le premier qui en parla, va dire que si vn lieure meurt & estouffe, estant roidement pourfuiuy des chiens, qu'ils ne le toucheront point : comme bestes genereu-

ses, qui bataillent pour la victoire, & non pour la chair.

L'autre commença en ceste forte. Les chiens les plus mauuais & furieux, qui soient en tout le monde, sont en Albanie, si courageux & presomptueux, dis-ie, qu'ils desdaignent combatre les bestes les moins fortes & furieuses. Solin escrit que le Roy d'Albanie enuoya deux chiens à Alexandre, passant pour conquerir l'Indie : l'un desquels ne voulut combatre vn Ours, ne contre vn Sanglier : dont Alexandre se facha, & le fit tuer. Mais ceux qui les auoient amenez aduertirent Alexandre que le chien desdaignant vne si petite prinse, n'auoit voulu employer ses forces, & que mettant autres bestes plus furieuses deuant le chien qui estoit demeuré, il en verroit l'experience. Alexandre commanda qu'on le mit deuant vn lion merueilleusement furieux, lequel il combatit & tua facilement. Curtius dit, adiousta-il, qu'Alexandre, en ce mesme voyage, auoit plusieurs fois veu, que quand ces chiens ont vne fois faict prinse, que vous leur couperiez plustost les jambes l'une apres l'autre, que de la leur faire laisser. Les chiens estans si hardis & courageux, que la furie en laquelle ils sont, quand ils combattent quelque beste sauuage, leur esblouit si fort les yeux, que le plus souuent ils en perdent la veüe, par mutuelle affection de l'esprit & du corps : encores qu'on die que les chiens ont bonne veüe, & qu'ils voyent autant la nuit que le iour.

Vn Drolle en repliquant va dire, Vous ferez les chiens tant hardis que vous voudrez, si ay-ie veu vn Sanglier qui faisoit fuir les chiens de deuant lui : & voici comment. L'estois vn iour à la chasse avec vn grand Seigneur,

lequel auoit les meilleurs chiens du monde pour les grosses bestes. Allans à la chasse, on m'instruit de ce que ie deuois faire, & me baille-l'on vn cor, qui me seruit bien : car vn grand Sanglier estant party de sa bauge, & chassé des chiens, s'en vient droit à moy de grand' fureur. Ne sçachant à quel Saint me vouër, n'ayant que mon cors en ma main, & voyant qu'il auoit les nazeaux fort ouuerts, ie m'aduise de luy mettre mon cors dedans les nazeaux : ce qu'ayant fait, mon Sanglier passe oultre, & commença à corner de telle sorte que tous les chiens commencerent en lieu de le pourfuiure à fuir de deuant luy. Les piqueurs voyans ce Sanglier corner de telle sorte, & venant à eux, s'enfuirent qui çà qui là, les chevaux n'en voulans approcher non plus que leurs maistres. Le maistre de la chasse n'estoit pas plus affeuré que les gens : & tous pensoient que ce fust vn diable encorné qui les vouloit punir de ce qu'ils gastoient les bleds des pauvres gens. Moy sçachant comme le tout estoit arriué, en lieu de fuir, ie pourfuiuois ce maistre cornard, tellement que ie fus estimé le plus hardy de la troupe, iusques à ce que fussions au logis : où voyant que de frayeur les chasseurs ne pouuoient soupper, ie leur contay ma vaillance, & comme ie luy auois mis mon cornet dans les nazeaux.

Mais laissant les choses antiques, pourfuiuoit-il, que peut-on iuger du chien appelé Leoncique, qui passa avec vn soldat, quand Colom commença à descourir les Indes Occidentales? Ce chien combattoit de si grand courage, que les Indiens le craignoient plus que vingt Chrestiens : &, qui est bien plus, si quelque Indien de

ceux que l'on prenoit estoit eschappé, on le disoit à Leoncique, & il le fuiuoit à la trace, & s'en alloit droit à luy, combien qu'il fust entre mil autres Indiens : & si ce prisonnier Indien eschappé se laissoit mener, il ne luy faisoit point de mal : s'il se defendoit, il le mettoit incontinent en pieces. Diego de Salazar, adiousta-il encores, à la conqueste des Indes, auoit vn chien nommé Bezerillo (digne de ce nom) de couleur rouge, & gueule noire : lequel recognoissant ses Capitaines, & y obeissant, tiroit commune paye de soldat, pour se bien porter contre les Indiens, qu'il desmembroit. Si bien que les Espagnols auoient à la conqueste des Indiens, plusieurs tels chiens, qu'ils auoient accoustumé contre les Indiens, comme à la chasse d'autres bestes : & pour ce ne les nourrissoient que de chair d'hommes, qu'ils mettoient en quartiers comme chappons. Mais, demanda quelqu'un, qu'est deuenü la race de ces grands & genereux chiens ? Car combien, disoit-il, qu'en Angleterre se trouuent de grands & puissans chiens, & en la Bretagne, que nous nommons Dogues, si ne font-ils pas tels que le temps passé : parce que nous trouuons Heliogabale, qui en vn sien triomphe se fait tirer, estant en vn char, à quatre chiens. Et nous trouuons que Iuba Roy de Mauritanie, fit amener de grands chiens des Canaries, ce pais nommé Canarie, pour la belle race de chiens qu'il produoit. Toutesfois les Espagnols, qui depuis peu de temps ont subjugué ce pais de Canarie, disent qu'on ne void en ces isles aucuns chiens. On luy va respondre, qu'il ne falloit s'esbahir si les chiens n'y font plus tels : veu qu'il n'y a riens qui ne se perde, & que les accidens depuis

suruenus en ont peu faire perdre l'engeance & la memoire. Et, comme disent les trois mondes, si on n'entretenoit songneusement la race des cheuaux d'Espagne, & chiens Dogues d'Angleterre, la race s'en perdrait bien tost. Vn de la Serree, respondant à celuy qui auoit dit que les Espagnols n'auoient trouué nuls chiens en Canarie, luy va repliquer, Et possible aussi que ce pais a esté appelé Canarie, à cause des cannes de sucre, que produit ceste contree, & non pas à cause des chiens. Et ne se trouue plus de grands chiens, adioustoit-il, en toute l'Europe, qu'on nomme Dogues, qu'en la grande & petite Bretagne : où i'ay veu que l'isle de saint Malo est gardée par de grands Dogues, qui ne cognoissent que ceux qui ont le soing d'eux pour les nourrir & garder : de telle sorte, que quand on veut tirer ces chiens de leurs cachots pour la garde de ceste isle, on est contrainct de sonner la trompette & les tabours, pour faire retirer le peuple : car la retraite sonnée, il n'y a homme qui ostant se presenter deuant eux.

Vn autre de la Serree nous va dire, qu'il auoit leu vn plaissant conte, à propos des Dogues : c'est que le Roy d'Angleterre, Henry huitiesme, escriuit au Roy François premier de ce nom, vne lettre, où il y auoit entre autres choses, *Mitto tibi duodecim Molossos* : qui est à dire en bon Latin, Je vous enuoye vne douzaine de chiens. Or le Roy donnant à son Chancelier à lire ceste lettre, il luy va dire que le Roy d'Angleterre luy enuoyoit vne douzaine de mulets, priant le Roy de lui en donner vn couple. Le Roy esbahy de cela, fit lire la lettre à vn autre plus sçauant que ce Chancelier, qui se



moqua de luy, & de ses mulets, & de ses afnes. Vous ferez vos chiens, répond quelqu'un, tant vaillans & hardis que vous voudrez, mais s'ils estoient aux montagnes que les Grecs appellent Mænalos, pourfuiuant les bestes fauuaes, si n'entreroient-ils pas dans ces montagnes : car toutes fortes de bestes sont là en si grande sèureté, que les chiens n'y entrent iamais. Possible, luy fut-il dit, que c'est à cause que les chiens par la grand' odeur des fleurs, qui surmonte leur odorement, perdent tout sentiment des bestes qu'ils pourfuiuent : dont ne se faut esmerueiller s'ils ne les pourfuiuent plus. Ou bien que les chiens sont enchantez : car il se trouue quelquefois que les chiens ne prendront rien : & lors les chasseurs vont d'un approuué remede, c'est qu'ils fendent par le milieu un arbrisseau de chefine, & font passer tout au trauers d'iceluy tant les chiens que les chasseurs : ce qu'estant fait, il leur est aduis qu'ils ont rompu toute sorte de charme.

Vn de nostre Seree en sortant du logis où auions souppé, tira de sa poche un lopin de pain, qu'il y auoit mis apres s'en estre nettoiyé les mains, au lieu que les autres du conuiue s'estoient lauez & essuyez. Apres luy auoir demandé qu'il vouloit faire de ce morceau de pain, il nous dit qu'il auoit appris des anciens, & qu'Erasme en auoit fait mention en ses Chiliades, que cela seruoit contre les esprits & Demons qu'on trouue la nuit es carrefours, & contre les chiens qui sont aux places publiques, qui la nuit se mettent à assaillir les passans, & que deux ou trois fois ils l'eussent affollé sans ce remede : & qu'ayant ouy parler de la rage des chiens en ceste

Seree, il les craignoit plus que iamais. Mais à la verité, c'estoit qu'au departir de la compagnie, il faisoit estat d'aller veoir vne sienne maistresse, & qu'il craignoit les chiens, qui volontiers sont contraires & importuns aux amoureux. Car depuis on m'a dit, qu'il auoit tasché à auoir vne beste qui s'appelle Hyene, qui frequente les cimetieres & tombeaux, & que par son attouchement les chiens, mal-gré qu'ils en ayent, cessent leurs abbois. Et aussi que pour n'estre assaillie des chiens ny abbayé, on ne le trouuoit gueres sans tenir en sa main l'œil d'un chien noir, arraché de son viuant, ou l'œil & le cœur d'un loup, ou la langue d'une louue, ou l'arriere-faix d'une chienne. Si ay-ie veu des chiens, repliqua quelqu'un, qui n'estoient point fascheux aux amoureux, cognoissans bien les larrons des amoureux, comme pourrez entendre par ce Distique :

*Latratu fures excepi, nutu amantes :*  
*Sic placui domino, sic placui dominæ.*





## HVICTIESME SEREE.

### *Des Cocus, & des Cornards.*

**O**N tomba à parler en ceste Seree d'une grande querelle, avec vn long procez, entre gens de qualité, pour auoir appellé vn homme marié, lan, Sot, Cocu, Cornard, Becco-cornuto, & parent de Moyse. Puis fut disputé, si c'estoit vne iniure de delay & atroce, d'appeller par ces beaux noms vn homme marié, soit que sa femme soit impudique, ou qu'elle soit chaste.

Vn de la Seree voyant qu'on s'en alloit parler des Cocus, se prenant à rire, va dire, Messieurs, ie vous prie, si nous auons à parler de ces gens-là, que nous y allions sagement, & que parlions correct; car estans mariez, pourrions parler de nous-mesmes, & en faire des contes, sans en sçauoir rien, & sans y penser en mal: tout homme marié estant cocu *actu vel potentia*: &, comme dit Rondibilis à Panurge, qui se vouloit marier, coquuage est naturellement des appennages de mariage, & quand vn homme est marié, il a esté, ou est, ou sera, ou peut estre cocu.

En premier lieu il fallut sçauoir dont venoit ce mot de cocu, estant le plus commun. Il fut dict, qu'on appelloit vn homme marié cocu, qui auoit vne femme impudi-

que, d'un bel oiseau qu'on appelle le cocu, les autres l'appellent couquou, ainsi nommé de son chant. Et pource que ce bel oiseau, si renommé, va pondre au nid des autres oiseaux, étant si sot qu'il n'en sçauroit faire un pour luy, par antithese & contrariété on appelle celui-là cocu, au nid duquel on vient pondre, c'est à dire, faire des petits. Puis fallut apprendre d'où venoit ce mot de Becco-cornuto, & de ce qu'on dit que les cocus ont des cornes, & pour cela sont appelez cornards. On dit que les Italiens appellent celui de qui la femme s'esbat Becco-cornuto, de ce que le bouc ne se foucie, & n'est nullement jaloux si un autre bouc va à sa cheure tout deuant luy, étant entre tant d'animaux seul sans jalousie. Combien qu'Elia tienne du contraire : quand il dit qu'un bouc jaloux, conducteur du troupeau, fit fortir la ceruelle du pasteur Calabrois, avec ses cornes, pourautant que ce pasteur aimoit sa cheure : ce que Volaterran & Celius escriuent aussi.

Quelqu'un va dire, qu'il trouuoit bonne ceste raison d'appeller Becco-cornuto celui qui est l'un de luy-mesme, sa patience étant un consentement : mais celui qui est l'un de contraincte, & qui empesche par tous moyens de n'auoir point de compagnon, qui luy aide à faire sa besongne, ie ne voy point, disoit-il, puis qu'il ne ressemble point le bouc, qui n'est nullement jaloux de sa femelle, qu'il doive porter des cornes : trouuant un grand deshonneur à de pauvres l'ans mariez, les faire cornus comme bestes brutes : qui mesmes sont desplaisantes de les auoir : car nous voyons que la Licorne, le Cerf, & l'Elephant cachent leurs cornes, à fin que les

cachans, ne reste memoire d'icelles. Ce qui nous enseigne, adiousta-il, qu'à leur imitation, si nous auons des cornes, qu'il les faut cacher le mieux que nous pourrons. Mais i'ay peur que les animaux qui ont des cornes, que tout le monde void, les puissent mieux cacher, que ceux qui en ont, encores qu'on ne les voye point.

Vn autre de la Seree repliqua, que Becco venoit plustost du cropion, qui s'appelle en Italien becco, à cause d'un bec qui y est, que du bouc : parce que ce mot Becco en Italien signifie & l'un & l'autre. Auquel il fut respondu, que puis qu'on appelle vn homme cornard, & qu'on baille des cornes à celuy qui a vne femme qui se fait seruir à couuert, le mary le sçache ou ne le sçache pas, qu'il falloit bien que ces cornes prissent leur origine du bouc, qui les porte grandes. Et que ce n'estoit pas vne inuention tant nouuelle, qu'elle ne ressentit son antiquité, d'appeller bouc celuy qui est mary d'une femme adulteré : parce qu'anciennement, disoit-il, on vloit de cest hieroglyphique, & de cest adage, contre les bastards, si quelqu'un d'auenture s'enqueroit de leur pere : en disant, Il va de la mere comme de la cheure, à cause de l'incertitude du pere : la cheure estant mobile & legere, & pourtant le cheureau ne peut estre cogneu que de la mere. C'est donc à bon droit, que l'on appelle l'homme bouc, duquel la femme seule peut recognoistre les enfans. Si on baille des cornes à ceux qui sont cocus, va repliquer quelqu'un, il faut donc bien dire que les diables sont tous cocus : car à tous on leur baille des cornes : & veritablement en portent sur la teste, comme asseurent les peintres & ceux qui en ont

veu. Toutesfois, les cocus estans si bonnes gens, & les diables si meschans, il me semble qu'il ne les faudroit pas marquer de mesme marque & enseigne. Combien que i'estime heureux ceux qui portent des cornes, si elles leur demeurent tousiours, dautant que les diables ne leur feront nul mal, pensans que ce soient de leurs compagnons.

C'est volontiers, va dire vne Fesse-tonduë, quelques jaloux qui ont fait & peint les diables cornus, & ont asseuré qu'ils l'estoient : comme voulans dire, que c'est le plus grand mal & malheur qui puisse arriuer à vn homme que d'auoir des cornes : & pour ceste cause, à fin que tout le monde sçache que les diables sont les plus meschans, miserables & infortunez qu'on sçauroit trouuer, on leur a baillé des cornes aussi bien qu'aux cocus. Ce seroit bien plustost, replica quelqu'un, qu'on fait porter les cornes au diable, parce que le bouc est prins pour le diable, pour peché, & pour toute chose mauuaise, estant fort lascif, infect & puant : dont il estoit en l'ancienne Loy sacrifié pour tout le peuple, en le maudissant, & mettant tous leurs pechez sur sa teste.

Seroit-ce point, demanda vn autre, que les diables en faisant vn homme cocu luy baillent leurs cornes ? Parce que les diables, qu'on dit & croit estre cornus, peuuent auoir copulation charnelle d'une femme qui est forcieriè, & s'est donnée à eux. Et Philostrate tient que *Lamia* sont esprits, ou pour mieux dire mauuais Demons, paillards oultre mesure. Iacobus Ruepff, adioustail, tesmoigne que de son temps vne femme forcieriè eut affaire à vn esprit malin, & que des entrailles luy en

tomberent, & qu'un boucher forcier ayant affaire à une diableſſe, ſes parties genitales luy enflerent de telle forte qu'il en mourut.

Une fille de Conſtance forcieriſe diſoit que le diable l'auoit engroſſee, & de fait ayant le ventre grand, elle fut miſe en garde, & fortit de ſon ventre des clous de fer, des pierres, des os, & autres choſes. Puis adiouſta que ce qu'on dit, les diables engroſſer des femmes, les femmes s'adonner aux diables, & les hommes à des diableſſes, que cela ne ſe fait qu'entre les diables, forciers & forcieriſes, Dieu le permettant, s'eſtans mis à leur ſeruiſe.

Quelqu'un repliqua que cela eſtoit mal-aiſé à croire, que les diables peuſſent cognoiſtre les femmes charnellement, & que s'il n'y auoit que ceux-là, il n'auroit point peur d'eſtre cocu, & ne craindroit point leurs cornes, craignant plus les viſs que les morts : les diables & les demons eſtans de nature ſpirituelle, n'ayans chair ni ſang. Et auſſi que les diables n'ont point neceſſité de ſucceſſion, parce qu'ils ſont immortels, & eſtans immortels, ils n'ont beſoyn d'engendrer, & n'en ont nul deſir. Que ſi ainſi eſtoit diſoit-il, que les diables peuſſent engendrer, il y auroit bien de la diablerie par les champs.

Mais que ie parle à monſieur Bodin, va dire noſtre Feſſe-tonduë, ie luy demanderay, ſi les diables, pour les punir du tort qu'ils font aux maris des forcieriſes, ne peuuent pas prendre la verolle. Et qui me fait croire qu'oui, c'eſt qu'on dit, Le pauvre diable a la verolle. De la bailler, ie n'en ſay point de doute : & croy que ce ſont eux, & les forciers, leurs grands amis, qui l'ont

apportee au monde, & qui l'ont baillee aux femmes : veu qu'encores aujourd'huy quand on void quelqu'un qui en est malade, on dit, Il est enforcelé, c'est vne maladie qu'on luy a baillee. Je demanderay aussi à Bodin, si les forciers, qui ont compagnie de leurs diableffes de femmes, font les diables cornus, & si pour cela on leur baille des cornes.

Quelqu'autre prenant la parole va dire, qu'on ne bailloit pas des cornes aux diables pour estre cocus, mais que c'estoit parce que bien souuent ils prennent la figure d'un bouc, qui a des cornes, & qui se font en ceste sorte adorer, & baïser le cul, où il y a encores vne petite corne: comme tesmoignent tous les forciers par leurs depositions, qui appellent ce diable desguisé en bouc, *Melampyge*, qui est autant à dire comme cul noir : au moins, disoit-il, on me l'a fait à croire : car ie ne suis point forcier pour entendre ce langage. Puis continuant, confessa qu'il ne sçauoit pourquoy on bailloit des cornes aux diables, mais qu'il sçauoit bien pourquoy on dit que les cocus ont des cornes. C'est, commença-il à dire, que quand ils arriuent près de leur maison, ils commencent à corner, à fin de ne trouuer ce qu'ils ne cherchent pas, & qu'on ne les estime point estre lans d'eux-mesmes. Ou bien c'est, adiousta-il, qu'on les appelle cornus, de ce qu'ils sont contraints de baïsser la veüe & la teste, comme font les bœufs & les toreaux, & autres animaux à corne, quand ils combattent. Ou bien on baille des cornes aux cocus, parce qu'ils deuïennent furieux (au moins aucuns) & dangereux, ainsi que sont ordinairement les animaux armez



de cornes. Car il n'y a pas long temps qu'un cocu entra en telle fureur, voyant qu'il auoit des cornes, qu'il tua sa femme : & quand on luy disoit qu'il se deuoit prendre à ceux qui l'auoient encornailé, il respondoit, que pour empescher que les chiens ne suiuent vne chienne chaude, qu'on a plustost fait de la tuer qu'à chasser les mastins.

Ce n'est point pour tout cela, va affeurer quelqu'un, qu'on dit les cocus porter des cornes, mais c'est parce que les cocus sont faciles à se laisser persuader, & tourner deçà & delà, comme les cornes qui mises au feu prennent telle forme qu'on veut. Il s'est trouué vn Copieux, qui estoit lan de luy-mesme, & non de contraincte, lequel estant couché avec sa femme, faisoit semblant de dormir & ronfler, à fin qu'on s'approchast sans crainte, dont est venu l'adage de Ciceron, *Non omnibus dormire*, ce dit Lucius sur Berald. Et de fait, adiousta-il, il y a des personnes qui meritent bien qu'on leur face porter des cornes : parce qu'on les tourne comme on veut, & quelque chose qu'on leur puisse dire de leurs femmes, ils ne le croient, & s'ils leur baillent tant de liberté, qu'ils meritent estre appelez par leur nom, comme vous entendrez.

Il n'y a pas long temps, disoit-il, qu'un de mes voisins, homme d'estat & d'aage, remonstra à vn sien amy la trop grande licence qu'il bailloit à sa femme, & que le monde en parloit en mauuaise part. Ce bon-homme de mary n'en voulant ouir parler, ce mien voisin fut contrainct de luy dire, comme il auoit trouué sa femme avec vn homme, & de luy declarer par le menu tout ce qu'il

auoit veu, qui estoit suffisant pour l'asseurer d'estre cocu. Ce mary s'asseurant du contraire, va dire à son voisin, que les gens vieux de maintenant estoient si soupçonneux, que s'ils voyent parler vn homme & vne femme ensemble, ils y pensent en mal : & qu'on se peut bien approcher l'un de l'autre sans offenser Dieu, ne son honneur, ne son mary. Ce voisin tirant sur l'aage, le voyant opiniastre, en des opinions cornuës, & qu'il auoit ie ne sçay quoy en la teste, qu'on ne luy pouuoit facilement oster, luy va dire ainsi : Si on le fait comme on faisoit de mon temps, ie vous puis asseurer que vous estes cocu, & que vous auez des cornes. Cest incredible Ian nioit auoir des cornes, argumentant ainsi : le vous confesse que toutes bestes qui n'ont point de dents és mandibules de dessus, ont des cornes : or i'en ay & deffoubs & dessus : ergo ie n'ay point de cornes. Le voisin luy replique, vrayement ie te confesse que tu n'as pas des cornes de bœuf ne de taureau, mais tu en as d'autres : comme toy-mesme as signé au rapport d'un tien adiournement, où tu as mis, que celui que tu auois adiourné, t'auoit voulu outrager, t'appellant cocu & cornard, ce que tu certifiois estre vray, par le present rapport, escrit & signé de ta main. Ce conte acheué, on se remet encores à rendre raison des cornes qu'on baille à ceux de qui les femmes se font feruir à couuert, & qui s'esbatent, & resiouissent avec leurs amis.

L'un disoit, que c'estoit pource que la coustume & naturelle façon de toutes femmes est, de changer les hommes en cerfs & moutons toutes les fois qu'il leur plaist : comme Diane fit Acteon.

L'autre affeuroit qu'on attribué les cornes aux Ians, parce qu'on sacrifie le bouc, qui a des cornes, à Minerue : estant chasteté mortelle ennemie des cornes.

Vn autre, qui auoit veu le Monde des cornus, nous va dire, qu'il y auoit leu, que celui qui par le moyen de sa femme porte les cornes, n'est dict cornu pour autre raison, que pourautant que les cornes sonnent & publient par les carrefours son deshonneur & infamie, comme les autres choses publiques : parce qu'anciennement l'on auoit accoustumé de faire les trompettes de cornes.

A propos de cornes & de corner, va dire vn de la Seree, il se maria l'autre iour vne ieune fille avec vn homme veuf, qui auoit trois enfans, faisant à croire à sa future femme qu'il n'auoit qu'un enfant, & que les autres estoient au cimetiere. Quand ils furent mariez, il s'en trouua trois. La nouvelle mariee, sans se fâcher autrement, va dire à de ses parents & amis qui la vouloient consoler de cest ennuy : Mon mary m'a trompee, mais qu'il s'affeure que ie le corneray.

Le scay bien, va dire vne Fesse-tonduë, pourquoy on baille aux cocus des cornes : c'est que les ioueurs d'instrumens & les musiciens sont subiects à les porter, & les femmes qui aiment & suiuent la danse, & ne demandent qu'estre où il y a des menestriers (ayans leurs lyres & violons faicts de corne) sont subiectes à faire porter les cornes à leurs maris. Et cela fera aisé à croire, si vous considerez que les anciens bastissoient la lyre avec deux cornes d'un fommel ou coupeau, & d'un tais vouté, comme Philostratus escrit parlant d'Amphion : ces cornes estans prinſes d'une cheure sauuage, dont les musi-

ciens vfoient pour faire leurs instruments, deuant qu'ils euffent l'vfage du bois.

Vn Drolle, prenant la parole, repliqua, qu'au contraire c'estoit vn bon-heur que d'auoir vne belle femme, qui n'ait point d'ennemis, pour viure à fouhait, & en honneur : car il se peut vanter d'auoir la corne d'abondance. Vn bon mary, adiousta-il, ayant vne belle femme, & en veult faire part aux autres, peut dire qu'il a en fa maison la corne de richesses, & la corne d'Amalthee, qui est tousiours le symbole & enseignement d'abondance. Et ceux qui portent ceste corne, comme faisoit Herculés, ont toute abondance & fertilité, & se peut appeller corne de copie, & de richesse, là où tout se trouue. Et aussi les Egyptiens en leurs Hieroglyphique & sacrees lettres, par la corne d'abondance ont remarqué vne grande liberalité & largesse, estant volontiers tousiours mise dans les mains des Dieux : & en toutes les medales où elle se void, c'est pour representer tout bon heur, tout bien, & commodité. De là est venu qu'on appelle vn homme cocu, Ian, qui est à dire en langage Ethiopien, puissant : & leur Roy s'appelle Prete-Ian. Theuet dit, qu'il se void en l'isle de Moluque vne beste amphibie, qu'il nomme Camphurch, dont le Roy de l'isle porte volontiers le nom, & ce pour la reuerence d'une seule corne de trois pieds & demy qu'elle porte au front. Le plus grand honneur que les Indoïs du Calecuth, peuvent faire à leur Dieu de diable, c'est de luy bailler vn diademe à trois cornes : les cornes de toute ancienneté remarquans vne dignité, puissance, force, autorité & empire en tous les liures hieroglyphiques. Et aussi que

la demonstration d'une vie longue, se fait par les cornes des cerfs longues & ouuertes. Que si ie suis destiné, adiousta-il en continuant, à porter des cornes, ayant ce bon-heur d'estre cocu, ie voudrois bien en auoir d'aussi belles & bonnes que celles des Elephans, pour estre les plus grandes & riches cornes de tous les animaux : combien qu'aucuns tiennent que les Elephans n'ont point de cornes, mais des dents.

Si est-ce, luy fut-il repliqué, que Pausanias soutient que les cornes naissent ou au fourcil, ou au nez : & outre cela, ces cornes tombent à certain temps, au lieu desquelles reuiennent d'autres qui s'amolissent au feu, ce qui ne se pourroit faire des dents : ioinct qu'elles sortent & prouiennent du crane ou test. Soient cornes, ou dents, va dire quelqu'un, si ie dois estre cornu, j'aimerois mieux auoir une corne de Licorne, que les Grecs nomment *Monoceros*, & les Latins *Vnicornis*, pource que c'est la plus digne, riche, & precieuse, & de plus grand prix : & aussi que ie ne ferois beste qu'à une corne, & ainsi à demy cocu. Il lui fut respondu, qu'il n'y auoit point de petits cocus, & de demy cocus, & que la maison de celuy qui se marie est toute entiere : à ceste cause luno est tousiours dicté par Eschyle, *Telia*, & aussi que la plus-part tient qu'il n'y eut iamais de Licorne, ne beste qui n'eust qu'une corne, & que c'est une chose imaginee : car il ne se trouue homme, tant ait-il voyagé, qui en ait veu : si bien que Theuet dit que les cornes, qu'on assure estre de Licornes, se contrefont par ceux du Leuant, & ne sont autre chose que cornes d'Elephant, creusees & allongees. Et à la verité, adioustoit-il, quand on brusle

vne de ces cornes, qu'on dit estre de Licorne, elle rend semblable odeur que l'yuoire.

Et quand tu ne ferois qu'à demy cocu, luy fut-il encores repliqué, n'ayant qu'une corne de Licorne, penfes-tu que ta corne, & la corne de Licorne, soient de telle vertu contre les venins & poisons que tu estimes, & que les Medecins ceremonieux, qui l'ordonnent, font à croire aux plus grands, & simple peuple? Car quant à moy, adioustoit-il, ie tiens avec Rondelet, que toutes cornes en general n'ont ny faueur ny odeur pour seruir en Medecine, si ce n'est pour dessécher. Car ie ne puis croire que le parfum des cornes puisse chasser les serpents, & que la peste en soit chassée, si vous faites brûler des cornes en vostre chambre : combien qu'il y ait des animaux qui ont toute leur force aux cornes. Parquoy il concludoit de n'aimer point les cornes, puis qu'elles n'auoient les proprieté & vertus que beaucoup leur donnent. Et que le plus grand bien qui vint iamais des cornes, c'estoit d'auoir seruy aux anciens de vaisseaux pour boire, beuuans en des cornes : à ceste cause le bon Denys estoit peint cornu, & appelé cornu : ou bien c'est que ceux qui aiment à boire en ces vaisseaux, estans bons supposts de Bacchus, sont dignes de porter les cornes. Si est-ce, luy fut-il repliqué, que les anciens beuuoient en des cornes, pourautant qu'elles auoient vertu & contre le venin, & contre les maladies : tellement qu'ils mesuroient leurs liqueurs & medecines en des vaisseaux de corne, & en bailloient leurs clysteres, ce dit Galien : n'estimans rien de la porter, & d'y boire, s'ils n'auoient la corne au cul, plusieurs asseurans que si nous

mangeons & beuons en des vaiſſeaux de corne, principalement de cerf, que la corne a ceſte vertu de hebe-ter la force du venin, s'il y demeure long temps. Les cornes furent ſi bien cornees, que nous demeurafmes tous eſcornez, & n'y auoit celuy d'entre nous, qui ne ſe frotaſt deux ou trois fois le front : les vns ſouhaitans en auoir, à cauſe du bien qui en prouient, les autres n'en vouloient en façon du monde, combien qu'on ne ſçau-roit trouuer de meilleures gens que ces porte-cornes : car, comme dit Ronſard,

*La corne ſur le front ne fait ni mal ni bien :  
C'eſt l'eſprit ſeul qui ſent, la corne ne ſent rien.*

l'en ſçay, repliqua quelqu'un, qui à leur eſcient ont tiré & profit & auancement du coquage, dequoy le ſeul nom eſtonne tant de perſonnes.

Vn autre de la Seree, de peur qu'on s'accrochaſt à ſes cornes, nous va faire vn conte d'un ſien voſin, qui ne demande autre choſe que d'auoir des cornes, ayant quelquesfois ouy diſcourir toutes les commoditez qui en prouiennent : & que pour l'en diuertir & empeſcher, on luy diſoit qu'il ne ſe falloir point tant haſter, & qu'il ſe faiſoit des mariages bien cornus le plus ſouuent : & que ce lean futur reſpondit à ſes parents, que ſi on ne ſe marioit, il n'y auroit point de lans, & que le monde periroit. Quand on luy diſoit, Vous eſtes bien vieil pour celle que voulez prendre : il repliquoit lui auoir bien dict qu'il eſtoit bien vieil pour fournir aux charges de mariage, & au deuoir que le mary doit à ſa femme, &

que celle qu'il pretendoit, luy auoit respondu, Mon amy, ne vous souciez de cela, laissez m'en faire, i'y pouruoiray bien. Quand on le menaçoit que s'il se marioit en ceste maison, qu'il feroit marié en vne corniere de la ville, & que la vaisselle qu'on luy donneroit en mariage feroit de Cornoüaille : Si ie suis marié en vne corniere de la ville, disoit-il, tant mieux, ie n'aime pas si grand bruit, ma femme ne fera pas si cogneue & si commune : & si estant marié à vne corniere de la ville, ie seray près des champs : ie ioueray fouuent à cornichon va deuant : i'aime ce ieu, il n'est pas de grand frais, ni de grand' peine. Qu'on me baillera de l'estain de Cornoüaille, on ne me fera point de tort, c'est le meilleur.

Quand on luy demandoit en quelle forte il vouloit estre marié, il disoit comme les autres sans. Puis il disoit à ces beaux persuadeurs, que la Fortune auoit plus de lieu & effort au mariage, que la prudence, & qu'il suffisoit, sans tant faire de recherches, à yeux clos se laisser conduire au sacrifice, puis qu'il auoit ce mal-heur pendu au col. Et comme dit Panurge, il se faut mettre en mariage à l'aventure, les yeux bandez, baissant la teste, baissant la terre, & du demeurant se recommander à Dieu. Que s'il y a peu de bons mariages, c'est signe de leur prix & valeur.

Que voulez-vous plus, adiousta celuy qui faisoit le conte, il luy arriua d'estre cocu, comme il estoit destiné, le sçachant par sa femme mesme : qui estant de bonne conscience, & se voyant presté à mourir, où il n'est pas à croire qu'on voulust mentir, luy dit qu'ils auoient vne petite fille, qui n'estoit pas à luy, & qu'elle



faisoit conscience de la faire heritiere à son bien, n'estant pas sa fille : parquoy elle luy en demanda pardon, en deschargeant son ame. Ce bon-homme de mary ne s'en fascha nullement, car elle luy auoit bien dit, quand il luy disoit qu'il estoit vieil pour faire bien les befongnes de la maison, qu'on la laissast faire, & qu'elle remedieroit bien à cela. Puis demanda à sa femme : à qui est donc ceste fille ? Elle luy respond, qu'elle l'auoit fait faire à leur iardinier : le mary, pour la reconforter, luy redemande, Et ce iardinier estoit-il pas à nostre iournee ? Elle respond qu'oui. Tout ce qu'il a donques fait, va dire son mari, est pour nous, puis qu'il estoit à nostre iournee. Que si j'ay vne caualle, disoit-il à sa femme, & vn cheual la faillit, à qui est le poulain ou la pouline ? ne font-ils pas au maistre de la iument ? Et ainsi mit hors de scrupule la conscience de sa femme, & la sienne aussi : l'asseurant que la fille estoit à eux deux, & qu'il y auoit part, puis que ce journalier estoit à leur iournee.

Vous me faites souuenir, repliqua quelqu'un, d'une autre femme, qui auoit douze enfans, laquelle estant en vne extreme maladie fit venir son mary : auquel elle dit, Mon amy Guillaume, il n'est plus temps de se moquer : sçachez que de tous ces enfans, le seul premier est vostre fils, entant que la seule annee premiere ie vous ay esté fidele. Puis raconta par ordre sa vie, & les noms de ceux qui s'estans iouéz à elle, estoient peres de ses enfans. Le plus petit de tous, comme il ouït cecy, ioignit les mains, & tout tremblant dit à sa mere, Ha ! ma mere m'amie, ie vous prie donnez moy vn bon pere. Escoutez, adiousta-il, d'un facheux, qui voyant sa femme

tenant vn sien petit enfant, luy va dire, le voudrois auoir payé la moitié de mon bien, & estre assuré que cest enfant fust à moy, comme vous estes certaine qu'il est vostre. Sa femme sans s'estonner luy va dire, qu'il luy donnaist seulement cinq cents ducats, & qu'elle le mettroit hors de doute : ce que le mary promist.

La Dame lors prenant son enfant entre ses bras, s'adressa à son mary, auquel elle dit : Seigneur, me confessez-vous pas que cest enfant est à moy ? oüy vrayement, repliqua-il, mais que s'ensuit-il pour cela ? Elle alors luy presentant, luy dit, Tenez donc, car ie le vous donne, or estes-vous tout assuré qu'il est vostre. Et Dieu sçait si ceux qui estoient presens se peurent tenir de rire de la sotte curiosité de ce mary. Si ne faut-il pas, repliqua quelqu'un, croire à vne femme mariee, qui dit que tel enfant n'est pas à son mary : car le Iuriconsulte dit que le fils est tousiours presumé estre au mary, encores que la femme soit publique : combien que trouuons par escrit, l'enfant aîné d'une Roine auoir renoncé à la couronne, parce que sa mere luy auoit dit qu'il n'estoit pas fils du Roy son mary, mais d'un gendarme. A ceste cause, adiousta-il, en Calcutth le fils de la sœur vient à la couronne, & non pas les enfans des freres : & les Ly-ciens faisoient porter à leurs enfans le nom de leur mere, comme le plus assuré, encores que par leurs loix ils se declarassent cocus : confessans librement estre fort difficile de vouloir garder vne chose dont tout le monde pretend auoir la clef.

Ayant acheué, vn autre luy demanda qui estoient ceux qui auoient les plus grands clefs, sçachant bien,

difoit-il, ceux qui auoient les plus grandes poches : ie n'exprimeray les mots François, parce que les femmes ne les sçauroient lire. Et pource, adioustoit-il, que les femmes sont enuieuses, il faut que les maris empeschent, tant qu'ils pourront, que leurs femmes ne voyent point autres clefs que la leur, & de ne conter à leurs femmes ceux qui sont propres à aller sur la mer, pour estre bien enuitaillez : comme ie vous conteray d'un Italien, lequel deuissant avec sa femme luy va dire, en deuissant de ceux qui sont bien emmanchez, qu'ils auoient un seruiteur qui en estoit bien pourueu : mais ayant dit à sa femme que c'estoit la marque d'un sot, il pensoit qu'elle ne s'adresseroit point à luy. Mais il aduint bien autrement, car tantost apres il cogneut que sa femme le forçoit d'aller aux champs, pour sçauoir si son mary disoit vray. Parquoy faisant semblant d'aller aux champs, il se cache en vne chambre, & vid ce qu'il ne vouloit point voir, & sa femme cogneut bien que son mary ne luy auoit point menty : car ne pouuant loger son courtaut, elle dit à son valet, qu'il eust recours à l'huile de la lampe, (le conte est Italien) ce qu'il fit, puis tout se porta bien. Ce Becco-cornuto, se prenant par le nez, ne dit mot, sinon que deux iours apres il achapte vne teste de mouton, & un fort petit pot, & commande à sa femme qu'elle face cuire ceste teste en ce pot : laquelle replique que la teste n'y sçauroit entrer. Lors il luy dit, prenez de l'huile de la lampe, & elle y entrera. Sa femme luy demande pardon, estant cause de son mal-heur & du sien.

Un qui auoit perdu son procès en vne Cour de Parlement, s'auançant de parler, va dire qu'il n'y auoit

nation au monde qui eust plus grand' chose que celle où il auoit failly à gaigner son procès : parce, disoit-il, qu'ils engroffent leurs femmes encores qu'ils en soient loing de vingt lieues. Puis continuant, va dire que les gens de ce païs-là l'auoient iugé à estre cocu à poids de marc, luy reprochant qu'il en auoit l'encolure, mais qu'il auoit respondu qu'il s'en garderoit bien, parce qu'il ne se mariroit pas en leur païs. Outre, nous va conter, qu'il auoit été contrainct de mener en ce païs-là sa femme (les procès y estans immortels) avec ses enfans, & que les Dames se moquoient de sa femme, qui auoit de chetifs enfans, maigres & regroûis, au lieu que les leurs estoient frais, gras, & bien potelets : & luy demandoient comment elle faisoit ces petits aورتons, si minces, foibles, & desnuez : & qu'elle leur auoit respondu, que son mary & elle les faisoient tous seuls, sans appeller personne à leur aide. Ces contes ne peuvent empescher qu'on ne reuint encores aux cocus, chacun s'auançant d'en parler, à fin qu'on ne pensast qu'on le fust, pour n'en ofer rien dire.

Car vn de la Serree va demander, mais s'il est vray ce qu'on dit, que si vous touchez la robbe d'un cocu, sans qu'il s'en aduise, que vos verrues se perdront ? Et si vous auiez des verrues, luy demanda nostre Fesse-tondue, & que sans y penser vous touchissiez à vostre robbe, si vous en gueririez aussi bien qu'en touchant à la robbe d'un autre, & si vous mesmes feriez vostre medecine ? Je vous entens bien, repliqua ce demandeur à nostre Fesse-tonduë : qui luy va dire, Dieu soit loué que ie ne parle point à un fourd.

Il arriua durant le souper de ceste Seree, qu'un bon Drolle ne pouuoit trouuer la ioincture d'un chapon en le voulant decouper : celui qui estoit assis le plus près de ce Drolle, voyant la peine où il estoit, luy va dire, Pense à un cocu, & incontinent tu la trouueras.

Le Drolle en se riant luy va dire, & si ie pensois en vous, ou en moy-mesme, feroit-ce pas tout un ? De peur qu'on entraist en debat, quelqu'un commença à dire : Il n'y a pas trois iours qu'un mien voisin se vint plaindre à moi de sa femme, qui luy auoit mis ie ne sçay quoy en la teste qu'on ne pouuoit pas facilement luy oster. Je le prie de me dire que c'estoit, & que ie luy conseillerois ce qu'il auroit à faire. Il me dit, ie le vous conteray comme à mon amy.

Et commença à me dire : Un iour estant ma femme & moi avec quelqu'uns de nos voisins, on vint à parler des cocus : les uns disans qu'il y auoit des lans qui le vouloient estre, les autres qui traictoient si mal leurs femmes qu'il ne se falloit esbahir si elles se defendoient, en baillant à leurs maris quelques coups de fourches : d'autres disoient que les cocus estoient les meilleurs gens du monde, mais que pour rien du monde pourtant ils ne voudroient pas l'estre.

Moy me faschant d'ouïr tant parler de ces cocus (car à la verité ie ne sçai si ie le suis ou non) ie vais dire à ma femme, & à mes voisins : Je vous prie laissons là ces cocus, ie voudrois que tous les cocus fussent en l'eau. Ma femme lors me va demander, ie ne sçay à quel propos, si ie sçauois bien nager. Que veut-elle dire par sa belle demande ? Lors ie commence à luy interpreter, le

mieux qu'il me fut possible, comme elle entendoit son interrogation, combien que l'eusse grand' envie de rire, mais ie cogneus bien qu'il estoit vn peu opiniastre, & qu'il auoit quelque chose en la teste qu'on ne luy pourroit iamais oster : non plus qu'à vn mien voisin, qui pourtant n'a pas si grande occasion de se scandaliser de sa femme, pour luy auoir demandé que c'estoit que fornication. Car quant à moy, disoit-elle, ie ne sçay que c'est que fornication, & pourtant ie ne laisse tousiours à m'en confesser, à toute aduenture.

Ce conte acheué, quelque autre nous conta d'un sien voisin, que quand il se fâche avec sa femme, il l'appelle tousiours putain, & sa femme luy dit, Et bien, ie suis putain. Son mary luy replique, Par-Dieu non es, tu n'es pas putain, tu en as menty. Puis elle replique, Bien donc ie ne suis pas putain. Il dit bien que sa femme est putain, mais il ne veut pas confesser qu'il est cocu : encore qu'il soit des froides queuës : à ceste occasion quand il se fâche à sa femme, & qu'il la menace, elle ne luy fait que dire : Tu ne me sçauois rien faire, ie n'ay que faire de toy. Et mercy-Dieu, quand ie te dis que ie suis putain, que ne me prens-tu au mot ? tu n'oserois, car si tu m'auois prins au mot, ie t'e iure, que ie te prendrois aux cornes. Ce mien voisin vn iour estant en ses bonnes, demandoit à sa femme, M'amie, ie te prie de me dire si ie suis cocu, ie t'affeure que ie ne laisseray à t'aimer, & que tu me deliureras d'un grand foucy qui me ronge incessamment. Combien qu'elle l'affeurast tousiours qu'il n'estoit point cocu, elle fut pourtant tant importunee de son mary, qui luy disoit

qu'il ne feroit iamais à son aise, & ne la laisseroit en patience, s'il n'en sçauoit la verité : qu'elle le renuoya à l'Eglise, & qu'il print de l'eau beniste, que si en la prenant il fermoit les yeux, qu'asseurement il estoit cocu, & tous ceux qui en la prenant les fermoient aussi : ce qu'il fit, & en prenant l'eau beniste & fermant les yeux se iugea cocu. Mais voyant tous ceux qui prenoient de l'eau beniste, fermer les yeux comme luy, les appella, & leur dit, Par Dieu vous estes cocus, ce dit ma femme, aussi bien que moy. Et voyant le grand nombre de cocus, ne se fascha nullement de l'estre : car estant de retour, en la salüant luy va dire, Bon iour putain : & elle luy respond, Bon iour cocu. Et par apres ne se salüoient point autrement.

Tous ces petits contes acheuez, quelqu'un s'auança de parler ainsi. Il n'y a pas long temps qu'un gentil-homme estant arriué en vne hostellerie de ce pais, bailla assignation à son hostesse aux prieuz, tant à cause du mary, qui estoit ombrageux, qu'à cause du peuple qui estoit logé là dedans : car encores qu'on les eust tous deux trouuez en ce lieu, on n'eust sceu dire, au moins honnestement, autre chose, sinon qu'ils estoient à leurs affaires. Or n'y faisoient-ils gueres que d'entrer, que voicy le mary, qui ne pensant en rien que d'aller aussi à ses affaires, va trouuer la porte des prieuz fermee : & estant pressé par la faculté expultrice, va crier qu'on luy ouure. Le gentil-homme en aussi grand'peine que son hoste, qui estoit bien empesché avec son hostesse, respond, le ne puis. Pourquoi? dit le mary, en rechignant & ferrant les fesses : il y a deux trous. Il est vray, respond

le gentil-homme : mais i'en occupe l'un, & l'autre est tout foireux. Ce pauvre mary tout honteux & foireux, ferrant les ferrails de sa gibbeciere, s'oste de là.

L'hoste deuoit dire, repliqua quelqu'un, comme ie fis vne fois : car allant à mes affaires, & trouuant vn autre qui auoit occupé le siege auant moy, ie luy dy, c'est la raison qu'il soit *primò occupanti*. Celuy qui presidoit en ce siege, me respond, Vous dites vray, aussi au cul pend-il. Dont ie me prins si fort à rire, que l'enuie d'aller à mes affaires me passa.

Il souuint à vn de la Serée de nous conter ce qui luy arriua, & à vn gentil-homme, estans logez en mesme logis. Et voicy comment il commença. Nous fîmes ma femme & moy vn assez long voyage, comme vous sçauiez tous, il arriua que ma femme me logea à la Corne, maugré moy : car i'auois tousiours fuy de me loger au Cerf volant, au petit Cerf, au grand & petit Mouton, au Bœuf couronné, au grand & petit Diable : bref ie craignois tant les cornes que ie n'ay iamais pensé qu'on y fust bien logé ne bien traité. Et si en l'enseigne où ma femme me logea pendoit vne corne, nostre hoste en auoit deux bien attachees : ainsi qu'il fit cognoistre à ceux qui ne les voyoient point, comme vous oirez. En ceste hostellerie de la Corne, y auoit vn gentil-homme aussi logé, qui estoit accort & bien lest : lequel apres dîner se retirant, fut fuiuy de nostre hostesse, qui estant familiere avec luy, comme les Epistres de Ciceron, voulant rire, prend son chapeau, son manteau, ses bottes, & s'en accoustre. Il print enuie à ce gentil-homme, voyant son hostesse gaillarde, ainsi habillée, de sçauoir si elle estoit encores



femme, comme autresfois il l'auoit esprouuee, & si elle n'estoit point deuenue homme, comme il s'en est trouué naturellement, & par magie. Et sans autre forme de procès, habillée en homme, la couche sur vn lit. Nostre hôte, Monsieur *de Cornibus* doublement, cherchant sa femme, entre en la chambre où ils estoient : & voyant ce gentil-homme sur vn homme botté, ce pensoit-il, sans dire mot, nous vint tous appeller, & sortant en la rue appella aussi tous ses voisins, leur disant, Hé ! à nous, mes amis, venez veoir chez nous vn de mes hôtes qui est bougre, & cheuauche son valet : venez moy aider, disoit-il, & nous le prendrons sur le fait, & le ferons bruler comme vn bougre qu'il est. Nous y allons tous avec nostre hôte & ses voisins : mesmes les femmes, qui n'aiment pas ces gens-là, disoient qu'il les falloit tuer. Nostre hôte, qui alloit le premier, trouue, & nous aussi, & tous les voisins, que ce valet botté estoit sa femme, & que ce gentil-homme n'estoit point bougre. le vous laissez à penser, adioustoit-il, qui fut plus esbahy de la femme ou du mary, qui auoit esté querir tous ceux de la rue pour leur monstrier que de sa teste ronde on en auoit fait vne fourchuë, & qu'à bon droit il estoit maistre de la Corne. Nous sortons tous de la chambre : les vns disans que le mary impunément le deuoit tous deux tuer, les ayans trouuez sur le fait : la loy trouuant si mauuais l'adultere, qu'en ce seul peché il est permis de tuer les malfaiçteurs, le mary pouuant en ce seul cas faire luy-mesme la iustice. Il y en auoit qui disoient que la loy auoit aussi donné puissance au pere de tuer sa fille estant trouuée en adultere, mais qu'elle l'auoit fait

vn homme pour estre cocu? & que la vertu, la sagesse, & tout le bien, & bon-heur d'un homme depende du cul d'une femme? Il n'y a, disoit-il, que les fols qui les en prisent moins, & des mutins, qui leur reprochent : comme vous entendrez par vn vieil conte d'un fol qui s'en vint à vn Magistrat luy dire : Monsieur, on dit qu'il y a en ceste ville deux Dominiques, dont l'un est fol, & l'autre cocu. Ce Iuge fasché au possible, luy va dire, Va, va, tu es vn fol. Par-Dieu, repliqua ce Dominique, si ie suis le fol, tu es donc le cocu. Et c'est cestuy-cy de qui on fit vn quatrain : parce qu'à tous propos il se vantoit d'estre personne publique : &, si i'ay bonne memoire, le voicy :

*Dy, pourquoy te vantes-tu tant,  
Par vn tiltre si magnifique,  
D'estre vne personne publique?  
Ta femme en peut bien dire autant.*

Il ne se doit fascher, va respondre vn autre, s'il est cocu, ie le cognois bien : car la femme auoit tousiours bien dit qu'elle ne seroit iamais mariee avec homme qu'il ne porta la cornette (c'est à dire vne petite corne) & le bonnet cornu. Et voilà pourquoy on appelle maistres ceux qui portent ces beaux accoustremens : *vn de versus,*

*Ils sont maistres seulement  
Pour auoir communément  
Quatre cornes sur la teste :  
Voire aucuns d'eux sont tenus,  
Outre les bonnets cornus,  
D'auoir aussi la cornette.*

Toutesfois, va-il dire en continuant, il y a des personnes de diuerfes complexions & humeurs : les vns ne prenants pas les matieres si à coeur, & pour viure sans tourment, ne cherchent iamais ce qu'ils ne voudroient pas trouuer : les autres sont si ombrageux & si despités d'estre cocus en propre personne, que vous ne sçauriez parler si correct, encores qu'on leur die, sans parler de vostre femme, qu'ils ne l'interpretent en mauuaise partie, & s'ils ne vous outragent, ils vous mettront en procés, se faisans declarer cocus par arrest : & cuidans oster les cornes de leur sein, se les mettent au front : estant vne grande folie de vouloir s'esclaircir d'un mal, auquel il n'y a point de medecine, qui ne l'empire & le rengrege : & si vous assechez & mourez à la queue d'une si obscure verification. La frequence de cest accident en doit mes-huy auoir moderé l'aigreur : le voilà tantost passé en coustume. Miserable passion, qui a ceuy encore, d'estre incommunicable. Et d'un de ceux-cy, i'en ay veu vn Epitaphe, au liure des Bigarrures, qui m'a semblé bon de le vous reciter, pour vous monstrier qu'il se fit declarer cocu & durant sa vie, & apres sa mort. Son Epitaphe qu'on a mis sur sa tombe, dit ainsi :

*Cy deffous gist ja presque tout vsé  
En son viuant, maistre Iacques Cassé,  
A qui il cousta maint escu  
Pour se faire dire cocu.  
Helas ! son pere le fut bien,  
Et pourtant ne luy cousta rien :  
De telles gens il est assez,  
Priez Dieu pour les Trespassez.*

Il y a vn procès indecis, disoit-il, qui tourmente bien les Iuges, d'un qui a dit à son voisin, qu'il auoit la teste faicte comme vne fourche : se defendant, il iure l'auoir dit ainsi qu'on parle communément quand on reproche à quelqu'un qu'il a la teste faicte comme vn crujon, ou comme vne courge, ou comme vne boule. Sa partie aduers<sup>e</sup> insiste, disant qu'il luy a dit, Vous avez la teste faicte comme vne fourche, en se courrouçant, & en l'injuriant, ne voulant rien prendre en payement : à cause qu'on luy a mis quelque chose à la teste que luy-mesme dit qu'on ne luy scauroit offer, & que cela luy demeurera tousiours, & tant qu'il viue.

Les chambres se doiuent assembler, nous scaurons bien tost qu'il en sera ordonné : aussi bien que d'un autre procès qui est sur le bureau, où il est question de mesme iniure. Car durant les guerres, vn Caporal faisant commandement à vn de son escouade d'aller à la garde, le foldat s'excusant qu'il n'auoit point d'armes demanda à son pecoral : Dequoy voulez-vous que ie me defende ? qui luy respond, des cornes. Ce foldat se sentant iniurié, s'attache à son Caporal. Lors ce pecoral va dire que s'il le prenoit, qu'il le mettroit au fonds de ses chausses. Vn des foldats luy va dire, Ne faites pas cela : car il vous mettroit la corne au cul. Quand ce foldat de cocu fut au corps de garde, il se plaint de son Caporal, & qu'il n'auoit point d'occasion de luy dire qu'il se defendroit des cornes, s'assurant de sa femme qui estoit aussi bien accoustree que femme de sa ruë. La Lancepeçade le voyant tout morfondu, soustenant son Caporal, luy va dire : Par-Dieu il y en a doncques d'autres que vous qui s'en meslent.

le croy pourtant, va dire vne Fesse-tonduë, que c'est vne bonne defense que les cornes : car nous difons celuy-là estre demeuré escorné, ou auoir souffert vne escorne, qui ne se peut reuanger, & est demeuré sans defense, les cornes augmentans la hardiesse : car si à vn mouton vous ostez les cornes, il deuiant timide & doux, laissant sa hardiesse. Nous baillons, adioustoit-il, à Bacchus des cornes, pour monstrier que le vin prins sans mesure rend les personnes hardies & furieuses, comme les bestes qui portent des cornes. Et de faict, ie ne trouue pas vn homme sage, d'iniurier telles gens : car estans conduits de rage, ils frappent de la corne : & si sont fort fumeux, encores qu'ils ayent des cornes à la teste aussi bien que les cheminees. A ceste cause i'ay trouué vn de mes voisins bien aduisé, d'auoir dict à vn cornu, qu'il ne l'auoit point appellé cornard, touchant à l'honneur de sa femme, mais qu'il auoit dit qu'il estoit vn cault Regnard. Si ces fascheux estoient à Naples durant les vendanges, repliqua quelqu'un, si faudroit-il bien que ces gens-là, qui ne veulent pas estre appelez par leur nom, endurassent ceste iniure, & d'autres, sans pouuoir auoir action : car alors il est permis sans reprehension, de s'entr'iniurier les vns les autres : mesmes les passans appelleront les vendangeurs Becco-cornuto, poltrons, & les vendangeurs ne faudront à leur respondre de mesme, tant grands-seigneurs qu'ils soient : à fin de ne retrencher rien de la liberté du pere *Liber*. On peut adoucir les bestes à cornes, respond vn autre, si on leur perce les cornes : car on assure que si vous auez vn Taureau indomptable, lequel on ne puisse appriuoiser, on le rend fort doux en luy per-

çant les cornes bien près des oreilles. Mais il est mal-aisé, adiouta-il, de les percer à ceux qui cachent leurs cornes, se sentans deshonoréz si quelqu'un les apperçoit : mais comme il y a à la louange des cornes, parlans aux cocus :

*Dequoy sert de vous fascher,  
Pour ne pouuoir pas cacher  
Les deux cornes qui vous jortent ?  
Les Satyres demy-Dieux,  
Qui sont gaillards & ioyeux,  
En toute saison les portent.*

*Si vous esleuez les yeux  
Vers les signes radieux,  
Dont le Ciel fait si grand'feste,  
Les plus honorez de tous  
Sont les trois, qui comme vous  
Ont des cornes en la teste.*

Après que la rime fut recitée, quelqu'un nous va dire, Efcoutez vn plaifant conte de deux miens voisins, qui vn iour estans ensemble aux champs en l'une de leurs maisons, vont veoir deux grands Cerfs, ayans de belles ramures, & les cornes bien grandes. L'un d'iceux semblant attaquer son compaignon, va dire, Pleuft à Dieu que tous les cocus eussent d'aussi belles cornes : celui à qui il sembloit parler, luy dit : Et comment mettrions-nous nos chappeaux sur nostre teste ? Ayant ainsi rembarré son compaignon, voicy vn cocu, qui dans le bois, où ils estoient tous deux, va commencer son chant ennuyeux,

fâcheux, mal-plaisant, & de deux tons, troublant celuy du rossignol, plaisant, melodieux, & de diuers tons. Parquoy n'aimant pas le ramage de ce bel oiseau, & le prenant pour mauuais augure, de ce qu'il interrompoit le chant du rossignol, va faire ce Sonnet, qu'il engraue en vn tremble.

*Cocu, ne vas troublant de ton vilain ramage  
La mignarde chanson de ces Rossignols,  
Qui desgoisent tousiours en ces bois verdelets  
Le pouuoir de l'amour, qui les tient en seruage.*

*Ce Dieu, qui des cocus r'anime le courage,  
Se plaist icy d'ouïr ces petits oiselets,  
Qui louent son bel arc, sa trouffe, & ses filets,  
Et le traict dont sa main doucement nous outrage.*

*Cocu, veu que tu es à chacun odieux,  
Pour n'aignir contre toy le grand maistre des Dieux,  
En son bois amoureux deormais ne t'arreste :*

*Mais vole vers ceux-là qui t'aiment, & qui ont  
Engraué ton beau nom au plus hault de leur front.  
Tu te pourras percher aux cornes de leur teste.*

Ceux de la Seree prient celuy qui auoit fait le conte de ces deux voisins, de leur bailler le double de ce Sonnet, l'ayant trouué assez bon. Puis se vont mettre à cire que l'un des plus grands maux qui procede de coituage, apres l'offense de Dieu, venoit de ce que les enans viennent à la succession de celuy à qui ils ne sont pas enfans, aussi bien que ceux qui sont à luy. Ce qui

n'arriue pas, disoient-ils, quand vn mary a des bastards, ne succedans pas à son bien, ni au bien de sa femme. Si est-ce qu'ils confessoient, que les illegitimes, qui sont nez en mariage, ne sont pas si mal complexionnez que ceux qui sont nez hors mariage : à cause qu'ils sont instituez avec les autres, & comme s'ils estoient legitimes : ou aux champis, qui sont nez & faicts hors mariage, à cause que l'education & institution en est neglige, il y a tousiours plus de meschanceté qu'aux autres. Et qui en partie en est cause, c'est la mere, qui le plus souuent sera witiee, larronneffe, yurongne, & grand' pailarde, & aussi que l'amour & affection du pere, pleine d'amour meschant, & d'appetit brutal & immodéré, augmente leurs vices. Et c'est de ceux-cy dont parle le commun prouerbe, quand il dit :

*S'ils font bien, c'est aduventure :*

*S'ils font mal, c'est leur nature.*

On adiousta, que cessans les choses qu'ils auoient dictes des bastards, le bastard seroit semblable aux autres, voire qu'il s'estoit trouué, & se trouuent encores des bastards mieux aduisez, plus spirituels, plus forts, & vaillans que les legitimes. Et cela vient, disoient aucuns, de la vehemente amour, qui fait que les semences sont bien entremeslees, & quand la semence de l'homme & de la femme conuient bien, l'enfant en est de meilleur esprit, pour le moins plus fort & robuste. Aussi que les bastards se font ordinairement de semence chaude & seche : de laquelle procede la vaillance & l'esprit. Et parce que la semence de celuy qui va chercher la femme



qui n'est pas sienne, est plus cuite, & parfaitement meure, que celle des maris, qui ont tousiours leurs femmes à leur costé, ne se faut esmerueiller si les bastards sont plus vaillans & ont plus d'esprit que les legitimes : ressemblans aussi ordinairement à leurs peres, & les legitimes à leurs meres. Il fut dict que les Allemans, pour retirer les personnes de ces concubinages, ne permettent qu'un bastard puisse prendre aucun degré en toutes leurs Vniuersitez, ne qu'il soit passé maistr en aucun mestier & art. Fut adiousté que les Venitiens ne reçoient iamais les bastards en leur Conseil, encores qu'ils soient legitimez. Les Turcs n'estans pas si scrupuleux en ce cas : car leurs enfans succedent esgalement au pere, tant ceux qui sont issus de leurs concubines, que de leurs femmes legitimes : deux filles ne prenans pas plus en l'heredité qu'un des enfans. On blasma fort la defense que prennent les gens mariez, qui vont au change, de dire à leurs femmes que leurs bastards ne viennent point à leur succession : voulans dire par là, que leurs femmes doivent estre chastes : encores qu'ils ne le soient point, & qu'elles doivent aimer leurs maris, encores que les maris ne les aiment. Mais il semble, adioustoient-ils, que l'homme n'estant pas sage & chaste, & veut que sa femme le soit, commande à sa femme se combattre avec l'ennemy auquel il s'est desia rendu, ou que c'est autant comme si en la guerre quelqu'un me vouloit empescher de me rendre à l'ennemy auquel il auroit donné sa foi, & se feroit mis entre ses mains. Et me semble aussi, disoient-ils, que si le mary aime la volupté, il fait que sa femme deviendra lubrique &

lasciue : car s'il n'aime que le corps, sa femme n'aura autre soing que de se farder : mais quand il aime l'honneur & la vertu, il la rend sage, vertueuse & honneste.

Il me souvient, va dire vn autre, d'un bon mary de nostre Serree, qui soustenoit que les maris, qui aiment le change, ne se deuoient plaindre : car comme disoit Ottocarus, Roy de Boesme, à ceux qui luy parloient de sa femme, la loy de nature veult que ceux qui font des cornes aux autres, ne refusent aussi à les porter. Le gentil-homme, adioustoit-il, qui ces iours rescruoit de Flandres à sa femme, s'accordoit bien à ce Roy, ne voulant point auoir plus de priuilege que sa femme : lequel mandoit à sa femme, luy estant en Flandres, & elle estant de pardeçà, entre autres choses : Nous nous portons bien de pardeçà, fors que nous ne besongnons point : ie prie Dieu qu'ainsi soit de vous.

Vn de la Serree se print si fort à rire de ceste lettre, qu'il nous asseura auoir peur de mourir de trop rire, aussi bien que le Cardinalin, voyant vn Singe qui s'aidoit de la patte d'un chat pour tirer des chastaignes du feu. Et puis nous va dire que ceste lettre le faisoit souuenir d'une autre lettre (encores que ce ne fust pas à propos de la Serree) par laquelle vn pere rescruoit à son fils, sur la fin de la lettre, Dieu te donne ce que ton cœur desire, ma vie sauue. Quelqu'un voulant se remettre au chemin, dont il sembloit qu'on fut fort, commença à remontrer qu'il n'y auoit rien qui fit pluystost oublier la femme de son deuoir, & la mettre plus en phrenesie & fureur, puis en ialousie, que quand elle se void mesprisée de son mary, & qu'il en aime vne autre : ce peché des-

plaifant tant aux femmes, que pluſtoſt elles endureroient eſtre batues, mal traitées, & rudoyees de toutes autres rigueurs, qu'eſtre fruſtrees de ce qui leur appartient, lors qu'on le porte dehors, eſtant neceſſaire en la maiſon. Lors que la jalouſie ſaiſit ces pauvres ames foibles, c'eſt pitié comme elle les tireſſe : elle ſ'inſinue ſous tiltre d'amitié, mais depuis qu'elle les poſſede, les meſmes cauſes, qui ſeruoient de fondement à la bien-veillance, ſeruent de fondement de haine capitale, & la vertu & merite du mary ſont les boute-feux de leur rage. Et comme dit vn docte homme de ce temps :

*Il n'y a rien qui plus luy eſchauffe le cœur,  
Qui plus allume en elle vne iuſterancaur,  
Ne qui d'vn fier deſdain plus la rende embrasée,  
Que de ſe veoir ainſi laſchement meſpriſée.  
Si bien que ſon courage à vengeance irrité,  
Vous recompensera de meſme indignité :  
Et dira deſormais, qu'elle n'eſt plus tenue  
De vous garder la foy que vous auez rompuë.*

Le ſanglier, dit vn Poëte, pourſuiuy des chiens, la lionne affamée, le tygre à qui on a deſrobbé ſes petits faons, ne ſont pas plus terribles qu'une femme offenſée en cela. Et n'y a choſe au monde pour laquelle les femmes ſe ſaent pluſtoſt ennemies de leurs maris, que pour les voir amoureux d'une autre. Toutes debtes, diſent les femmes, reçoient compenſation en diuerſes manieres, amour-ne ſe paye que de vray amour. Que ſi d'adventure les femmes ſ'abſtiennent de ſemblable excez & ven-

geance, elles cacheront la fureur de leur courroux & ialousie au fonds de leurs estomachs, & chercheront tous les moyens de vous fascher : tellement qu'il vaudroit mieux au pauvre mary estre tout à fait cocu, que d'estre tourmenté de la sorte que i'en ay veu, vne obscure prison luy estant plus plaifante que sa maison : & pensant aller en son liét pour se reposer, qu'il s'arme hardiment de patience : car d'une femme ialouse, quelque chaste qu'elle soit, & mesnagere, il n'est action qui ne sente à l'aigre & à l'importun. Et tant s'en faut que les femmes des terres sauvages soient ialouses de leurs maris, & les hommes de leurs femmes, que leurs prescheurs leur recommandent deux choses, la vaillance contre leurs ennemis, & l'amitié à leurs femmes. Et combien que nous les appellions Barbares, si est-ce que les femmes de ce pais aiment tant leurs maris, que la mesme ialousie, que nos femmes ont pour nous empêcher de l'amitié d'autres femmes, les autres l'ont toute pareille pour leur acquérir des amies : d'autant que c'est vn tesmoignage de la vertu de leurs maris, les hommes y ayans d'autant plus grand nombre de femmes qu'ils sont vaillans. Aussi saint Hierosme dit, adioust-il, Ce qui n'est permis aux femmes, n'est non plus loisible aux hommes : & pareille obligation lie par raison autant l'un que l'autre. Et, comme dit Laërce, la femme doit estre enseignée à honnestement se comporter, par la continence du mary. Et n'y a rien, dit-il apres, qui donne plus d'occasion à la femme de s'oublier en son honneur, que quand elle void que son mary en aime vne autre, s'ennuyant de garder la foy à celui qui ne luy rend

pas l'amitié mutuelle. Si est-ce, luy fut il repliqué par quelqu'un (qui aimoit autant la femme de son voisin que la sienne) que pour peu que la femme soit sage, elle entend bien que la coustume donne vne telle liberté aux maris. Lors celuy qui parloit pour les femmes va répondre, que les femmes n'auoient pas du tout tort, quand elles refusent les reigles de la vie, qui sont introduites au monde : dautant que ce sont les hommes qui les ont faites sans elles. De fait, la femme estant d'ailleurs bien traitée, elle en fait plus de plainte de bouche que de cœur. Pource que la raison enseigne (ce que les femmes doivent entendre) que, femme, est vn nom d'honneur, & amie, vn nom de plaisir. Ce qu'a bien déclaré Spartian, disant que *Ælie Vere* Empereur, respondit à sa femme, se plaignant à luy qu'il s'accostoit d'autres femmes, Souffrez-moy faire mes folies avec autres Dames que vous : car le nom de femme, est nom d'honorable dignité, non pas de plaisir. Ce que a bien monstre *Liuis*, femme de *Cesar Auguste*, qui voyant son mary aimer les fillettes, les alloit chercher, pour luy donner contentement. Et encores aujourd'huy, disoit-il, les Sauvages pour plaire à leurs maris, tant elles les aiment, mettent peine d'auoir plus de compagnes qu'elles peuvent : pour monstre que ce n'est point le plaisir qui les mene : là où nos femmes empeschent tant qu'elles peuvent de nous accoster d'autres que d'elles.

Vne femme qui estoit de la Seree, luy va répondre, que c'estoient aussi des Barbares. Il luy fut repliqué, Nous les pouuons appeller Barbares, eu esgard aux reigles de raison : mais non pas eu esgard à nous, qui les

surpassons en toute sorte de barbarie. Que les femmes, va dire vn autre, se donnent garde d'estre ialouses de leurs maris : car nous trouuons qu'elles en ont esté griefuement punies. Plutarque escrit qu'en Theffalie y auoit vne grand' Dame, qui s'en alla cacher dans vn bois, pour sçauoir si son mary, qui ne bougeoit de la chaste, ne chassoit point à d'autres bestes. Les branches d'arbres se mouuans aupres d'elle, les chiens cuidans que ce fust vne beste, & tirans celle part, deschirerent ceste Dame. Ce qui aduint à vne autre en la ville de Sybaris, ville en Italie, dont son mary se tua sus elle. Puis adioust, qu'il conseilloit aux femmes, qui ont des maris bas du deuant, de seindre, faire les borgnes, & passer par dessus, n'estant pas le deuboir de la femme d'espier & controoller les actions & deportemens de son mary : car au lieu qu'elle n'est prinse que pour le squal & profit d'icelui, si elle s'y fourre plus auant qu'elle ne deuroit, elle le gehennera & bourrellera de telle sorte qu'elle le contraindra à faire redoubler vne autre folie. Et qui plus est, si elle monstre qu'elle peut en sçauoir quelque chose, elle le pourra enhardir à faire à descouuert ce où il n'eut voulu se hasarder qu'en cachette. Et puis, adioustoit-il, outre tout cela, la femme doit tousiours aimer ce que son mary aime. La femme d'Hector est louée de ce qu'elle ne desdaignoit donner auoins, foin & paille aux cheuaux de son mary, & les voir souuent, parce que son mary se delectoit en iceux. On raconte que monsieur Budé disoit que la femme estoit aussi songneuse de ses liures que de ses enfans : pource qu'en iceux il prenoit vn souverain plaisir.

Après tout cela, on va faire vn conte d'un Docteur, qui vouloit bien persuader à sa femme qu'il estoit chaste, à fin de la tenir en son devoir, & qu'elle ne fît comme luy. Ceste femme sçachant que ce Docteur aimoit sa chambriere, & qu'il luy vouloit auancer son seruice pour neuf mois, pria sa chambriere, qui se plaignoit à elle de son maistre, de luy donner assignation : pour donner à cognoistre à son mari qu'il n'estoit pas si chaste qu'il disoit. Ce Docteur se trouua à l'assignation que sa chambriere luy auoit donnee, tout en chemise : laquelle blutoit, qui va dire à son maistre, Monsieur, prenez ce tamis, & tamisez, ce pendant que j'iray veoir si madame dort : car vous la pourriez bien auoir reueillée en vous leuant, elle se doute bien fort de nous. La chambriere s'en va à sa maistresse, luy disant, Madame, oyez-vous point monsieur le Docteur, qui tamise plus que quatre ? ie vous prie venez veoir sa grace, & s'il est bon bluteur. La maistresse descendant avec sa chambriere, va dire à son mary : le ne m'esbahis pas si estes Docteur, car vous sçavez beaucoup de choses, & estes bien sage de vous estre ainsi mis en chemise, de peur qu'on cogneust qu'eussiez ioué avec la boulangere. Le bon estoit, qu'en blutant il tiroit bien fort le cul arriere, dautant que son pistolet estoit bandé, & prest à faire feu, si la poudre n'eust esté mouillée : qui fut cause que la maistresse & la chambriere se prindrent si fort à rire, qu'il trouua moyen de s'oster de là. On conta, que la femme de ce Docteur, le trouue encores bien souuent à dire la nuit, & qu'il se desrobe d'aupres d'elle, & que pour y remedier, quand il dort, elle could la chemise de son

mary avec la sienne : & se sentant prins, la femme dit qu'il ne bouge, & qu'on diroit que c'est vn loup qui est prins au piege. Quelqu'un prenant la parole commença à parler ainsi : le vous assure qu'il y a des maris, qui sont si subiects à leur plaisir, qu'ils baillent occasion à leurs femmes de faire comme eux : & si en y a, tant ils aiment leur plaisir, qui se font eux-mêmes cocus, sans y penser. Car vous en trouuerez qui pensent faire quelqu'un cocu, lesquels eux-mêmes se font cocus : estans contraints d'espouser celles qu'ils auoient engrossées auant leur mariage. Ce qui arriua aussi à vn de nos voisins, qui ayant promesse de coucher avec sa seruante, coucha avec sa femme, pensant que ce fust sa chambriere, la femme s'estant mise au lieu de sa seruante, comme elles auoient accordé entre elles. Ayant fait ce qu'il auoit voulu, il en fit part à vn sien compagnon d'armes, & l'enuoya d'où il venoit, si bien que la femme pensoit que ce fust encores son mari qui estoit retourné : dont elle s'esmerueillit, pensant en soy-mesme, comme nous sommes plus ardens à ce qui nous est defendu, & à chose nouuelle, qu'à ce qui est accoustumé, & auons en nostre liberté. Que voulez-vous? Le lendemain sa femme luy conta le tout. S'il se trouua esbahy & fâché, ie vous laisse à penser si vous le seriez.

Ie m'en vay vous faire (commença à dire vn autre de la Serée) quasi vn semblable conte. En nostre pais de Poictou il y auoit vn grand Seigneur de Gentil-homme, qui aimoit tant le change, qu'ayant vne des plus belles femmes & sages de sa Prouince, ne laissoit à solliciter les femmes & filles de ses voisins, encores qu'elles fussent



sans comparaifon plus laides que fa femme, tant nostre naturel eft mal-heureux. Il s'accofte & preffe vne des Damoifelles de fa femme, qui s'en plaint à fa maiftresse : laquelle prie fa Damoifelle de luy bailler assignation, & qu'elle se mettroit en fon lieu. Cela fait, ce monsieur ne faut de se trouuer au lieu assigné, & se couche aupres de fa femme pensant que ce fust fa Damoifelle. Je ne fçay par quelle aduventure fon cas se retira, tellement que fâché dequoy son instrument luy failloit au befoing, il le menaçoit de le couper, & le ietter sur les maisons comme vne peau de conil. Estant en ceste agonie, il entend rire fa femme & lors il va dire, Mon cas est plus sage & aduifé que moy, ayant bien cogneu que ce n'estoit que l'ordinaire, & qu'il n'y auoit rien de nouveau.

Il n'y a pas long temps, conta vn de la Seree, qu'un de mes voisins se fit cocu, sans penser en mal : car ayant conuenu avec fa chambriere, & elle reuelé la promesse à fa maiftresse, & le lieu, l'un & l'autre se trouue à l'assignation. Le mary disoit, Que voicy vn petit chose, non pas celui de ma femme. Quand il eut fait, il dit à fa femme, qu'il pensoit estre fa chambriere, Attens encores vn peu, ie vais voir où est ma femme. Et trouuant son valet, l'enuoye à fa seruante, à fin que le valet fut chargé de l'auoir engrossée, tant il craignoit fa femme, si d'aduventure elle se fust trouuée grosse.

Ce ne fera hors du propos des cocus, va dire vn autre, si ie vous recite vn conte d'un ialoux : car on dit que les ialoux & les cocus sont soubz vn mesme predicament. C'est d'un gentil-homme, qui ayant ouy parler de la beauté d'une femme mariee, enuoya en fa maison vn

peintre, pour en auoir le pourtrait. Ce que son mary ne voulut iamais permettre, tant il estoit ialoux de sa femme, disant que possible ce grand Seigneur de gentil-homme, ayant eu la copie de sa femme, voudroit puis apres en auoir l'original. le ne trouue pas mauuais, repliqua vn autre, qu'un homme qui a belle femme se garde que sa teste ronde ne deuienne fourchue : c'est vne espouuentable metamorphose, si elle estoit visible & apparente : encores ne peut-on si bien s'en prendre garde, qu'on n'y soit surpris : tout chasteau estant difficile à garder, quelque bon guet qu'on y face, quand il est assailly de beaucoup : estant victoire desesperée à celui, qui estant seul, est contrainct de combattre contre plusieurs. Et puis, disoit-il encores, on void tant de femmes hypocrites cheminer le iour avec des chappelllets & le Pater noster, le soir avec l'Aue Maria, & la nuit sont avec *Exultemus & letemur in ea*. Tellement qu'il n'est pas de nouueau de voir croistre la nuit des cornes à tel qui ne les auoit pas en se couchant : car quelques vns par la force de l'imagination se sont trouuez des cornes en la teste : comme il aduint à Cippus Roy d'Italie, ce dit de Montagne, pour auoir assisté au combat des taureaux, & auoir eu en songe toute la nuit des cornes en la teste. A propos de combattre, & des cornes, quelqu'un va parler ainsi. Il n'y a pas long temps qu'il vint en ceste ville vn charlatan, qui auoit vn Lion. Vn seigneur eut enuie de faire combattre vn Taureau qu'il auoit, fort furieux, contre ce Lion : disant au maistre du Lion que si le Lion estoit victorieux, il luy bailleroit le Taureau, & dix escus : & au contraire si

le Taureau l'estoit. Ayans les combatans esté mis en vne place publique, ils s'approchent l'un de l'autre : mais le Taureau ayant senty vne atteinte de la patte du Lion, commence à reculer : son maistre bien fasché, l'encourageant luy va dire, Courage, Rouget, mon amy, courage : puis tournant la teste, comme s'il eust eu des cornes, & qu'il eust voulu iouster, disoit, Pleust à Dieu que i'eusse des cornes. Tout le peuple se print si fort à rire, sçachant qu'il y auoit long temps qu'il auoit ce qu'il demandoit, qu'ils firent si grand' peur à ces deux bestes, qu'elles ne voulurent plus se rencontrer. Retournant à ce qu'on auoit dict, que les maris faisoient bien de se donner garde de leurs femmes, quelqu'un va dire : le veux bien que le mary se donne garde de sa femme : car à la verité il en y a qui ne font pas consentans à leur coquage, & ne trouvent pas bon si leurs femmes se font seruir à couuert : mais ils baillent occasion à leurs femmes de faire comme eux, ou bien ne regardent point à ce qu'elles font, leur baillant trop de liberté. Mais aussi ie ne les voudrois pas estre si passionnez & tourmentez comme i'en ay veu aucuns. Car vne des plus violentes passions qui regnent en l'homme, est la ialousie, laquelle suit amour, estant vray le prouerbe commun qui dit :

*Iumais Dame, ne seigneurie,  
Se peut tenir sans ialousie.*

Que si vne fois ceste ialousie s'enracine au cœur, prenant pied au cerueau, elle fait faire de grandes folies : encore que ce vice naisse de la plus vaine &

tempestueuse maladie qui afflige les ames & le corps, qui est la ialousie :

*Quis vetat apposito lumen de lumine sumi?  
Dent licet assidue, nil tamen inde perit.*

Croiriez-vous bien, adiousta-il, d'un mary, qui deuint si extremément ialoux, & fut si tourmenté de ce mal, que pour s'asseurer de sa femme, & sçauoir si elle estoit impudique, il se fit chatrer, à fin que si sa femme se ruoit ailleurs, & en deuint grosse, il la peust iustement conuaincre d'adultere?

Ce mary ialoux, & insensé furieux, repliqua vn de la Serree, deuoit estre puny tant par les Canons que par les Loix ciuiles, & Constitutions des Empereurs : n'estant permis à aucun de se chatrer, ne de faire chatrer ceux qu'il a en sa charge. Vipian condamne au quadruple celuy qui pour rendre son esclau de plus grand prix, l'aura fait chatrer. Que si le maistre met son serf à l'examen de la copelle, il est puny de mort, ou sera condamné à la peine du talion, & de la pareille, & le coupeur de caillettes du foïet. Le droit Canon veut que ceux qui se sont rendus legers de deux grains, encores que ce fust par deuotion, si ce n'est par necessité, & pour euiten pis, soient forbannis & exclus des saintes ordres, & des dignitez Ecclesiastiques. Mesmes Origene a esté reprins de s'estre fait chaponner, pour auoir mal entendu les paroles de l'Euangile. Et n'y a personne qui ne louë toutes ces Constitutions Canoniques : la charge des superieurs ne gisant point tant à entretenir les subiects, qu'à empescher qu'eux mesmes par leur

folie, indiscretion, & cruauté se mesfacent. Ce ne fera point (adiousta quelque autre) hors de propos des cocus, & des chatrez, si ie vous conte l'inuention d'une femme lubrique, pour empescher la ialousie de son mari, & luy en offer tout soupçon. C'est qu'elle persuada à son Curé, qui n'osoit l'acoster qu'à la defrobee, qu'il fit semblant de se faire chatrer. A quoy il s'accorda. Et pour cacher son ieu, il enuoya querir ses parents, fait son testament, pardonne sa mort au Chirurgien & tailleur : auquel il baille cent escus pour ne faire rien, luy baillant le mot du guet. Le tailleur considerant la meschanceté de cest acte, & où il tendoit, en aduertit le mary, qui luy liure deux cents escus, & qu'il fit à bon escient. Ce qu'il accomplit : car ayant lié & garroté messire Ian, il executa son office realement & de fait, puis le paya de ceste raison : Qu'il n'auoit point accoustumé de se moquer en son mestier. On dit d'un peuple, que les Latins appellent *Nigri*, & les François les Negres, qu'il est si enforcélé de ialousie, qu'ils gardent la virginité de leurs filles, & la pudicité de leurs femmes, par futures, & autres œuures chirurgiques. Et ne doute point qu'il ne se trouuast aujourd'huy des maris si ombrageux, qui voudroient practiquer ceste recepte, si les femmes le vouloient endurer, & qu'on peust trouuer des Chirurgiens qui le voulussent entreprendre. Apres auoir esté assez parlé & de ceux qui ne gardent pas assez leurs femmes, & de ceux qui les contreroillent de trop près, & en tombent en phrenesie : on va dire que les ialoux estoient assez punis & affligez par eux-mesmes : & que les maris aussi, qui laschoient trop la bride à leurs femmes,

estoit en quelque pais punis, à fin qu'ils s'en prissent garde de plus près : & qu'à Catologne le mary cocu paye au Fisque certain tribut : en vn autre pais, il est mené par toute la ville sur vn asne avec sa femme. La peur de ceste peine & infamie les contraignant de bien garder leurs femmes, & de ne frequenter point ceux qui pourchassent leur deshonneur. Je m'enuois vous faire le conte d'un lourdaud, va dire quelqu'un, qui meritoit bien d'estre puny pour bailler occasion à sa femme de le faire cocu, permettant à vn forain, qui luy apportoit souvent du porc & des tripes, de coucher avec luy & sa femme. Ce qui continua si long temps, que quand le mary le voyoit arriuer, il ne faisoit que luy dire, Vous auez tué vos pourceaux, vous apportez du bodin à ma femme. Il arriua que ce mary, estant couché avec l'apporteur de bodins & sa femme, se refueillant en sur-sault, & cherchant ce qu'il ne vouloit pas trouuer, va dire à son compere, qui faisoit semblant de dormir aussi bien que la femme, Mon compere oste ton cas de là : car si ma femme se refueille, ie m'affeure qu'elle enragera, & qu'elle t'arrachera les deux yeux de la teste.

Si est-ce, repliqua quelqu'un, qu'on n'a gueres veu ne leu, qu'aucun ait esté courratier de ses propres amours : voire quand ce seroit pour gagner vn monde : & si en y a beaucoup qui ne se font iamais opposez aux Princes & Tyrans, sinon quand ils commencerent à tacher de corrompre leurs amours. l'ay veu des maris si ialoux, va adiouster vn autre, que pour sçauoir & s'affeurer d'estre cocus, ils vouloient voir besongner leurs femmes deuant eux, cachez derriere vne tapisserie, si

bien qu'un de mes voisins disoit par tout qu'il estoit cocu d'affurance, & qu'il auoit veu besongner sa femme deuant ses yeux, & qu'il ne print iamais plus de plaisir qu'à cela, tant il estoit aise de sçauoir ce dequoy il se doubtoit, & que sa femme nioit à toute force : & que le plus souuent pour son plaisir il alloit voir ce passe-temps, pour n'estre plus en doute. Et de là en auant il ne s'en facha plus : en se reconfortant disoit que Lucullus, Cesar, Pompeius, Caton, Antonius, & d'autres braues hommes estoient bien cocus, & le sceurent sans en exciter tumulte : & qu'il n'y eust en ce temps-là qu'un fot Lepidus, qui en mourut de facherie.

Les femmes scandalisees de ce conte, prennent congé, & ce pendant qu'elles disent à Dieu à toute la compagnie, & à leur hôte, & à leur hôteffe, en les remercians, on conta de deux Drolles qui auoient appresté à rire quasi à tous ceux de la ville. Le premier fut d'un seruiteur nouvellement marié, lequel estant rencontré par son maistre, & ayant un chapeau autre que l'accoustumé, son maistre luy va dire, Gilet (ainsi auoit-il nom) qui t'a assorty de ce beau chapeau? voilà un vray chapeau de cocu. Ce seruiteur sans y penser en mal, ou se sentant piqué, luy va respondre : Hé ! monsieur, c'est un de vos chapeaux que madame m'a donné.

La seconde drollerie estoit d'un bon Drolle, qui à un iour de marché, prenant un panier tout plein de cornes, couuert d'une seruiette, s'en va par toute la ville, criant, A mes beaux fruits nouveaux, à mes bons fruits, qui dit, qui dit i'en veux? Plusieurs l'appellent : l'un luy disoit, L'homme au fruit venez icy : l'autre, Approchez-

vous, que nous voyons ce beau fruit. Estans approchez, ils estoient la seruiette, & descourans le panier, ne voyans que des cornes dedans, luy disoient : Tu te moques de nous, vraiment voilà de beaux fruits, tu en dois bien faire feste.

Le Drolle les regardant l'un apres l'autre, leur respondoit : le ne m'esbahis point si ne faictes pas grand conte de ma marchandise, & n'estimez gueres mes beaux fruits, en ayans bonne prouision en vostre maison. Afin de ne descrier ceste belle marchandise, & que s'ils se fussent fâchés contre ce marchand, on eust peu penser qu'ils en auoient leur prouision en leur maison, ces marchands firent semblant de n'auoir rien veu, qui ne fust bon & beau, & regardoient quelle mine feroient les autres qui descouriroient le panier ou estoient ces beaux fruits.

En sortant de ceste Seree, on va demander à vne de nos Fesses-tonduës, que s'il auoit à estre cocu, lequel il aimeroit mieux, ou estre cocu en herbe, ou en gerbe. Qui va respondre, ne l'un ne l'autre : combien qu'il le fust en l'un & l'autre. C'est de luy de qui on chantoit,

*Il se maria leudy*

*Estant cocu dès Mardy*

*Tout au rebours des autres.*

Or cestuy-cy n'estant gueres que marié, & voyant que sa femme estoit desia grosse, s'en alla plaindre au pere & à la mere de sa femme, leur disant, Et comment, ma femme vostre fille est grosse ? qui n'eust autre responce d'eux, sinon : Tu es bien gâté, si elle ne l'eust esté, tu



ne l'eusses pas eue. Puis apres on va faire vn conte d'un qui à ce matin auoit fait amende honorable, pour auoir mal parlé d'une femme, & dit ce qu'il auoit veu. Lequel estant deuant les Iuges pour s'en desdire, va dire, Je vous prie, Messieurs, ayez pitié de moy. Le Magistrat luy respond, La Cour te fait grace, on te deuoit faire pendre : faut-il ainsi diffamer vne femme de bien? Pardonnez-moy, Messieurs, va repliquer ce pauvre homme : car ie pensois que ce que i'auois veu, fust veritable.

Ce conte m'a fait souuenir, va dire vn de la Seree, d'un autre, qui est assez commun, lequel fut aussi condamné à faire amende honorable, & à se desdire de ce qu'il auoit appellé vne femme putain. Parquoy deuant la Iustice va dire, l'ay appellé vne telle putain, il est vray, elle est femme de bien, ie m'en desdis. Ces deux contes firent tellement rire la compagnie, qu'il ne fut plus possible de deuifer, mais se retirerent avec le bon goust de ces deux dernieres rencontres.





## NEVFIESME SEREE.

*Des luges, des Aduocats, des procès, & plaideurs.*

- V**N plaifant conte fut recité d'un procès intenté par vn Aduocat en action d'iniure, contre vn hofte, cabaretier & tauernier de Poitiers: lequel auoit achepté l'an mil cinq cents foixante & dix-sept, que le Roy y estoit, vn tableau, où il y auoit vne drollerie assez ioyeuse: C'est qu'en ceste pourtraicture estoit peint vn Aduocat, à qui vn homme de village bailloit d'une main vn teston, & de l'autre de ses mains luy donnoit vn lieure, que l'aduocat prenoit aussi de ses deux mains, tout en vn coup, & si ne laissoit à prendre vn clystere que lui donnoit vn apothicaire. Et ceste drollerie faisoit dire à l'Aduocat, pour le moins il estoit escrit: le suis du mestier, ie prens à toutes mains, & si prens par le deuant & par le derriere, dont on m'appelle l'Aduocat à quatre mains, & dont est venu le proverbe, Il est degousté comme la gibbeciere d'un Aduocat. Pour tout cela, il n'y eut point d'instance ny contre l'hoste, qui auoit achepté ce tableau, & mis en l'une de ses chambres, ny contre le peintre: car encores que la drollerie fust publiée par toute la ville, les Aduocats en rioient aussi bien que les apothicaires.

Mais il arriua qu'une Fesse-tondue voulant rire, apres auoir beu au cabaret où estoit ce tableau, va mettre le nom du villageois, qui bailloit des deux mains, qui à la verité ne bougeoit de la grand'boutique, le nom de l'Aduocat, qui prenoit veritablement à toutes mains, & par deuant & par derriere, & estoit vn des grands chiquanoux qui fust en tout le país des Chaffourrez, & le nom de l'apothicaire, qui estoit vn grand mouueur. Cela estant venu à la cognoissance de l'Aduocat, qui en prenoit où il en falloit plustost mettre, Dieu sçait s'il y eut faulte d'adiournemens, de relations, de defaus, d'adiournemens peronnels, contre cest hoste à qui estoit le tableau, & le tout à intimation, & en adherant, pour auoir reparation de son honneur, & de ce qu'on luy faisoit monstrier le cul tout barbouillé de registres & de requestes, & chaffourré de sentences bien signees & sceellees. Ceux qui alloient boire là dedans furent ouïs par information, & n'y eut qu'adiournement peronnell. L'Aduocat concluoit à l'amende honorable, & au fouët, & qu'en sa presence la drollerie fut biffée & laceree : tant pour auoir acheté ce tableau diffamatoire, scandaleux, seditieux, & de mauuais exemple, que pour l'auoir mis à la veuë de tout vn peuple. L'hoste se defendoit, disant qu'il n'auoit pas peint le tableau, & que ce n'estoit pas luy qui y auoit mis, ne fait mettre le nom de l'Aduocat, ne de l'apothicaire, ny du client. L'Aduocat repliquoit, que l'hoste deuoit respondre de ce qui se faisoit en sa maison, & qu'il estoit à presumer que c'estoit luy qui auoit esorit les noms, s'il n'informoit de ceux qui les auroient mis. Mais que le procès soit

vuidé, disoit celui qui faisoit le conte, & que cest Aduocat ait vuidé son clystere, & que la sentence en soit donnée, ie vous diray le nom de l'Aduocat, celui de l'apothicaire, & du villageois: cela s'entend si l'hoste gaigne son procès: que s'il le perd, vous n'en sçaurez autre chose, tant ie crains messieurs les chiquanoux. Ce conte pleust tant à la compagnie, qu'on ne parla en toute ceste Seree que de procès, de plaideries, & de luges, & principalement on en vouloit aux Aduocats, & si ne sçait-on pourquoy on les appelle plustost larrons que tous les autres de iustice: car quand on dit Breton larron, il y a de la rime: quand on dit larron mufnier, il y a de la raïson, que les mufniers ont en leur moulin: mais quand on dit Aduocat larron, il n'y a rime ne raïson. A propos d'Aduocats, va dire quelqu'un, i'ay eu vne fois en ma vie vn procès, & encores que i'eusse bon droit, & fusse demandeur, si ne laissois-ie pas à auoir besoin de conseil, & de m'esfayer qui estoit l'Aduocat de Poitiers qui auoit le plus grand bruit. On m'en enseigna vn, qui à la verité auoit le plus grand bruit de Poitiers, estant logé au marché de la ville, près d'une Eglise, où y auoit de grosses cloches, & vne femme qui parloit bien hault.

Vrayement, luy repliqua vn de la Seree, vous auez donc gaigné vostre procès, ayant tel Aduocat. Celui qui auoit le procès va respondre, qu'il n'auoit perdu ne gaigné, & que le procès estoit pendu au croc: car, disoit-il, encores que i'eusse vne bonne donation, en bonne forme & authentique, bien signee du donateur, bien infinuee, mes parties aduerfes disoient que celui

qui m'auoit donné n'estoit pas sage, ny en son bon sens : n'estant pas sage, qu'il ne pouuoit disposer de ses biens, & encores moins donner, & que les Loix defendent à vn homme qui n'est pas sage de donner son bien. Lors ie pensay que ie pourrois bien perdre mon procès : d'autant qu'on ne void gueres de gens sages qui donnent leur bien : considerant aussi qu'on seroit en grand' peine de trouuer des personnes sages, pour iuger si celuy qui m'auoit fait le don l'estoit, veu qu'en toute la Grece, comme dit monsieur Bodin, il ne s'en trouua que sept, encores ne sçait-on au iugement de qui ils furent trouuez sages. Je laiffay là toutes mes procedures, voyant que si les iuges eussent esté recusez, ils n'eussent pas iuré qu'ils estoient sages. Vous ne semblez pas, va dire vn autre, ceux qui sur vn pied de mousche fondent vn procès : car, comme dit Accurse, *pro ouo datur actio* : comme vous pourrez apprendre par deux iugemens qui furent donnez à ce propos.

Le premier est, qu'on marchanda à vn peintre de pourtraire en vn tableau vn cheual estant à l'enuers, & ayant les pieds contre-mont, & l'eschine en bas. Le peintre figura tres-bien le cheual en ce tableau, mais ou par oubliance, ou que cela ne seroit pas beau, & que le peintre n'y auroit point d'honneur, il le pourtrait sur ses pieds, comme on a de coustume. Celuy qui auoit commandé le tableau, ne le vouloit prendre, & encores moins payer : parce qu'il n'estoit pas ainsi qu'il l'auoit deuifé au peintre. Le Magistrat pour faire cognoistre que le plus souuent on dispute de peu de chose, & comme on dit, de la chappe de l'Euesque, prenant ce tableau

ne fait que le tourner, montrant à celui qui ne vouloit payer le tableau, que le cheual estoit comme il le demandoit, c'est à sçauoir à l'enuers, & les iambes contre-mont : le condamnant de prendre le tableau, & payer le peintre le prix qui estoit accordé entr'eux. Si i'eusse esté le Iuge, repliqua vn autre, ie l'eusse condamné à en payer deux fois autant, comme ayant deux pourtraictures de cheuaux en vn mesme tableau : l'un d'un cheual sur ses quatre pieds, l'autre d'un cheual ayant l'eschine contre la terre.

Le second iugement, va-il dire en continuant, fut du mesme Iuge : mais d'un autre cheual qu'on deuoit pourtraire aussi en vn tableau, estant conuenancé, & le marché fait avec le peintre, que le cheual seroit pourtraict en petit volume & espace, le plus furieux qu'on le pourroit peindre, n'ayant ne selle, ne mords, ne bride. Le peintre tira ce cheual si au vif, que les cheuaux naturels voyans ce cheual artificiel, hannissoient apres luy, & si furieux, qu'ils s'ostioient de son chemin, pensans qu'il deust sortir hors de son reclos, tant il sembloit furieux. Toutesfois celui qui l'auoit commandé ne le vouloit prendre ne payer, parce que le cheual auoit vne selle, vne bride, & vn mords, & il le vouloit tout nud, comme il l'auoit commandé au peintre. Le peintre disoit au Iuge, que le cheual se monstroit beaucoup plus furieux ainsi, comme sa partie aduerse vouloit qu'il fust, que sans bride ne mords. Le Iuge ordonna que le peintre seroit payé, d'autant, disoit-il, qu'il estoit fort difficile de retenir vn cheual si furieux, comme on le demandoit, en vn si petit lieu & espace, sans mords ne bride. Ce Iuge,

adiousta quelqu'un, vouloit monstrier par là, que l'office d'un bon Magistrat n'est d'attirer ou nourrir les hommes en procès, ains plustost les en reculer par tous moyens : comme Caton Cenforius le declara bien quand on deliberoit au Senat de faire orner la Cour & Auditoire de Rome, estans aucuns d'aduis de construire des galleries pour tenir les parties à couuert, disant Caton, qu'il falloit plustost pauer les Cours & Auditories de chausses-trappes, à fin d'en esloigner les personnes le plus qu'on pourroit.

Et au contraire, vn Marcellus estant Edile, fils de la sœur d'Auguste, fit couvrir de toiles fines toute la place commune, pour tenir à l'ombre ceux qui y venoient pour plaider. En quoy on peut voir, ce dit Pline, quelle mutation y auoit eu à Rome depuis le temps de Caton, iusques à ceste heure-là. Que si ces anciens pouuoient voir nos chambres dorees, là où auourd'huy on rend la Iustice : & les peintures, tableaux & tapisseries, verroient bien vne autre mutation. Combien que nous trouuons que Lyeurgue fut loué de la defense qu'il fit de mettre pourtraicts ni peintures au lieu où le Senat deliberoit : parce qu'il aduient souuent, que la veüe de telles choses distraict la fantasie, & transporte la raison, qui doit entierement estre tendue à ce qu'on dit. L'esprit de l'homme estant en vn mouuement perpetuel, sans forme, & sans terme, sans arrest, & sans but : ses opinions, inuentions, conceptions, & iugemens s'eschauffans, se suiuaus, & s'entreproduifans l'une l'autre :

*Ainsi void-l'on en vn ruisseau coulant,  
Sans fin-l'une eau apres l'autre coulant :*

*Et tout de rang, d'un eternel conduit,  
L'une sur l'autre, & l'une l'autre suit :  
Par ceste-cy, celle-là est poussee,  
Et ceste-cy par l'autre est deuancee :  
Toufiours l'eau va dans l'eau, & toufiours est-ce  
Mesme ruisseau, & toufiours eau diuerse.*

Vous me faites souuenir, va dire vn autre, en parlant des procès qui s'intentent pour moins que rien, de deux gentils-hommes qui confumerent tout leur bien & leur temps en vn procès, qui tourna à la fin en rifee, mais non pas pour eux. C'est que l'un difoit ses armoiries auoir esté vſurpees par l'autre : le defendeur au contraire ſouſtenoit que le demandeur auoit occupé les ſiennes. L'un & l'autre ſe diſant porter d'azur vne teſte de bœuf en ſon naturel. Toutesſois apres auoir bien plaidoyé & chiquané, il ſe trouua que l'un portoit vne teſte de bœuf, & l'autre vne teſte de vache : & qui euſt faiſt encores vne bonne enqueſte, il ſe fuſt trouué que tous deux portoient vne teſte de veau avec ſes cornes. Quelqu'un luy va repliquer, que ce n'eſtoit pas petite choſe, que le point d'honneur entre les gentils-hommes : & qu'il n'y auoit pas longtemps qu'une damoiſelle auoit intenté vn procès de moindre choſe, contre vn gentil-homme, qui l'auoit appellee foireuſe. Le defendeur, qui entendoit la chiquane, eſtant deuant le Iuge, & la demandereſſe auſſi, aſſiſtez de leurs Aduocats & Procureurs, voiant qu'il vouloit iuger ce differend, requiert auant que ietter la ſentence, auoir montree, que ſans cela il ne pouuoit faire ſa preuve. La demandereſſe reſiſtoit fort à ceſte



montree, difant au Iuge que fans cela il pouuoit bien donner fa fentence. Le defendeur difoit que fans cela on ne pouuoit bailler fentence qui valuft, autrement proteftoit d'en appeller : & fi leurs Aduocats, n'eftoient pas fans replique. Le Iuge Pedancee ordonna que le tout feroit mis par deuers luy. le ne ſçay quelle bonne fentence on pourra aſſeoir en vn fujet fi caché, obſcur & tenebreux. le m'esbahis, repliqua quelqu'un, comme il ſe trouue des Aduocats & Procureurs qui ſouſtiennent des caufes fi friuoles, comme i'en ay veu. Auquel il fut reſpondu, le ſuis bien plus esbahy dequoy il ſe trouue des gens fi fots, & de ſi peu d'eſprit, & ſi opiniaſtres, qui mettent les Iuges, les aduocats, procureurs, grefſiers, ſergens, & autres de leur boutique, en beſongne, & ſe deſtruifans les enrichiſſent, ayans le plus ſouuent mauuiſe cauſe, conſumans leur vie & leur bien pour accroifſtre celui de ceux qui ne viuent que du mal-heur d'autrui. Et le pis eſt, qu'encores qu'on ait obtenu & gagné ſon procès, on-peut ſeulement dire comme fit Panurge, l'en ay-faict dire, mais il me couſte bon : fans conſiderer que, Procès, eſt vne beſte ſarouche, & difficile à manier, ayant l'iſſue auſſi douteuſe que la guerre : chacun pouuant commencer à ſa diſcretion de plaidoyer, mais y mettre fin n'eſt point en ſa puissance. Car on trouue moyen à celui qui a procès de le faire dependre ce qu'il a, le nourriſſant d'eſperance de gagner ſon procès : puis quand il eſt enfourné, ils luy font conſumer par dilations le meilleur de ſa vie, chacun luy promettant faueurs, & apres tous enſemble le perdent : la plus grand' part d'entr'eux l'aſſeurent qu'il a bon droit, &

apres tous ensemble prononcent contre luy : de maniere que ce pauvre miserable, qui est venu à se plaindre d'un, s'en retourne en son pais se plaignant de tous. Mais, replica quelqu'un, ie croy que c'est vne grande vtilité pour la Republique dequoy les procès sont si chers, & si longs, & si laborieux : car s'il faisoit bon plaider, il y auroit dix fois autant de procès : estant vne bonne chose pour les plaideurs, dequoy les procès sont si salez & espicez que personne n'en peut gouter. Et comme la mer, encores qu'elle soit terrible, ne laisse pour cela à estre. frequentee, elle en auroit mille fois autant si elle estoit paisible : ne plus ne moins, si la pitié des plaideurs estant si grande, ne descourage point les autres de prendre ce train, que feroit-ce si les plaids n'estoient conioincts avec tant de miseres? Et ie pense, adioustoit-il, que les procès n'estoient pas si fascheux, & pleins de fousy, si chers & dommageables, du temps d'un Abbé, à qui vn Roy de France defendit entierement cest exercice, ayant confessé au Roy qu'il auoit bien trente procès : toutesfois il supplioit le Roy de lui en vouloir laisser vne demie douzaine, pour son passetemps & recreation.

Vn de la Seree, qui estoit de la grande boutique, voulant defendre les Aduocats & Procureurs, qui ne faillent iamais par le bec, va commencer à dire qu'aucuns, suivant l'opinion du Stoïque Panetius, suiuite par Ciceron, soustenoient que c'est au Iuge de suiure la verité, mais qu'aux autres, suffit auoir la couleur du vray-semblable. Mais quant à moy, adiousta-il, encores que ie soye du mestier, ie pense pourtant tous les ministres de iustice estre astraincts à la loy de verité : autrement ils sont

cause de grands maux, principalement les Auocats, qui sont bons orateurs, quand ils sont malins, par leur beau parler & doux babil font de grandes meschancetez : faisant abfoudre les vicieux, condamner les innocens, trouver le bon droit mauvais, & le mauvais bon : la loyauté ne demeurant pas volontiers entiere, quand on n'a autre but que le gain : que si les Aduocats disent que leur estat est noble, de peur d'estre vilains, qu'ils se donnent garde d'estre maneuvriers. Le mal que font ces babillards de harangueurs, disoit-il, a donné iuste occasion à Euripide d'escrire ces vers :

*Que pleust à Dieu que l'humaine semence  
Fust sans parole, & sans point d'eloquence.*

Et ces autres.

*O Dieux, que n'ont les affaires du monde  
Voix pour parler, à fin que la faconde  
Des harangueurs ne seruist plus de rien ?*

Ne sçait-on pas, adioustoit-il, qu'enuers les personnes de sage iugement, le parler difert & l'eloquence d'un orateur fallacieux n'est pas plus estimée que le sard dont vne putain colore sa face, pour paroistre plus belle ? Ne sçait-on pas que cest art n'est autre chose qu'une tromperie & tyrannie des humains entendemens ? Qui ne sçait que les Lacedemoniens reietterent cest art, disant que le parler des gens de bien ne doit venir de l'art, mais du cœur ; & que Socrate iugea nul orateur deuoir auoir degré en vne Republique ? Disant n'y auoir peste plus

nuifante en vn païs qu'un bien-difant orateur, quand il veut mal vfer de fon art & douceur de langage. On ne trouueroit point tant d'Aduocats abusans d'éloquence, va dire quelqu'autre, pour cacher la verité, & furprendre les Iuges, & tellement les esbloür qu'ils ne puiſſent en iugeant mettre difference du iuſte avec l'injuſte, ſi l'exemple des Atheniens eſtoit renouuellé : leſquels apres le iugement donné, informez qu'ils eſtoient d'auoir eſté ſurprins, ils s'addreſſoient aux Aduocats, & les puniſſoient rigoureuſement. Meſme le Senat Athenien; diſt Areopagus, permettoit aux Aduocats alleguer ſeulement le fait des parties, ſans vfer d'aucun fard pour circonuenir les Iuges. Quand ils faiſoient entrer l'Aduocat, l'huiffier luy deſendoit de ne mouoir les affections des Iuges. Et à fin que les Iuges ne peuſſent eſtre deſtournez par quelque affection de la verité, ils cognoiſſoient des cauſes criminelles la nuit, & en tenebres, C'eſt vne choſe eſmerueillable, diſoit-il, qu'il ne s'eſt trouué pas vn, qui eſtant eſſeu Areopagite, n'ait laiffé ſon vice, s'il en auoit : ſes compagnons Areopagites eſtans ſi vertueux, qu'il auoit honte d'eſtre tout ſeu vicieux entre tant de gens de bien. Ce qu'aucuns ont attribué à vn certain Genie, qui preſidoit à vne tant honorable compagnie. Et à la mienne volonté, dit Budé, qu'en toutes nos Cours & Conſeils il ſuruint vn tel Genie, auant ma mort. Le grand Roy François fut contrainct d'oſter aux accuſez de crime tout miniſtere d'Aduocats, à ce que leurs artifices ne ſeuſſent inſtrumens pour deſtourner Juſtice. Il ſeroit neceſſaire qu'en toutes cauſes, où il eſt queſtion d'un fait, que les parties fuſſent ouyes par leur bouche, comme il ſe prati-

que aux Marchands. Toutes ordonnances, repliqua vn autre, seroient inutiles, si tous Aduocats estoient imitateurs de la sainteté de Papinian, qui refusa de defendre son Empereur Caracalla, qui fut accusé au Senat d'auoir massacré Geta son frere. Mais aujourd'huy les mœurs sont si corrompues, ce dit François Grimaudet, qu'il n'y a si meschant meurtrier, volleur, brigand, larron, de quelque condition qu'il soit, pourueu qu'il ait de l'argent, qui ne trouue vn Aduocat, qui hardiment se presentera à la defense de sa cause. Et s'il ne la peut faire trouuer bonne, la fera durer si longuement, qu'on n'en verra iamais la fin. Là où les choses manifestement mauuaises ne doiuent estre par aucuns defendues en iugement : à fin que les hommes meschans fussent d'autant plus destournez de les faire, & de susciter vne mauuaise cause.

Et à ce propos, adiouta-il, il me souuient d'un homme des champs, qui me demanda vn Aduocat, dont il ne sçauoit pas bien le nom : luy en ayant nommé cinq ou six des plus fameux, il me dit que ce n'estoient point ceux-là : mais que c'estoit vn si bon Aduocat, qu'il luy auoit promis que de sa vie il ne seroit contrainct de payer de l'argent qu'il deuoit à vn homme, qui l'auoit fait adiourner. Je luy dis lors que cest Aduocat deuoit auoir bonne pratique, aussi bien qu'un Aduocat de Milan, qui estoit si rusé que les procès duroient tant qu'il vouloit. Dequoy aduertuy Galeace, Duc de Milan, se conseilla à luy, disant qu'il deuoit mille escus à son boulanger, dont il estoit conuenu, & qu'il voudroit bien trouuer moyen de ne payer point si tost. Cest Aduocat l'assure qu'il ne payeroit de dix ans, tant il seroit durer la cause. Le Duc

fit pendre son Aduocat, apres auoir cogneu comme il vſoit de fuites.

Vn grand Seigneur de ce païs, commença à dire vn de la Serée, ne traicta pas ſes Procureurs & Aduocats ſi rigoureusement : car vn iour ayant conuié tout ſon conſeil, voicy qu'il arriua, mais auant que le ſçachiez, ie vous apprendray que les procès de ce Seigneur durerent ſi long temps, qu'il eut moyen d'apprendre tous ſes chiens à venir manger en ſa chambre, quand vn de ſes gens prenoit vn baſton, & frappant à la porte crioit, Aduocats, Aduocats, à la barre : entrans lors les chiens en ſi grand'furie en ce lieu, qu'ils deuoroient tout ce qu'ils trouuoient deuant eux : ne leur baillans iamais à manger qu'en ce lieu-là, & ſans frapper à la porte, & crier Aduocats à la barre. Or quand ces chiens furent bien apprins, ce Seigneur conuia tous ces meſſieurs de la Juſtice, leſquels eſtans aſſis, & ne faiſans que commencer à manger, fit ſigne à vn de ſes ſeruiteurs : lequel s'en va à la porte, & avec vne verge va frapper contre l'huis, criant, Aduocats, Aduocats, à la barre, dont les conuiez ne ſe firent que rire : mais il n'eut pas ſi toſt ouuert la porte, que les chiens entrent en la chambre, & paſſans ſur tous ceux qui eſtoient rengez à la table, ſe iettent ſur les viandes, & les mangent toutes, faiſans aller les faulces & potages ſur les grandes robbes de ces meſſieurs : qui leur ſeruirent bien, car ſans elles, ils n'euffent laiſſé pas vne de leurs jambes, les chiens en mangeant ayans faiſt tomber des viures ſous la table : que ſi on les vouloit empeſcher, ils mordoient bien ferré. Il eſt vray, diſoit-il en continuant, que nous accusons touſiours les Iuges, &

les Aduocats & Procureurs quand nos procès ne vont pas bien : mais bien souuent la faulte vient de la mauuaistié des parties, qui sont si malicieuses & opiniaïstres, que les luges, ne leur conseil, n'y peuuent rien faire, tant ils ont mauuaïse conscience.

L'ay vn mien voisin, va dire vne Fesse-tonduë, grand chiquaneur, qui m'a dit, n'y a pas long temps, qu'il auoit eu beaucoup de procès, mais, me disoit-il, ie n'en ay perdu, Dieu mercy, pas vn de ceux où i'ay esté receu à faire preuues, & là où on s'est rapporté à mon serment. Quand ils sont receus à iurer, adioustoit-il, & le serment est decifoire, ils ne font que dire, bride les cheuaux, tant la pieté & religion font en mespris : se moquans d'estre enfagoté seulement par vn serment : combien que les pariures violent toute saincteté & pieté enuers Dieu, & ostent la foy entre les hommes. Et si ay veu ces iours passez vne partie, à qui le luge faisoit leuer la main, qui leuoit la gauche : le luge luy ayant dict, Ce n'est pas celle-là, leuez la droicte : il fut si impudent de luy respondre, C'est tout vn, monsieur, ie iure bien à toutes mains. Regardez, va dire vn des nostres, là où nous sommes tombez, que de se moquer d'une chose qui a esté estimee si sainte & religieuse, que anciennement il n'estoit pas permis au prestre Flamin de iurer, & n'y estoit point contrainct. Mesmes en la religion Chrestienne, les prestres ont esté long temps sans estre contraincts de iurer, encores aujourd'huy les gens d'Eglise ne iurent point sur les Euangiles, & ont iurement separé du commun : car ils mettent la main *ad pectus*, que les anciens François disoient au py. La raison de tout cecy estoit, & est encores,

qu'on estime vne chose absurde de doubter de la foy de ceux entre les mains desquels nous auons laissé toutes les choses diuines. Aussi, disoit-il, il me semble qu'on fait tort à vn homme de bien de le faire iurer, & que le iurement à vn homme libre, qui est homme de bien, est vne peine, & vne espee de torture : le Iurifconsulte ayant eu le iurement en si grande reuerence, qu'il n'a pas voulu que les pariures fussent punis : mais a dit qu'ils auoient assez de Dieu pour vengeur de leur pariure. Toutesfois encores que les pariures ne fussent punis par les Loix Romaines, si estoient-ils marquez par les Censeurs : combien que leur note & piqueure ne seruoit que pour leur faire honte. Mais quant à moy, adioustoit-il, ie ne trouue nulle difference entre le mensonger & le pariure : parce que celuy qui se fera vne fois destourné de la verité, ne fera non plus de conscience de se pariurer en iugement, que d'y auoir dit vne chose faulse. Et me semble qu'Aulugelle parlant des iuremens qu'on defere à vn debteur, l'appelle *Emplastrum aris alieni* : comme quand monsieur Cujas trouue quelque chose adioustee à vn Iurifconsulte, il appelle ceste addition *Emplastrum Triboniani*. C'est si grand cas du iurement, disoit-il encores, que le Roy Henry d'Angleterre se purgea vers le Pape Alexandre III. de la mort de saint Thomas Archeuesque de Cantorbie : & le Roy Charles VII. se purgea par serment, qu'il n'auoit tué ne faict tuer le Duc de Bourgongne, comme il est rapporté au Concile de Basle. Le Pape Marcellinus ayant esté accusé d'auoir sacrifié & encensé aux Idoles, il fut dit par le Concile de Constance & Basle, qu'il se purgeroit par serment de ce



dont on le vouloit taxer. Il en fut ainsi vſé enuers le Pape Sixte, ſoubs Valentinien : & enuers Symmachus, du temps d'Anaſtaſie & Theodoric : & en la perſonne de Leon III. preſent l'Empereur Charlemagne, ce dit Platine.

Auiourd'huy, repliqua vn de la Seree, le mentir & le pariure n'eſt point vice en noſtre France : car Saluianus Maſſilienſis dit que de ſon temps les François diſoient que mentir & ſe parier n'eſtoit point mal fait, & en faiſoient vertu. Puis que les plaidours d'aujourd'huy ſont ſi cauteleux & fins, & de ſi mauuaſſe conſcience, repliqua vn de la Seree, il ne ſaut trouuer eſtrange, ſi aucuns officiers de Juſtice ne ſont pas plus gens de bien qu'eux. Et me ſouuint d'auoir demandé vne fois à vn Aduocat, pourquoy il perdoit ſes cauſes, & que tous ceux qu'il accuſoit eſtoient abſous : Pource, me dit-il, qu'il ne vient pas vn à moy de ceux qui ont bon droit. Et lors il me ſouuint d'un Craſſus qui perdoit tous ſes procès, & eſtoit ſi malheureux en ſes accusations, que iamais n'auoit accuſé perſonne, qui ne fuſt enuoyé abſous. A ceſte cauſe l'Empereur Auguſte ayant entrepris vn grand palais, dont il ne pouuoit venir à bout, va dire de ceſt Aduocat : Pleuſt à Dieu, qu'il euſt accuſé ma maiſon. Il eſt vray que la rencontre ne vaut rien en François : mais en Latin elle eſt excellente : car *abſoluer* ſignifie abſoudre & acheuer. Et l'Empereur ſ'entendoit en ſa dernière ſignification, qui eſt acheuer & mettre à fin.

Quelqu'autre prenant la parole, va dire (ſans ſortir hors du propos de la Seree, & de la precedente rencontre) qu'un honneſte homme du bas Poiſſou, auoit

faist baltir vne grange si spatieufe & large qu'il ne pouoit trouuer de bois de charpente pour la faire couvrir : en forte que son logis demeura long temps defcouuert. Quelqu'un de fes amis deuifant avec luy, raconta qu'il venoit de parler à vn Magiftrat & luge des premiers des grands-lours de Poitiers, fort gracieux, qui n'auoit iamais voulu permettre qu'il parlaft à luy la teſte nuë. Mais à chacune fois qu'il oſtoit ſon chapeau, autant de fois il le faifoit couvrir. Pleuſt à Dieu, dit ceſtui-ci, que ma grange peuſt aller vers luy, & qu'il luy en euſt autant fait. Il vouloit dire que ce Seigneur euſt auſſi fait couvrir ſa grange. Or parce, commença à dire quelqu'un, qu'on met tout ce qui arriue és procès ſur les Aduocats, eſcoutez qu'il arriua à vn Aduocat és grands-lours de Poitiers : c'eſt que ſe complaignant deuant meſſieurs, d'une partie qui ne luy vouloit pas communiquer vne piece, commença à dire, *malum eſt quod tegitur*. Le Preſident luy va dire, couurez-vous donc, Aduocat. Ils ſont ſi accouſtumez à eſtre blaſmez, & principalement à eſtre appelez larrons, qu'ils n'en font autre compte : comme ie vous feray entendre par ce qui fut dit à vn Aduocat des plus fameux, qui eſtoit venu en ſon païs de Poiſſou. Il s'en vint vn iour à luy vn homme en conſultation, pour intenter vn procès contre vn ſien voſſin qui l'auoit appellez larron. Ceſt Aduocat luy dit, qu'il ne falloir point pour cela plaider, & que c'eſtoit peu de choſe, & que tout l'argent qu'il y mettroit ſeroit perdu, n'eſtant rien que d'appeller vn homme larron : & quant à luy, qui eſtoit bien d'autre qualité, il ne paſſoit iour que quelqu'un ne l'appellaſt larron, & qu'il auroit beau à en faire des procès.

Mesmes, disoit-il, dans le palais, ainsi que nous sortons, on nous appelle en nostre presence larrons : car il se trouue de petits mercerots, & porteurs de panniens, qui vendent des las, galons, & lacets de toutes sortes, & quand ils nous voyent fortir, ils crient, A mes las ronds, à mes beaux las ronds, & faut que nous endurions cela, encores que nous sçachlons qu'ils parlent à nous. Et à la verité, adioustoit cest Aduocat, nous donnons bien occasion qu'on parle mal de nous : car nous mettons souvent les personnes en procès, & les asseurons qu'ils ont bonne cause, & quand ils ont perdu leur procès, on s'en moque : comme vne partie me conta, qu'ayant perdu son procès il se vint plaindre à son Aduocat, qui l'auoit asseuré qu'il le gaigneroit, luy disant, Helas ! monsieur, i'ay perdu mon procès : l'Aduocat luy va respondre, pour le reconforter, Dequoy vous plaignez-vous ? d'auoir perdu vn procès ? en auez-vous pas, Dieu mercy, encores cinq ou six ? Ce villageois luy repliche, Ouy bien vous, qui estes du mestier, mais moy qui n'en suis point, pensez-vous qu'il soit de moy comme de vous ? Et ainsi s'en va fort mal content de son Aduocat, & sans le payer : parce qu'il lui auoit di& qu'il perdrait tout ce qu'il y mettroit. Ce rustique trouuoit fort estrange qu'on appellast vn homme de bien larron, sans punition : car combien que l'iniure soit fausse, toutesfois il en peut demeurer quelque impression à ceux qui l'auront ouye : dautant qu'encores qu'un homme soit guery d'une playe, si est-ce que la cicatrice luy en demeure tousiours. Ce villageois deuoit payer cest Aduocat au double, va dire vn autre, qui pour s'enrichir ne faisoit point vn grand

cat de rien. Car ie n'estime pas vn Aduocat, comme aucuns font, pour faire d'une petite chose vne grande : non plus que ie ne trouue qu'un cordonnier soit bon maistre, qui fait & chauffe de grands fouliers à vn homme qui a les pieds petits.

Efcoutez vn petit conte, va dire quelqu'un, d'un villageois qui s'en vint à vn Aduocat, luy disant qu'il vouloit auoir vne consultation. Puis va conter à son Aduocat son faict tout ainsi. l'estois appuyé ces iours passez contre la muraille d'un sien voisin, & sentant & voyant qu'elle trembloit, ie me suis osté de là : l'Aduocat luy va dire qu'il auoit bien faict de s'oster de là. Le bon-homme replique qu'il le scauoit bien, & qu'il ne lui auoit rien dit de nouueau. Et laissant là son Aduocat, ne luy bailla rien, en disant, le scauois bien que i'auois faict sagement de m'oster d'aupres d'une muraille qui tomboit, sans que l'Aduocat me le dist. Cestuy-cy, repliqua quelqu'un, n'estoit pas de l'opinion des Celtes, qui estimoient vne chose vilaine de fuir la ruine d'une muraille : à fin que fuyans ils ne fussent veus craindre la mort. le voudrois, repliqua vn autre, que toutes leurs consultations fussent aussi claires & faciles, & leurs responfes aussi aisees à entendre, que ceste-cy : car nous trouuons des consultans qui desguisent si bien les matieres, qu'ils mettent les parties en grand danger, comme vous entendrez. Il y auoit, commença-il à dire, vne Loy en vn pais, au moins ce dit monsieur Bodin, qui portoit que celuy qui seroit autheur d'une sedition seroit puny de mort & que celuy qui l'appaiserait, auroit cinq cents escus. Il aduint que celuy mesme qui l'auoit faicte, & l'auoit aussi appesee,

vint au conseil. Les Aduocats luy dirent que l'argent promis à celuy qui appaiferoit la sedition luy estoit deu, encores qu'il l'eust commencee : ayant plus d'esgard au bien qui estoit prouenu d'auoir appaisé la sedition, qu'au mal qui estoit aduenü de l'auoir esmeue, & qu'il falloit estendre les faueurs, & restreindre les choses odieuses. Avec ceste consultation bien signee, il s'adresse aux Magistrats : qui ordonnerent que puis qu'il falloit auoir esmeuë la sedition auant que l'appaiser, qu'il seroit puny de mort par la rigueur de la Loy, puis apres qu'il pourroit demander le salaire que la Loy bailloit à celuy qui auoit appaisé le tumulte.

Ceux de la Serée, à propos de cest exemple douteux, & ayans veu monsieur Bodin en sa Republique, vont proposer des questions douteuses & difficiles, pour monstrier quels luges il conuiendroit auioird'huy mettre, attendu la malice & subtilité des esprits de maintenant. La premiere question fut, si Auguste fit bien de sauuer la vie à Crocatas, chef des voleurs en Espagne, & outre de luy bailler les vingtcing mil escus qu'il auoit promis à celuy qui luy apporteroit sa teste, quand luy-mesme se presenta à Auguste ? Car Auguste luy bailla sa grace, à fin qu'on ne violaist point la foy promise à celuy qui se representoit à Iustice : & le prix promis, à celle fin qu'on ne pensaist point qu'il l'eust faict mourir pour gagner les vingt & cinq mil escus.

Le second doute estoit, si les Venitiens firent bien de remettre le fils en ses biens & liberté, ayant apporté la teste de son pere, qui estoit banny comme luy : comme la Loy le permettoit à celuy qui apportoit la teste du

banny. Le tiers propofa, fi le marchand deuoit encourir la peine de la Loy, laquelle defendoit de n'amener en leur Republique des laines eſtrangeres, en y amenant des moutons, avec leur toifon.

Le quatriefme propofa un grand doute, en cefte forte. Vne Republique tyrannifee ordonne entr'eux que celui qui tuera le tyran aura dix mil eſcus pour recompence. Sur quoy aduient qu'un ieune homme fait fi bien l'amour à la femme du tyran qu'il iouit d'elle : & eſtant ſurpris ſur le faiſt, le tyran le veut tuer, mais il arriue que le ieune amoureux le tuë luy-meſme, de l'eſpee meſme du tyran. Parquoy demande à la Republique le ſalaire promis. La Republique reſpond, qu'il ne l'a pas tué pour la tyrannie, mais pour ſauuer ſa vie : eſtant allé là dedans pour iouir de ſes amours ſans eſpee, & que ceux qui vont tuer s'arment de courage & de fer : que s'il l'a tué, ç'a eſté par contraincte, non de volenté, non par vertu, mais pour vice. L'amoureux diſoit qu'il ne falloir point regarder en quelle forte il l'a tué, & qu'il ne le pouuoit faire autrement, & qu'il falloir ſeulement conſiderer qu'il auoit faiſt ce à quoy il eſtoit tenu faire pour auoir les dix mil eſcus, & que autrement il ne le pouuoit faire.

Le cinquieme doute qu'on mit en auant eſtoit de deux filles, dont l'une demande la mort du violateur, & l'autre le veut pour mary : la loy permettant qu'une fille violee peut choiſir, ou la mort du violateur, ou le prendre pour mary : mais il aduint qu'un homme viola deux filles en une meſme nuit : tellement que l'une demande qu'il meure, & l'autre le veut pour mary : qui dit qu'elle eſt

la premiere iniuriee, & que la clemence est plus naturelle au sexe feminin que la cruauté, & que où les pretentions sont de forces esgales, que la plus humaine est à preferer. Celle qui demande sa mort dit qu'on n'ouït iamais parler qu'aucun se sauuaſt de la punition d'un crime, par le moyen d'un autre plus grand, & que le crime estant double, la ſeuérité de la loy doit estre redoublée, tu peux choisir qu'il ne meure point pour la faute commise en toy, mais tu ne peux commander qu'il ne meure point pour le crime qu'il a commis contre moy. Celuy qui a mis en lumiere les Epitomes des histoires tragiques, où i'ay prins ces derniers doubtes, s'est bien gardé de dire qu'il les auoit prins de Senèque, car à la verité il ne ſçait si ces contes douteux sont de luy, encores qu'on les ait mis aux dernieres ceuures de Senèque.

Pour vuidier ces differends, va dire quelqu'un, il faudroit des Iuges de bon esprit, & ſçauans, & bien verbez aux affaires, comme estoit ce Iuge qui sauua vne pauure femme d'un procès intenté contre elle : & voicy que c'est. Deux estrangers auoient baillé en garde à ceste femme de l'argent, à la condition qu'elle ne le rendroit à l'un que l'autre ne fust present. De là à quelque temps, l'un s'adressant à ceste femme, l'asseura que son compaignon estoit mort, & en bailla de si bonnes preuues, qu'elle luy rend tout l'argent qu'eux deux luy auoient mis en depost. Depuis celuy qu'on disoit estre mort reuenu, fait conuenir ceste femme, disant qu'elle ne deuoit bailler cest argent à l'un sans l'autre, comme elle auoit promis quand on luy mit entre les mains, & comme elle le confessoit. Le Iuge condamna ceste femme à rendre cest argent

à ce nouveau venu, pourveu qu'il amenaſt ſon compa-  
gnon avec luy, & qu'elle ne s'en deſeroit point qu'ils ne  
fuſſent tous deux enſemble, ſelon la conuenance. Claude  
l'Empereur, va dire vn autre, ne tira-il pas vne bonne  
preuue d'une mere, qui ne vouloit recognoiſtre ſon fils,  
quand il luy commanda de l'eſpouſer. Auffi bien que fit  
Alphonſe, Roy de Naples, quand ſur la denegation que  
le pere faiſoit de recognoiſtre ſon fils, commanda qu'on  
le vendiſt à vn marchand de Barbarie. Je vous aſſeure,  
repliqua vn de la Seree, qu'il y a bien à conſiderer en  
ces doubtes : veu ce que dit Platon, que ceux-là entre-  
prennent de couper la teſte de l'Hydra, qui pretendent  
oſter des loix toutes incommoditez & inconueniens : les  
loix meſmes de la Juſtice ne pouuans ſubſiſter ſans quel-  
que meſlange d'iniuſtice. Vous laiſſant à penſer ſi les  
Atheniens firent bien de vouloir abſoudre vn leur citoyen,  
qui s'eſtoit habillé contre les loix de leur ville : croyans  
qu'il luy falloir pardonner, puis qu'il n'auoit habillement  
que celui-là. Ayant mis fin à ces queſtions, on retourne  
d'où on eſtoit venu, & à demander dont pouuoit proce-  
der la multitude des procès, & la grande longueur d'iceux.  
Aucuns tiennent que cela vient de l'ignorance des Iuges,  
les autres de l'affluance & grand nombre des Iuges,  
Lieutenans, Conſeillers, Aduocats, Procureurs, Sollici-  
teurs, Notaires, Greffiers & Sergens, qui ſont en plus  
grand nombre en France, que tous les autres peuples  
n'en ont : ſi nous nous en voulons rapporter à monſieur  
Bodin. Mais qui me reconforte, diſoit-il, c'eſt qu'il en y  
aura tant, qu'ils ſe mangeront les vns les autres. En  
adiouſtant, que le prouerbe ancien monſtroit bien le



mal-heur où nous sommes : quand il dit, Vn Aduocat en vne ville, vn noyer en vne vigne, vn pourceau en vn bléd, vne taupe en vn pré, & vn fergent en vn bourg, n'est pour acheuer de gaster tout.

Vn homme assez vieil qui estoit en ceste Seree, nous va asseurer que son pere auoit souuent conté, qu'estant logé à Yescu de France d'Orleans, l'hoste de ce logis luy auoit dit qu'il auoit veu qu'il n'y auoit dans Orleans qu'un seul Sergent, & de ce, qu'il n'y auoit que quatre vingts ans. Et que son pere recitoit souuent des vers qui parlent des Sergens : tout ainsi que ie m'en vais les vous dire, s'il vous plaist de les escouter :

*Charon demandoit à chacun  
Des trespassez, qu'il scauoit faire :  
L'un dit, ie vendois du parfum,  
L'autre i'estois Apothicaire :  
Vn autre dit, i'estois Notaire,  
Et nous, ce dirent deux Sergens,  
Nous n'auions autre chose à faire  
Que tourmenter de pauvres gens.  
Vrayment alors dirent les diables,  
Nous sommes bien plus charitables :  
Car nous mangeons tous les Sergens  
Pour soulager les pauvres gens.*

Combien qu'il en y a aucuns qui ne trouuent point mauuaise la multitude des Iuges : dautant, disent-ils, que le iugement de plusieurs est plus prudent, aussi est-il moins subiect à la corruption, qui plus difficilement

entre en vne grande compagnie d'hommes, qu'en vn seul, estant meilleur que plusieurs soient propofez à l'obferuation de la Loy, qu'un seul. Ce qui est confirmé par Aristote, qui dit qu'un peu d'eau est plus aifée à corrompre que beaucoup. Et auffi que nous voyons l'opinion des hommes estre incertaine & variable. Vous gaignerez vn procès en vne Iurifdiétion, ou en vne Chambre, & le perdrez en l'autre : & comme dit Tallebot à Robinea, ce que l'un fat l'autre le defat : parquoy il est permis apres l'Arrest donné en vne Cour de Parlement de propofer erreur, & faire reuoir vostre procès par deuant autres Iuges. Mesmes il se trouue que les Romains se pensoient bien gratifiez de leurs Empereurs, quand à leur nouveau aduenement ils permettoient de mettre le procès deuant le Senat, encores que la cause eust esté iugée par cinq fois : qu'ils appelloient *iur quinta relationis*. Il fut mis en auant, pour approuuer la multitude des Iuges, que quand vn criminel est coupable, qu'à grand'peine peut-il s'accorder de Iuge, & que celui qui accuse quelqu'un faussement, en fait de mesme, l'un & l'autre recusans les plus gens de bien : parquoy il semble que la multitude des Iuges est necessaire en ce temps. Les Romains pourtant, va dire quelqu'un, auoient vne grande desfiance du defendeur, qui recusoit tant de Iuges, auffi bien que de celui qui accuse, & les choisist. Et cela a aydé à Rome à condamner beaucoup de gens accusez, pour auoir recusé Caton Vticenfe. Dautant qu'on ne pouuoit penser ceux-là estre innocens, mais plustost coupables, qui recusoient le iugement d'un si iuste & homme de bien de Iuge. Je penserois plustost,

repliqua vn autre, la multitude & longueur des procès estre venuë des Loix Romaines, & des escholes de droict, que de toute autre chose, ayans apprins de là le mestier de plaider : disant la Loy *ab Anastasio*, que ceux qui font grands plaideurs, & en font profession, sçauent beaucoup de maux & de meschancetez. Aussi nous lifons, adiousta-il, que Mathias Coruinus, Roy de Hongrie, marié avec la fille du Roy de Naples, fut conseillé par son beau-pere de mener avec luy en ses païs grand nombre de Iurisconsultes, & de robbes longues, & qu'il n'y auoit rien de meilleur pour autoriser son regne, que la multiplicité de tels Officiers. Ce que fit ce bon Mathias. Mais voyant le mal que ces Legistes auoient apporté par leur chiquanerie, & la multitude des procès, & que tout le monde se mettoit de ce mestier, il les renuoya à Naples, pour subtiliser, desguiser, & chiquaner tant qu'ils voudroient, remettant son païs au premier estat.

Nous trouuons aussi, que Ferdinand Roy d'Espagne, enuoyant Pedrarias gouuerneur és isles Occidentales, nouvellement descouuertes, luy defendit de mener ni Iurisconsulte, ni Aduocat, à fin de ne porter la semence de procès, où il n'en y auoit point : la Iurisprudence estant science de sa nature, generatrice d'altercation & diuision : iugeant avec Platon, que c'est vne mauuaise prouision de païs, que Iurisconsultes & Medecins. Car on dit qu'en ce monde nouveau, où ils vivent sans lettres, Magistrats, ne loy, qu'ils vivent plus legitiment & droictement que nous. Encores en tout l'Orient y a si peu de procès, qu'en la province de Guzala la populace cree

seulement aux iours de foire, vn Iusticier, pour asseurer le cours de la traffique : & aux lisières du Royaume de Fez, les habitans de la montagne Magnan arrestent les passans pour recevoir Iustice d'eux. Que s'ils n'en trouuent, ils eliront vn Magistrat, lequel ira de village en village, iugeant & terminant les procès & querelles. Ce venerable Magistrat s'assied au beau milieu de la place, sur vn billot de bois, son bissac sur l'espaule, & son baston entre ses jambes, & là tout enuélépé de plaintes de diuerses façons, oit le demandeur, & celui qui est le premier arriué, luy fait affermer sa demande estre veritable, & au defendeur sa defense, comme il se pratique auioird'huy en la Iurisdiction des Marchands. Et apres auoir ouy quelques voisins, il donne sa sentence sur le champ. Pour recompense dequoy & espices, il a des oignons, ou des chataignes, ou quelque autre fruit du pais. Nous trouuons aussi, adioustoit-il encores, que Basile Macedonien, Empereur de Constantinople, descendant *ad Diatribam*, où l'on rendoit la Iustice, le plus souuent n'y trouuoit personne qui la demandast : parquoy enuoioit par la ville pour sçauoir s'il y auoit personne qui eust affaire de luy, tant il y auoit peu de procès. Anciennement les Princes d'Allemagne n'attendoient point, ce dit Tacite, qu'on leur vint demander Iustice : mais elisoient des Seigneurs, qui alloient par les villages & par le pais rendre la Iustice. Fredegair dit que Dagobert en perdoit le boire & le manger pour vaquer à rendre la Iustice. Eginard a laissé par écrit, que Charlemagne y vaquoit mesme en s'habillant. Le Sire de Joinuille dit que saint Louys la rendoit estant assis au

pied d'un cheſne, & qu'il ſe laiſſoit tirer la manche par les ruës par le ſimple peuple, pour leur faire droit. Auffi la principale charge des Rois anciens eſtoit de faire Juſtice en perſonne, n'ayans anciennement autre qualité que de Juges. Les Hebreux demandans à Samuel vn Roy, adiouſterent, pour nous iuger comme les autres peuples.

A ce propos, il me ſemble que les grands Seigneurs de France, & les gentils-hommes qui ont Iuriſdiction, ont fort mal fait de ſe demettre de la Juſtice qu'ils doiuent à leurs ſubieſts, & ſe rendre iuſticiables aux enfans de leurs fermiers. Regardez, diſoit-il encores, quelle douceur & clemence deuoit eſtre en nos Magiſtrats, puis que nous la voyons telle aux Empereurs? l'ay veu vn Magiſtrat ſi graue, adiouſtoit-il, qu'il ne vouloit iamais reſpondre, ni meſmes donner audience à aucune parole de ſes citoyens, diſant que la dignité du Magiſtrat ne permettoit telle humanité, & ſe perſuadoit que ſa robbe d'eſcarlatte l'auoit transformé en vne autre eſpece : menaçant tout le monde d'vſer à l'encontre d'eux de ſon office & Magiſtrat : ce qui fut cauſe que quelqu'un luy dit vn iour, Tu peux dire à bon droit ton office, car tu l'as bien achepté. Meſmes il s'eſt trouué vn Preſident d'une Cour, lequel faiſoit tant le grand enuers ſes compagnons les Conſeillers, qu'ils furent contraincts vn iour de luy prononcer ceſt Arreſt : Monsieur le Preſident, La Cour ordonne que tout preſentement vous irez querir le ſalut que entrant vous deuez à ceſte compagnie, & lequel vous auez oublié derriere la porte. Ce Preſident, repliqua quelqu'un, ne conſideroit pas que tant plus que

le Soleil est hault, il a moins d'ombre. Mais ce n'est pas de ce temps seulement que les Magistrats se mescognoissent : car nous trouuons en Lucian qu'un Iuge appella en iugement vn pour l'auoir nommé par son nom : pensant ce Iuge depuis qu'il estoit consacré, demeurer innommable & inappellable. Avec cela, à la moindre parole qu'on leur repliquera, ne faudront de faire mettre vn homme de bien en prison, & disent qu'autrement ils ne seroient craints & honorez, & qu'ils perdroient autrement l'argent que leur a cousté leur estat : car à tous coups si vous ne leur obeissez pour leur argent, ils vous diront, le vous feray mettre là dedans : ne faisans cas d'emprisonner vn homme : combien que ce soit vn tel acte qu'en Athenes ceux qui mouroient en prison, ne pouuoient estre enterrez aux sepulchres de leurs parents : quasi comme s'ils vouloient inferer, qu'estans morts en tel lieu, ils pourroient fouiller les manes de ceux qui estoient morts avec honneur : mesmes en plusieurs citez fameuses, & entre autres à Paris, on obserue la Loy, que celuy qui seulement pour debte passe le guichet d'une prison, ne peut iamais pretendre d'auoir Magistrat, ou autre dignité publique en ladite ville. Si vous escriuez à ces nouueaux & ieunes Officiers, il ne faut pas oublier leurs qualitez & tiltres, lesquels en vne si difficile ordonnance de diuers noms, noms d'honneur, ne peuuent estre oubliez, ne changez sans offense, estans si chèrement acheptez. Avec tout cela, ce President faisoit l'habile homme & le sçauant, & se mesloit de reprendre & corriger tout : tellement que lisant en son liure, *Iustitia est ars boni & æqui*, il disoit qu'il falloit lire, *Iustitia est*

*ars bonis & equi* : & vne fois trouuant en l'intitulation d'un liure, *Cornelij Celfi de re Medica*, dit que l'imprimeur auoit failly, & qu'il falloit mettre *Celfi* deuant, & *Corneli*. par le derriere.

Ils vouloient rire de ce sçauant Magistrat, mais ils en furent empeschez par quelqu'un, qui commença ainfi. Il seroit bon pour obuier à la multitude des procès, & à leur longueur, & à fin que Iustice fust equitablement & esgalement renduë à tous, & aux plus pauvres comme aux plus riches : que les grands seigneurs, qui laissent tout faire à leurs Iuges ouïssent, vne fois ou deux la semaine, les plaintes des plus pauvres de leurs subiects, & leur rendissent Iustice : comme nous trouuons d'Alphonse Roy d'Arragon, qui tous les Vendredis rendoit aux pauvres la Iustice : la reuerence que nous deuons à nos Seigneurs empescheroit les riches & les grands de molester les pauvres. A ceste cause, disoit-il, on sçait qu'Astree, qui est Iustice, se mit entre le Lion & la Balance, quand elle vola au Ciel : pour monstrier que le Iuge doit estre d'un vertueux courage, & auoir la force, & peser les crimes d'un chacun, sans respecer personne : c'est pourquoy on peint Iustice cachant la teste dans les cieux, aduisant à Dieu seul : les autres la peignent vierge, pour demonstrier qu'elle doit estre sans corruption : les autres la peignent avec un bandeau, & la representent aueugle, pour estre sans faueur : mais aujourd'huy la Iustice est si mal administree, qu'on dit qu'elle est aueugle, ne voyant rien en loyauté.

Puis que ce mal-heur, va repliquer un de la Seree, est en nostre France, qu'un procès en engendre une

douzaine, par la subtilité de ceux de ce temps, il seroit bon d'eire des Magistrats de bonne conscience, sages & sçauans, & qui fussent riches : les Carthaginois estimans que tout homme qui est assailli de pauvreté, ne peut fidelement administrer iustice : & aussi que le pauvre fera mesprisé, & craindra la puissance des Seigneurs, ou bien deviendra insolent & superbe. Que s'il est souffreteux, il sera contrainct de pourvoir plustost à la necessité de la vie, qu'à la commodité de la Republique. Et n'y a chose tant requise à vn Iuge que la fuite d'auarice : tellement que les anciens pour monstrier qu'un Magistrat estoit homme de bien, ils se sont contentez de dire qu'il n'estoit point auaricieux : car Horace louant Lollius d'auoir esté bon Iuge, ne dit autre chose, sinon qu'il estoit

*Vindex auara fraudis, & abstinentis  
Ducentis ad se cuncta pecunia.*

Et pour retrencher l'auarice & les corruptions, il fut fait vn Edi& sous Tibere, defendant à la femme de suiure son mary quand il alloit en vne Prouince pour administrer iustice : pour la crainte qu'il ne fust gaigné par la femme, laquelle accepte aisément les presens, & est plus auaricieuse que l'homme. Nous auons vn Iuge, repliqua quelqu'un, lequel a achepté vn estat bien cher : mais encores qu'il soit bien auaricieux, on dit pourtant qu'il s'acquitte bien de son office. Et ie croy qu'ils veulent dire, que son office luy sert bien à s'acquitter de l'argent qu'il a emprunté pour auoir son office.



Et pour trouuer tout cela en vn Iuge, il me semble qu'il feroit bon de les elire & prendre des plus vieux & anciens, comme ont fait les Romains, qui baillerent ce tiltre de Senateur (signifiant vieillard) à leurs Magistrats fouuerains. Car nous trouuons que les Hebreux, Grecs & Latins appelloient leurs Conseils publics de noms qui en leurs langues signifient assemblee de vieux. Combien qu'Aristote reprouue les Lacedemoniens, de ce que leurs Senateurs iugeoient de toutes causes tant qu'ils viuoient : disant qu'il y auoit grand danger de commettre les grands affaires & les grands iugemens à l'opinion des vieilles gens, à qui le plus souuent l'esprit s'affoiblist aussi bien que le corps. Et aussi que Pline dit, que nous nous deuons retenir les derniers iours pour nous, les Loix permettans aux vieux de se reposer : estant mal-seant en l'extreme vieillesse se mesler des affaires publiques, disoit Marcus Varro. Et pour confirmer cela, les anciens ont tousiours dit, Oeuure ou labeur du ieune, conseil de ceux qui sont entre les ieunes & les vieux, & prieres des vieux : encores aucuns ont mis en lieu de *preces senum, crepitus senum*. Qu'on doïue mettre des gens de bien aux offices de Iudicature, disoit-il en poursuuant, les Hebreux nous l'ont bien monsté, qui ont esté si iustes Iuges, qu'ils disoient les Anges de Dieu estre presens aux iugemens. Aluarez escrit qu'encores au-iourd'huy en Ethiopie, les Iuges se mettent aux bas sieges, & laissent les chaires haultes vuides, & asseurent que ce sont les sieges des Anges. Mais en ce temps que tout le monde est receu aux offices de iudicature indifferemment, les Magistrats bien souuent sont aussi vicieux

que ceux qu'ils veulent iuger, qui est la cause qu'on n'a nulle reuerence au Magistrat. A ce propos, disoit il, n'y a pas long temps qu'un iuge confrontoit des tefmoins à vn criminel & larron : auquel le iuge disoit, Que dites-vous à ce tefmoing ? quel reproche luy voulez-vous donner ? Il dit, luy disoit le iuge, que vous estes vn meschant homme, & vn larron. Le criminel va respondre à ce iuge : Que voulez-vous que ie die, monsieur ? il ne parle pas à moy, il parle à vous.

Que diriez-vous, repliqua quelqu'un, d'aucuns qui dient, que les hommes deuenus bons, sont meilleurs iuges, que ceux qui ont esté tousiours bons ? Il luy fut respondu cela estre faux : & que si cela estoit vray, qu'il faudroit que tout homme qui voudroit sçauoir que c'est d'estre bon, deust par neccessité auoir premierement esté mauuais & meschant. Les iuges en France ayans tousiours esté si gens de bien, & la Iustice anciennement y estant si bien administree, que les Estrangers mesmes s'y venoient volontairement soubsmettre. Federic second, disoit-il, soufmit au iugement du Roy de France, & de son Parlement, la decision de plusieurs differends qu'il auoit avec le Pape Innocent quatriefme. Et du temps de Philippes le Bel, le Comte de Namur en fit autant, encores qu'il eust pour partie Charles de Valois, frere du Roy ; tant il auoit de fiance en l'equité de tels iuges. De mesme, Philippes de Tarente accepta volontiers pour iuge le Roy seant en son Parlement, sur le differend qu'il auoit avec le Duc de Bourgongne. Autant en fit le Duc de Lorraine, sur le procès qu'il auoit contre Guy de Chastillon, son beau-frere, pour leurs partages. En l'an

mil quatre cents & deux, les Rois de Castille & de Portugal enuoyerent vn traité & accord passé entre eux, pour le faire publier & emologuer en la Cour de Parlement. Et estoient les Iuges de nostre France en telle estime, qu'és moindres choses ils s'en rapportoient à leurs Iuges : comme nous trouuons que deux rustiques se rapporterent à vn Iuge, s'il falloit dire la bouche d'un cheual, ou la gueule, & en firent vne gageure. Le Iuge va dire qu'à cause de l'excellence du cheual, il falloit dire la bouche. Celuy qui auoit gagé qu'il falloit dire la gueule à toutes bestes, & qu'il n'y auoit que l'homme qui eust bouche, va dire à ce Iuge, Monsieur, ie n'eusse iamais pensé qu'eussiez esté si sot d'appeller la gueule d'un cheual vne bouche : mais ne laissez pour cela à venir boire avec nous, puis que j'ai perdu. Vous pourrez iuger, commença à dire vn autre, par vne grande meschanceté faite par vn Iuge comme d'un eschantillon, que peuuent faire les Magistrats qui n'ont Dieu ne leur honneur en recommandation, quand ils ont l'esprit pour conduire leur mauuais & malheureux dessein. Il aduint, disoit-il, du temps du Roy Philippes le Long, qu'un Preuost de Paris, nommé Henry Lapparel, fit executer à mort vn pauvre homme prisonnier au Chastellet, luy imposant le nom d'un riche homme coupable & condamné, lequel il deliura. Pensez-vous, adiousta-il, combien il importe que les premiers Iuges, qui sont les Notaires, soient gens de bien ? Vous ne verriez autres procès que d'inscriptions en faux, de faux contracts, re-filimens, & testamens, produits deuant les Iuges : puis ceux qui les ont produits, disent qu'ils ne s'en veulent

pas aider, quand ils voyent qu'il n'y fait pas leur. Si i'estois leur Iuge, diroit-il, ie ferois bien trouuer à ceux qui produisent ces beaux contrats leurs fabriqueurs : & qui leur a baillé ces belles pieces en main. Mais laissant ces mal-heurtez-là, ie vous diray ce qui arriua entre vn Notaire & vn villageois, n'y a pas long temps. C'est qu'un homme des champs, qui ne scauoit pas signer, s'adressa à vn Notaire de ceste ville, & luy apporta vn beau le-uraut, & deux chappons. Le Notaire ne vouloit prendre ce present, ne cognoissant celui qui lui donnoit : disant au villageois, ie ne sçai pourquoi vous me voulez donner cela, ie n'ay rien fait pour vous. Le bon-homme contrainct le Notaire de prendre ce qu'il luy auoit apporté : & le Notaire en le remerciant luy va dire, ie suis vostre obligé, ie ne sçay comment ie vous pourrois recompenser : regardez si ie vous puis faire plaisir. Le bon-homme lors luy respond : Si pouuez bien si vous voulez. Et quoy ? ce dit le Notaire. C'est, respond le villageois, que ie vous prie, si me voulez faire vn grand plaisir, de ne m'obliger point que ie n'y soye, vous ne me scauriez faire plus grand bien & seruice. Le Notaire se doutant bien de ce qu'il vouloit dire, le conuie à manger sa part de ce qu'il luy auoit apporté. Le bon-homme luy respond, qu'il l'en remercioit, & qu'aussi bien il ne pouuoit manger, pource qu'on l'auoit bien bridé. Tous ceux de la Serree se prirent à rire, & eussent ris dauantage, n'eust esté qu'un de nos Magistrats, qui estoit en ceste Serree, va parler ainsi. Il seroit bon que tous officiers de Iustice fussent subiets à correction, & à rendre raison de leurs actions, & syndiquez, comme il se faisoit ancien-

nement en Grece par deuant les Nomophylaces, à Rome par les Censeurs, en Lacedemoine par les Ephores, en Athenes par les Areopagites, en Espagne par les Visiteurs, & à Venise par les Aduocateurs. Il y a vn pais, adiou-  
stoit-il, là où le Prince est tenu à la partie de tout l'intere-  
rest, si le Iuge qu'il a eleu a fait iniustice à quelqu'un de ses sujets, ou si par ignorance il a mal iugé, & fait perdre le procès à celuy qui le deuoit gagner : & n'est pas excusé le Prince de dire qu'il a eleu les plus idoines. Que si le Magistrat qui iugeroit mal par ignorance, estoit maintenant puni, & deuoit respondre de son iugement, comme par le passé, les offices ne seroient pas à si hault prix, & à grand' peine trouuerroit-on qui les voulust ac-  
cepter. Il fut respondu que cela estoit vn peu rigoureux, & qu'il suffisoit aux Iuges de Grece de prester le serment à la Deesse Vesta, qu'ils ne donneroient iugement que iuste, entant qu'en eux seroit : pour monstrier la difficulté des iugemens.

Que voulez-vous, repliqua vn autre, c'est le mal-heur de ce temps, que tout le monde veut estre Iuge : ces ambitieux d'offices semblans ceux qui ont peur de faillir leur chemin : & par ce veulent, ce dit Plutarque, auoir des Massiers & Huissiers pour les conduire, de peur de s'esgarer. Et ne doiuent les Magistrats & Iudicatures se donner ainu comme on fait aujourd'huy : parce qu'il faut autant de prudence à elire les Magistrats, qu'à faire & establir les Loix. S'ils ont si grand' enuie d'estre Iuges, luy fut-il respondu, ie m'esbahis qu'ils ne s'en vont à vn ieu de paume, & là ils iugeront sans appel, à la simple voix d'un rapporteur : ou qu'ils ne se font mar-

chans, & ils seront Iuges & Confuls, encores qu'ils ne le veulent estre. Mais parce qu'il n'y a rien à gagner, chacun fuit ces Iudicatures, & se met à fuiure la Iurisdiction : où les prefens sont receus des vns & des autres parties, contre l'ordonnance & les loix publiques : en quoy les marchands, à l'exemple des Suiffes, nous deuoient seruir d'un notable exemple : estant prohibé & à l'un & à l'autre, sur peine de la vie, de rien prendre directement ou indirectement pour iuger. Pour ceste raison Moyse commandoit aux Iuifs qu'il establiroit pour vider les differends du peuple, que sur tout ils eussent à se garder d'auarice : dautant que c'est la ruine & subuersion de Iustice.

Que si ceux, disoit-il, qui embrassent les affaires publiques, & acheptent les offices, sçauoient les inconueniens qui leur en arriuent, ils n'achetteroient pas leur seruitude à si hault prix : dautant qu'aucun n'est si tost eleué en dignité entre ses citoyens, que les yeux de tous ne se iettent sur luy : de sorte que non seulement les grandes & publiques actions, mais aussi les moindres & priuees sont si diligemment obseruees en luy, qu'en temps du monde il ne peut estre seigneur de soy-mesme. Ce qui luy est, comme dit le seigneur Paul Paruta, autant plus grief & difficile, qu'il differe aux premieres esperances desquelles l'ambition est coustumiere combler l'esprit de ceux qui s'acheminent en ses sentiers. Outre cela, disoit-il, il faut pour exercer le Magistrat, & auoir lieu és affaires publiques, fuiure les vestiges du Prince & du peuple, & priser non les meilleures choses & coustumes, mais celles qui sont plus estimees d'eux, &

chercher par vne superstitieuse vie de leur complaire : car si vous faites bonne iustice, vous offensez les hommes : si vous la faites mauuaise, vous offensez Dieu. Toutes ces considerations, va dire nostre Magistrat prenant la parole, ne peuuent empescher l'ambition de maintenant. Et pour l'empescher, disoit-il, ie voudrois, comme ie vous ay dict, que les Iuges, qui iugent par ignorance, fussent punis, ou pour le moins qu'ils fussent tenus de respondre & soustenir leurs iugemens, à peine de tous despens, dommages, & interests. l'ay veu vn Iuge, adiousta-il, qui differra l'execution d'vn criminel condamné à estre pendu & estranglé, parce que le mal-faicteur auoit recusé le bourreau ordinaire de la ville, & enuoya querir vn autre executeur de haute iustice, en vne autre Iurisdiction, & pource que c'est vne mort d'auoir affaire à eux, il n'en put fournir si tost : qui fut cause que le prisonnier eschappa. Ce Iuge monstra bien vn iour son sçauoir, en vne compagnie où on loüoit Brutus d'auoir deliuré son pais de tyrannie, reprenant celuy qui en disoit tant de bien, disant que Brutus ne meritoit point d'estre tant recommandé, & que c'estoit vn grand adultere, & le prouuoit par ce vers :

*Obrutus insanis effret adulter aquis.*

Ce Iuge estoit si conscientieux, qu'encores qu'il fust bien riche, il ne voulut iamais auoir de cuisinier, disant qu'il estoit defendu aux Iuges d'auoir vn cuisinier par disposition du droit, *tit. vt Iudices sine coquo*. Le Clerc de ce mesme Magistrat bailla bien à entendre à son maistre sa

suffisance. Car vn iour bien matin ce Iuge s'en allant au Palais, suivy de son Clerc, se laissa tomber par terre, au moins, à fin que ie ne mente, sur le paué. Son Clerc en le releuant luy demanda, Et bien, Monsieur, ne vous estes-vous point fait de mal? Le Conseillier luy ayant respondu que non, son Clerc va dire, Hé! Dieu soit loué, & saint Eloy, de ce que n'estes point rompu de la cheute. Son maistre luy va dire, Va, va, tu n'es qu'un sot, tu ne sçais que tu dis : saint Eloy est pour les cheuaux. Et aussi pour les asnes, Monsieur, luy respond son Clerc. Il n'y a pas long temps, adiousta-il encores, que ce mesme Iuge enuoya querir vn Predicateur, à cause qu'il estoit vn peu seditieux : car vous sçavez que durant les guerres ciuiles les Prescheurs ne se pouuent garder d'ineuetiuer, à dire des propos qui tendent plus à sedition qu'à edification; parquoy il luy va dire : C'est grand cas, que vous autres Predicateurs ne sçauriez prescher sans dire mot. Je vous fais inunction & commandement de par le Roy, sur peine de punition, que vous ayez par cy apres à prescher, & admonester le peuple, sans dire mot. Puis il luy disoit, Vous estes bien habile homme, & d'esprit, mais vous auez les plus fols propos du monde. Ce mesme Iuge auoit vn Clerc qui s'appelloit le Musnier, qu'il almoit fort, mais ce nom de Musnier luy faschoit, & presenta requeste à l'Euesque que son seruiteur fust rebaptisé, & qu'on luy baillast vn autre nom : de peur, disoit ce Iuge, qu'on die, l'asne va deuant, & le musnier apres.

Ceux de la Serée ayans ris, ils mirent en auant vne question de l'Anacrise : à sçauoir s'il estoit meilleur que



le Iuge & l'Aduocat fussent sçauans, & eussent bonne memoire, sçachans toutes les loix, ou qu'ils eussent bon entendement & iugement, & peu de memoire. Pour la memoire on alleguoit que les Legistes doiuent construire le texte de la loy, & prendre le sens qui resulte de la construction, & non autre, sans opiner selon son entendement : qu'ils ne doiuent affermer aucune chose s'ils n'ont la loy, & pour ceste cause on dit, *Erubescimus sine lege loqui*. Que si l'autorité des loix, & ce qu'elles decernent, a plus de force & vigueur que toutes les raisons qui se peuuent alleguer au contraire, il semble qu'il est meilleur au Legiste d'auoir grande memoire, & sçauoir les Loix, & auoir peu d'entendement, que beaucoup d'entendement, & peu de memoire : dautant que l'aduis d'autrui ne doit auoir plus d'efficace que la decision de la loy. Parquoy le Legiste, le Iuge & l'Aduocat ont congé de dire, le regarderay à mes liures sur ce faict, & ne faire pas comme le Iuge, qui apres auoir prononcé vne sentence, demanda à son Greffier, Vient-ça, dy moi la verité : ay-ie pas donné vn bon arrest & appointement sans y penser? Ceux qui tenoient qu'il valloit mieux que les Iuges & Aduocats eussent plus d'entendement & iugement, que de sçauoir & memoire, le prouuoient de ce que Platon dit auoir veu par experience que ceux qui estoient lettrez & sçauoient beaucoup de loix, n'estoient pas si bons Iuges & Aduocats comme il sembloit, n'appliquans pas le droit comme il estoit conuenable. L'Espagnol en rend la raison, que Platon a obmise, supposant que la memoire est contraire à l'entendement, & que la vraye interpretation des loix

& restriction se fait en distinguant, inferant, discourant, iugeant & elisant, qui sont ceuures de l'entendement : lesquelles le lettré, ayant grande memoire, ne peut faire aucunement : la memoire & l'entendement prenans leur force de qualitez contraires. Et aussi que l'astuce & cautelle des mauuais est plus grande pour inuenter faicts, que la prudence des bons pour se preualoir de defense : & les loix ne pouuans tout comprendre, le bon entendement est grandement requis au Iuge & à l'Aduocat, se trouuant plus d'affaires & de faicts que de loix.

Le bon entendement estant comme le bon cousturier, qui a les ciseaux en la main, & la piece de drap en la maison. Et aussi qu'il y a beaucoup de remedes pour suppleer à la memoire, & estre sçauant : mais à la faute de l'entendement & de iugement, il est impossible d'y remedier. Parquoy le Magistrat & Aduocat de grand entendement & iugement, encores qu'il n'ait la loy deuant soy, & toute preste, ne fault gueres, ayant avec soy l'instrument duquel les Iurifconsultes & Empereurs ont faict les loix : les Anciens appellans la loy, raison & prudence. Et aimerois mieux, adioustoit-il, ceux-cy, qui ont bon entendement & iugement, que ceux qui l'ont prompt & subtil, avec grande memoire : car ie ne sçache chose plus odieuse à la sapience, que la trop grande subtilité de l'esprit : c'est pourquoy les anciens feignent Pallas auoir en haine Aragné. Le Iuge, repliqua quel-qu'un, sera de si bon entendement que vous voudrez, si est-ce qu'il trouuera des questions si douteuses, le *pro* & le *contra* remplis de si bonnes raisons, qu'il ne sçaura quelle part incliner. A ce propos, adiousta-il, le Sei-

gneur de Montagne dit auoir veu vn Iuge, qui mettoit à la marge de son liure, *Question pour l'amy*, quand il trouuoit quelque matiere agitee de plusieurs contrarie-  
tez. Et vouloit dire que quelquesfois il y a tant de rai-  
sons d'un costé & d'autre, & la matiere si embrouillée  
& debatüe, qu'en pareille cause, il pourroit en saine  
conscience fauoriser à celle des parties que bon luy sem-  
bleroit. Cela n'est point nouveau, repliqua quelqu'un,  
car nous trouuons que le iugement du Senat d'Athenes,  
appellé Areopagite, trouua vne matiere si difficile & si  
doubteuse, que ne la pouuant iuger, ordonna que les  
deux parties, à sçauoir l'accusateur & l'accusé, compa-  
roistroient deuant eux de là à cent ans. Si c'est le pro-  
cés que Dolabella renuoya aux Areopages, repliqua  
quelqu'un, il me semble qu'il feroit aujourd'huy bien  
aisé à vider, s'il est vray ce que dit la loy, *Nemo ius  
poteſt ſibi dicere*. Car encores que le mary & son fils  
euſſent tué meſchamment le fils du premier mary de la  
femme accuſee, ſi ne deuoit-elle pas d'elle-meſme em-  
poifonner ſon ſecond mary & ſon fils, encores qu'ils  
euſſent occis ſon fils : confeſſant l'auoir faiſt, mais auoir  
eu iuſte occaſion de le faire.

Depuis n'agüeres vn Iuge ne ſçauoit qu'ordonner  
entre vn mari & vne femme qui auoient procès par de-  
uant luy : car quand le mary ſe plaignoit de ſa femme,  
la femme diſoit au Iuge, Monsieur, ie ne ſçay qu'il me  
demande, ie veux ce qu'il veut. Le Iuge prenant droit  
de la depoſition de ceſte femme, les met hors de Cour  
& de procès, & ſans deſpens : par faulte d'auoir veu  
Henry Eſtienne, quand il dit :

*Quid me queritur coniux? quod vult, volo, dixit :  
Imperium is sibi vult, id volo, & ipsa mihi.*

Ils n'auoient pas retenu ce que dit Martial, que iamais l'homme & la femme ne se trouuent esgaux, sinon alors que ceste-cy obeït, & que l'autre commande :

*Inferior matrona suo fit, Prisce, marito :  
Non aliter fiunt famina virque pares.*

A ce mesme propos, va dire vn autre, vne femme fait conuenir son mary pour l'auoir outragée. Le mary va dire au Iuge, Monsieur, ie vous diray la verité. Ma femme & moy estans à table, nous entrons en quelque debat : elle me dit que resolument tout iroit à sa teste, ie luy dis puis qu'elle le vouloit que ie le voulois aussi. Je croy bien que tout ce que ie trouuay sur la table alla à sa teste. Quel tort luy ay-ie fait, puis qu'elle vouloit que tout allast à sa teste? Vn Iuge pedance, adioust vñ autre, qui auoit ouy parler de la peine du Tallion, fut bien empesché à la vuidange d'vn procès, qui est tel. Il y auoit vn recoureur, qui en recourant vñ maison, tomba sur vn homme qui passoit la rue, de telle sorte que cest homme fut griefuement blessé de la cheute de ce recoureur, & s'adressant au Iuge demandoit alimens & medicamens, & reparation à l'encontre de ce recoureur, qui en tombant l'auoit offensé, & ne s'estoit fait nul mal : disant au Iuge qu'il ne deuoit pas se laisser tumber, & le bleffer, veu que c'est son mestier de monter sur les maisons, & de se tenir bien, & que ce n'estoit

qu'un esuenté, qui par sa faulte & coulpe s'estoit laissé tomber sur luy, possible lui voulant mal. Le pauvre recoureur alleguant son innocence, disoit qu'il n'estoit en aucun dol, & qu'il n'y auoit aucune faulte de son costé, & que les meilleurs maistres de leur estat estoient subiects à tels accidens. Le Iuge apres meure deliberation, va ordonner que celuy qui auoit esté blessé par la cheute du recoureur, luy estant guery, monteroit sur la mesme maison, & que de la mesme hauteur, & du mesme lieu, tomberoit sur le recoureur qui auoit tombé sur luy. Le vous laisse à penser si le defendeur appella de ceste sentence.

Ecoutez encores, adiousta-il, qu'il arriua à ce Iuge à *quo* depuis. C'est que deuant luy comparurent vne hostesse & vn passant, à qui ceste hostesse auoit baillé à diner : laquelle demandoit à son hôte qu'il eust à luy payer vn lopin de pourceau, que le passant auoit fait mettre au feu, & estant cuit l'auoit tres-bien mangé. Ce qu'il confessoit : mais il disoit, que le prenant au crochet, & quand elle le mettoit en la broche, il auoit dict à ceste hostesse qu'il ne payeroit rien de ce que les mouches auoient mangé, parce n'en vouloit pas tant payer. Ceste hostesse luy accorderoit sa protestation, mais qu'il n'en deuoit moins payer pour cela. Ce Iuge va condamner ce passant à payer ce que son hostesse demandoit, sans auoir esgard à la confession de ceste femme, qui luy auoit accordé qu'il ne payeroit rien de ce que les mouches auoient mangé. Ce passant se voyant condamné, va dire au Iuge : Au moins, monsieur le Iuge, permettez-moy donc de tuer toutes les mouches quelque

*Quid me queritur curius? quod vult, volo, dixit :  
Imperium in fidi vult, id volo, & ipsa mihi.*

Il s'assied pas retenu ce que dit Martial, que iama  
l'homme & la femme ne se trouvent esgaulx, sinon aloz  
que telle-cy obéit, & que l'autre commande :

*Infelix matrona suo fit, Prisce, marito :  
Non aliter fiant famula virque pares.*

A ce meisme propos, va dire un autre, vne femme  
fait enuener son mary pour l'auoir outragée. Le mar  
va dire au luge, Monsieur, ie vous diray la verité. M  
sente & moy effans à table, nous entrons en quelqu  
debet : elle me dit que resoluement tout iroit à sa teste  
le luy dis puis qu'elle le vouloit que ie le voulois auff  
le moy bien que tout ce que ie trouuy sur la table ai  
à sa teste. Quel tuit luy ay-ie faict, puis qu'elle voula  
que tout alast à sa teste? Un luge pedanee, adiousta  
autre, qui avoit moy parler de la peine du Tallion,  
est empelché à la voidange d'un procès, qui est tuel  
estoit en recoureur, qui en recoureur vne ma  
de sur un homme qui passoit de telle forme q  
homme lit grilloient de dents de  
recoureur, & s'addres  
medicament, &  
homme, qui en l

qu'vn efuenté, qui par fa faulte & coulpe s'effroit laiffé tomber fur luy, poffible lui voulant mal. Le pauvre recoureur alleguant fon innocence, difoit qu'il n'effoit en aucun dol, & qu'il n'y auoit aucune faulte de fon colle, & que les meilleurs maiftres de leur estat effoient fubiefts à tels accidens. Le Iuge apres meure deliberation, va ordonner que celuy qui auoit esté bleffé par la cheute du recoureur, luy eftant guery, monteroit fur la mefme maifon, & que de la mefme hauteur, & du mefme lieu, tomberoit fur le recoureur qui auoit tombé fur luy. Le vous laiffe à penfer fi le defendeur appella de cefle fentence.

Efcoutez encores, adioufta-il, qu'il arriua à ce Iuge à quo depuis. C'eft que deuant luy comparurent vne hofteffe & vn paffant, à qui cefle hofteffe auoit baillé à diner : laquelle demandoit à fon hofte qu'il eult à luy payer vn lopin de pourceau, que le paffant auoit fait mettre au feu, & eftant cuit l'auoit tres-bien mangé. Ce qu'il confeffoit : mais il difoit, que le prenant au crochet, & quand elle le mettoit en la broche, il auoit dit à cefte hofteffe qu'il ne payeroit rien de ce que les mouches auoient mangé, parce n'en vouloit pas tant payer.

Cefle hofteffe luy accorderoit la proteftation, mais qu'il n'en deuoit moins payer pour cela. Ce Iuge va con-

naiffant à payer ce que fon hofteffe deman-

de en regard à la confeffion de cefle femme.

Ordonna qu'il ne payeroit rien de ce que les

mouches auoient mangé, le voyant condam-

ner : à payer ce qu'il deuoit au Iuge. per-

fonne de cefle hofteffe quelques moultres quelque

part qu'elles soient, puis qu'il faut que ie paye pour elles. Le Iuge luy respond, Helas ! mon amy, tant que vous voudrez, & fussent elles sur le grand autel. Ce defendeur voyant vne moufche sur la iouë du Iuge, s'approchant luy bailla si beau soufflet qu'il tue la moufche, & demeura esclafée : le Iuge fut si estonné du coup, que ce tueur de moufches eut loisir de s'en aller hors de là, disant n'auoir fait aucun tort au Iuge, puis qu'il luy auoit baillé permission de tuer les moufches quelque part qu'il les trouuerroit : disant que ceste beste estoit si fascheuse, principalement aux banquets, que les anciens en leurs festins auoient des chasse-moufches.

Quelqu'un lors va dire que si ce tueur de moufches eust esté en vn certain pais on luy eust coupé le poing. Et voicy vn doubte que i'ay veu arriuer sur ceste execution en vn pais, où la loi porte que quiconque frappe vn Magistrat, doit auoir le poing coupé. Or il arriue qu'un manchot pour auoir frappé vn Officier est condamné à auoir la main coupee, on ne put prouuer de quelle main il a frappé : ce manchot dit que c'est de la gauche, qui en effect est la main estropiee : néanmoins le Iuge luy veut faire couper la bonne, disant que peu de gens sont gauchers, & que quand il le feroit naturellement, qu'il s'estoit necessairement accoustumé à la main droite, & que la loy n'auroit lieu si on le priuoit de la main de laquelle il y auoit long temps qu'il estoit priué. Le mal-faicteur dit qu'il a frappé de la gauche, qui n'estoit pas si maleficiée qu'on pense, & qu'il ne faut pas chercher l'autre pour payer la faulte de ceste-cy : & voyant qu'il n'auoit qu'une bonne main, il l'espargnoit



toufiours, la gardant pour quelque vrgente affaire. Et qui ne fçait qu'és choses doubteuses il faut plus encliner à la douceur qu'à la rigueur?

De ces contes il s'esmeut vne dispute : affauoir, si vne maniere graue & quelque peu difficile, ou l'humaine & facile conuient au Iuge & Magistrat. L'vn disoit que la dignité du Magistrat ne permettoit telle familiarité, & que l'humanité leur fait perdre la reputation : considéré que la populace n'entend le mystere de la vertu d'humanité, estimant vn chacun autant qu'elle le veoid s'estimer soy-mesme. L'autre au contraire soustenoit que tant plus la personne est en degré plus grand, d'autant plus la vertu d'humanité & affabilité le fait reluire : qui est vn instrument pour luy donner vne vraye seigneurie, c'est affauoir, celle des amis : laquelle ne se peut acquerir par force, ains par humanité & courtoisie. Ce mesme Iuge, à qui on tua vne mousche sur sa iotie, va dire quelque autre, nous appresta bien à rire. Car vn iour en pleine audience, ayant ordonné qu'une partie feroit ouye sur quelque differend, on luy dit, Monsieur, il n'a garde d'estre ouy : car ie vous assure qu'il est mort. Le Iuge va dire que cela estoit faux, & que si ceste partie eust esté morte, elle l'en eust bien aduertuy : parquoy il donna défaut contre luy sous quinzaine. Vne autre fois ce mesme Iuge voyant vne partie qui luy demandoit défaut contre vn absent : Allez, allez, dit ce Iuge, vous ne voulez surprendre, & vostre partie aussi : voyez-vous pas bien que vostre partie n'y est pas? attendez qu'il y soit, & puis vous aurez défaut. Ie vi ce Iuge, va dire vn autre, vn iour en son siege bien empef-

ché : car ayant deuant luy deux parties, il ne ſçauoit qu'ordonner. Le demandeur diſoit au deſendeur, le demande auoir reparation de ce que tu m'as appellé larron. Le deſendeur diſoit, le ne t'ay point appellé larron, i'ay ſeulement dit, & le dy encores, que ſi tu ne fuſſes point venu avec moy pour m'aider à chercher ma bourſe que ie l'euffe trouuee, & qu'elle ne ſe fuſt point perdue. On ſe doubta bien auſſi, adiouſtoit-il, que ce luge deuoit eſtre quelque ſçauant homme, car meſſieurs de la Cour le voulans interroguer, s'eſtant preſenté pour eſtre receu Lieutenant, leur va dire, que par la paix il eſtoit dit expreſſément qu'on ne s'entredemanderoit rien l'un l'autre : & qu'eſtant ſeruiteur du Roy, il vouloit obeïr à ſon Edi&t. Auant qu'acheuer le propos d'aucuns luges, on va faire vn conte d'un Conſeillier Preſidial, lequel louant ſon office, blaſmoit celuy d'un Conſeillier de Bretagne, pource qu'il ne pouuoit faire plaiſir à ſes amis, n'eſtant Conſeillier en ſon païs, & qu'il n'eſtoit reſpecté qu'en ſon Parlement, & qu'encores cela ne duroit que trois mois, & que tous les autres neuf mois, il ne faisoit que iouer aux trois. Ce Magiſtrat de Bretagne luy reſpondit : l'aime mieux iouer aux trois neuf mois, que iouer toute l'annee à l'aſne. Lors vne Feſſe-tondüe oyant parler des luges de Bretagne, nous va aſſeurer qu'eſtant en la baſſe Bretagne, il auoit ouy crier en vn Bailliage, à ſon de trompe, On ne tiendra pour ce iourd'huy la Juſtice en la caue, parce que l'Allouer eſt yure.

Vn marchand, qui eſtoit en ceſte Serree, & pour lors Conſul en la Iuriſdiction des marchands, voulant conter

ce qui estoit arriué en la decision d'un procès, fut interrompu par vn de la grand' boutique, qui luy va dire que pour son honneur, & celuy des marchands, il n'eust à mettre en auant leurs belles sentences & arrests. Le marchand soustenant la Iurisdiction qu'il a pleu à sa Majesté leur donner, va dire à celuy de la grand' boutique, que la Iurisdiction des marchands estoit si bonne, si equitable, & bien administree, qu'il vaudroit mieux y perdre son procès, que de le gagner és Cours Prefidiales & Parlemens : à cause des frais & de la longueur. Et que pour defendre les Marchands de l'ignorance dequoy on les accuse, il estoit apres à rediger leurs sentences les plus notables, & leurs Arrests les plus signalez, pour les mettre en lumiere, à fin qu'on iuge si la Iustice y est bien rendue.

Ceux de la Seree faisans cesser ce debat, prient le Consul de poursuiure ce qu'il auoit commencé. Ce qu'il fit, en disant : Les Iuge & Consuls des marchands, ayans condamné vne partie à payer vne iument qu'elle auoit, par sa faulte, laissé manger aux Loups, demandent à la partie aduerse, qui en demandoit la valeur, si la iument estoit bonne. Laquelle va respondre, que la iument estoit si bonne que les loups l'auoient toute mangée, & qu'ils n'en auoient laissé pas vn morceau. Nostre Consul voyant qu'on auoit trouué bonne ceste rencontre, leur va promettre de leur en dire vne douzaine à la premiere Seree. Et puis va faire vn vieil conte d'un supposit de la grand'boutique, à qui vn client auoit escript, Je vous enuoye mon sac, avec vn double du cas, ie vous prie voir bien tout, & me faire vn ample aduis : l'Aduo-

cat estant bien trompé, lequel pensant auoir vn double ducat pour son salaire d'vn gros procès qu'il auoit fueilleté, il ne trouua que le double du cas posé, & s'equiuoqua sur la lettre de son client. Et d'vn autre Aduocat lequel auoit esté defrobé par vn coupeur de bourse : ce qui fut prins en grande rifee de tout le peuple : & ceux mesmes qui luy auoient veu couper sa bourse, ne pouuoient croire qu'vn Aduocat se fut laissé piper à vn mattois. Sur ce, vn de la compagnie se leuant dit, Messieurs, ie suis d'aduis de n'en dire plus : car puis que les Aduocats ont esté trompez, il n'y a celuy de nous autres qui ne ne le peust estre.





## DIXIESME SEREE.

### *Des Medecins & de la Medecine.*

**V**N facetieux conte qui arriua le iour de ceste Seree, fut cause que durant le souper & apres, on ne parla que des Medecins, & de leurs Medecines. Ce conte consiste en vne responce gaillarde que fit vn Medecin à vn Chanoine qui vouloit rire & se moquer : comme de tout temps les Medecins ont esté subiects à estre calomniez. Mesmes ceux de ceste Seree ne peurent se contenir d'en dire leur aduis. Et le premier commença ainsi. Nous trouuons que les Romains chasserent de Rome tous les Medecins par l'espace de six cents ans, & n'yferent en tout ce temps-là d'autre medecine, que de chioux en toutes maladies, qui ne se trouua iamais si saine, & ayans remis les Medecins, tout alla de mal en pis. Les Sycioniens ne permirent iamais qu'il y eust des Medecins en leur Republique, de peur de tuer les sains. Herodote dit que les Babyloniens n'yferent iamais de medecines, & n'eurent aussi iamais de Medecins, lesquels Cato hayssoit, ce dit Plutarque en sa vie : ce que verrez en Pline par ce qu'escriit Cato à son fils Marcus Cato. Platon dit que Socrate defendoit la multitude des Medecins

en vne ville. A ceste raison la Loy *Si duos*. à son exemple, limite le nombre des Medecins, & combien il en doit auoir en chasque ville selon la grandeur d'icelle, & la quantité du peuple : comme estant vne charge inutile au peuple, & qui nuit plus qu'elle ne profite. Auffi ie ne voy nulle race de gens, dit le seigneur de Montagne, si tost malade, & si tard guerrie, que celle qui est sous la Iurisdiction de la Medecine : leur santé mesme estant alteree par la contraincte de regimes : les Medecins ne se contentans point d'auoir la maladie en gouuernement, ils rendent la santé malade, pour garder qu'on ne puisse en nulle saison eschaper leur autorité. Et n'y a nation qui n'ait esté long temps sans Medecins & medecines : & du monde la dixiesme partie ne s'en fert pas encores à ceste heure. Infinites nations ne les cognoissent pas, où l'on vid plus longuement & sainement qu'icy. Si on faisoit comme Herodote dit que fait vn peuple des Indes, où ceux qui sont malades sont tuez & mangez, il ne faudroit point de Medecins : car on ne se confesserait point estre malade, dautant qu'ils les tuent encores qu'on nie n'estre nullement malade. Je ne sçay pas, repliqua quelque autre, qui mouuoit les Anciens à mespriser les Medecins : mais ie sçay bien que si on les blasme de ce temps, ils en baillent bien les occasions. Ou trouuerrez vous gens d'un mesme estat de profession honorable, qui se portent plus d'enuie, dont est venu le prouerbe, *Inuidia Medicorum*, & qui detraient plus les vns des autres que les Medecins ? Où prendrez-vous des personnes de mesme vacation qui s'accordent moins ensemble ? Et ce qui fasche plus Pline, c'est, dit il, de ce

qu'il n'y a estat au monde où y ait eu moins d'arrest, ni moins de solidité, qu'en cestuy-cy. Hippocrate mesmes, Prince des Medecins, ayant dict, que l'esperance des Medecins est fallacieuse : & neantmoins il n'y en a point qui apporte plus de profit à l'homme : & toutesfois les Romains se sont bien peu addonnez à l'art de Medecine, combien qu'ils se soient rendus consommez en toutes les autres sciences des Grecs : & ont laissé la Medecine aux Esclaues & aux Serfs.

Comment fera-ce que le peuple les estimera experts & sçauans, veu qu'eux-mesmes s'entr'appellent ignorans & asniers? Qu'ils soient appelez à vn malade, l'un apres l'autre, vous les trouuerez du tout contraires, aussi bien que tous ensemble, & à la cognoissance de la maladie, & à la guerison. Iamais vous ne verrez Medecin se seruir de la recepte de son compagnon, sans y retrancher ou adiouter quelque chose. Mesmes qu'on regarde à leurs consultations, que Plin appelle maudites, l'un dit d'un, & l'autre d'autre, pour ne seruir de laquet les vns aux autres. De là vint la mort de l'Empereur, qui fit grauer sur son sepulchre, *Turbâ Medicorum perij*. Et ne se faut fier aux contes des Medecins : regarde plustost l'effect & l'experience. Et ne s'en faut pas esbahir, car la plus grand'part des Medecins ne cognoist ne les simples ne les composez & laissent cela aux Apothicaires, aussi habiles qu'eux. Mais, ie vous prie, qui ne se moqueroit de celuy, qui voulant faire quelque chose, ignorerait l'instrument avec lequel il la voudroit parfaire? De ce aduient, que la plus part des bien-aduifez de nostre temps, ne veulent se fier à des remedes & per-

fonnes où il n'y a nulle certitude : comme ceux-là mesmes le montrent tous les iours qui practiquent, quand ils blasment ce qu'un autre aura possible bien fait : ne voulans mettre leur vie, qui consiste en un accord, entre les mains de ceux qui sont à eux-mêmes tousiours contraires : & n'est dit sans cause, qu'on doit plustost auoir peur du Medecin que de la maladie. Vne des plus grandes fautes qu'ils font, à mon aduis, c'est d'ordonner auant que cognoistre la maladie, car ne la cognoissans, ils ne scauroient scauoir la curation : mais de peur d'estre trouuez ignares, & estre sans remedes, & à fin d'attraper argent, ils ne font iamais sans ordonnances & receptes : qui sont bonnes, & indifferentes à toutes maladies, ce disent-ils, comme leurs clysteres, leurs Catholicon, eau beniste de la Medecine : lesquels toutesfois le plus souuent sont contraires à la maladie qu'ils ignorent, maladie cogneuë, dit le proverbe, vault presque guerir : estant necessaire de cognoistre plustost les maladies que les remedes d'icelles. Que le plus souuent ils ne les cognoissent, il appert en ce qu'ils medecincent quasi toutes maladies d'une mesme façon, & de mesme medecine, les mesurans toutes à une mesme aune : encores que la maladie ne soit que d'une siebure tierce : de laquelle est escrit, *De tertiana numquam pulsatur campana*. Premièrement marche le clystere, le lendemain une saignée reïteree, qui est une nouuelle pratique, pour auoir double salaire : puis apres vient la purgation, qui n'est gueres sans reubarbe. Et encores en ces choses tant communes ils ne s'accordent pas : car aucuns purgent auant que saigner, & les autres saignent auant que



purger. Cela fait, ils font au bout de leurs fuses : & sans qu'il arriue quelque nouveau accident, le plus souuent font contraincts d'essayer des remedes contraires aux premiers. Et tout cela par faute d'auoir cognu la cause de la maladie. Et si vous n'en voulez rien croire, que le cadauer soit ouuert, auant que la terre couure leur faulte & ignorance, & on verra au doigt & à l'œil, que les remedes qu'on luy aura baillez, estans tous contraires à la guerison, auront causé la mort à ce pauvre patient : & qu'il eust mieux valu le laisser à la Nature, qui guerit plus de maladies que ne font toutes les medecines : la Nature estant assez forte pour se defendre, & à maintenir ceste contexture, dequoy elle fuit la dissolution : Nature le plus souuent enuoyant les maladies au iour de la Touffaincts, & les Medecins les enuoyent au lendemain.

Je voudrois, adiouster quelqu'un, que l'on fist comme en vn certain pais, là où si les malades meurent, on fait payer les Medecines à leurs Medecins : ou comme portoit vne loy en Egypte, par laquelle le Medecin prenoit son patient en charge les trois premiers iours, aux perils & fortune du patient : mais les trois iours passez, c'estoit aux siens propres. Ce qui a esté practiqué à Petrus Lervinus Spoletanus, ce dit Louio : lequel fut ietté en vn puits, pour auoir mal medeciné Laurent de Medicis. Qu'il y ait grande difficulté à la cognoissance des maladies, il n'y a pas long temps qu'à Paris vn gentil-homme fut taillé par l'ordonnance des Medecins, auquel on ne trouua ne pierre ne mortier : & là mesme vn Euesque auoit esté sollicité par les Medecins de se

faire tailler : quand il fut trespaffé, & qu'il fut ouuert, on trouua qu'il n'auoit mal qu'aux reins. A vne fois que le malade se portera mal, les Medecins ne fçachans où ils en font, diront qu'il a fait quelque excès : car les Medecins accufent tousiours l'intemperance des malades, & des morts. Si d'auenture, ayans ordonné vne medecine, en venans voir son operation, ils trouuent leur malade mort, ce sera à dire que ce font les maladies de ceste annee-là, qui font si estranges & facheuses à cognoître, qu'ils n'y entendent rien, ayans ces maladies avec elles quelque venin caché. Et me fouuient, adioustoit-il, d'un Medecin qui me venoit veoir, moy estant malade, & ne fçachant où il en estoit, non plus que moy, me dit que c'estoit vne maladie de ceste annee-là, fort estrange & differente des autres precedentes maladies. Je ne me pu tenir de rire, & de luy dire : Vrayement ie croy bien que c'est vne maladie de ceste annee, car ie ne l'auoye pas l'autre.

Qui me fache le plus, va dire vn autre de la Serree, ce font les interrogations que me font les Medecins, & ceux qui me viennent veoir, auxquels il faut respondre : s'accordant avec moy Euripide, qui dit qu'il ne craint point tant la maladie comme les mots qu'il faut respondre & aux Medecins, & à ceux qui le visitent : l'enquerans combien de temps il y a qu'il est malade, comme est venu le mal ? luy demandant auez-vous esté purgé, la teste vous fait-elle mal ? allez-vous bien à vos affaires ? dormez-vous bien ? refusez-vous fort ? trouuez-vous bon ce que vous mangez ? & autres badineries. Vne autre faulte bien lourde, disoit-il en continuant, que font les

Medecins, & où on ne regarde point, c'est de charger tant les sains & malades de medecines, que quand il est besoin de leur en bailler, elles ne seruent de rien : car l'accoustumance & familiarité des medecines les rend sans effect & force : comme il aduint à vn qui n'estoit point purgé par l'ellebore, encores qu'il en print plus qu'on n'eust osé bailler à quatre, à cause qu'il s'estoit accoustumé par les menus à en prendre beaucoup. Tellement que plusieurs ont dit, qu'on se pouuoit de petit à petit si bien accoustumer à vser de poison, qu'à la fin on n'en pourroit point mourir, combien qu'Auerrois le nie. Mais laissant ceste dispute si ancienne, & si debatuë, à sçauoir si la medecine profite plus qu'elle ne nuit, si elle fait plus de mal que de bien, & si ceux qui ne prennent point de medecine ne sont pas aussi sains, & de longue vie, que ceux qui font de leur estomach vne boutique d'Apothicaire : quelqu'un prenant la parole commença à nous faire le conte du Medecin & du Chanoine, qui bailla tout le sujet de ceste Seree, comme ie vous ay dit cy dessus, lequel il fit ainsi. Ce Chanoine, dont est question, ayant rencontré par la ville vn Medecin, l'arreste, en luy demandant conseil en ceste sorte. Monsieur, de grace, ie vous prie me dire, & ie vous contenteray bien, d'où vient que bien souuent quand ie pisse & tombe de l'eau, ie pette aussi, & ne puis gueres faire l'un sans l'autre? Ce Medecin, qui n'endure pas facilement vne supercherie, & vn affront (comme l'on dit) voyant que son Chanoine vouloit rire, & se moquer de luy : sans s'esmouoir, & comme le voulant asseurer de ce doubte, luy respond, Monsieur le Chanoine, cela

n'est rien, mesmes les asnes en font bien autant. Mon Chanoine, ayant eu son change, sans dire mot s'oste de là. Toute la ville fut tantost abreuee de ceste matiere, le vent s'en espendant par tout, & sautant autant que la puce, & s'allongeant comme la main. Vous ne vistes iamais tant d'Epigrammes Latins & François, qui furent faits sur cela : lesquels ont seruy depuis à la matiere dont ils traictoient. Et à fin que iugiez si ces poësies meritoient qu'on les traicst ainsi, ie vous en ay mis icy quelques vnes.

*Vn Medecin par vn Prestre raillard  
Fut consulté dessus ce poinct icy,  
Pourquoy pissant tousiours petoit aussi :  
Cela n'est rien, dit-il à ce petard,  
Car bien souuent les asnes font ainsi.*

Autre.

*Vn chanoine ignorant eut de gaudir enuie,  
Trouuant vn Medecin, luy demande en mocquant,  
Monsieur, à vostre aduis, est-ce point maladie,  
Que ie ne puis pisser sans peter quand & quand ?  
Non, non, ce n'est point mal, respond le Medecin,  
Les asnes de nature en font tousiours ainfin.*

En Latin.

*Quòd mingendo cacat, medico testunte Sacerdos,  
Hac naturam asini conditione tenet.*

Après que le conte eust esté conté à l'entree du souper, & que chacun en eust ris, encores que le sujet fust vn

peu sale, si est-ce que ceux de la Seree ne laisserent à en tirer quelque sens. Car vn d'icelle voulant rendre raison pourquoy on n'en pouuoit gueres auoir ne tirer sans vent, va commencer à parler en Medecin, c'est à dire naturellement & proprement, sçachant vn chacun estre subiect à cela aussi bien que le Chanoine. La proximité des vases vrinaux, commença-il à dire, qui sont ioincts aux conduits du siege & fondement, est cause qu'en efforçant les vaisseaux seruans à expulser l'vrine, on efforce aussi ceux qui seruent à l'expulsion des excremens : tellement qu'encor que ne vouliez, en vous efforçant de tomber de l'eau, il sortira d'un autre costé du vent : n'estans gueres l'un sans l'autre. Et aussi que les muscles superieurs du ventre, avec le *septum transversum*, ou diaphragme, qui seruent à l'expulsion de l'un, seruent à l'expulsion de l'autre. Et ne sçay, adiuoist-il, si sans cela les Turcs ne pisseroient point par les rues contre les murailles, comme nous faisons, ou si leurs grandes robes boutonnees par le deuant en sont cause : ou s'ils ne pissent point en public par vne pudicité & honnesteté, que mesmes ils blasment nos braguettes que nous portons, comme lasciuës & impudiques. Celuy qui parloit en Medecin, nous ayant tant baillé à sentir, avec ses raisons, & apres auoir allegué ce vers Leonin : *Mingere cum bombis, res est suauissima lumbis*, sans le mettre en autre rime ne langage, fut prié de laisser vn si sale sujet, & qu'il y auoit bien autre chose à dire sans cela. Nostre Medecin va repliquer, Ce sera d'un pet ce que voudrez, si est-ce que nous trouuons que l'assemblée des Aruspices estoit vitiee, & estoit remis leur

deuinement, qui se faisoit par le vol ou cry des oiseaux, par le son qui sort du ventre : aussi bien que le mal comitial faisoit cesser l'assemblée des Comices. Combien que les Grecs, disoit-il, ne s'accordent pas avec les Aruspices Romains, car ils tenoient l'esternument & vn pet pour vn bon augure, & pour vn signe que tout se porteroit bien. Et voicy qu'en dit Caton : Quand en nostre maison nous contemplons les oiseaux en l'air, si quelqu'un des seruiteurs & seruantes a fait vn pet sous la couuerture du liest, que les Latins disent *sub centone*, ce que ie n'ay point senty, cela ne me rompt point mes auspices. Nous trouuons aussi que l'Empereur Clodius estima si grande chose vn pet, & pouuant tant nuire quand on retient son vent, qu'il fit vn Edict, par lequel il estoit permis, sans infamie, à chacun de laisser aller son vent. Mesmes qu'il s'est trouué plusieurs grands personnages, qui ne s'osoient trouuer és assembles publiques, où ils eussent peu seruir, pource qu'ils estoient subiects à peter, principalement en parlant & disputant.

Vne Fesse-tonduë, qui auoit estudié en la Philosophie Cynique, va dire au Medecin, que si on auoit esté escholier en l'eschole des Cyniques, on ne se sentiroit point foulagé de la loy de l'Empereur Clodius, & qu'on ne craindroit nullement de faire les choses naturelles. Puis sans sortir hors du propos du vent & des Medecins, & de la medecine, pria la compagnie d'escouter ce qui estoit arriué à vn Medecin. Il y auoit, commença-il à dire, vne ieune fille de Damoiselle qui auoit si fort la cholique, que sans auoir esgard au Medecin, aussi qu'il luy conseilloit, ne à ceux qui estoient en la chambre,

elle va faire vn fort petit pet, pardonnez-moy si i'vse des propres vocables, ne sçachant pourquoy on n'ose nommer par leur nom, & craindre à dire, ce qu'il nous est permis de faire. Le Medecin, qui luy auoit conseillé de ce faire, voyant qu'elle n'auoit pas faict cela de sa teste, estant fort aise de ce pet, & pensant en faire son profit, va dire que ce petit pet valoit plus de cent escus. Vne grosse chambriere ayant ouï ce qu'auoit dit ce Medecin, en va faire vn aussi gros que ceste Damoiselle en auoit faict vn petit, en disant, Celuy en vaut donc bien deux cents. Ceste pauvre fille choliqueuse se print tant à rire, qu'elle guerit tout sur l'heure de sa cholique. Le Medecin attribuoit la santé au petit pet, & à sa medecine : quant à moy ie soustenois par viues raisons que la guerison estoit plustost venue du gros pet que du petit : car la honte du petit pet auoit plustost refroidy la Damoiselle que de l'auoir eschauffee, là où le ris, à cause du gros pet, auoit si bien eschauffé les parties du dedans de ceste fille malade, en remplissant tous ses conduits d'esprits & vapeurs, qui procedoient de force de rire, qu'en estans eschauffez & eslargis, la chaleur peut aisément chasser les vents qui luy causoient la cholique, prouenant d'une chaleur imbecille. Et aussi, disois-je à ce Medecin, que le ris peut exciter & releuer la nature accablee & abbatuë du mal, esmouuant la chaleur languissante, qui se met à combattre le mal procedant par faulte de chaleur : comme pourrez voir au liure du Ris de monsieur Ioubert. Si vous me dites, adiousta-il parlant à ce Medecin, que la modestie d'une ieune fille ne permettoit pas vn ris si effrené de chose si sale, qui luy

peust tant eschauffer les parties qui seruent à l'expulsion, que le vent qui la tourmentoit en fust chassé : ie m'en vais vous monstrier que ceste Damoiselle estoit des plus honteuses & pudiques. Car ce Medecin mesmes vn iour entrant en sa chambre, où elle estoit malade de ceste cholique, s'aperceuant qu'il auoit sa main froide, la voulant mettre en vne decente temperature, la met en sa braguette, la voulant eschauffer par vne chaleur naturelle, puis en tirant sa main luy veult taster le poulx : mais elle ne luy voulut permettre, & retira sa main dedans le liét toute honteuse, & muant de couleur. Ce Medecin auoit tort aussi, luy va repliquer quelqu'un : car estant en vne chambre où il y auoit du feu, il deuoit laisser eschauffer sa main tout à l'aise. Et aussi qu'en entrant, le Medecin ne doit taster le poulx au malade, qui voyant à l'improuiste le Medecin, se trouble & s'esmeut, ceste perturbation pouuant augmenter ou diminuer le poulx. Et par auenture, disoit-il, cecy est vne des causes qui fait que les Polonois malades, voire à l'extremité, se leuent & vestent à l'heure que les Medecins les doiuent visiter. Si les Medecins, va dire vn autre, ne faisoient point de plus grandes fautes, que de mettre la main en leurs braguettes, on n'auroit pas tant d'occasion de se plaindre d'eux.

Il y auoit en ceste Seree vn Medecin, qui va respondre, que personne ne se plaignoit de luy. Vn sien familier luy dit : Hé ! vrayment ie le croy bien, car tu les-as tuez : &, comme dit Nicocle, adiousta-il, les Medecins sont heureux, de ce que le Soleil regarde leurs belles cures, & la terre couure leurs fautes : & si les plus sçauans



& experimentez ne laissent point languir & pourrir leurs malades. Et encores que les Medecins tuent les personnes, toutesfois ils medecinent, ce dit Sophoclés, parce que le meilleur & dernier Medecin des malades, c'est la mort. Le Medecin lui repliqua, qu'il s'esbahissoit de-quoi il parloit mal des Medecins, luy qui ne les auoit iamaïs experimentez. Son voisin lui respondit, si ie les auois vne fois effaiez & mis en besongne, ie n'aurois garde d'en dire mal, car ie ne ferois pas en vie. Puis va dire en continuant, que ce n'estoit pas de maintenant qu'on blasmoit les Medecins & la medecine : car Platon dit qu'il n'y a rien qui demonstre mieux vne Republique corrompuë & vitiee que la multitude des Medecins & Magistrats : car comme la multitude des maladies augmente le gain des Medecins, aussi la peste des procès apporte de l'argent aux Aduocats.

Le Medecin repliqua, que quand on vouloit faire peur aux petits enfans, on alleguoit Platon, ou Aristote : mais en tout cas, disoit-il, Platon n'escrit rien contre les Medecins & Magistrats : dautant que la multitude des vns & des autres ne venoit pas de leurs abus, ne de leur ignorance, ne de leur faulte : mais que le grand nombre des Medecins est entretenu par la gourmandise des hommes, comme l'affluence des Magistrats est nourrie par leur desloyauté.

Il y auoit en ceste Seree vn Aduocat, lequel nous va conter ce qui l'auoit vne fois guery estant malade. Et commença ainfi, le fus n'y a pas long temps si malade, que tous les Medecins de nostre ville me venoient veoir deux ou trois fois le iour, & me traictoient sans aucun

signe de guerison. Ayant peur de mourir, ie m'aduise vn iour de demander à quelqu'un de ma maison, si les Medecins prenoient de l'argent : qui me respond que non, & que iamais il ne leur en peut faire prendre, combien qu'il leur en presentast, voire deux fois le iour. Ie conclus par là, que ie me portois bien : & n'y eust chose qui me baillast plus grande asseurance de ma guerison, ni qui aidast plus à me guerir, en me rendant les forces & les esprits, que de m'asseurer qu'ils ne prenoient point d'argent. Car ie syllogisois en moy-mesme : Ces Medecins ne prenans rien, pensent vn iour auoir affaire de moy, ou qu'estant guery ie les puis recompenser : c'est donc signe qu'ils ont bonne esperance que i'en reschaperay : au contraire, si ie me portois mal, ie m'asseure qu'ils eussent prins comme d'une beste morte, & comme de celuy qui n'eust iamais sceu recognoistre le bien qu'ils m'auoient fait. On demanda à cest Aduocat, si c'estoit point plustost la ioye qu'il eust de n'auoir rien despendu durant sa maladie aux Medecins, qui luy auoit donné bonne esperance, & encouragé de guerir, que toute autre consideration : veu qu'on trouue d'un autre Aduocat malade, lequel commençant à guerir, & voyant que les Medecins & medecines payees, il ne luy restoit plus rien, aime mieux se laisser mourir que de viure pauvre. Nostre Medecin s'adressant à l'Aduocat, va dire, Si est-ce que Hippocrate tient que le Medecin doit commencer sa cure en prenant de l'argent : d'autant que le malade pensera que le Medecin estant bien payé ne le lairra point. Et aussi que le Medecin estant bien salarié, trouue plusieurs remedes : à cause que la

faculté de lire, laquelle reside au cœur, estant contente, donne de bon cœur les esprits vitaux & la chaleur naturelle, par la lumiere desquels se doiuent veoir les figures qui sont en la memoire; autrement l'art les fuit: aussi bien qu'au Legiste, auquel s'offrent plusieurs Loix quand il est bien payé, & s'il n'est satisfait, vous diriez qu'il a tout oublié. Au contraire, repliqua l'Aduocat, voyant que mes Medecins ne prenoient rien, & considerant pourquoy ils ne vouloient rien prendre, cela me bailla si bon courage, & si grand espoir de ma guerison, que renforçant mes forces, qui estoient au parauant debiles & petites, de la peur que j'auois de mourir, ie me portay tousiours de là en auant mieux, & fus par cest espoir si bien fortifié, que ma maladie en fut chassée: car il n'y a rien, à mon aduis, qui affoiblisse tant la nature que la peur & le desespoir qu'on a de pouuoir guerir. Vous voudriez donc dire, repliqua le Medecin, comme celui qui a affirmé, il y a desia long temps, que la medecine ne seruoit sinon qu'ayant esperance en elle, personne ne desespera de sa guerison: & que la medecine ne guerit point, mais que tout ce qu'on a opinion qui puisse guerir soit medecine? Car ceux qui approuuent les herbes & enchantemens portez sur foy, disent profiter plus par l'imagination & confiance du malade, que par leur propriété naturelle & occulte. Parce, disoit-il, que quand le patient imagine en foy que telles drogues & enchantemens ont puissance de le guerir, alors la vertu naturelle obeissant à la faculté imaginative, meut & eschauffe tellement la chaleur naturelle, & les esprits, contre la maladie, qu'elle la con-

fume & defchaffe. N'est-ce pas cela que vous voulez dire? demanda le Medecin à l'Aduocat : Ouy, dit l'Aduocat : car i'ay veu des perfonnes qui gueriffoient des malades, apres les auoir affeurez qu'ils gueriroient ; toutesfois on les eftimoit forciers, & pourtant ne l'eftoient point.

A ce propos, va dire vn de la Serree, i'ay leu en Vieux d'un bon compagnon, qui guerit vne femme de la chaffie, pour l'affeurer fur fa vie qu'il luy bailleroit vn efcripteau, lequel porté à fon col, la gueriroit, mais qu'il ne fut ouuert ne leu. Sur ceste affurance, & la femme fe fiant à ce breuet, elle ne pleure plus, fi bien qu'elle se trouua guerie. Il aduint que ceste femme perd fon papier, auquel, eftant ouuert, on trouua en Allemand (pardonnez moy fi ie traduis fidelement) Le Diable te puiffe arracher les yeux, & qu'il les rempliffe de fa merde. Eftant auffi vne grande folle de penfer qu'on peut estre guery par paroles : tellement que nous lifons qu'il fut defendu à Athenes par vne Loy expresse, que perfonne n'eust à faire profession de guerir par certains mots. Ainfi, adiousta-il, és pais des Barbares & Canibales, les Prestres, qui y font Medecins, demandent seulement aux malades s'ils croyent qu'ils les puiffent guerir puis barbotent pour les guerir certains mots par vne cane & farbataine : & font gueris par ceste imagination & opinion : d'autant que la fiance qu'a le malade au Medecin, le peut auffi bien guerir que la medecine mefme : & celuy est bon Medecin qui guerist plusieurs malades, & en qui plusieurs se fient. Et pourquoy est-ce que l'opinion que le malade s'est phantafie du Medecin, ne luy feruira à fa fanté, & que ceste

imagination ne le pourra auffi bien esmouuoir, que quand nous conceuons en nostre esprit quelque chose aspre & forte, nos dents ne s'agacent-elles pas? le dy donc, adiousta-il, que le malade ayant fiance que son Medecin est habile homme, sçauant & expert, & qu'il l'a guery plusieurs fois d'autres maladies, ceste imagination renforce de telle forte la vertu naturelle du patient, qu'elle debilité la cause du mal : si bien que la nature bataillant contre la maladie, voyant l'aide du Medecin, se rend plus forte à debeller & chasser le mal : ce qu'elle fait avec ses esprits & chaleur naturelle : la vertu naturelle motiue esmouuant les esprits selon le commandement de la vertu imaginative. Et faut que le Medecin baille tousiours bon courage au malade, & qu'il l'asseure de sa santé, & ne faire pas comme vn Medecin qui decouragea si bien vn hydropique, qu'il luy auança ses iours : cest hydropique ayant respondu à son Medecin, qui luy auoit demandé comme il se portoit, Helas ! monsieur, ie m'enuois : le Medecin, au lieu de luy donner vn bon espoir de sa guerison, luy va dire : Vous y ferez tantost, vous vous en allez par eau. Ayant auffi esté repris pour mesme cause vn autre Medecin, pour auoir respondu à vn malade qui luy demandoit s'il mourroit, ce vers d'Homere :

*Mortuus & Patroclus, qui te multò præstantior fuit.*

Les vns toutesfois voulans que les Medecins soient asfables, les autres blasmans ceux qui parlent trop : alleguans ce vers d'Homere,

*Medicus garrulus agrotanti iterum morbus.*

Je vous prie, va dire vn de la Serree, de confiderer si la reſponſe d'un Medecin qu'il fit à vn malade eſtoit valable, & l'excusoit d'une forte medecine qu'il luy auoit baillee, qui l'auoit mis si au bas, que quand son Medecin fust de retour, il luy va dire qu'il s'en alloit mourir. Le Medecin luy va respondre, qu'il n'en eſtoit pas là, & qu'il l'aduertiroit bien s'il en deuoit mourir.

Et ceste assurance fit guerir Alexandre, lequel se fioit tant à son Medecin, qu'encores que Parmenio, vn de ses plus fauoris, l'eust aduerty de se donner garde de ses medecines, ne laissa d'aualler ce que luy auoit ordonné son Medecin, luy montrant par apres la lettre de Parmenio. Mais quand on n'a pas confiance au Medecin, cela est cause que la vertu naturelle n'est pas obeissante à la vertu imaginative, pour faire bonnes operations, & pour reduire la medecine *de potentia ad actum*, comme les Medecins parlent. Ne faut donc trouuer estrange, repliqua nostre Medecin, si nous autres Medecins mentons bien souuent, n'estant permis qu'aux Medecins le mentir, & auons vne escriture & vn langage à part, ne parlans pas aucunesfois clairement quand allons voir les malades, & se moquer, si nous ſçauons quelque mot de Grec, de l'alleguer, & si nous nommons les maladies, les herbes, les simples, & les composez, & les remedes, par noms incognus, Grecs, Arabes, ou Barbares; parlans Latin deuant les femmes, & vſans de caracteres Grecs, de mots Arabes, & de notes Latines abbregees, brouillans quelquefois l'escriture si bien qu'on ne la peut lire. Ce que plusieurs toutesfois blasment & reprennent, disans que nous faisons cela par ostentation. Mais cela se

fait, disoit nostre Medecin, craignant que si on descouure nos receptes, on ne fist pas si grande estime de nostre medecine : & aussi à fin que les malades ayent meilleure fiance aux remedes de la medecine : dautant que si nous appellions vne racine, vne herbe, ou vne fleur, ou vne escorce, de son commun nom, & en François, & ils l'entendent, & sçauent que c'est vn simple, & vn remede qui croist en leurs jardins, ils n'y auront pas si grande fiance : parce que, comme dit Pline, les hommes ont moindre foy & confiance és choses qu'ils entendent. Que si vous parlez en langage estrange, & qu'on n'entende point vos remedes, le malade, & les assistans penseront ces medicamens diuins, & venans d'un autre monde : ce qui fortifiera si bien la nature du malade, qu'elle en pourra chasser & surmonter le mal.

Mais aussi, replica vn de la Seree, qui n'vloit que d'une seule medecine, qui est de n'en prendre point, j'ay grand peur que mettiez vne de vos notes pour l'autre, principalement au caractere qui denote vne once, qui est fait ainsi ʒ, & à celui qu'on met pour vne dragme, qui s'escriit comme cestuy-cy ʒ, car il ne faut qu'une jambe & traict de plume trop ou peu, pour conduire vn homme iusques au lendemain de la Toussaincts : & ne me fie dauantage, adioustoit-il, à leur Scrupulus, que j'ay tousiours en mon esprit & conscience : ne me fiant pas plus à leur semis, qui n'est qu'une ſ, trenchee : ny en leur Latin & langage incogneu, que bien souuent les Medecins ne les Apothicaires n'entendent point : comme j'ay veu practiquer vne vieille recepte, où il y auoit, *ponatur in pelle arietina*, ils le mirent & fri-casserent en vne poile d'airain.

Vn autre de la compagnie, pour confirmer ce qui auoit esté dict, que bien souuent autre chose peut guerir que les Medecins & medecines, va faire vn conte en ceste sorte, ou au plus près. Il y auoit ces iours passez vne Damoiselle, fille de grande maison, qui estoit en grand danger de mourir, à cause d'une areste de poison qu'elle auoit en la gorge : & laquelle tous les Medecins, ne leurs remedes, n'auoient peu mettre hors, ne faire aualler, ne faire pourrir & consumer, quelque peine & diligence qu'ils y eussent mis : soit en faisant aualler à ceste pauvre fille vn morceau de pain mollet, ou vne figue seche vn peu maschee, ou la faire vomir, avec vn porreau huilé, & vn peu courbé, luy ayant coupé le bout de la teste, ou luy jettant dans le nez vn sternutatoire, ou luy prouquant la toux avec choses aigres, ou luy mettant les pieds nuds en eau froide. Les Medecins de tout le pais estans hors de leur Catholicon, Caballe, & reception, dirent aux parents qu'il falloit laisser faire à Nature, & au vouloir de Dieu. Nonobstant cela, l'oncle de la fille s'aduise d'appeller vn Medecin d'assez loing, qui se nommoit messire Grillo : toutesfois apres auoir enchanté par charmes les arestes & les petits os arrestez dedans le gauion & en la gueule, selon que Aëtius, excellent Medecin autrement, l'a escrit & practiqué, ce messire Grillo auoit vn grand bruit en toute la contree, & voicy comment.

Il auoit vne estude secrette bien près de la porte de sa maison, & par vn petit trou voyoit venir ceux qui luy apportoit des vrines : & estans entrez en la court, la femme bien instruite se venoit asseoir près de l'estude,



disant au porteur d'vrine que son mary ne demeureroit gueres à venir : ce pendant ceste Medecine l'interrogeoit du iour de la maladie, en quelle partie du corps estoit le mal, & consequemment de tous les effects & signes de la maladie. Parlans ensemble, le Medecin escoutoit tout par ce trou de son estude : & fortant par la porte de derriere, entroit par le deuant : où ayant regardé l'vrine, faisoit le discours de la maladie, comme il auoit entendu par son estude. Le porteur d'vrine estant de retour, contoit comme le Medecin auoit cogneu toute la maladie.

Or ce messire Grillo ayant acquis ainsi ce bruit, arriué qu'il fut, alla visiter la pauvre malade, qui n'en pouuoit plus. Apres auoir entendu son mal, va entreprendre sur sa vie de la guerir, & de faire sortir ceste areste de sa gorge. Ce Medecin asseura ceste malade que ce n'estoit rien, & que s'il eust esté appelé plu-  
tost, qu'il y a long temps qu'elle ne fust pas là, & que les Medecins qui l'auoient traitée n'y entendoient rien, & si n'estoient qu'afnes. Il va sur l'heure demander du beurre frais, & de ce beurre, sans autre mystere, va oindre & greffer toutes les parties basses & honteuses de ceste pauvre fille. Ceste pauvre Damoiselle estant près de la mort, & ne demandant que santé, se laisse aisément manier & greffer là où le Medecin vouloit. Mais elle voyant que le Medecin ne faisoit autre chose que la greffer & frotter en ces parties, où elle n'auoit point de mal, se prend si fort à rire, que de force de rire de la sottie du Medecin, & de sa recepte, elle mit & ietta l'areste dehors de sa gorge, dont elle fut incontinent gue-

rie : à cause du ris qui eschauffa si bien toutes les parties de son corps, que la chaleur d'atant, mesmement la partie où estoit l'arestte, qui est plus esmeué par le ris qui en fort, qu'autre qui soit : ceste chaleur, dis-ie, dilata si bien tous les conduits & pores, & furent si ouuerts, que l'arestte estant esmeüe & poussee par le ris, se laissa aisément pousser hors : les vapeurs & esprits, qui vinrent du ris, remplissans & elargissans de telle sorte les conduits de la gorge, que l'arestte eut moyen de facilement sortir. Et aussi que ceste esmotion par tout le corps espanduë, à cause du ris, esmeut tellement nature ja affoiblie, qu'elle en recouura santé : estant rompu le lien, duquel les forces de nature estoient empeschees, par l'impetuositè causee du ris. Aucuns estimoient. que ce n'estoit pas le ris qui estoit la principale cause de la guerison, mais que c'estoit l'assurance que messer Grillo auoit donnee à ceste fille, ayant si bien fortifié sa nature, ja affoiblie, qu'elle fut assez forte pour chasser le mal & l'arestte qui estoit cause de son mal. Les autres disoient que le beurre pouuoit bien auoir guery ceste fille, à cause de quelque vertu occulte & latente, ou bien à cause de quelques esprits harmoniques, ou bien à cause d'une similitude & semblance du beurre à l'arestte du poisson. Quoy qu'il en soit, va-il adiouter, ceste onction ayant si bien succedé à messer Grillo, il fut estimé & sçauant & expert, tellement qu'il estoit appelé à toutes maladies, principalement des femmes & des filles : ausquelles il ne faisoit que greffer leur derriere, & leur ie ne sçay comment, de beurre frais, quand autrement elles ne pouuoient recouurer la santé.

Depuis que i'ay leu, va dire vn autre, le liure du Ris de monsieur loubert, ie n'ay nullement doubté qu'il n'y ait des maladies qui peuuent este gueries par le ris. Car il afferme en ce liure, qu'un Medecin de Mont-pellier, estant bien malade, se print si fort à rire de son Singe, qui s'estoit saisi & coëffé de son chapperon rouge & fourré, imitant les autres seruiteurs qui prenoient tout son bien, que le ris, causé d'un plaissant acte, & de la bonne mine que faisoit ce Singe avec son capuchon, excita & releua la nature accablee, & comme estouffee de mal, de telle forte que ce Medecin fut du tout guery, au moyen de la foudaine & inopinee ioye, qui rectifia si bien le sang, & reuigora les esprits, que les humeurs se remirent en leur place, tant que le mal se perdit. Car telle ioye esmouuant la chaleur languissante & enseuelie, la respand par tout le corps, & la fait venir au secours de nature : laquelle empoignant ce moyen, & propre instrument, se recognoist & renforce de tel secours, qu'elle combat la maladie avec plus de hardiesse, iusques à ce qu'elle ait surmonté le mal.

Sans bouger le bonnet, va dire vn autre, ie vous conteray d'un Medecin, qui sans beurre, sans medecine, ne sans rire, guerit vne femme paralytique de plus de cinq ans, & voicy comment. Vn iour ce Medecin apres auoir essayé plusieurs remedes à la santé de ceste femme, sans aucun profit, va faire fermer les fenestres de la chambre, où estoit, il y auoit cinq ans, ceste paralytique : & tout soudain s'allumant vn grand feu, il fait veoir à l'improuiste à ceste malade son mary qui faisoit semblant d'accommoder sa chambriere. Ceste paralytique voyant

cela, en fut si esmeuë & irritée, que la chaleur s'espan-  
dant en tous ses membres, les nerfs, qui estoient refroi-  
dis, furent si bien eschauffez, qu'ils r'entrèrent en leur  
premiere action, & se leuant du liçt, pour empescher  
son mary de ce qu'elle pensoit, fut restituée en sa pre-  
miere santé.

Il me souvient, va dire vne Fesse-tonduë, d'un gentil-  
homme assez signalé, qui fut guery quasi par mesme  
moyen. Ce seigneur reuenant de la guerre, demeura  
malade sur les chemins, & ayant à quelque peine vn  
Medecin, auant que ce Medecin entraist en la chambre  
de monsieur, les seruiteurs luy content que leur mai-  
stre n'estoit malade que de falcherie & cholere, & de  
despit de quelque supercherie & affront (comme on  
parle) qu'on luy auoit fait. Ce Medecin entrant en la  
chambre du malade, n'oublia pas ce qu'on luy auoit diçt  
de la cause de la maladie de ce seigneur. Et apres luy  
auoir fait la reuerence, & tasté le pouls au bras droict,  
comme la partie plus chaude, & veu de son vrine :  
pour faire l'habile homme, luy va dire que sa maladie  
ne venoit que de cholere, & qu'il estoit despit comme  
vn chat borgne. Or ce Medecin n'auoit pas apperceu  
que ce gentil-homme fust borgne : lequel se leue en  
grande cholere, pensant que ce Medecin se voulust  
rire de luy, & en prenant son espee court, tout malade  
qu'il estoit, apres luy, qui auoit desia gaigné la porte :  
si bien que ceste bouillante cholere appaissa & chassa la  
precedente, qui causoit sa maladie : de telle forte qu'il  
monta à cheual de là à vne heure. Cela se fit, adioust-  
il, ne plus ne moins qu'au fils de Crefus, muet de na-

ture, à qui la frayeur rompit l'empeschement de sa langue, voyant que l'on vouloit tuer son pere : car la frayeur compoſee de triſteſſe & cholere, & la chaleur bouillante au cœur ſoudain reuenant au dehors, put rompre & diſſiper ce qui l'empeschoit de parler.

Quelqu'un repliquant, & ſouſtenant le Medecin auoir bien faiſt de s'eſtre eſmayé du malade qu'il alloit veoir, va dire que bien ſouuent les maladies viennent de l'eſprit, & que les bons Medecins, bien experimentez, ont accouſtumé de coniecturer & cognoiſtre les affections des malades, comme Galien a touché en ſon traité de guerir les maladies de l'eſprit. Et adiouſtoit, qu'en ceſte façon Eriſtrate Medecin deſcouurit l'abominable amour dont Antioque eſtoit eſpris à l'endroit de ſa maraſtre Stratonice. Car ce Medecin eſtant aſſis aupres de ce ieune Prince, & luy maniant le pouls, il print garde que ſon pouls & battement d'arteres eſtoit fort vehement & vigoureux, quand Stratonice entroit en la chambre du malade, & quand elle ſortoit, il demeuroit affoibly & languiffant : il apperceut auſſi comme il rougiſſoit en la preſence d'elle, & ſi toſt qu'elle eſtoit abſente il palliſſoit, dont il cogneut aiſément la cauſe de la maladie. Je voudrois de bon cœur, va adiouſter quelqu'un, qu'il y euſt des Medecins pour remedier aux ennuis & maladies de l'eſprit, ne plus ne moins qu'il y en a qui gueriffent les maladies & douleurs du corps : comme il ſe trouue qu'il y en auoit en Grece : car il eſt eſcrit que Xenophon ayant faiſt baſtir vne maiſon à Corinthe, il mit en vn billet ſur la porte, qu'il faiſoit profeſſion, & auoit le moyen de guerir de paroles ceux qui eſtoient

ennuyez & fâchez : & leur demandant les causes de leurs ennuis, il les guerissoit, les reconfortant & consolant de leurs douleurs & ennuis. Nostre Medecin, qui auoit assez à faire à defendre les Medecins des fautes qu'on leur attribue, va dire, que bien souuent on accuse les Medecins sans grande occasion, & que Razis luy-mesme confesse auoir failly à la curation d'un malade, luy baillant à manger, là où il falloit plustost ieusner, ce qu'il auoit faict pour euitier le mauuais bruit que donne le peuple au Medecin : car si le patient de Razis fut mort, le commune eust dit qu'on l'auoit faict mourir de faim. Que si vous trouuez, disoit nostre Medecin, dans les liures, qu'on blasme les Medecins, ils ne parlent que des Empiriques. Car anciennement il y auoit trois sectes de Medecins : les Empiriques, qui rapportoient tout à l'experience & vsage, & non à la raison : les Methodiques, au flux, & à son empeschement : & les Logistiques & Rationels, qui avec l'experience mettoient la raison. Or parce que les Empiriques, disoit-il, se messent de deuiner, la populace ne pense pas qu'on sceut estre bon Medecin, si on ne deuine tout ce qui concerne le malade, & la maladie : combien que la loy soit pour nous, qui dit, *Diuinare nemo tenetur*. Il n'y a pas long temps, adioust nostre Medecin, qu'à ce propos vn villageois m'apporta de l'vrine : à qui ie demanday de quel país estoit ce malade : lequel se mocqua de moy de ce que ie ne cognoissois pas à l'vrine de quel país estoit celuy qui l'auoit faicte. Vn autre n'en fit pas moins, se mocquant de moy de ce que ie demandois de quel estat estoit celuy qui auoit faict vne vrine teinte & coloree, qu'on m'auoit

presenté : car ayant sceu qu'il estoit teinturier, ie dy que son vrine ne denotoit point sa maladie, mais qu'elle estoit ainsi teinte, parce qu'il auoit tenu en la main de la Garance, diète en Latin *Rubia*, en Grec *Erythrodanum*, & que la chaleur de la main l'auoit mise en operation, qui estoit cause qu'elle auoit penetré iusques en la vessie, par vne propriété occulte, & si auoit ainsi coloré son vrine, se communiquant sa couleur par le dedans de nostre corps en nos humeurs.

Vrayement, repliqua quelqu'un, c'estoit vn homme de bien que ce Medecin, qui ne voulut point tromper ce teinturier, ne voulant pas faire son profit de ce qui n'estoit rien : comme fit vn de nos Medecins ces iours passez, qui tira de bon argent d'un Prelat, auquel estoit arriué qu'en pissant il estoit tombé en son vrinal vn petit morceau de drap rouge, qu'on met aux braguettes pour les rembourrer. Car ce beneficié voyant son vrine si rouge, à cause du lopin d'escharlatte qui estoit dans le verre, manda le Medecin, disant qu'il auoit pissé de l'escharlatte. Et Dieu sçait la belle cure que ce Medecin disoit auoir faite en ceste maladie deploreë & incogneüe de tous.

A propos des Medecins Empiriques, va dire vn autre de la Serée, escoutez deux ou trois vieux contes de ces Medecins, qui ne sçauent qu'une recepte pour toutes maladies, où vous trouuerrez plus de sens que de raison. Il y auoit vn pauvre homme, qui ayant perdu son asne eust recours à vn de ces Medecins deuineurs, pour le recouurer. Ce Medecin luy baille cinq pillules, qu'il aualla à fin de trouuer son asne. Ce bonhomme retour-

nant en sa maison, les pillules commençans à operer, il se met hors du chemin pour aller à ses affaires, & là il trouue son asne, qui sans cela estoit en danger d'estre perdu. Ce qui bailla si grand bruit à ce Medecin, que plusieurs eurent enuie de son sçauoir, & fur tout pour apprendre à deuiner. Il conuint de marché avec vn, & ayant prins argent d'auance, il bailla à son escholier, qui vouloit apprendre à deuiner, trois pillules communes, il est vrai qu'il y entroit vn peu de diamerdis. Ce Medecin mettant la premiere pilule en la bouche de son disciple, luy demande : Que vous ay-ie baillé & mis en la bouche? deuinez que c'est. Ce mache-merde, de peur de perdre son argent, & à cause de la grande enuie de sçauoir deuiner, n'osa cracher, mais il ne l'eust pas si tost sur la langue, qu'il commença à deuiner, & dire à son Maistre, C'est de la merde. Et bien, va respondre son maistre, tu n'as point perdu ton argent, tu deuines desia : es-tu pas content? Voilà pas, adioustâ celuy qui faisoit le conte, vne bonne recepte, qui fait si tost deuiner, encores qu'elle ne soit que sur le bout de la langue? Regardez s'il eust maché ceste pilule, ou qu'il eust prins les deux autres, que c'eust esté? On luy va respondre, qu'il n'eust sceu mieux deuiner, encores qu'il en eust eu la bouche toute pleine, dautant, disoit-il, que le goust vient de la premiere partie de la langue, combien qu'aucuns veulent dire qu'il vient de la racine de la langue. Voyez, ie vous prie, commença à dire quelqu'un, comme ces Charletans baillent leurs pilules & autres drogues, en nombre impair, aussi bien que nos Medecins Theoriques : comme s'il y auoit quelque rai-



son en ceste obseruance, & quelque secret comme en la Magie. Et non seulement les Medecins, adiousta-il, ont estimé que Dieu print plaisir au nombre impair, mais aussi les bons pinteurs de Grece en leurs chansons defendoient de boire quatre fois, estans en ceste superstition, que le nombre impair estoit plus fortuné en toutes choses. Et Pline dit, que Democrite composa vn liure, où il reprouua le nombre quaternaire, & rend la raison pourquoy il ne faut point boire quatre, six, ne huit verres de vin. Et Toxitus en Plaute conseille de boire sept septiers de vin. Nostre Medecin voyant qu'on s'attaquoit à luy, & à son nombre impair, va soutenir que cela ne se faisoit sans cause & raison : d'autant, disoit-il, que le nombre impair est masle, & est honoré du nom de pere : & pair feminin, qui est honoré du nom de mere.

Il n'eust pas quasi acheué de parler, qu'un de la Seree, qui auoit leu Bodin, lui va dire, qu'il estoit forcier, & tous ses compagnons de Medecins de metre quelque vertu & force au pair ou à l'impair, au masle ou à la femelle, & de faire le choix de leurs drogues mysterieux & diuin : comme de prendre le pied gauche d'une tortue, du sang tiré de l'aile droite d'un pigeon blanc, le foye d'une taupe, des crottes de rat puluerisees. Parquoy le Medecin fut contraint d'amener autre raison touchant les pillules qu'on baille en nombre impair, disant que quatre se separent facilement, mais non pas cinq ou trois : car si vous donnez les pillules par un nombre pair, elles opereront d'elles-mesmes en s'accordans ensemble, sans qu'aucune chose les y pousse : mais si entre le pair y a un impair, ce moyen empeschera

l'accord du pair, & poussera l'un & l'autre : si bien que ces pillules en nombre impair feront plus grande operation. Mais n'est-ce point aussi vne forcellerie, demanda quelqu'un à nostre Medecin, que quand vous baillez vne potion à vos malades, vous la meslez avec le doigt medecinal de la main gauche ? Nostre Medecin, qui auoit dequoy payer, va respondre, que de toute antiquité ce doigt, le plus proche du petit, auoit esté honoré avec vn anneau d'or, & par ce appellé *digitus annularis*, à cause d'un artere (& non pas d'un nerf, comme tient Aulugelle) qui vient du cœur, y ayant telle affinité par cest artere du cœur à ce doigt, qu'il ne peut endurer aucune poison. Et voilà pourquoy nous meslons nos medecines avec ce doigt plustost qu'avec les autres. Et à fin que m'en croyez, vous verrez les chiragres auoir douleur & tumeur en tous les autres doigts, sans que ce doigt medecinal s'en sente. Que si vous le voyez offensé, dites hardiment que toute vertu naturelle est assoupie & esteinte.

Et quelle raison, repliqua vn autre, pourront rendre aucuns Medecins, Apothicaires, & malades, qui tiennent avec les Anciens, que si on met vne medecine sur vne table, auant que le patient la prenne, qu'elle ne luy seruira à rien ? R'entrant en nostre premier propos des Medecins, quelqu'un nous va dire que le vulgaire pense que le Medecin doit tout sçauoir & deuiner, & que le malade ne doive pas faire vn pet, qu'ils n'en sentent quelque chose. Puis commença à dire : Il n'y a pas six iours, qu'un villageois vint demander à vn de nos Medecins conseil pour vn sien parent qui estoit malade. Le

Medecin luy va dire, Apportez-moy de son date. Ce rustique luy demande, Qu'est-ce que du date? Le Medecin luy respond, Apportez-moy de ce qu'il fait? Le pitault retourné prend des estoupes, fait faire les affaires du malade là dedans, enueloppe si bien le tout qu'il ne s'en perd pas vn morceau, comme luy auoit dit le Medecin : auquel il apporte & les estoupes, & ce qui estoit dedans. Ainfi que le Medecin commençoit à deployer ce paquet, celui qui l'auoit apporté luy demande : Ne sçauriez-vous cognoistre quelle maladie a mon parent, & deuiner qu'il y a dans ces estoupes, sans veoir le dedans? Le Medecin accoustumé à telles senteurs & odeurs, luy respond, C'est de la merde. Le pied gris luy va dire, Vous estes vn habile homme, vous auez fort bien deuiné.

Nostre Fesse-tonduë sans vouloir entendre le reste, repliqua, qu'on n'auoit point fait de deshonneur à ce Medecin de lui apporter de la matiere fecale, puis que cela leur sert à iuger de la maladie, ou de la santé, aussi bien que l'vrine, & puis leur maistre Hippocrate, Prince des Medecins, en a tasté, à fin de cognoistre mieux la nature de la maladie : dequoy on a fait deux vers,

*Quum dicam culo merdam ægrotante cacatam,  
Non ementito merdicus ore vocor.*

Et à la verité, adiousta-il, nous auons des Medecins qui meritent bien d'estre mocquez, & qu'on leur responde selon leur demande, pour ne s'accommoder au commun, & parler à des personnes ignorantes, & qui ne

furent iamaïs malades, comme à gens sçauans, & qui ne vivent qu'artificiellement. Ce que verrez par vn Medecin qui estant chez vn malade du populaire, apres l'auoir veu & visité, tasté le pouls, lui va demander, Mon amy, auez-vous rien prins du iourd'huy? Le malade lui va respondre, Monsieur, ie n'ay rien prins qu'une mousche.

Ceux de la Seree vouloient rire, mais ils furent empeschez par cestui-mesme qui auoit fait ce conte, qui leur en promet vn autre, à fin de rire de tous les deux. Ce mesme Medecin, commença-il à dire, estant consulté pour vn malade, va dire à celui qui faisoit la consultation, Ie ne sçauois iuger de sa maladie, & ordonner, si ie ne vois de son vrine : qui luy demanda, Qu'est-ce à dire de son vrine? est-ce pas à dire de son pissat? Le Medecin luy rephique, Il ne faut pas dire ainsi : c'est que m'apportiez de l'eau qu'il fait. Et comment vous apporterei-je de l'eau qu'il fait, repliqua le consultant, veu qu'il n'en boit point, & qu'il ne boit que du vin? Iamaïs le Medecin ne put faire à croire à cest homme que son malade pouuoit faire de l'eau, puis qu'il ne beuoit que du vin, & que le vin se peust conuertir en eau.

Ceux de la Seree ayant ris vn peu, il se va leuer vn de nostre compagnie, lequel n'ayant iamaïs esté malade, ne prins medecine, va dire que les Medecins ne l'aimoient gueres, n'aimans les sains ne les Saints : Ils n'aiment pas, disoit-il, les sains qui sont en vie, car ils ne gaignent rien avec eux : ni les Saints de Paradis dautant qu'ils guerissent les maladies. Puis parlant librement, comme n'ayant que faire d'eux, il va adiouter, que *vt plurimum*, comme ils prennent leurs Apho-

rismes, les Medecins sont naturellement auaricieux, & feroient mieux la gelee que les Apothicaires, car ils prennent bien : tesmoing le Medecin du Roy Louys XI. nommé Cotier, qui receut, ce dit de Commynes, en cinq mois de luy cinquante quatre mil escus, & le Medecin de Boulongne, nommé d'Appour, lequel se faisoit payer par iour sortant de la ville, cinquante escus : ces Medecins ne daignans faire vn pas, si ce n'est pour de l'argent, ou qu'on les contraigne, comme fit Minos, qui mit prisonnier Esculape, le contraignant de luy faire reuiure son fils. Aussi le nom de leur Prince ne vient pas de l'equiuoque de, ce cul hape, mais, d'escu hape. L'epitaphe qu'on mit sur le Medecin Syluius, le monstre bien :

*Syluius hic fitus est, gratis qui nil dedit vnquam :  
Mortuus at gratis quòd legis ista dolet.*

C'est à dire,

*Icy gist Syluius, auquel onc en sa vie  
De donner rien gratis ne prit aucune enuie :  
Et ores qu'il est mort, & tout rongé de vers,  
Encores a despit qu'on lit gratis ces vers.*

Et ce qui arriua n'y a pas long temps entre vn Medecin & vn gentil-homme, vous fera sçauant que les Medecins ont l'argent en recommandation. C'est que ce Medecin estant tombé malade se faschoit tout plein, non pas tant du mal, que de ce qu'il ne gaignoit rien. Le gentil-homme, qui aimoit ce Medecin, parce qu'il estoit habile homme, & cognoissant son naturel, l'alloit tous les

iours viſiter, & en ſortant laiſſoit ſecretement de l'argent ſur le liſt du Medecin : mais ayant long temps continué, on luy demande pourquoy il faiſoit cela. Lequel reſpond, qu'il ne ſçauoit point de meilleur moyen pour guerir ſon Medecin, que de luy bailler de l'argent. Ils ſont, diſoit-il encores, glorieux & ſuperbes, teſmoing Menecrate qui ſ'accompaſſe au Roy Philippes, & diſoit que le Roy gardoit de mal ſeulement ceux qu'il pouuoit faire mourir, mais que luy il gardoit les ſains de mal, & guerriſſoit les malades, & les preſeruoit de la mort. D'auantage ce Menecrate diſoit que Philippes eſtoit Roy de Macedoine, mais luy qu'il eſtoit Roy de la Medecine. Dont le Roy luy eſcriuant fut contrainct mettre en vne Epistre qu'il luy enuoyoit, *Philippus Menecrati ſanitatem*.

Ceſte ſuperbité & arrogance de Medecins, repliqua vn de la Seree, eſt cauſe, à mon aduis, dequoy ils deſdaignent guerir & ordonner des medecines pour les cheuaux, & autres animaux : combien que nous trouuons que les bons & anciens Medecins ſ'employoient à la cure des beſtes auſſi bien qu'aux maladies des hommes : teſmoing ce que nous trouuons par eſcrit de deux Medecins, à qui leurs noms ne conuenoient point, le nom d'vn conuenant mieux à l'autre : car Sofander fut appellé ainſi, pource qu'il gardoit les hommes par ſa medecine : mais il eſtoit Medecin pour les cheuaux. Hippocratéſ fut ainſi appellé d'vn mot Grec, ſçachant quelque choſe de la curation des cheuaux. Ce nom toutesfois ne luy conuenoit point, d'appeller Medecin des cheuaux, celuy qui eſtoit ſi fameux Medecin des hommes. Et voicy l'Epigramme qui me l'a appris :

*Hippocrates hominum, rûque, ô Sofander, equorum  
 Morbos edocâi pellere ritè malos,  
 Nomina mutata, aut artem, malè conuenit, alter  
 Ex arte alterius nomen vt accipiat.*

Ils font ords & sales, quelque veloux & taffetas qu'ils portent : car il est force que quiconque naist escarbott, se veautre & fouille en la merde. Et si font lunatiques, dautant qu'il n'y a mousche qui ofast approcher du lieu où ils escriuent leurs receptes & ordonnances. Athenée dit, adiousta-il encores, que s'il n'y auoit point de Pedantes & Grammeriens, qui font la mesme arrogance, qu'on ne pourroit trouuer des gens plus sots que les Medecins. Et vous diray encores des Medecins ce mot, *Paragogicum & Medicinale iudicium ferre non possunt*. A ceste cause, les Medecins ont esté à Rome si peu recommandables, que ceux qui l'estoient & l'exerçoient, estoient ou Barbares, ou Grecs, ou venus d'esclaves.

Le ne sçay pourquoy, commença à dire vne Fesse-tonduë, c'est aux Medecins, Iuges, & Aduocats, mesmes à tous Chiquaneurs, vn grand deshonneur de porter vn escritoire pour mettre par escrit leurs ordonnances, & leurs iugemens & sentences, & leurs chiquaneries? Si ce n'est que par là ils confessent n'estre point clerks. Que si les Medecins le font par gloire & arrogance, il se trouue vne glose qui dit, que les Medecins ne font pas de plus d'estime & autorité que les matrones & sages-femmes.

Vrayement ie le croy bien, repliqua vn Franc-à-tripe, que pensez-vous en quel honneur, grade & estimation on doit auoir vne sage-femme? Mais, pour dire qui fait

les Medecins arrogans & fiers, c'est parce qu'un docteur Medecin a dict, que le Medecin pitoyable n'a pas garde de guerir la playe. Que si les Medecins pensent estre quelque chose par dessus les autres, qui les rend pedans & superbes, ie n'y trouue pas grande occasion, mesme par la confession de leur Prince Hippocras, en son liure *de Flatibus*, qui dit franchement la medecine estre vn art vilain & sale : parce qu'il est contraint de traicter & verser en choses ordes, sales & deshonnestes. Comme reprocha vn de mes voisins à vn Medecin, qui luy reprochoit qu'il estoit grand mouueur : quand il luy dit, ie ne suis pas si grand mouueur ni si sale remueur que vous.

Ayant ainsi parlé librement contre les Medecins, il se prend à rire, & regardant nostre Medecin, qui estoit vn des plus frequents de nos Serees, luy va dire, qu'il ne parloit que generalement, & non particulierement, & qu'il scauoit bien des Medecins aussi sages & honestes, & aussi bien complexionnez qu'autres, mesmes Plutarque dit Herculés auoir esté Medecin : & qu'il n'auoit dit tout cela des Medecins, que pour en blasmer la plus grand' part, à fin qu'on les cognoisse, & qu'ils se corrigent de quelques imperfections qu'on ne peut endurer, & qu'il n'a rien dit qui ne soit escrit en bons auteurs.

Vn autre prenant la parole, nous va dire vne chose estrange, que ces Medecins, qu'on auoit blasmez & accusez de tout plein de vices, estoient meilleurs Medecins, que ceux qui n'ont point ces defaults, si le prouerbe est veritable, qui dit, qu'un homme de bien le plus souuent n'est point bon Medecin, & qu'un bon Medecin au contraire est communément vn mauuais homme &



vicieux. Mais laissant là ce proverbe douteux, ie vous diray bien, adioust-il, ce que plusieurs ont dit, que les Medecins les plus sçauans n'estoient pas heureux, ne les plus habiles à faire la medecine, & à guerir les malades : confirmant leur dire de Ian Argentier, l'un des plus doctes, & meilleurs Medecins de nostre temps, qui toutesfois estoit infortuné en la pratique. Si vous me demandez, va respondre quelqu'un, pourquoy les Medecins fort lettrez, bien qu'ils s'exercent toute leur vie à guerir, ne seront iamais bons praticiens : & autres ignorans avec trois ou quatre reigles de medecine, sçauront mieux practiquer & faire la medecine. Ie vous responds, à fin que les ignorans Medecins gagnent aussi bien que ceux qui sont doctes (encores qu'il me fasche de fauoriser l'ignorance) qu'Aristote dit que cela venoit de ce que les Medecins Logistiques & raisonnables, qui sont les sçauans, auoient vne commune cognissance de l'homme, & qu'ils ignoroient la nature du particulier, que l'Empirique, & celuy qui n'en sçait, s'estudie de sçauoir, sans s'addonner à l'uniuersel. Aussi, adioust-il, que l'Espagnol en son Anacrise dit qu'une partie de la medecine consiste en raison, à quoy est requis l'entendement, l'autre en experience, où est requise la memoire : & parce, dit l'Espagnol, qu'il est difficile d'assembler ces deux puissances, & auoir bon entendement, qui consiste en chaleur & siccité, & bonne memoire ensemble, qui consiste en humidité, l'une qualité destruisant l'autre, il est mal-aisé d'estre bon theoric & bon pratic : parce aussi qu'il y a repugnance entre l'entendement & l'imagination, de laquelle le Medecin se

pour vous deux. Nostre Medecin se prenant à rire, va dire, Apres ces Medecins, tant qu'ils dureront : n'y a-il plus rien ? Si a, ce dit vn autre, de mon Medecin, lequel m'ordonna vn iour vne medecine, dont m'estant bien trouué, aduint que pour mesme maladie, ie prins la mesme medecine, qui ne fit rien. Je demande à mon Medecin, pourquoy à ceste fois la medecine ne m'auoit fait aussi grand bien qu'à la premiere fois. Il me respond brusquement, parce que ie ne l'ay pas ordonnee. L'autre fois ayant mon Medecin long temps esté sans me veoir, & sans rien m'auoir ordonné, me va dire, Mon Dieu que vous estes deuenue vieil. Ouy, luy dis-je, dau-tant que ie ne me suis seruy de vous, ne de vos medecines, ne de vostre Sotera.

Apres toutes ces rifees, quelqu'un commença à dire, que veu l'ignorance de nos Medecins, il seroit de besoin que chascun Medecin ne guerist qu'une maladie; ou de la maladie d'un seul membre, comme faisoient les anciens : encores, disoit-il, feroient-ils bien empeschez, veu que Galien dit que l'œil, qui est des plus petites parties du corps, peut estre molesté de cent douze manieres de maladies. Pour vous monstrier la suffisance d'aucuns Medecins, va-il dire, escoutez vn vieil conte d'un vieil Medecin, apprenant la pratique à vn ieune Medecin, aussi sçauant que luy, parla ainsi à ce ieune Medecin : Vne des choses, luy disoit-il, qui fait plus admirer le Medecin, c'est le prognostique, & quand il iuge bien de la maladie, & de ses symptomes, & accidens. Par ainsi, disoit-il à son disciple, quand tu entreras en la chambre d'un malade, regarde si tu verras point en

sa chambre quelque chose pour asseoir ton iugement : comme si tu veois sous la table quelques pelures de poires ou de pommes, ou quelques noyaux de prunes ou pêches : ayant veu cela, dy au malade qu'il est en partie cause de son mal, ayant mangé telle chose & telle, selon que tu auras veu en sa chambre. Alors le malade & les assistans te trouuerront plus diuin qu'humain, si bien que mettans leur espoir sur toy, ils t'estimeront bon Medecin, & ne faudront à te bien payer. Ce ieune Medecin mettant cela en la gibbeciere de sa memoire, allant vn iour veoir vn malade, & regardant par tout, comme luy auoit dict son maistre, il ne void en sa chambre autre chose, dont il peust faire son profit, que le bast d'un asne sous le liét : parquoy pensant auoir trouué la febue au gasteau, va dire au malade, qu'il ne s'esmerueilloit pas s'il se trouuoit si mal, veu qu'il auoit fait excez, ayant mangé d'un asne : car, dit-il au malade, i'en voy là le bast.

Tous ceux de la Seree se prirent à rire, fors nostre Medecin, qui fit semblant de vouloir defendre l'asne & son bast. Parce, disoit-il, qu'on permet bien aux malades, principalement és longues maladies, de manger des choses dont les malades ont enuie, encores qu'elles ne soient bonnes. Car par l'ardeur qu'a le malade de manger telle chose, la force & vertu de nature, paruant endormie, est tellement refueillée, que prenant ses forces elle combat mieux son mal. Toutesfois nous va dire nostre Medecin, ie croy le maistre & le disciple estre quelques Medecins d'eau douce. Il n'eut pas si tost acheué ce mot, qu'il se leue vne question, pourquoy

c'estoit qu'on appelloit vn Medecin d'eau douce, celuy qu'on mesprisoit, & qu'on n'estimoit gueres sçauant & expert. Quelqu'un va respondre, qu'appeller vn Medecin d'eau douce, c'est autant que qui diroit, C'est vn asne : pourautant qu'il faudroit luy faire aualler force eau douce, & de fontaine, avec des roses fraisches, & de l'anis, & des feuilles de laurier, à celle fin qu'il ne fust plus asne, selon l'antidote d'Apulee : aussi qu'aucuns tiennent que l'homme tourné en beste perd sa figure bestiale estant baigné en eau viue. L'autre disoit que c'estoit à cause qu'Asclepiadés se fit appeller Medecin d'eau fraische, selon que dit Varro : voulant auoir l'honneur d'auoir trouué le moyen de donner l'eau fresche aux malades.

Vne Fesse-tonduë va asseurer qu'on appelle les Medecins d'eau douce, parce que quasi en toutes maladies ils defendent le vin, & font boire aux malades de belle eau douce & clere, & que c'est la premiere & plus grande chose qu'ils sçachent faire. Ne vous mocquez point de cela, luy repliqua quelq'un, car nous trouuons que Celse guerissoit les fiebures avec de l'eau froide : aussi bien qu'un Medecin passant guerissoit toutes les femmes & filles par vn seul simple ingredient, principalement celles qui languissoient, & auoient la jaunisse, & qu'on laisse là fletrir pour graine. On luy demanda comment ce Medecin appelloit ce simple, dont il guerissoit les filles. Celui qui faisoit le conte respond, que le Medecin l'appelloit *Grossellon* : & qu'il ne vouloit que ce seul simple pour guerir les femmes & filles : car il disoit, que le meffange de tant de simples empes-

choït la vertu de l'un & de l'autre. Mais il arriva que beaucoup de femmes & filles ne guerirent pas, à cause de l'ignorance des Apothicaires, & de ce qu'ils n'entendoient pas, & ne cognoissoient pas ce simple de *Grossellon*, qui faisoit prendre à l'Apothicaire un *qui pro quo*. Possible que ce Medecin ne s'estoit pas adressé, repliqua un autre, à une bonne boutique d'Apothicaire. Le mal, va respondre celui qui faisoit le conta, ne venoit pas de là : car à son arriuee, apres auoir demandé la meilleure boutique de la ville, on luy en enseigna une, comme la meilleure : dautant qu'il y auoit à basongner pour un maistre & cinq compagnons. Mais tout le mal, & ce qui empeschoit la santé de ces pauvres femmes & filles, c'estoit de ne cognoistre pas, & de n'entendre pas ce mot Latin de *Grossellon*. Car à la vérité, disoit-il, la science la plus importante qui soit en nostre vsage, comme celle qui concerne nostre santé & vie, est de mal-heur la plus incertaine, la plus troublée & agitée de plus de changement : A ce propos, adiousta-il, le seigneur de Montagne me plaist bien, quand il dit, que meslans leurs ingrediens ensemble, il est mal-aisé à croire qu'ils puissent faire quelque chose de bon, & que cela puisse seruir, & ne croy pas ce que les Medecins disent de tous ces ingrediens, que l'un eschauffera le cerueau, l'autre refreschira le foye : que l'un humectera le poulmon, l'autre asséchera l'estomach : l'un a sa charge d'aller aux reins, l'autre au lieu où il est destiné : ce simple, *aspicit illam partem*, l'autre, *aspicit aliam* : si bien que ce breuuage mixtionné confus trira & diuifera ses vertus selon leurs charges diuerfes, & selon la propriété qu'a

chacun simple par sa vertu occulte. Mais, comme il dit, il est à craindre que tant d'ingrédiens, & si diuers, ne perdent ou changent leurs etiquetes, & troublent leurs quartiers. Comme aussi la Montagne, reprouue le Mithridat, lequel Mithridates ne composa que de quatre simples, où maintenant il entre de trois cents fortes de drogues pour le composer, & ne peut penser que tant de fortes de simples puissent loger ensemble dans vn estomach, sans se faire ennuy l'un à l'autre : & ne sçauroient faire meilleur accord que trois cents musiciens chantans tous ensemble. Il y a bien plus, disoit-il, en ce Mithridat du iourd'huy, il y entre du gist & de l'albastre, l'un & l'autre estant indigestif, & quand ils sont calcinés, ce n'est autre chose que plâtre, qui est mortel, estoupant les conduits. Par mesme raison il blasmoit la fottife & auarice des Medecins en leurs restaurans d'or, qu'ils ont prins des Arabes, en leur or potable, & Electuaires, qui sont faicts de pierres pilees : car ce qui ne se digere point, ne peut seruir à l'estomach. Ce qui ne se putrifie point & consume au corps de l'homme, ne peut seruir de medecine ne de restaurant : or est-il qu'ils tiennent que l'or ne se consume point, car il ne diminue iamais de sa bonté ni de son poids aux restaurans. Et ne sert à rien de dire que les pierres precieuses seruent à reparer les esprits vitaux, à cause *quod à tota specie viuant*, & à cause de leur lumiere, qui symbolise avec les esprits : car il est certain que ces compositions font perdre aux pierres precieuses *totam speciem*, & toute leur lumiere : dont s'ensuit que leur force & vertu en est perduë.

Je m'esbahis, répliqua vn autre, que puis que ces compositions ne seruent à rien, & coustent tant, comme il se trouue des Medecins qui les ordonnent : si ce n'est pour se rendre admirables, & que le malade pense que l'or & les pierres, tant estimees & cheres, ont plus de vertu que toute autre chose, pource qu'on ne les donne qu'aux riches. Vraiment, adioustâ-il encores, j'aimerois mieux le Medecin que ie rencontray chez vn malade, dautant qu'il ne met point les patiens en frais, & en danger, les chargeans de beaucoup de medecines & fortes, comme fait la plus-part. Car quand le malade luy disoit, la fiebure m'a prins en vn grand froid, il ne faisoit que dire, tant pis : puis quand il disoit, elle ne m'a gueres duré, il respondoit, tant mieux, & non autre chose. Si le malade disoit, ie boy du vin qui n'est gueres bon, tant pis, disoit le Medecin : i'en ay bien de meilleur, disoit le malade, tant mieux, respondoit le Medecin. Cē Medecin estant appellé à vn malade, & ne sçachant qu'y faire, pria vn sien voisin, qui se mesloit de bailler quelques receptes, d'ordonner quelque chose : qui luy va respondre, qu'il n'en feroit rien, parce, disoit-il à ce Medecin, que ie n'ay pas lettre de tuer comme vous.

Nostre Fesse-tondue nous va faire vn plaissant conte d'vn Medecin passant, appelez le Charletan si vous voulez, qui se mesloit de bailler ie ne sçay quels morceaux de papier, mis en petits rouleaux, dont il asseuroit guerir toutes maladies, & plusieurs autres. Or couroit-il de ce temps vne maladie populaire, qui molestoit fort les femmes & les filles, assez fascheuse, dont le peuple couroit apres ce trompeur : lequel leur mettoit au col vn breuet,

avec du fil et non encore mis en œuvre, jargonnant ne sçay quelles paroles : mais sur tout leur defendoit de n'ouvrir le breuet, que les quinze iours ne fussent expirez, autrement il leur disoit qu'il perdrait toute sa vertu : dans lequel temps il s'en alla. Or comme les femmes sont curieuses de sçavoir ce qui leur est defendu, plusieurs leurent les breuets, & y trouverent ces mots : Dame, si tu files, & le fuseau te chet des mains, lors que tu te baisses, tien le cul clos. Voila pas vne tromperie digne de ceux qui s'y fient ? Si les Loix des Romains, disoit nostre Medecin, estoient bien observees, il n'y auroit pas tant d'Empiriques & Charletans, & nos Medecins regarderoient mieux à leurs affaires, & à celles du peuple : parce qu'ils seroient tenus de leur ignorance par la Loy *Illicitas*, l'ignorance tenant le lieu de coulepe, par la Loy *Imperitia* : encores que le Medecin fist la medecine gratis, ce dit Accurse. Et le chapitre *Exhibita*, dit que plusieurs meurent par la faulte & ignorance des Medecins : lesquels, disoit nostre Medecin, ie prie regarder bien à ce que dit Celsus au liure troisieme, où il blasme fort les Medecins, encores qu'il fust de nostre mestier. Et aussi à la verité, adjousta-il, ie ne m'esmerveille point de nostre ignorance, veu que nous laissons Hippocrate, Galien, Nicander, Aetius, Scribonian, Largus, Serenus, Paul Aeginete, pour sçavoir Avicenne, Auerrois, Serapion, Mesué, & les autres Arabes, ou bien Apponense, ou *Iacobus à Partibus*, à cause de la plus-part de nos Medecins, qui ne sçavent rien en Grec, & gueres en Latin.

A propos de l'ignorance (disoit nostre Medecin) qu'on



nous impute, ie vous conteray vne repliche picquante que me fit mon Curé. C'est que ceste annee-là, encores que ce ne fust de peste, il mouroit tant de gens qu'on ne voyoit que nous autres Medecins & les Prestres par les ruës. Or vn iour allant visiter mes malades, ie trouuay le Curé & les Prestres, qui alloient & deçà & delà aux confessions, enterremens, & seruices, & n'estoient pas encores à demy : & en me riant ie leur dy ; Messieurs, vous faites bien vos orges & vos choux gras ceste annee icy ? Lors mon Curé me va respondre, en se riant aussi, Ouy bien, monsieur, Dieu mercy & vous. Ce fut à moy à m'oster de là, & conter à mes compagnons de Medecins ce *somma & falsè diſterium*.

Ceux de la Seree retournans à la suffisance que doit auoir vn bon Medecin, vont reciter beaucoup de qualitez requises à ceux qui traitent la medecine : entre autres vn prenant la parole, va dire. La statuë d'Eſculape, qui estoit en Epidaure ville de Grece, monstroient bien quelles parties doit auoir vn Medecin. La statuë de ce lieu, comme Pausanias a descrit, estoit assise en vn beau siege, avec vne grande barbe, pour desseigner que le Medecin doit estre experimenté : ayant vn baston en vne main, qui estoit tout plein de nœuds, qui signifie la difficulté de la medecine : & tenant l'autre main sur la teste d'un serpent, pourautant que c'est vn animal fort vigilant, comme il est necessaire que soit le bon Medecin : avec vn chapeau de laurier, à cause que cest arbre sert & est bon contre plusieurs maladies. Les autres baillent à Eſculape en vne des mains deux coqs aussi pour la vigilance. Et voilà la raison, disoit

notre Medecin, pourquoy Platon laisse par son testament vn coq à Esculape.

Sur la fin qu'on se vouloit retirer, vn Drolle nous va conter qu'un sien voisin enuoya son seruiteur à son Medecin, que ce Drolle appelloit son Medecin, combien qu'il n'eust iamais prins de medecine. Ce seruiteur monstra de l'vrine de son maistre à ce Medecin, lequel l'ayant bien speculee, tournee & viree, avec des interrogations qu'il auoit faictes à ce valet, de la maladie de son maistre, va dire à celui qui auoit apporté l'vrine, Mon amy, dites à vostre maistre qu'il est tout plein de plume, qu'il est etique, & que s'il ne prend garde à luy, il s'en va hydropique. Le seruiteur estant de retour en la chambre de son maistre, où i'estois, va dire : Monsieur, le Medecin dit que vous estes plein de plume, & que vous estes heretique, & si vous n'y remediez, vous en allez estre hypocrite. Celuy qui pensoit estre malade, se print si fort à rire, avec moy, qu'il ne fut ne plein de plume, ne heretique, ne hypocrite, estant seulement malade par imagination : & Seneque dit que nous sommes plus souuent en peine & malades par opinion qu'à la verité : & que plus de choses nous espouuentent, que d'autres ne nous pressent & tourmentent. Estans les hommes communément ennemis d'eux-mesmes : sinon ceux qui sçauent resiouir leurs esprits d'une honeste recreation, telle que celle qui se prenoit en l'assemblée de nos Serees : laquelle ayant sur ce prins fin pour ce soir, fut continuee au lendemain.





## VNZIESME SEREE.

### *Des Cheuaux, des lumens, des Asnes, des Mules & Mulets.*

**V**N des premiers de nos Serees, qui le plus souuent re-  
uenoit des champs, où il auoit vne belle maison, pour  
s'y trouver, nous conuia vn iour tous d'y aller : & nous  
en pria de si bon cœur, que luy accordasmes. Le len-  
demain estans tous à cheual, à fin de vous aduertir  
qu'il y auoit bien des bestes, nous acheminons, &  
par le chemin voicy qu'il aduint. C'est que les eaux  
estans vn peu grosses, il fallut passer vn gué, dont  
vn chacun se tira le mieux qu'il put : fors vn des  
nostres, lequel pensant estre le mieux monté, & le plus  
asseuré pour passer ceste eau, à cause de son cheual  
qu'il estimoit sur tous les autres, ne laissa à tomber luy  
& son cheual, si auant en l'eau, qu'ils furent en danger  
de se noyer : vous assurant que l'un ne l'autre n'estoit  
point forcier, car ils allerent bien iusques au fond : com-  
bien que Dieu mercy, le maistre & le cheual se sauue-  
rent. Estant remonté sur son cheual, vn de la compagnie  
luy va dire : l'ay veu que vous aimiez tant vostre che-  
ual, que vous vantiez d'estre le mieux monté de toute  
la ville, & que tous les autres cheuaux n'estoient que

bestes au prix du vostre : mais ie croy qu'aujourd'huy vous luy voulez grand mal. Le maistre du cheual en souffriant luy va dire : Non, ie ne luy veux nul mal, nous sommes appoinctez, nous auons beu ensemble n'y a pas long temps. Ceste response & rencontre fut trouuee si bonne, qu'elle nous osta la souuenance de la peur (qui nous tenoit encores) qu'auions eu que le maistre & le cheual ne fussent noyez : & si fut cause qu'arriuez en ceste maison rustique, on ne parla en toute la Seree que des cheuaux & autres bestes qui portent. Les vns disoient, qu'ils n'estimoient pas moins le cheual qui estoit tombé pour cela, & qu'une fois n'est pas coustume, & qu'il arriue des choses vn coup, qui n'arriuent iamais par apres : & puis on dit, Vn cheual de cent escus tombe bien : & qu'il ne falloit que pour vne seule faulte son maistre le laissast, & qu'il luy voulust mal, puis qu'ils auoient beu tous deux ensemble. Les autres disoient qu'il y auoit tromperie par tout, fort en femmes & en cheuaux. Et à ce propos quelqu'un nous va conter comme vn marchand & vendeur de cheuaux, estant de bonne conscience, en disant les vices des cheuaux qu'il vouloit vendre, tacitement disoit leurs bontez : & voicy comment. Vn grand Seigneur s'en allant à l'estable de ce marchand, marchande vn des plus beaux cheuaux qui y fust. Le courratier va dire lors, qu'il en auoit tant refusé d'un tel gentil-homme, mais qu'il luy auoit toujours gardé : car il est fort comme vne tour, disoit-il à ce Seigneur, il va comme vn garrot, il despesche comme vn moulin : & combien que soyiez bien riche & grand Seigneur, si tous vos cheuaux mangeoient aussi

bien que luy, ils vous destruiroient. Mais parce que ie ne voudrois pour rien du monde, disoit-il à ce Seigneur, vous tromper, ie vous diray ce que ie trouue de mauuais en luy : c'est qu'allant par les champs il ne fait que hannir : tellement que si vouliez parler de secret, comme vous autres messieurs auez de bonne coustume, vous ne sçauriez en façon du monde, tant le cheual est gaillard & ioieux, & ainsi il vous deceleroit si vouliez aller en embuscade, & bailler la Diane : & s'il falloit aller à la guerre, & à la charge, ou passer vn gué, il vous mettroit en danger, car il n'endurera iamais qu'un autre cheual marche deuant luy. Il y a bien plus, disoit ce marchand, il baue tousiours, tant soit longue la traicte, & parce que vous autres grands seigneurs estes le plus souuent habillez de soye, ce cheual en tournant la teste d'un costé & d'autre, comme il fait, il gasteroit de sa baue tous vos vestemens. Que si vous l'abbreuez, il met si auant le museau en l'eau, que vous penserez qu'il vous vueille noyer, & luy aussi.

Quelqu'un de la Seree prenant la parole nous va conter d'un autre marchand de cheuaux, qui voulant recommander son cheual de courage & vitesse, & avec cela d'estre doux, disoit à celui qui le marchandoit : Voyez-vous bien ce cheual, vous ne luy sçauriez si tost monstrier vn fossé, que le voilà dedans, & est si doux, que s'il est vne fois en vne fange ou en vn boubier, n'ayez pas peur qu'il bouge de là : & le piquez tant que vous voudrez, encores que le cheual soit fort & ieune. Alors un Drolle nous va dire, qu'il auoit chez eux vne vieille beste, laquelle estant ieune ne se leuoit sans estre

piquee ; mais maintenant qu'elle est vieille, disoit-il, elle se leue bien sans la piquer. Ce mesme marchand vendant vne haquenee, disoit à celuy qui la vouloit acheter : Prenez-la hardiment, elle est bonne pour iouer à trente & vn, car elle ne passe point : n'ayez aussi peur qu'elle vous destruisse, car ie vous assure qu'elle ne va pas grand train : & tant plus elle est chargée, elle a les pieds plus près de la terre.

Il y auoit en ceste Serree rustique vn des nostres, qui estoit venu sur vne Caualle, c'est pourquoy il commença à preferer les iumens aux cheuaux, & comme Gargantua, homme d'esprit, choisit vne Caualle pour sa monture, plustost qu'un cheual. Premièrement, disoit-il, vne iument va plus viste, & si vous mettra mieux hors du danger qu'un cheual, faisant plus grande traicte & iournee, à cause qu'en vrinant elle ne laisse à courir, & le cheual s'arreste en vrinant : que si vous le pressez tant qu'il ne puisse pisser, il deuiendra malade, & mourra d'une difficulté d'vrine. Dauantage, disoit-il, les iumens vont communément plus doux, & si trébuchent moins que les cheuaux : car i'estime vn grand vice à vn cheual, le broncher, veu les inconueniens qui en arriuent tous les iours, & bien plus grand que ne signifient les hieroglyphiques & sacrees lettres, qui par le cheual bronchant ne representent sinon qu'un mauuais commencement en affaires : qui le plus souuent monstrent la fin que le commencement. Aussi les iumens ne sont si difficiles à boire, ni à manger, ni à traicter, ni si subiectes à morfondure, ni aux auies, à la morue, à la pousse, au farcin, & à estre recreués, que les cheuaux :

combien qu'on die que les iumens sont molestees d'une espece de rage, quand elles voient leur image dans l'eau, estans surprinses d'amour, & par cela laiffans le boire & le manger. Que si auez peur que vostre iument emplisse, & estant pleine qu'elle ne vous puisse seruir, pour empescher d'entrer en chaleur, il ne luy faut que tondre le crain, & cela seul la rendra sans chaleur.

Si est-ce, luy repliqua vn autre, que les Anciens n'ont point tant parlé des femelles que des males, car ils ont laiffé la memoire des cheuaux, & leur nom, en leurs liures, ce qui durera à iamais : ne s'estant trouué qu'un cheual malheureux, qui est le cheual de Seian. Que si la iument de Gargantua a esté renommee pour vn temps, elle n'a point pourtant esté chantee comme le cheual d'Alexandre, auquel son maistre bastit vne ville qu'il nomma Bucephale, du nom de son cheual, & là fut la sepulture du cheual : qui mourut en vne bataille contre les Barbares, aagé de trente ans : Alexandre l'ayant honoré de sepulture, comme aussi ont fait Cesar & Auguste. Ces gens-là toutesfois estans dignes, en ce fait, d'estre enseuelis avec tels animaux. Si est-ce, repliqua quelqu'un, qu'on trouue que Cimon fit vne sepulture honorable, aupres de la sienne, aux iumens avec lesquelles il auoit gagné par trois fois la course aux ieux Olympiques, & qu'Echecradités emporta le prix de la course és ieux du mont Olympe, avec vne iument, encores qu'elle fut pleine : & que Poppea, femme de Neron, ferra ses iumens de fers d'or. Puis adiouta, mais que diriez-vous de Caligula, qui bailla vn nom à son cheual, & par ce nom le faisoit inuiter à soupper,

& là on luy bailloit de l'orge d'or, le designa Consul, & le fit son collegue au Pontificat? Il luy fut respondu, ie ne sçauois vous dire autre chose, sinon que c'estoient deux bestes. Et les laissant là, ie vous prie de me dire pourquoy on imposa le nom de Bucephal au cheual d'Alexandre : car la dispute n'en est pas encores vuidee entre les doctes. L'un disoit, qu'on luy donna ce nom à cause qu'il auoit le regard de trauers. L'autre, pour ce qu'il auoit la teste faicte comme vn taureau. Le tiers, affermoit que, c'estoit à cause qu'on marquoit les cheuaux de Theffalie, qui sont bons & genereux, avec des fers chauds, où estoit engrauee vne teste de bœuf, qu'on leur imprimoit en la cuisse, & que les cheuaux ainsi marquez estoient appellés Bucephales. Et en quelle estime on auoit les cheuaux de Theffalie, vous le pourrez sçauoir, disoit-il, par l'oracle Delphique, qui est en Strabo :

*Theffalius præstat sonipes, mulierque Lacæna.*

Puis que nous sommes sur les bons cheuaux, va dire quelqu'un, & sur les cheuaux qu'on marquoit par leur bonté, ie voudrois bien sçauoir pourquoy les anciens ont eu en recommandation les cheuaux qui estoient marquez avec les dents d'un loup, qu'ils appelloient *Lycopsades*, c'est à dire, recous & garantis de la dent ou de la patte d'un loup : car encores aujourd'huy on tient qu'ils sont meilleurs, & plus legers & courageux que les autres. Ne seroit-ce point, luy fut-il respondu, que se souuenans du danger où ils ont esté, ceste crainte



les rende ainſi legers? Ou bien que s'ils n'euffent eſté bons, courageux, & legers, ils ne ſe fuſſent iamaſ ſauuez du loup? eſtans plus genereux & agiles quand ils ſe ſont eſprouués à l'encontre du loup. Combien, adiouiſta-il, que les cheuaux ſoient rendus couſards, peſans & tardifs, quand ils mettent le pied ſur le veſtige du loup : ayant ſi grande contrariété entr'eux, ce dit Pamphile, que le loup mort & enſeuely fait peur au cheual, tant genereux ſoit-il, & ſi le cheual ne paſſera iamaſ où les entrailles du loup ſoient enſeuellies. Qui eſt vn moyen dont aucuns vſent enuers les grands ſeigneurs, qui veulent auoir les cheuaux des autres : car voyant cela, on penſera que le cheual ſoit retif. Et y a vn autre miracle de nature, adiouiſtoit-il encores, que le cheual ayant douleurs & trenchées de ventre, ſe guerit quand on l'environne de l'intestin d'un loup : que Pierius dit auoir veu tenir preſt à ceſt vſage en pluſieurs endroits de Rome. Mais s'il eſt vray, demanda quelqu'un, ce que dit Cadamoſte, que les magiciens & forciers peuuent rendre vn cheual plus viſte & leger? Ce qu'il ſemble aſſeurer, quand il eſcrit, que les cheuaux Negres ſont rendus plus forts, plus aſſeurez, & meilleurs, par le moyen de quelques charmes.

Ce doute fut cauſe d'en faire d'autres : & pource qu'on n'oſoit aſſeurer ce qui ſe trouue par eſcrit des cheuaux, quelqu'un commença à dire : Eſt-il vray que pour empéſcher vn cheual de hannir, qu'il ne faut que luy attacher vne pierre perçee à la teſte, & à vn aſne à la queue? L'autre demanda, ſi ce que Razis & Albert ont dit eſtoit veritable : c'eſt que le cheual eſt rendu

viste & leger estant ferré du fer qui aura tué quelqu'un, & que le mors de bride fait de ce mesme fer, retiendra le cheual, & le rendra doux & paisible, tant furieux soit-il : & en adioustant, leur demanda s'ils croiroient bien ce qu'un Escuyer d'escuyrie luy auoit asseuré, que si on mettoit vne petite pierre aux oreilles d'un cheual, il se laissera panser & ferrer, tant furieux soit-il.

Le dernier des douteux s'aduifa de demander, que seruoit au temps de la monte, quand on fait saillir les iumens, de leur sonner vn certain chant, qui s'appelle *Hippothoron*. Et celuy voyant que personne ne luy respondoit, va interroger ceux de la Seree, s'ils croiroient bien ce que font les Sarmates, lesquels voulans faire sur leurs cheuaux quelque grand chemin, les font ieufner le iour deuant, leur baillans seulement quelque peu à boire, courans leurs cheuaux par ce moyen cent cinquante mille : là où au contraire, quand nous auons affaire de nos cheuaux, c'est lors que nous les pansons bien, leur baillans à manger plus que de coustume.

Vne Fesse-tondué va dire, que sur tout il voudroit bien vn cheual tel que celuy qu'on trouua au pillage, quand Probus eut vaincu les Alains : car au rapport des prisonniers, ce cheual faisoit cinquante lieues par iour, & continuoit huit iours : combien que l'Empereur n'en fit pas grand conte, & le refuse, iugeant qu'il conuenoit mieux au soldat fugitif qu'au vaillant. Puis adiousta, qu'il ne voudroit point de ces cheuaux qui sont si courageux & si hardis, ne de ceux qui sont si legers, & vistes, estans subiects à chopper, & qu'il se contenteroit d'un cheual qui ne laisseroit point tomber la somme, comme

auoit fait celuy du matin, & n'amasseroit point les bourfes, & qui ne feroit point retif : & fur tout disoit-il, ie n'aime point les cheuaux qui sont facheux au montouër, & qui mordent & qui ruent. Le grand Sforce, adioustâ quelqu'un, a tant eu à contre-cœur les cheuaux vicieux, qu'il en fit vn aduertissement à son fils, avec deux autres. Le premier, qui ne sert à ce propos, est de ne toucher à la femme d'autrui : & le second, de ne battre le seruiteur qui aura demeuré long temps en sa maison, s'il est homme de fait, sinon qu'à l'instant il luy donnast congé apres l'auoir payé. Et le tiers aduertissement estoit, qu'il ne se seruist iamais de cheual qui ruaist, regimbaist, ou qui fust facheux. A ce propos, va-il dire en continuant, il me fouuient d'un petit conte, que ie commencerai ainsi. Il n'y a pas long temps que i'estois en la maison de deux honestes & sçauantes Dames, s'il en y a au monde, où les gens d'honneur, de bon esprit & sçauoir sont bien venus. Discourant avec elles, il vient en leur chambre vn villageois pour quelque affaire : qui estant demy entré, & n'osant approcher, commence à leur conter ce qui l'auoit amené là. Vne de ces Dames, accorte comme elle est, luy va dire : Hé ! des mon amy, approchez vous, ie ne ruë ni ne mords. Cest homme des champs, que ie pensois rustique & simple, luy va dire en son Poiteuin : Pardé, ô feroit donc bon montre sur ine itau beste. Je ne sçay qui trouua meilleure la rencontre ou elle, ou moy : car nous nous prîmes à rire comme vous faites maintenant, dautant qu'il n'y a personne icy qui ne souhaitast, sur tout, de trouuer vne beste qui fust douce au montouër, sans ruer ne mordre.

Et voyez-vous pas, va-il dire en continuant, à quels gages on entretient les escuyers, pour dompter les cheuaux, & les rendre doux, paisibles, & de creance? Si bien que ceux qui les ont maistrisez, les faisant seruir aux hommes, ont esté estimez si courageux, pour auoir rangé des bestes si furieuses (que les anciens ont estimé indomptables) qu'on les a appellez Centaures. Vous vous trompez, luy fut-il repliqué, vous trouuerrez qu'ils n'ont pas esté appellez Centaures à cause de leur hardiesse & audace à dresser les cheuaux, mais de ce qu'ils ont esté les premiers qui les ont piquez : car *centao*, mot Grec, vault autant à dire que *stimulo*, *pungo*, ce dit-on. Et ne trouue point, adiouste-il, que les cheuaux ayent iamais esté si farouches qu'on les fait, m'asseurant tous les autres animaux. n'estre que bestes aupres de ceux-cy. Car il ne laisse par sa hardiesse à estre docile, & se soubmettant à la loy, ne refuse la bride, comme dit Virgile :

*Ce neantmoins le cheual s'est offert  
D'estre accouplé, & le mors a souffert.*

Et à cause de sa hardiesse les Egyptiens par leurs lettres hieroglyphiques, & escritures sacrees, signifioient par le cheual la guerre, & de son nom sont dictz cheualiers, ceux qui estans dessus se sont portez vaillamment. Aussi les Poëtes reçoient le cheual comme donné des Dieux : car Neptune en frappant sur le riuage de la mer Thessale, le produit, comme seruant grandement à la guerre, les meilleurs cheuaux estans ceux de Thessalie : que si nous trouuons qu'ils se troublent en vn grand bruit, comme en vne bataille, aussi fait bien l'homme. Les Scythes font

si grand cas de leurs cheuaux, qu'ils disent qu'un de leurs Rois estant tué en vn combat, le vainqueur, venant à la despouille, fut desfait du cheual du vaincu, à coup de pied, & de la dent. Ils disent aussi que le Roy Nicomede ayant esté tué, son cheual se laissa mourir de faim : & que Philarche recite, que Centaurete de Galatie gaignant le cheual d'Antioche, tué en la bataille, monta dessus comme triomphant : mais que le cheual embrasé de courroux, de peur d'estre maistrisé par l'ennemy de son maistre, prenant le frein aux dents, se precipita dedans des barricades, là où ils moururent ensemble. Et si les Scythes afferment qu'un cheual de leur pays se tua cognoissant auoir failly sa mere. Ces nouveaux peuples des Indes, ce dit de Montagne, estimerent tant les cheuaux des Espagnols, que ces Indois estans vaincus, & demandans la paix, firent des presens aux hommes, & puis à leurs cheuaux. Le cheual avec tout cela, aime son maistre & si le recognoist : comme nous trouuons du cheual d'Alexandre, qui ne vouloit permettre qu'autre montast sur luy que son maistre : cela s'entend quand il estoit paré & sellé, car quand il estoit nud, il enduroit bien que le palefrenier montast à poil dessus luy, autrement il eust fallu qu'Alexandre mesme eust abreuvé son cheual, ou qu'on le menast boire par le licol. Plin dit, adioustoit-il, que les cheuaux portent si grande affection à leurs maistres, qu'ils en font le dueil estans morts, & de regret iettent des larmes : comme Virgile dit de Pallans,

*Depuis ayant laissé Aethon ardent desfrir*

*Son harnois, va pleurant son vertueux guerrier.*

Et Homere dit que les cheuaux de Patrocle, apres sa mort, ne voulurent plus obeir à Automedon, tant ils trouuoient estrange l'absence de leur maistre. L'ay ouy asseurer, adioust il, que si vn cheual se trouue en quelque peril, ou en vne bataille, s'il n'a dessus luy son maistre, ou celuy qui a de coustume de le mener, deuient rebours & mauuais, & qu'on ne s'en peut aider. Et si trouuons par la doctrine des Augures, que comme le cheual qui naquit en la maison de Cesar, ayant la corne du pied fendue en forme de doigts, luy predict son Empire, qu'aussi il luy predict sa miserable fin : car vn iour deuant sa mort, il trouua les troupes de cheuaux (qu'il auoit consacrez passant le Rubicon, les enuoyans sans maistre) qui s'abstenoient de manger, & pleuroient. Combien que les deuins, repliqua quelqu'un, veulent que les cheuaux emportent signification d'Empire & maistrise, si est-ce que les Onirocrites, & qui se mellent d'interpreter les songes, disent que si on songe auoir vne teste de cheual, que cela signifie seruitude & pauvreté. Celuy qui estimoit tant les cheuaux, reprenant les premiers arremens, va dire que le cheual auoit quelque raison, & qu'il ratiocinoit entre toutes les autres bestes, à cause du temperament de son cerueau : d'autant, disoit-il, qu'on trouue des cheuaux qui sçauent combien de seaux d'eau ils ont tiré ce iour, & combien ils ont accoustumé d'en tirer, si bien qu'ayant fait leur tasche, on ne leur en sçauroit faire tirer dauantage. Si vous n'estes contents de cest exemple, adioustoit-il, nous trouuons qu'un cheual, avec sa charge de sel, tomba de fortune dans l'eau : estant rechargé, & trouuant que sa

charge n'estoit pas si pesante que parauant, à cause que l'eau qui s'estoit meslee avec le sel en auoit fait fondre vne partie, ne failloit iamais de se coucher en l'eau quand il passoit les ruisseaux ou riuieres, se fouenant que sa charge diminueoit. Thalés ayant entendu du maistre de ce cheual tout ce discours, se doubant de la malice & de la ruse du cheual, le voulant corriger, & qu'il ne se couchast plus en l'eau, le fait charger de laines & esponges en lieu de sel. Le cheual ainsi chargé ne faillit comme de coustume à se coucher dans l'eau : mais estant releué, & rechargé, & sentant la charge plus pesante qu'auparauant, là où il auoit accoustumé de la trouuer plus legere, par apres ne se coucha plus en l'eau. Ce Thalés, adiouta-il encores, auoit l'esprit bien percé aussi, quand il cogneut que les cheuaux qui portoient le saffran deuenoient tous eslourdis par son odeur : parquoy il ne bailla gueres de saffran à chaque cheual, & si vn en estoit chargé, il le faisoit aller le dernier : ce que nos muletiers font bien encores aujourd'huy.

Vn autre prenant la parole va dire qu'il ne se falloit esmerueiller de cela : veu que Amatus Portugais sur Dioscoride, dit qu'un homme s'estant couché vne nuit sur vne balle de saffran, fut trouué tout mort le matin. Il fut repliqué, qu'on ne faisoit pas doubte que le saffran par son odeur ne peust eslourdir les bestes qui le portent : mais que les figues chargees sur asnes & cheuaux les facent succomber au faix, & perdre toute force, on ne le pouuoit croire. Pleust à Dieu, commença à dire quelqu'un, qu'il y eust vn autre Thalés encores en vie :

pour ſçauoir de luy pourquoy on pend au col des beſtes des ſonnettes, des cloches, des campanes, qui les chargent beaucoup. Quant à moy, diſoit-il, qui y veois à la bonne foy, & n'y prens garde de ſi près, ie n'en ſçay autre raiſon, ſinon que c'eſt à fin que les petits enfans s'oſtent du chemin, oyant ces campanes : ou bien à fin que les voituriers s'auancent ou retardent, de peur que les mulets ſe rencontrent en vn chemin, où ils ſoient contraincts l'un ou l'autre de reculer : comme és montaignes ils ſe trouuent de tels chemins. Seroit-ce point, luy fut-il repliqué, que les cheuaux & mulets de charge prennent plaifir au ſon & muſique de ces brimballes? parce qu'on trouue en Strabo, que les Elephans obeïſſent à leurs gouuerneurs par quelque chant, & par le ſon des tympanes. Que ſi par vſage on a trouué que les beſtes de charge prennent plaifir à la muſique & accord de ces campanes, la derniere en ayant vne ſi groſſe au col qu'elle fert de baſſe-contre, & les autres eſtans de diuers tons, tout ſon eſtant vniforme & de meſme façon deſplaifant à nature, on s'eſt apperceu auſſi que ces beſtes en endurent le trauail plus allegrement, ceſte muſique & ſon leur faiſant trouuer le chemin plus court, & moins ennuyeux, les beſtes ſe reſiouïſſans d'ouïr des ſons. Que ſi ces campanes ne ſeruoient que de piaſſe, comme font les plumars, ce ſeroit grande folie de les charger de ſi peſantes brimballes. Vrayement, va dire vn autre, ie me ſuis trouué autresfois qu'en oyant ce tintamarre, ie penſois encores ouïr la feſte des Oribantes, ou la Carauanne des Turcs, quand ils vont au ſepulchre de Mahumet. Et bien, adiouiſtoit-il, que le ſon leur face trouuer



le chemin plus court, & de moindre trauail, quand ils cheminent, si m'est-il aduis que ces clochettes qu'on leur laisse la nuit, les empeschent de reposer, si nous croions ce qui est escrit d'un Roy, lequel eut si grand'en-uis de vaincre és ieux Circenses, qu'il commanda par ses soldats à tous les voisins, où estoit logé son cheual, de ne faire aucun bruit, à fin que son cheual reposast mieux. Que si ces campanes soulagent les bestes de charge qui les portent, pourquoy n'en met-on au col des cheuaux qui tirent vne charrette, ou vn coche, ou portent vn homme? On demanda terme pour en venir : ce pendant quelqu'un va dire qu'il rendroit bien raison pourquoy les cheuaux attellez en vn coche, ou charrette, ensemble, & de front, tirent mieux & de meilleur courage, que quand ils sont desaccouplez, ou qu'ils tirent l'un estant apres l'autre : parce, disoit-il, que l'enuie qu'ils ont à qui courra le plus fort, leur eschauffe le courage, augmente la force, & leur fait oublier le trauail : non que ce soit, comme aucuns ont voulu dire, que plusieurs cheuaux s'eslançans ensemble fendent mieux l'air, ne trouuans si grande resistance. Bien, va dire vn autre, ie reçois vostre raison, à la charge que vous me direz comment il se peut faire, qu'une herbe, dictée en Latin *Lunaria*, en François Lunaire, puisse deferrer vn cheual tout à plat, s'il passe par dessus, tant bien ferré soit-il, comme l'a escrit le Seigneur du Bartas :

*Lunaire où cachez-vous*

*Cet Aymant, qui le fer si puissamment attire?*

*Lunaire où cachez-vous la tenaille qui tire*

*Les fers si dextrement? Lunaire où cachez-vous  
La mareschalle main, qui arrache les clous  
Si doucement des pieds?*

Et comme il se peut faire qu'une femme ayant son catamini face auorter une iument pleine, en la touchant & regardant. Il luy fut respondu que cela se faisoit par une occulte & secrette vertu de Nature, aussi bien qu'infinies autres choses, dont la faculté demeure cachee : combien que plusieurs disent que c'est le pont aux Asnes de recourir à ces vertus occultes : parce qu'il y a beaucoup de choses qui sont acceffoires, que nous pensons estre cause des principales, qui pourtant ne le sont pas, & que nous voyons plusieurs evenemens, qui s'entre-suivent l'un l'autre, lesquels sont reputés causes, & ne le sont pas : comme du *Remora*, qui se trouue en la mousse quand on nettoye le nauires : la mousse empechant le nauires d'aller, & non ce bestion de *Remora*.

Ceux de ceste Serree rustique, reuenans à leurs bestes, vont demander pourquoy les mules & les mulets uiuoient plus longuement que les cheuaux, estans aussi grands & gros les uns que les autres. Il fut respondu, que c'estoit à cause de la sterilité des mules & mulets, qui ne perdent point de semence : les uns disans leur sterilité venir de ce que leurs conduits sont corrompus en leur geniture, les autres que c'est à cause de la mixtion des semences, qui sont de matiere trop liquide & molle, combien que Theophraste die que les mules de Cappadoce portent.

Vn de nostre Serree, qui estoit des plus grands & des

plus gros, prenant la parole, va demander, si on vouloit inferer que les plus grandes bestes & les plus grosses viuoient plus que les petites, pource que nous voyons que l'Elephant, la plus grande & grosse beste du monde, qui porte autant que trois mulets de ce pais, vid plus longuement que tout autre animal : les animaux tant plus ils sont grands & gros, tant plus ayans de chaleur, & en la chaleur consiste la vie. Que si cela est vray, disoit-il, tant mieux pour moy. Mais qui m'en fait doubter, c'est que ie trouue les hommes qui habitent le Midy, mesmement les Numides, viure plus long temps que les Septentrionaux, non pas que les vns soient plus grands que les autres, & par consequent ayent plus de chaleur, où consiste la vie, mais c'est à cause de la chaleur de ce pais-là, qui est cause que ceux qui y habitent n'ont pas grands excremens & superfluitez : & aussi qu'on ne trouue que vers l'Auster des Elephans & cornices, qui viuent plus que toutes les autres bestes.

Puis il va dire, pour reuenir au sujet de la Serée, qu'il ne se sentoît point iniurié, quand on luy disoit qu'il estoit vne grosse & grande beste : veu qu'encores que l'Elephant soit la plus grosse beste du monde, si est-ce qu'il approche plus de la raison que les autres, & qu'il s'appriuoise plus aisément. Il s'est trouué des Elephans, disoit-il, qui ont mis hors de la bataille leur conducteur & cocher, estant tombé, & l'ont sauué. Que si d'auenture par cholere ils ont tué leur gouuerneur, de fâcherie ils ne mangeront point, & bien souuent en mourront. Le chameau, qui est aussi vne grosse beste, est si raisonnable, qu'il se met de genoux pour estre chargé, &

ne refuse la charge, mais l'ayant, il se leue de luy-mesme : ce que l'ay appris de ceux qui ont prins le chameau pour leur deuise, en y mettant ceste ame :

*Je ne porte que ce que ie puis.*

Et à propos de moy, adiousta-il, ie trouuay vne grande beste qui faisoit bien du suffisant, ie luy demande de-quoy il guerissoit, & qu'il sçauoit faire, il me respond, qu'il faisoit les mules & mulets : & ie luy dy, Vrayement ie le croy bien, car tu es vn bel Asne.

Ayant acheué son conte, & voyant qu'on ne rioit point, il en va faire vn autre sans sortir du propos de la Serée rustique, commençant ainsi. Il n'y a pas long temps qu'un Prince de France demanda à vn gentil-homme Breton, s'il y auoit point moyen de luy faire recouurer de son pais de Bretagne quelque petit cheual, pour se pourmener près sa maison, ou estant en Cour. Ce gentil-homme luy assura qu'ouy, & qu'il luy en feroit auoir de si petits, qu'ils n'auroient que deux ou trois iours.

Celuy qui auoit fait ce conte, regarda si vn de nostre Serée en auoit ry : dautant qu'il ne rioit de chacun propos, mais seulement de ceux qui venoient bien à la rencontre, & estoient aigus & subtils : car luy estant de grande imagination, il ne rioit de choses communes : mesmes encores qu'il fut facetieux, & eust grace à parler, il ne rioit iamais de ce qu'il disoit : parce qu'il auoit l'imagination tant delicate & subtile, que la grace de ses paroles & gentils deuïs, ne luy aggreoit & plaisoit comme il eust bien voulu : & aussi que celuy qui a telle imagination auant qu'acheuer de parler, il sçait desia

ce qu'il doit dire, & souuent ce que les autres veulent dire : qui l'empesche de rire d'une chose qu'il sçauoit auant qu'elle fust dicté.

Vn de la Seree ayant ouy parler des petits cheuaux, nous va dire & asseurer qu'il estoit bien aisé de iuger à la naissance des cheuaux, s'ils seront grands ou petits : car, disoit-il, Xenophon a escrit, & ceux qui se meslent de nourrir des cheuaux disent, que le poulain qui aura les iambes haultes, estant sorty hors du ventre de sa mere, sera fort grand, que s'il les a petites, il sera fort petit : car les os des iambes des cheuaux nouvellement nez, mules, mulets, & asnes, ne leur croissent plus. Or celui qui auoit faict le conte des petits cheuaux de deux ou trois iours, voyant que cestuy-cy qui rioit peu souuent, l'auoit trouué bon, en va faire encores vn autre, sans vouloir attendre qu'en diroit d'une chose que beaucoup ne trouuent pas credible, qui est qu'un cheual est aussi hault des ossemens quand il naist, qu'il est en sa force. Ce conte fut d'un sien voisin, qu'il auoit veu monté sur son cheual, si maigre, si despris, & si desahallé, qu'il s'esbahissoit comment il pouuoit seulement porter sa selle, à qui il auoit dit : Il en y a qui disent que pauureté ne se peut celer, mais ie veoy bien maintenant du contraire. Cestuy n'eust pas si tost acheué, qu'un autre commença à nous dire : l'ay vn mien voisin, qui est de son pais, comme ie suis du mien, lequel me demanda, n'a pas trois iours, mon cheual à prester, pour aller iusques à Myrebeau. En luy baillant, ie l'asseuray qu'encores que mon cheual fust petit, qu'il le conduiroit fort bien iusques à Myrebeau, où il vouloit aller. Deux iours apres,

ramenant & me rendant mon cheual, en lieu de me remercier, il se courrouce & fasche à moy, me disant, Vous estes vn fort habile homme : vous m'auiez asseuré que vostre cheual me porteroit & conduiroit fort bien à Myrebeau, & il m'a mené à Chastelleraut, où ie n'auois point affaire. Faisant semblant d'estre fasché, & que tous ceux de la ville souffissent ceste risée, ie le fay ad-iourner deuant les Marchands : où il contesta, & asserma qu'il ne payeroit point le louage du cheual, mais au contraire tendoit à tous despens, dommages, & interests, soufferts, & à souffrir, de ce qu'il n'auoit pas fait les affaires, luy ayant asseuré que mon cheual le conduiroit bien à Myrebeau, où il auoit affaire, & qu'il l'auoit mené à Chastelleraut, où il n'auoit que faire.

Vn Gentil-homme de la Serée se prenant à rire, nous va conter que depuis peu de temps il auoit achepté vn cheual assez cher, pour la guerre, & que l'emmenant en sa maison, le cheual trouuant par le chemin vn gros chesne, il se met à tournoyer tout autour. Du commencement ie ne trouuay point cela mauuais, pensant qu'on l'eust appris à aller & picquer en rond : mais ne voulant aller autrement, il se trouua que mon cheual nouvellement achepté auoit esté à vn huilier.

Après que ceux de la Serée eurent ris de ce conte aussi bien que de l'autre, il fut conté d'vn hôte, qui est sur les limites de Bretagne & d'Anjou, qui a nom Mico l'Abesté, ainsi nommé parce qu'il ne vouloit loger que ceux qui estoient abestez, c'est à dire, que ceux qui auoient des bestes, & non les gens de pied, encores que de quatre ou cinq lieues de là il n'y ait pas vne hostel-

lerie. Arriuant vn soir bien tard en son logis vn homme de pied, bien las & mouillé, ce Mico, sans ouurir ne porte ne fenestre, luy demande s'il estoit abesté : ce passant luy respond que non, mais qu'il payeroit aussi bien que s'il estoit de cheual : l'hoste Mico luy replique, que son logis n'estoit que pour ceux qui estoient abestez. Ce pieton fâché au possible, s'aduisa que la monture de Mico estoit dans les prés, ayant la bride à l'arçon de la selle : montant dessus, il retourne demander à logger. Mico luy demande s'il estoit abesté, ayant dict qu'oui, il ouure sa porte, Mico luy-mesme prend son cheual, l'estable, & le panse. Mico fait bonne chere à son hoste bien huit iours, n'ayant peur qu'il s'en allast sans payer, pensant auoir son cheual en l'estable. Les huit iours passez, son hoste s'en va sans luy dire Adieu. Mico fut si bien abesté, qu'il nourrist bien quinze iours son cheual à l'estable sans rien faire : car il fut bien huit iours à le chercher, & autre huit iours sans le pouuoir recognoistre, encores que le plus souuent il le pansast : & depuis a tousiours esté nommé Mico l'Abesté. Cela estoit bien deu à Mico, & dauantage, va respondre quelqu'un, pour faire coucher vn homme à l'erte, ou sur la fretille, ou sur la dure, pour n'estre abesté. Et me souuient m'estre trouué en ceste peine. Car vn soir, deux ou trois de mes compagnons, & moy, fortans d'un bateau, nous allons chercher à logger en vne hostellerie. L'hostesse nous va demander, Messieurs, estes-vous de pied ou de cheual? Je vais respondre, Non, madame, nous sommes d'eau. Or ce nous dit ceste hostesse en fermant la fenestre, puis que vous estes d'eau, retournez coucher

dont vous venez. Et fusmes contraincts, parce que n'estions pas abestez, de retourner coucher en nostre bateau, & à la verité fusmes d'eau. Auant que sortir des abestés & ceux qui ne le sont pas, escoutez, va dire vn de la Serée, vn ioyeux conte d'un de mes compagnons, lequel auoit tant fait à vne hostesse, encores que fusfions à pied, qu'elle nous logea avec les gens de cheual : mais ayant receu ceste faueur de ceste hostesse, il auoit si grand peur de luy desplaire, de peur d'estre deslogé du logis, qui ne logeoit que les gens de cheual, qu'après soupper, chacun se voulant retirer, il va demander à nostre hostesse, Madame, où chient ceans les gens de pied ? Vn de la Serée retournant à ses bestes va demander, s'il estoit vray qu'un homme sentant la fiente des cheuaux puisse iuger de leur bonté, comme on peut faire par leurs couleurs ? Car plusieurs iugent des cheuaux s'ils sont bons ou mauuais par leur poil : parce, dit Columbre en son Hippieatrie, que les couleurs des cheuaux viennent de la domination & abondance de quelqu'une des humeurs : tellement que le cheual naistre rouge, si l'humeur sanguine domine sur les autres : il sera noir, si l'humeur cholerique, qui est chaude & seche, excède : il sera blanc, si c'est l'humeur flegmatique, qui est froide & humide : si les couleurs sont mixtes & bigarrees, elles se font d'humeur melancholique, qui est froide & seche, Mais parce qu'on n'auoit iamais ouy parler de tout cela, on se mit à demander, dont venoit ce mot de Destrier : si frequent dans les vieux Romans. Quelqu'un respond auoir appris de Montagne, que Destrier est venu des cheuaux que les



Latins appelloient *dextrarios*, & *funales*, qui se menoient à dextre, ou à relais, pour les prendre au besoin, & de là vient que nous appellons Destriers les cheuaux de seruice.

Nostre Fesse-tonduë va dire qu'il vouloit parler des Asnes, aussi bien comme on auoit parlé des cheuaux. l'ay trouué en Pline, disoit-il, que si quelqu'un est mordu d'un Scorpion, & qu'en passant il die en l'oreille d'un asne qu'il est mordu du Scorpion, il sera incontinent guery. Car l'on tient que de toutes les bestes, il n'en y a point qui entendent mieux, comme l'Asne d'Apulee dit de luy-mesme. Aussi Cælius dit, que si vous trouuez vn Asne en vn champ qui mange les bleds, si vous luy dites à l'oreille quelques paroles enchantées, il sortira à l'heure mesme du champ, tant les Asnes sont dociles & bons.

Vn autre de la Seree soustenoit que l'Asne estoit vne beste mal-heureuse & dangereuse, parce qu'on dit que si vous tombez de dessus vn Asne, vous en sentirez plu-stost le mal, que si vous vous laissez cheoir de dessus vn grand cheual. Il y a bien plus, disoit-il encores, quand on veult faire vne grande ignominie à quelqu'un, on le mene pourmener par toute la ville sur vn Asne, estans ceux-là infames toute leur vie : l'Asne estant vn indice de moquerie : dautant qu'il semble se moquer quand il desnüë ses dents. Encores aujourd'huy, si vne femme a battu son mari, on en cheuauche l'Asne. Et y a vn peuple, qui s'appelle en Latin *Cumani*, qui ne punit la femme adultere qu'en la mettant sur vn Asne, & la pourmenant estant dessus. Et cete femme estoit

infame, & l'appelloit-on *Onobatis*, c'est à dire, celle qui a cheuaché l'Asne. Andronicus Tyran fut mis sur vn Asne par ignominie, aussi bien que Crescence Consul Romain, & que Beatrix Auguste, femme de l'Empereur Fredericus Aenobarbus, par les Milanois, qui la mirent sur vn Asne, le visage vers la queue. Et à cause que l'Asne est la beste la plus stupide de toutes les autres, il est pris pour l'ignorance, aucuns le deriuant de d & *finos*, c'est à dire, sans sens : parquoy en memoire de ceste lourde bestise, on feint que les oreilles de Midas, pour auoir mal iugé, & estre ignorant, luy deuindrent oreilles d'Asne. Les Egyptiens auoient l'Asne en si grand mespris & ignominie, qu'ils luy faisoient mille maux : & à cause de son impurité, il est consacré à Priapus. Vn Drolle voyant que personne ne prenoit le parti des Asnes, craignant qu'on pensast que ce fust le sien mesme, va dire : Si trouuons-nous que l'Asne d'Apulee auoit bon esprit, & apprenoit bien, mais qu'il ne pouuoit le dire, & que l'Asne avec son conducteur Nico, que rencontra Auguste allant à la bataille Actiaque, luy fut vn bon presage de victoire, & si les Molosses furent mis en fuite par le seul cri des Asnes. Et si vous dirai que les Asnes sont grands Astrologues : car ils nous predifent infailliblement mutation de temps, & ne faudrons, ayans tant soit peu de sympathie avec eux, de cognoistre à leurs oreilles si le temps se doit changer : car ils dressent pluost leurs oreilles lors qu'il veut pleuuoir, qu'en autre temps, à cause de leur nature melancholique : & de leur naturelle humidité : qui empesche leur ouie, & la voulans chasser, ils remuent souuent les oreilles.

Quelqu'un va repliquer à ce Drolle, que s'il n'auoit autre chose à dire de son Asne, qu'à le faire Astrologue, & à deuiner les choses à venir, qu'il luy montreroit que la vertu de deuiner ne peut estre qu'à tort attribuee aux bestes : car leur chant & le geste de leur corps, comme l'Asne dressant ses oreilles, ne denote rien à venir, mais seulement ce qui est present : assauoir vne humide influxion du ciel, que par vn instinct naturel ils sentent dans leurs corps, si tost qu'elle se concree en l'air : ce qui n'apparoist pas si clair es hommes, s'ils ne voient quelque nuee, ou autre signe, qui a accoustumé d'accompagner la pluye. l'ay pourtant veu, adioust-il, vn aueugle de nature, à qui on demanda quelle chose du monde il aimeroit mieux veoir, il respondit vn Asne : dautant, disoit-il, que ie n'entens autre chose que dire, c'est vn Asne, & quand ie suis par les rues, ie n'oy autre cas sinon, Aueugle, garde l'Asne : & chacun parlant des Asnes, il faut bien, disoit cest aueugle, que ce soit quelque grande chose qu'un Asne.

Vn de la Seree ayant veu en Cardan, ou ailleurs, les louanges de l'Asne, va dire premierement que l'Asne n'estoit point glorieux, allant la teste baissée : qu'il ne se fasche point contre celui qui le frappe, & ne regimbe point : s'il aduient que celui qui est sus lui tombe en terre, il ne rue point & ne s'en fuit, comme font les cheueux : il n'est fascheux au montoüer : encor qu'il soit deslié, il ne bouge : il est patient, & ne se courrouce, aussi les Naturalistes escriuent qu'il n'a point de fiel, & pour signe de patience, il porte sur les espaules le signe

de la croix : il n'a son pareil en grauité, cheminant pas à pas : il cognoist la voix de son maistre, aussi bien que le chien : l'Asne aussi a bonne memoire, recognoissant le chemin où il a passé : il boit aussi sagement qu'une nouvelle espousee : il entend le changement de l'air comme bon Astrologue, seruant d'horologe, & demonstrent les heures par son brailler. A ceste cause, adioustoit-il, ne se faut esmerueiller de ce que dit M. Varro, qu'un Asne à Rome fut vendu soixante sesterces, lesquels, selon Budee, se montent à mille cinq cents escus, & quatre Asnes furent vendus quatre cents mille sesterces. Ce qui est confirmé par Pline, qui escrit qu'en Celtiberie (pays d'Espagne, qui s'appelle aujourdhuy Arragon) une Asnesse fut vendue quarante mille sesterces, qui valent cent mille liures d'argent, seulement pour engendrer mules. Le lait d'Asnesse estant beu, sert contre les venins, à la phthisie, à la goutte, selon Pline, & à la dysenterie, estant meslé avec la pouldre faicte de la corne de son pied. Le foye de l'Asne, comme dit Dioscoride, estant mangé à ieun profite au mal caduc : ce que fait pareillement la corne de son pied broyée & beüe : sa fiente aussi meslée avec vin-aigre restreignant le flux de sang.

Puis le lait d'une Asnesse est souverain pour les tabides, gouteux, & enuenimez, comme aussi pour rendre net, blanchir & polir le teint aux femmes, comme nous lisons que Poppea, femme de Neron, en faisoit des bains pour auoir le teint plus beau, & la charnure plus polie & blanche. Il y a des venins qui ne peuuent estre contenus en aucun vaisseau, qu'en la corne du pied d'un

Afne. Albert dit auoir effayé, que celui qui fera semeler les fouliers du cuir sur lequel l'Afne aura long temps porté la charge, il ne se consummera point. Et si trouuons par escrit, que les faiseurs de flutes anciennement reiettoient les os des cerfs & biches, & choissoient ceux des Afnes, & disoient que le son en estoit bien meilleur.

Ceux de la Serée, pensans estre hors de toute asnerie, furent esbahis que celui qui en auoit tant dict de bien & louange, recommença de plus belle à nous dire, qu'on ne trouuoit escrit que aucun des autres animaux ait eu ceste faueur de parler, & de porter nostre Seigneur, fuyant en Egypte, estre à sa naissance, & le porter le iour des Palmes. Il adioustoit que les Prophetes & tous les Saints, n'auoient point monté que sur des Afnes : comme nous lisons qu'Abraham equippa son Afne pour aller à la montagne faire sacrifice d'Isaac son fils : & que Moyse auoit mis sa femme, & ses enfans sur l'Afne, pour aller en Egypte. Aussi que la fille de Caleb, allant à son pere, s'y achemina sur vn Afne. Quand Saül, disoit-il, fut oint Roy par Samuel, il estoit allé chercher les Afnesses de son pere. Abigail s'en allant appaiser l'ire de son pere, s'y achemina sur vn Afne. Siba dit au Roi Daud, ayant conduit deux Afnes chargez de pain, de vin, & fruiçts, les Afnes font domestiquez & priez, à fin que ie vous suiue deffus. Les grands Seigneurs, adioustoit-il encores, aussi bien que les Prophetes, cheuauchèrent les Afnes, comme on lit de Misibofeth, fils du Roy Saül, qui commanda de luy apprestier l'Afne. La Sunamite, riche femme, s'en alla sur l'Afne trouuer le

prophete Elisee. Les trente enfans de lair Galaadite, luge d'Israël, & Abdon, ayant bien quarante nepueux, cheuschoient des Asnes. Et pour la fin, disoit-il, il est faicte speciale mention de l'Asne aux commandemens de la Loy.

Il ne sçay, va repliquer vn autre, si Lucian-dit vray, quand il dit que l'Asne ne sçait nager. Reuenans des Asnes aux cheuaux, comme dit le prouerbe, quelqu'un commença à parler ainsi. Il louë grandement les Anciens, qui estimoient vn larcin, & en donnoient action contre celuy qui auoit vsé d'un cheual, ou autre beste, à autre vsage qu'à celuy qu'on l'auoit prins : mesmes Brutus condamnoit celuy de larcin, qui eust mené vne beste outre le lieu qu'on auoit accordé, & luy auoit faict faire plus de chemin que de l'ordinaire. Et vrayement, adiousta-il, il y a des personnes qui sont pires que les bourreaux : car si vous leur prestez ou louëz vn cheual, c'est grand'pitié des excez & des iournees qu'ils font faire à vne pauvre beste, qui ne se peut plaindre : & regardez y bien, vous trouuerrez tous ceux qui n'ont nulle pitié des bestes, & qui les traictent si mal, n'estre pas plus pitoyables ne meilleurs enuers les hommes. Et quand i'en serois creu, & que le tort qu'on auroit faict à vne pauvre beste seroit prouué, ceux qui l'auroient faict en seroient punis, aussi bien que Sforce duc de Milan fit punir ceux qui desrobboient l'orge & l'auoine qu'on deuoit donner aux cheuaux.

Il me souuient, va dire Franc-à-tripe, d'un mien voisin, à qui ie dis que mon cheual estoit bien las : lequel me demanda s'il estoit venu à pied. Ainsi qu'on

rioit de ceste folie, quelqu'un commença à dire qu'il ne sçauoit pourquoy les Egyptiens abhorroient le cheual, animal tant genereux, vtile & familier : qu'en leurs lettres hieroglyphiques, & figures sacrees, il signifioit l'homme profane, & vn temps fut, que les prestres ne l'eussent osé toucher, veu que les Perles ont tant estimé le cheual, que leur Royaume fut donné à celui de qui le cheual hanniroit le premier, qui fut à Darius, par la finesse de son palefrenier. Il luy fut respondu, que cela procedoit de l'accoustumee superstition des prestres Egyptiens, parce que le fiel du cheual est veneneux : ou bien c'est pour monstres que le prestre ne se doit iamais absenter : ou bien affin qu'on entende que le prestre ne doit aller & suiure la guerre. Puis fut adiousté, que Modestinus faisoit si grand cas des cheuaux, qu'il manda à son maistre Vipian estant pré-consul en Dalmace, quelle action il y auroit contre celui qui auoit fait saillir sa iument à vn cheual d'autrui.

Il faut que ie vous die, va dire vn de la Serée rustique, de la generosité & bonté d'un cheual, qui alloit sans piquer, & amena son maistre tout mort iusques dans vne hostellerie, loing d'une demie iournee. Et affin que n'en doubtiez, Poge dit auoir veu vn cheual, qui entra en Constance, durant qu'on y tenoit le Concile, ayant sur luy vn homme mort de froid, lequel estoit aussi droict que s'il eust esté viuant : & ce cheual ayant accoustumé de loger en vne certaine hostellerie, le conduit iusques au dedans : où l'on apperceut que son maistre, qui estoit dessus, estoit tout

roide mort, par la force du froid. Il fut encores adiousté, qu'à les cheuaux qu'on tient à l'estable sans rien faire se gassent les pieds : à quoy on remedie, si on met de l'ache parmy leur fourrage.

Sur la fin de la Seree, aucuns se souuenans de la frayeur qu'ils auoient eue de la cheute d'un de leurs cheuaux, se mettent à discourir des piteux euenemens aduenus par le chopement, par la cheute, & peur des cheuaux, ou par leur retiueté & opiniaistreté : apres auoir dict qu'entre tous les cheuaux on estime les cheuaux Turcs de Natolie, les Tartares de Scythie, les Frisons d'Allemagne, les courriers de Naples, les courtaux de France, les genets d'Espagne, les barbes de Numidie, les haquenees d'Angleterre. Que s'il se void de ces cheuaux aux haras des gentils-hommes, vous sçauiez si on est curieux de leur faire couvrir leurs iumens : mesmes les villageois pour auoir de bons & beaux poulains, taschent à faire couvrir leurs caualles à des cheuaux genereux. Et pource que nous voulons entrer en des contes tragiques, ie vous diray qu'un homme de village pria bien fort vne Damoiselle, laquelle auoit un bon cheual, de luy prester pour emplir sa iument, luy disant, Mademoiselle, faites-moy ce bien, que vostre cheual donne deux ou trois venuees à ma caualle, il n'en fera pas pire, & ie vous en rendray autant quand il vous plaira.

Le premier conte tragique fut du fils de Louys le Gros, lequel porté en bas par son cheual, ayant peur d'une truie, aux faux-bours de Paris, mourut de la cheute. Un autre fut de Louys de Bauiere, Empereur,



qui tombant de cheual à la chasse d'un Ours, se tua. Le tiers euenement se conta de Pribislaus, qui à son retour de la guerre de Hierusalem publia vn tournoy, & en courant la lance, son cheual va faillir des quatre pieds, tellement que ce pauvre Roy fut tout froissé. Puis on adjousta que Casimirus second Roy de Pologne, pourfuiuant vn Cerf à force d'esperons, en vn lieu raboteux, par le chopement de son cheual, se rompit & bras & iambes, dont il mourut. Fulgo Roy de Hierusalem estant à la chasse, comme il pourfuiuoit vn lieure, son cheual cheut si lourdement par terre, qu'il rompit le col à son maistre. Thomas Triuet, grand Seigneur Anglois, du temps du Roy Charles sixiesme, fut trainé par vn cheual farouche, & emporté mal-gré luy, & renuerfé par terre fit rompre le col à ce Milourt. Iean premier Roy de Castille, tombant de dessus son cheual, se trouua mort. Alexandre le tiers, Roy d'Escoffe, en courant, son cheual & luy tomberent de si grande roideur, qu'il se cassa le col. Iean premier, Roy de Catalongne, se tua par la cheute d'un cheual. On n'oublia pas Foulques, Comte d'Anjou, lequel estant en la Terre sainte, & assiegeant vne ville, se print à courir vn lieure, dont la cheute de son cheual luy auança ses iours.

Ayant acheué les mal-heurs des cheuaux & de la chasse, vn de la Seree va dire : En cecy nous voyons que ce que les grands Seigneurs aiment le mieux, à sçauoir les cheuaux & la chasse, leur a esté souuent dommageable : faisant veritable le prouerbe qui dit, Qu'un cheual courant porte avec foy le sepulchre tout ouuert à son maistre. Et fut dict, que les cheuaux auoient esté aussi

bien cause de la mort des femmes que des hommes. Et pour exemple, on amena Marie, fille de Charles de Bourgogne, femme de Maximilian premier, Empereur, laquelle estant grosse d'enfant, & ne pouuant moderer son cheual, qui vouloit courir avec les autres cheuaux, tombant à la renuerse, apres estre auortee, mourut de la cheute. De nostre temps, Loys Borgia, Cardinal & neveu d'Alexandre sixiesme, faisant voltiger vn courfier de Naples, le cheual le precipita en terre si rudement, qu'il en mourut : comme aussi fit le Duc de Beau-preau, Prince de France, fils vnique de monsieur de la Roche-sur-yon, en iouant vn ieu qui se fait à cheual, par le chopement de sa monture mua sa vie en la mort. Quelqu'un va dire, qu'il ne s'esmerueilloit point des cheutes qui arriuent à ceux qui courent la poste, qui vont à la chasse, qui courent la lance, veu que sans courir & allant le pas, vn cheual peut en beau chemin tomber : & que bien souuent aussi en la guerre les cheuaux causent la mort à leurs maistres, ou pour estre retifs, ou pour auoir peur, ou pour ne les pouuoir retenir, ou pour broncher. Et pour cela notamment les Anglois en toutes les iournees assignees se mettoient à pied, pour ne se fier à autre chose, qu'à leur force propre, de chose si chere que la vie : & comme dit de Montagne, bataillant à cheual vous engagez vostre valeur & vostre fortune à celle de vostre cheual, ses playes & sa mort tirent la vostre en consequence : & aussi se mettoient à pied pour oster toute occasion aux soldats de fuir. Et croy, disoit-il, que c'est la seule cause pourquoy les Suysses n'ont fait iamais la guerre

qu'à pied, au contraire de plusieurs autres nations, qui la font plus à cheual qu'à pied, & trouuent maniere de dompter, & mesmes sans bride ne selle, les plus furieux cheuaux. Iouio dit, adiousta-il, que Ismael Sophy fit vne chasse aux cheuaux sauuages, qui estoient en Perse, qu'il dompta, & s'en seruoit à la guerre, & estoient de si grand seruice, qu'on les eust menez deux iours sans estre lassez. Les autres disent que les iumens de Glau-cus & les cheuaux de Diomede, Roy de Thrace, qui estoient nourris de chair humaine, deuoient estre de ces cheuaux sauuages dont le Sophy faisoit la chasse : ce que ie croy, disoit-il, parce que ie ne pense point que nos cheuaux, qui aiment leurs maistres, & les recognoissent, les voulussent manger, comme on dit que Diomede fut mangé par ses cheuaux mesmes : & aussi ie ne croy pas qu'on puisse accoustumer les cheuaux à se paistre de chair humaine : combien qu'il y a vn peuple, qui s'appelle à ceste cause *Hippophagi*, qui vse de la chair des cheuaux, comme nous faisons de bœuf & de mouton. Quelqu'un va dire, qu'en ce país on ne mangeoit point les cheuaux, mais qu'il y en auoit qui les defrobboient d'une estrange façon : les autres ne les veulent defrobber, mais si vous courez vn office, rendront & vostre cheual, & ceux de poste, inutiles & comme morts. Estant prié de reciter par quel moyen cela se pouuoit faire, va dire qu'il y auoit des hostes, lesquels voyans vn beau cheual en leurs estables, messeront parmy leur foing d'une certaine herbe, que les cheuaux aiment naturellement. Et peu apres que le cheual en a mangé, il tombe comme mort par terre, sans grouiller

ne respirer aucunement : si bien que les medecins de cheuaux, & le maistre, le laisseront là pour mort. Ceste herbe ayant fait son operation, & sa vertu finie, le cheual reuiendra comme au parauant. Celuy qui iouera ce mystere, ne le fera pas escorcher, comme fit vn passant, à qui on vouloit faire vn tel tour : car estimant que son cheual fut mort, ne voulant tout perdre, le fait deferrer, & escorcher. De là à quelque temps, l'herbe qu'il auoit mangée, n'ayant plus de force, le cheual se leue, & commence à marcher, tout escorché qu'il estoit : ce que ceux qui l'auoient veu mort prissent à grand prodige. Et ne doubteray plus, adiouta-il, des Sorcieres de monsieur Bodin, qui avec leurs greffes, sont long temps mortes & sans sentiment aucun. Puis va dire, le vous prie ne me presser de vous reciter quelle herbe c'est dont vsent ces malheureux, car vous feriez cause de grand mal : mais ie vous diray bien le remede à cela : c'est que si vous vous trouuez en ceste peine, il ne faut que frotter les genitoires du cheual avec vin-aigre, car incontinent il se reuiendra.

Matthiole à ce propos, adiouta vn de la Seree, dit que si les Asnes mangent de la ciguë, on les prendra pour morts : ce qui trompa le maistre de l'Asne, qui se leua tout debout ainsi qu'on l'escorchoit. Sur la fin de ceste Seree il fut remarqué, que tout ce iour-là on n'auoit rien serui sur table qui ne fut prouenu de la maison où nous estions : Horace louant la table sur laquelle il n'y a rien qui ait esté achepté. A ceste cause les anciens, qui ne mangeoient que ce qui croissoit principalement en leurs iardins, & en leurs champs, &

en leurs maisons rustiques, blasmoient le pere de famille qui acheptoit quelque chose, laquelle il pouuoit auoir en sa maison, & en son labourage. Ceste sentence fut fort approuuee de la compagnie : laquelle encores qu'elle aimast à dire apres souper le mot pour rire, viuoit neantmoins en toute frugalité, qui estoit cause de faire durer plus long temps nos assemblees, dont ceste derniere print icy fin.





## DOVZIESME SEREE.

### *Des Babillards & des Causeurs.*

**E**N ceste Seree, il se trouua quelqu'un, qui parloit si hault, que nous pensions tous auoir la Deesse Echo en nos oreilles, nous faschant autant, que l'Echo est nuisant aux mouches à miel : & ne semblans pas les cheuaux de trompettes, qui ne s'estonnent point pour le bruit, il nous eslourdiffoit : & avec cela estoit si grand babillard, que durant le souper il nous auoit si fort rompu la teste, que nous fumes quasi contrainds de nous leuer de table : car en vn banquet on n'est point forcé d'endurer d'un homme fascheux, comme on est en vn nauire. Estant ce jazard encores pis que l'Echo : car si vous ne parlez point, il ne dit mot, si vous le prouquez, il respond, mais cestuy-cy parloit tousiours encores qu'on ne parlaist point. Que si i'eusse eu la queue d'un chameleon, aromatizee de cedre & de myrrhe, liee à vne verge fourchue de palmier, i'en eusse frappé ce babillard, ayant vertu de faire taire ceux qu'on en touche, ce dit Plin. Or pour faire taire

ce bauard, vn chacun se taifoit, à fin de ne luy bailler point occasion de parler, ou bien nostre propos ne s'adressoit iamais à luy, & quand il parloit, on ne luy respondoit point : & mettions en auant des discours où il n'entendoit rien, pensant que lors il se tairoit : d'autant qu'il ne faut iamais parler qu'en deux temps, le premier, quand il est necessaire de parler, ou qu'on parle à nous, l'autre, quand on parle des choses que cognoissons & sçauons asseurément. Que si quelqu'un parle d'une chose qu'il n'entend point, il tombera en l'erreur d'Alexandre le grand, lequel discourant de la peinture en la maison d'Apellés, & disant plusieurs choses hors de propos, & contraires à l'art, le sage peintre luy dit à l'oreille, qu'il cessast son discours, ou qu'il parlast plus bas, parce que les garçons de la boutique se mocqueroient de luy. Et de vray, c'est vne grand'folie, à qui que ce soit, se penser maistre sans iamais auoir esté apprentif. Alexandre, comme il estoit homme d'esprit, cognoissant sa faulte, ne parla plus de ce où il n'entendoit rien : mais nostre causeur encores qu'on luy eust dit cinq ou six fois, *Ne futor ultra credam*, ne laissoit à bauarder : tellement que nous fusmes en deliberation de le laisser là tout seul : car il n'y a si fol, ne si grand babillard, qui estant seul ne se taife. Toutesfois de peur de fascher nostre hôte, & aussi que c'estoit durant le souper, où estions empeschés ailleurs, nous aduisâmes de le laisser parler tant qu'il voudroit, les banquetans ne deuant estre ni trop grands jaseurs & parleurs, ni trop muets aussi : & qu'après le souper nous parlerions si bien des babillards, que si

ce causeur n'estoit du tout sans iugement, il cognoistroit sa faulte, & possible qu'il iroit à l'eschole de Pythagore. D'entree le maistre de la maison en se riant disoit qu'il n'aimoit point, principalement à sa table, les babillards, pourautant, disoit-il, que le silence n'altère point, comme fait le babil & le parler : & aussi que ceux qui parlent beaucoup sont chauds, & ainsi boient davantage, & ceux qui se taisent sont froids de cerueau, & ainsi ne sont gueres alterez. A qui il fut repliqué, qu'il deuoit plustost souhaiter à sa table des babillards que d'autres, si la Loy des Lacedemoniens estoit gardee : qui ne donnoit point de vin à celui qui parloit, de forte que pour en boire il falloit garder silence : & que ceste Loy seroit fort à propos en ce temps, où les festins & banquets sont si pleins de bruit qu'on ne s'entend point l'un l'autre : bien contraires aux conuiuies que faisoient les Aeginetes en l'honneur de Neptune, où dix ou douze iours en banquetant ils gardoient si grand silence qu'on les appella *Monophagi*, c'est à dire, viuans solitairement, comme on m'a fait à croire. Vn autre, à fin de faire taire nostre bauard, mit en auant ce que nous apprend Zenon, que ne dire mot à table estoit vne grande sagesse : comme il fit entendre à vn Ambassadeur, qui luy demanda, voiant qu'il ne disoit rien en soupant, Que rapporteray-ie au Roy de toy ? Rapporte luy, va-il respondre, que Zenon estant vieil se taisoit bien à la table. A mesme fin quelqu'un accompara les babillards & grands parleurs, que Platon appelle larrons du temps, aux flustes : que si vous en otez la langue, tout le reste sera inutile, & ne seruira



à rien. Et fut dit que mesmes és choses bonnes on pouuoit trop dire : & qu'Alexandridas reprocha iustement à celuy qui tenoit aux Ephores de bons propos, mais trop longs : Tu dis ce qu'il faut, autrement qu'il ne faut. Et fut adiousté, que le monde n'estoit que babil, & qu'on ne vid iamais homme qui ne die plus tost trop, que moins qu'il ne doit : & iamais parole proferee ne seruit tant, comme plusieurs teuës ont profité : car tousiours pouuons-nous bien dire ce qu'auons teu, & non pas taire ce qu'auons publié. Et Menandre aimoit tant le silence, & haïssoit le babil, qu'il disoit qu'il se falloit taire, ou dire quelque chose meilleur que le silence. Et pource que n'auions point de rencontres & exemples modernes, pour faire cesser nostre mouueur, nous fumes contraints nous seruir de l'antiquité.

Parquoy vn de la Seree nous va conter, qu'il y auoit en Macedoine vn barbier, grand babillard, qui demanda à Archelaüs Roy de Macedoine (pource que tous ne se faisoient pas tondre de mesme forte) comment voulez-vous que ie vous tonde, Sire ? Le Roy luy respond, Sans dire mot. Vn autre voulant reciter les maux qui viennent de trop parler, ou dire quelque chose hors propos, que les Latins appellent, *non opportunè dictum*, va parler ainsi. Vous sçauiez que comme les gens sçauans & doctes se trouuent souuent chez les Imprimeurs & Libraires, qu'aussi la populace s'assemble en la boutique des barbiers. Il arriua du temps de Dionysius le Tyran, que quelqu'un va dire en la boutique d'un barbier, que sa tyrannie estoit bien asseuree;

mais que le maistre de la boutique ne se put tenir de dire, le m'esbahis comment vous dites cela : veu que ie passe souuent le rasoir sur sa gorge. Ce n'estoit point, disoit-il, que ce barbier voulust couper la gorge à Dionysius, ne que le Tyran pensast qu'il le voulust faire, qui fit mourir ce barbier, mais ce fut son seul babil. Que seruit à Antiphon, adioustâ-il, voyant qu'on estoit en dispute lequel estoit le meilleur cuiure, de dire que c'estoit celuy dont les Atheniens auoient faict des statues à Harmodius & à Aristogiton, pour auoir tué le Tyran Pisistratus? La ville d'Athenes fut prinse par Sylla; estant aduertie par son espion du babil de quelques vieillards, lesquels deuifans en la boutique d'un barbier, auoient parlé de l'endroit de la ville le plus foible, & mal gardé. Un seul homme, adioustoit-il, engarda par son trop parler, que Rome ne fut deliuree de la tyrannie de Neron : car cest homme icy voyant un des prisonniers de ce Tyran se desconforter, il ne put se contenir de luy dire, Prie Dieu qu'il te garde seulement iusques à demain. Fulue fut repris par sa femme, de ce qu'il n'auoit sceu cognoistre par le long de temps qu'ils auoient vescu ensemble, sa legere complexion; ou l'ayant cogneuë, s'estoit fié en elle de ce que luy auoit communiqué l'Empereur Octauius. Nous apprenons à la verité, repliqua quelqu'un, des hommes à parler, & des Dieux à nous taire. Et croy que c'est la seule & vraye raison pour laquelle les Pythagoriens ne mangeoient iamais de poisson : leur portant ceste reuerence, à cause de leur silence, & qu'ils sont muets. A ceste cause on mit sur l'image de Pythagore ce quatrain :

*Le peintre eut peint Pythagoras  
Disant quelque parole infigne:  
Mais Pythagore luy fit signe  
Que luy-mesme ne parloit pas.*

Et pour monstrier qu'il est bien difficile de refrener nostre langue, adioustoit-il, Anacharsis à vn conuiue de Solon estoit situé à table de sorte qu'il sembloit de la main gauche comprimee refrener les parties honteuses, & de la droite la bouche : pour nous bailler à entendre qu'il faut vn frein plus fort à la langue. Qu'il soit vray, quand Aristote fut enquis de la chose qui luy sembloit plus difficile, il respondit que c'estoit le taire : l'Egyptien à ceste cause ayant le secret en telle reuerence, qu'il l'adore comme vn Dieu, le depeignant le doigt en la bouche. Et ie ne sçay où i'ay veu ces quatre vers :

*Qui veut viure au monde aujourd'huy,  
Et sagement son profit faire,  
Il doit auoir trois cas en luy,  
Tout veoir, tout ouyr, & se taire.*

Il nasquit, disoit-il, ie ne sçay en quel temps, vn Philosophes parlant peu, qui nasquit ayant les deux doigts si fort attachez à la bouche, qu'il fallut les couper & desloindre. Ce que nous auons deux yeux, adiousta-il encores, & deux oreilles, & n'auons qu'une langue, & que les enfans voyent & entendent premier que de parler, tout cela ne demonstre-il pas qu'il nous faut ouyr & veoir beaucoup plus que de parler? Zenon

estant interrogué combien il y auoit d'espace du vray au faux, respondit, autant qu'il y a de la bouche aux oreilles. Si est-ce, repliqua quelqu'un, que la seule langue es plus aagez ressent moins de foiblesse & diminution de ses actions que les autres parties, & si ne s'vse ni lasse en ses actions, encores que les autres parties par vieillesse, deuiennent foibles & lasches, les fonctions d'icelles parties deperissantes, perissant le corps. Que si la langue n'eust esté à l'homme aussi necessaire que l'ouïr & le veoir, elle se fut perie & amoindrie avec l'aage, comme font les autres parties de nostre corps, qui s'affoiblissent plus avec l'aage, sans comparaison, que le parler. Quelqu'un lors recita ce qui estoit aduenue de nostre temps pour auoir trop parlé. C'est qu'un gladiateur & maistre d'espee apprint si bien à escrimer & combattre à un sien disciple, grand babillard & vanteur, qu'il eschappa à son escholier de dire qu'il en sçauoit plus que son maistre, & que pour le monstrier il ne demandoit autre chose que venir aux mains contre ce maistre. Son maistre pour sauuer son honneur & reputation, & pour le punir de son ingratitude & gloire, & de son trop parler, l'appelle au combat, luy voulant soustenir par les armes qu'il s'estoit vanté d'en sçauoir plus que luy. Mais le disciple ne s'en pouuant desdire, combien qu'il le niasst, il fut arresté que le maistre & le disciple combatroient en certain lieu : où tout le peuple estant assemblé, le maistre s'y trouua le premier, qui s'aduise d'un stratageme, & d'une ruse (car à la verité ce disciple estoit bon escrimeur & bon soldat) c'est que voyant venir son

grand babillard au combat, il luy va dire, le n'ay pas entrepris de combatre contre toy & ton compaignon que tu as amené. Cependant que son disciple regarde derriere luy, pour veoir si quelqu'un le suiuiot, son maistre s'auançant, luy coupe la teste, en disant, Pour le moins ie ne t'auois pas apprins ce tour-là : tu ne sçauois pas donc tant que moy. Et là fut cogneu que les maistres ont tousiours quelque chose plus que les escholiers : & que là où les ans ostent la vigueur aux hommes vieux & grifons, ils leur donnent neantmoins si grande prudence, qu'ils peuuent par icelle surmonter la force des robustes & ieunes hommes. Ce conte acheué, aucuns blasmoient l'ingratitude du disciple, les autres disoient que si ce maistre estoit si expert, & qu'il en sceust plus que ce disciple, il ne deuoit pas y proceder par finesse, mais ouuertement, attendu que son maistre disoit, que ce n'estoit que babil de tout le cas de son disciple, ces grands vanteurs & babillards en disans tousiours plus qu'ils n'en font : car, disoient-ils, où il y a moins de cœur, il y a plus de caquet & de babil, comme on veoid par les femmes, qui estans trois, peuuent faire vne foire. Mais ie vous prie, va dire vn autre, celui-là n'estoit-il pas grand babillard, qui voyant vn homme en l'eau, prest à se noyer, s'amusoit à luy demander, comment il estoit tombé, & cependant ne luy aidoit à se sauuer? Quelqu'un demanda d'où venoit ce mot de babil : à qui il fut respondu, qu'on tenoit ce mot du nom qui fut donné à la tour de Babylone, ainsi nommée de l'ignorance des langues, & de la confusion de parler, & qu'appellons babiller,

quand on ne sçait qu'on dit, quand ce qu'on dit ne sert à rien, & qu'on ne s'entend point.

Vn autre pria ceux de la Seree de luy dire pourquoy on dit que les babillards, & ceux qui ne peuvent se taire, ont la langue grande. Et aussi que les oiseaux qui parlent ont la langue plus large que les autres. Il se contenta quand on luy eust dit, que c'estoit à cause que ceux qui ont la langue courte, & ceux qui ne peuvent pousser la langue bien avant hors la bouche, ne peuvent parler, ou parlent difficilement : à cause d'un ligament nerveux qui retient la langue, quand il est plus court qu'il ne doit : & faut couper ceste attache nerveuse, disent vulgairement le filet : & de là vient que quand vn homme parle beaucoup, on dit, Il n'a point le filet en la langue. Et que le Crocodil estoit aux Egyptiens pour hieroglyphe de silence, à cause qu'il n'a point de langue. Sçavez-vous pas qui me fâche, repliqua vn de la Seree, qui ne parloit qu'à tasts, c'est quand vn homme veut tousiours parler, veut dire tout, & n'escoute rien : & n'est sans propos que quelques vns ont tenu pour vne espece de tyrannie parler tousiours, & ne vouloir entendre les autres quand ils parlent. Il me fâche bien encores plus, repliqua vn autre, principalement en mangeant, quand ie veoy que les assistans parlent tous ensemble, que quand vn seul parle, encores qu'il parle tousiours : car on est lors forcé pour ne se monstrier trop particulier, de regarder ores l'un, ores l'autre, & faire semblant par signe de les ouyr tous. Et m'esbahis, entre amis, quand l'un parle que l'autre ne luy cede, le laissant parler : car si

c'est vne chose honeste, adioust-il, & ioieuse entre amis de parler l'un avec l'autre, de tant plus on doit ceder la parole aux amis, deux pouuans bien chanter ensemble ; mais non pas parler. Mais i'ay peur, va repliquer quelque autre, qu'en me taisant on m'accuse d'ignorance. C'est tout le contraire, luy fut-il respondu, car le propre d'un ignorant est ne sçauoir se taire : si bien que nous voyons en toutes compagnies ceux-là parler, crier, & contester le plus, qui sçauent le moins : aussi dit-on que la plus meschante rouë du chariot, est celle qui mene le plus grand bruit. N'est-il pas escript, adioust-il, és Prouerbes, *Vbi verba sunt plurima, ibi frequenter egestus* ? Vous asseurant qu'on ne sçauroit arguer vn homme d'ignorance pour se taire, & encores moins le peut-on accuser de folie, car vn fol ne se peut taire. Aussi que c'est, adioustoit-il, vn trait de sagesse, de pouoir couvrir sa folie & sottise sous silence, & vn grand sçauoir, de cacher son ignorance en se taisant : car assez sçait celuy qui sçait se taire : & n'apparoist-on moins sçauant en se taisant qu'en parlant : le fol ressemblant au sage lors qu'il se tait.

On dit, poursuiuoit-il, que iamais homme ne sceut tant qu'Epaminondas, & que iamais homme ne parla moins : tout au contraire de la plus-part, qui parle le plus & le plus haut tant moins elle en sçait : comme fait le vaisseau vuide, qui a plus de son que le plein : mais si on y met quelque liqueur, dit Plutarque, à mesure qu'elle y entre, l'air vain en fort, & lors le vaisseau n'a pas le son si haut. Et comme dit le seigneur de Montagne, il aduient aux sçauans comme és escips

de bled, qui vont s'esleuans & se hauffans la teste droicte & fiere, tant qu'ils sont vuides : mais quand ils sont pleins & grossis de grain en leur maturité, ils commencent à s'humilier & baïsser les cornes. Et comment est-ce, disoit-il, que ceux qui parlent tousiours pourroient sçauoir quelque chose, veu qu'ils n'entendent point parler les autres, & parlans tousiours, comment apprendront-ils des autres ?

Vn de la Serée prenant la parole, va dire luy souuenir auoir leu de deux architectes, qui estoient deuant vn grand Seigneur pour luy deuïser & faire vn superbe bastiment : dont l'vn parloit tousiours, & se vantant, disoit à ce Seigneur, le feray cecy, ie feray cela : tellement que s'il eust peu faire ce qu'il disoit & promettoit, c'eust esté vn habile homme en son art : l'autre architecte au contraire, l'oyant ainsi babiller & se vanter, ne disoit rien. Le Seigneur voyant que cestuy-cy ne parloit point, luy demande, Et vous que sçauiez-vous faire ? Lequel va respondre, le feray tout ce que l'autre a di&. Voulant dire que ce babillard d'architecte n'eust sceu faire ce qu'il disoit, & que luy, sans tant se vanter, le pouuoit faire. Vrayment, fut-il repliqué, ie louë grandement la brefueté Laconienne de ce maistre maïsson, & blasme le long parler de l'autre : la brefueté approchant du silence, & se taire estant vn grand bien. Que si le long parler, adioustâ-il, n'est bien-seant à vn artisan, regardez que ce sera des plus sçauans de ce temps, qui sont grandement tachez de ce vice ? Lesquels prennent leur course de si loing, qu'on ne les void point reuenir, & s'ils reuiennent, sont desia si las, que mal-aïsement



ils franchissent le fault, & si ennuyent tant ceux qui les escoutent, encores qu'ils disent le mieux du monde, qu'on ne prend pas garde à ce qu'ils disent : & cela procede de ne sçauoir pas que la mesure de parler consiste à ceux à qui on parle, & non à ceux qui parlent : & que ceux qui veulent auoir beaucoup d'auditeurs, tout le monde les fuit. Que si ces longs parleurs se faschoient autant de parler, que les auditeurs s'ennuyent d'escouter, ils ne feroient leurs oraifons si longues, & abbreuieroient leur *Quanquam* : car comme on commence à parler avec raifon, il faut auffi finir à parler avec iugement & discretion. Ne sçauiez-vous pas, disoit-il, qu'on ne loüe pas vn iotieur de violon, de luth, ni vn chantre, pour auoir longuement ioué & chanté, mais bien ? Auffi ne faut-il pas estimer vn homme pour auoir long temps parlé, mais bien. Ne dit pas Ciceron, Nostre parole soit douce, & non point opiniaïstre : & quand nous ferons des discours, qu'ils ne soient point si longs qu'ils empeschent les autres de parler : car entre autres choses le parler doit estre esgal ? Si est-ce que le mesme Ciceron, luy fut-il repliqué, dit à celuy qui luy demanda laquelle des oraifons de Demosthene estoit la meilleure, que c'estoit la plus longue. Si est-ce auffi, luy va dire celuy qui parloit auant luy, qu'en si grand langage il est bien difficile qu'on ne mente, tant le long parler & le mentir s'entrefuiuent : Nigidus disant, selon le recit d'Aulugelle, qu'un homme de bien ne mentira iamais, & que l'homme sage ne dira iamais mensonge : verité ne se pouuant dire qu'en vne sorte, mais mensonge en plusieurs sortes.

Et d'autant que le François, adiousta-il, est grand babillard, il a esté blasmé aussi par Saluianus Maffiliensis, qui estoit du temps de Valentinian Empereur, d'estre grand menteur : si bien que i'ay veu quand vn François vouloit parler, on le dementoit : & s'il disoit, le n'ay encorés rien dit ; on luy respondoit, De ce que tu diras par cy apres. Et aussi, adioustoit-il, avec le mentir des grands parleurs, ils font le plus souuent mesdifans, & ne sçauent faire autre office és compagnies où ils se trouuent, que d'y seruir de tesmoings de ce qui s'est fait ou dit, ou plus tost, à la maniere d'un Echo, rapporter tousiours les paroles d'autrui. Et ce font, va repliquer quelqu'un, à ces grands babillards & menteurs, à qui ie voudrois plustost dire tout mon secret, & declarer toutes mes affaires, d'autant qu'ils ne seront point creus en les rapportant. Retournans aux orateurs & harangueurs, il fut dit que la plus grand'peine qu'ils doiuent prendre, c'est de retrencher quelque chose de ce qu'ils ont à dire : car en beaucoup de langage, outre les choses superflues, fottes & ennuyantes, il y a tousiours quelque mensonge ou absurdité, comme il arriua à vn grand parleur & vanteur, qui se vantoit par tout d'estre seul & premier en son art. Et si fut dit, que ces longues harangues, tant bien agencees, polies & pleines de toutes fleurs, semblent aux toiles des araignes, qui ont beaucoup d'artifice, toutesfois sans vtilité ne profit. Plus, on adiousta que les anciens ont trouué la taciturnité de si grand prix, & chose si excellente, qu'ils daignerent bien eriger vne statue sans langue, de la main d'Iphicrate, à Leæna, combien que ce fust vne cour-

tifane. Que Hyppocrate avec serment contrainct les Medecins à taciturnité. Que les doctes Egyptiens adorerent le Dieu de silence, sa statue tenant le doigt en la bouche : encores que chacun peut se taire quand il veut, mais il ne peut pas dire tousiours ce qu'il veut. Que les Atheniens bien aduisez portoient en leurs armoiries la Chouëtte, parce qu'elle parle peu, & va & voit la nuit qu'on ne parle point. Que le babillard est pire que l'yurongne : car l'yure parle follement à table, & le babillard par tout. Qu'il auoit leu quelque part, que la Deesse Egerona se fermoit la bouche d'une clef, estant ainsi peinte à Romme. Que le taire est une grande vertu, comme le monstre Minerue, chassant loin de soy la corneille, qui est un oiseau lequel ne fait que iazer & caqueter : que si la statue de Minerue, adree par les Messeniens, tenoit une corneille en sa main, c'estoit pour signifier que la parole doit estre en la main de l'homme sage, en sorte qu'il la puisse retenir, allonger & abreger selon qu'il verra bon, & que l'occasion se presentera. Que l'arondelle babillarde est le hieroglyphique des iazeurs, qui ne font que caqueter : personnes qu'il faut fuir, ce dit Pythagore. Que les anciens sur le soir presentoient à leurs Dieux des langues en leurs sacrifices, à fin de leur estre aidans à garder silence. Celuy qui auoit parlé de Minerue, voyant que tous ceux de la Seree attendoient qu'il se deust mettre sur le babil des femmes, leur va dire, Messieurs ne pensez pas que j'entreprene à blasmer le babil des femmes, & à vous en faire des contes : car ie ferois plus grand babillard qu'elles, si ie voulois traicter de

\*

ce dequoy elles sont accusees : & encores moins que ie veule entreprendre de vouloir faire taire des femmes, comme fit vn estrangier, qui estant à la feste d'Adonis voulut imposer silence à Gorgo & à Praxinos, dont il fut moqué, comme estoit Theocrite : qui dit qu'il y a mille inuentions pour faire parler les femmes, mais pas vne seule pour les faire taire. Si est-ce, repliqua vn de la Seree, que nature nous enseigne que les femmes ne doiuent gueres parler, & qu'elles ne parlent pas tant que les hommes : la plus part des femelles, des oiseaux, ne chantant point, & ne parlant point, ce dit Aristote : si bien que nous voyons que ceux qui acheptent des oiseaux pour parler & chanter, choisissent tousiours des males : & que la femelle du perroquet ne peut gueres estre apprinse à parler. Ce que tout le monde ne croit pas : parce qu'on ne voulut iamais permettre aux femmes d'aider à dire la Messe, & à respondre au Prestre, parce qu'il n'y eust iamais eu de fin : d'autant qu'il n'y a que cinq *Kyrie eleison*, & le prestre le commence & l'acheue, & la femme eust tousiours voulu auoir la derniere parole : & ainsi on n'eust iamais troué la fin.

Ceste Seree ne fut pas longuement continuee, personne n'osant plus parler, de peur d'estre reputé babil-lard, & tomber au vice qu'eux-mesmes reprochoient & blasmoient. Qui fut cause que ceste cy fit prendre fin, pour ceste heure, à toutes les autres : aidee en cela de l'Esté, qui les surprint, leur ostant le feu, le vin doux, & les longues nuits : sans lesquelles choses nos Serees ne peuuent estre. Que si Dieu me fait la

grace de viure iufques à ce qu'elles reuiennent en leur  
faifon, ie mettray peine de vous en faire voir encores vn  
pareil nombre, moyennant que ie fois affeuré de ne  
tomber point en la reprehention de cefte cy : craignant  
fur tout qu'on ne m'appelle babillard : mefmement  
parce que (fi Claudian dit vray) Rhadamante condamne  
les grands caufeurs à deuenir poiffons. Ce que pour  
rien ie ne voudrois m'arriuer, de peur que  
deuenu poiffon ie perde le moyen de vous  
en conter encores en mon fecond  
Liure, que ie vous prepare, fi  
ie cognois que ce premier  
vous foit agreable.

*Fin du premier Liure.*

ET NVGÆ SERIA DVCVNT.








## LES SEREES QVI SONT

contenuës en ce premier  
Liure (*fin.*)

VI. Du Poiffon	Feuillet	1
VII. Des Chiens		39
VIII. Des Cocus, & des Cornards		75
IX. Des Iuges, des Aduocats, des procès, & plaideurs		124
X. Des Medecins & de la Medecine		173
XI. Des Cheuaux, des Iumens, des Afnes, des Mules & Mulets		221
XII. Des Babillards, & des Causeurs		256












Coll



844.3

B75s

v.2



Coll

~~RECEIVED~~

844.3

B75s

v.2

**Stanford University Libraries**  
**Stanford, California**

**Return this book on or before date due.**

--	--	--

## BIBLIOTHÈQUE D'UN CURIEUX

## EN VENTE

POGGE. — Les Contes, 1 vol. (*Épuisé.*)

FERRY JULYOT. — Les Élégies de la belle fille  
lamentant sa virginité perdue, 1 vol. (*Épuisé.*)

MOLIÈRE. — Poésies diverses, 1 vol. . . . 5 fr. »

TAHUREAU. — Dialogues, 1 vol. . . . 7 » 50

OLIVIER DE MAGNY. — Les Gayetez,  
1 vol. . . . . 5 » »

## SOUS PRESSE

OLIVIER DE MAGNY. — Les Souffirs.

— — Les Odes.

— — Les Amours.

LES COMPTES DU MONDE ADVENTUREUX.

## EN PRÉPARATION

PASSERAT. — Poésies.

CHOLIÈRES. — Matinées.

BONAVENTURE DES PÉRIERS. — Contes &  
joyeux devis.

NOEL DU FAIL. — Contes d'Eutrapel.

GABRIEL CHAPPUYS. — Facétieuses journées.

MELLIN DE SAINT-GELAIS. — Poésies.

GENERAL BOOKBINDING CO.

77 145 ST 53 C05 A 2 6V 6239  
QUALITY CONTROL MARK














844.3  
B75s  
V.2

STANFORD UNIVERSITY LIBRARIES  
CECIL H. GREEN LIBRARY  
STANFORD, CALIFORNIA 94305-6004  
(415) 723-1493

All books may be recalled after 7 days

DATE DUE

F/S JUN 9 2001  
JUN 30 1995